



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



IBLIOTHECA S. J.  
Maison Saint-Augustin  
ENGHIEN

1G 304 / 304




1888

3

atio-





EPISTOLARVM  
TVRCICARVM  
VARIORVM ET DIVER-  
SORVM AVTHORVM,

LIBRI V.

IN QVIBVS EPISTOLÆ DE REBVS  
TVRCICIS SVMMORVM PONTIFICVM, IM-

PERATORVM, REGVM, PRINCIPVM, ALIORVMQVE  
mundi Procerum, iam inde à primordio regni Sara-  
cenici & Turcici vsque ad hæc nostra

*41. Ex Libris sanctæ Genovesæ Sarisfensis 1753*  
tempora leguntur.  
Vltro citroque à Christianis & Turcis aliisque exteris natio-  
bus scripta.

Opus non solum lectu iucundum & consultatio-  
ni nostrorum temporum utile, sed etiam ad cognitionem cum  
aliarum historiarum, tum potissimum de initijs, progressu  
& incrementis regni Turcici, maxime  
necessarium.

Ex recensione

NICOLAI REVSNERI LEORINI IC. CO-  
mitis Palatini Cæsarçi, & Consiliarij Saxonici.

*Cum Gratia & Privilegio Cæs. Maiest. & Electoris Saxonie.*

FRANCOFORTI AD MOENVM.

Excudebat Iohannes Collitius, Impensis Pauli Brachfeldij.

Anno M. D. XCVIII.



AD REVERENDISSIMVM  
ILLVSTRISSIMVM CELSISSIMVMQVE PRIN-  
cipem ac Dominum, D. HENRICVM IVLIVM, Epi-  
scopum Halberstadiensem, Ducem Brunsvicensem  
ac Lunæburgensem, &c.

NICOLAI REVSNERI  
Præfatio.



Vod Sol ille Regum Salomon Reges ac Principes  
manet in Proverbijis, multo & sapiente cōsilio bel-  
lum suscipi atque administrari debere, Reveren-  
dissime & Illustrissime Princeps, Domine clemē-  
tissime: id haud scio an vllō vnquam tempore  
magis fuerit necessarium: quàm hoc ipso, in quo  
nunc constituti sumus, temporis articulo: quo tam grave & diffi-  
cile bellum geritur cum immani & præpotente Turcarum ryan-  
no, hoste Christiani nominis ac perduelle generis humani perpe-  
tuo. Quippe qui post tot orbis Christiani regiones subingatas, nō  
partem aliquam Germaniæ, non provinciam, non regnum, non  
Imperium saluum & incolume occupare satagit: sed ne quod no-  
minis Christiani, ac imò etiam Christi ipsius, & fidei atque doctri-  
næ Orthodoxæ reliquum exstet; & vt in cinere patriæ, & sanguine  
vniuscuiusque nostrū ipse admodum truculente & nefarie do-  
minetur; nihil omnino intentatum relinquit. Plane igitur hoc i-  
psū tempus singulorum non modò auxilia verum etiam consi-  
lia efflagitat: hoc vnum vnicuique nostrū propositum esse de-  
bet: vt in hoc summo & extremo rerum omnium discrimine ac  
periculo, quantum in se est, non solū ope & opere ipso, verū et-  
iam ratione atque consilio: & tam arte quàm Marte; tam pectore  
quàm manu; tam prece quàm precio, fidem pietatemque suam ex-  
hibeat Reipub. Christianæ: quò tandem immanis ista vis & poten-  
tia hostis barbari funditus aboleatur, aut saltem reprimatur. Quam  
sanè ad rem confert plurimum superiorum temporum consilia, &

facta præterita in promptu & quasi munerato habere: ex quibus & de rebus præsentibus melius iudicari: & quid factu optimum sit, aut consultationi temporum nostrorum quàm maximè accom-  
modatum, rectissimè deligi queat. Etenim, auctore Plinio, quæ futura sunt, plerunque sunt paria aut similia his, quæ iam facta sunt: & vt Dionysius Halicarnassæus scribit, non aliunde melius consi-  
lii petuntur, quæ in futurum prosint: quàm ex rerum præterita-  
rum eventis atque exemplis. Atque hoc equidem consilio annis  
ab hinc duobus Selectissimarum Orationum Turcicarum aliquot  
volumina in vnum quasi corpus digesta auctoritate Imperatoriâ  
in publicum prodire volui: neque ita pridem his adiunxi Commē-  
tarios siue Sermones Sturnianos de bello adversus Turcas per-  
petuo administrando: tum vt fidei voluntatisque meæ erga Rem-  
publicam qualemcunque hanc significationem publice exhibe-  
rem: tum verò vt salutarium eiusmodi consiliorū copiam & quasi  
Sylvam, ex tot sapientissimorum hominum scriptis depromptam,  
suppeditarem ijs, qui in Republica versantur: eodemque pacto &  
memoriam ipsorum, & intelligentiam atque prudentiam adiuva-  
rem: Nam & memoria hominū per se ipsa labilis est: & ea plerunq;  
negociorum publicorū multitudo ac moles esse solet: vt non sem-  
per omnia omnibus alioqui bene cognita, cum opus est, in men-  
tem venire possint: nonnunquam etiam rectè & vtiliter ab his ex-  
cogitata aut deliberata, plus & fidei & auctoritates habeant, si ma-  
iorum scriptis eadem quoque iam olim comprobata fuisse intel-  
ligantur. Cæterū operi huic Anti Turcico, de quo dixi, ex ædificando,  
fastigiū & veluti colophonē quendā nunc impono, eiusdem argu-  
mentī præsens Op<sup>9</sup> istud, Epistolicū: in quo litera; & Epist. summorū  
Pontificum, Cæsarum, Regum, Principū, aliorumq; mundi procē-  
rum iā inde à primordio regni Saracanicæ & Turcicæ, ac in primis à  
capta Constantinopoli, diversis temporibus, vsque ad hanc ætatē  
nostram, de rebus Turcicis elucubrata legūtur: quæ & animos po-  
puli Christiani, maximè verò Regum ac Principum, ad perpetuam  
cum Christi hoste pugnam excitant atque confirmant: & simul ad  
forti-

fortiter eum debellandum, aut saltem extremum eius conatum inhibendum ac reprimendum salutaria & idonea Reipub. Christianæ consilia suppeditant. Tuz autem Clementiæ Illustrissimæ, Princeps Celsissime, operis huius Epistolici volumen primum humiliter, vt decet, submissequē in hoc tempore dedicare & quasi cōsecrare volui: non solum fama commotus laudum ac virtutum heroicarum, quæ in te Principe Optimo Maximo eminent: maxime verò præclaræ illius ac planè stupendæ doctrinæ atque sapientiæ, cum eximia pietate & fide in Deum & homines coniunctæ: quâ nullum in Principe lumen clarius & splendidius refulget, auctore Imperatore Iustiniano: sed vel præcipuè singularis erga me gratiæ & bonitatis tuæ recordatione admonitus: vt & pro animo erga me benignissimo, & pro munere amplissimo, quo me nihil tale promeritum anno superiore Cels. Tua spontè ac vltro donatum voluit, aliquo saltem modo gratum & memorem exhiberem.

Quod sanè beneficium maximum maiore aliquando opere lucubrationum compensare: & literarum monumentis, vbi occasio dabitur, prædicare atque extollere non desinam: si modò nō planè industria nostra sterilis futura est: vt fructus eius aliquis ad laudem & gloriam Excelsitatis tuæ Principalis omnino redundet: cuius patrocinio nihil mihi vel ad existimationem meam illustrius, vel ad fortunam amplius contingere potest. Interim Cels. Tuam supplex oro atque obtestor: vt opusculum hoc serena fronte, vt solet, excipere: meque clementia & bonitate suâ Principali etiam deinceps complecti non dedignetur. cui à Deo immortalis felicitatis successum precor sempiternum. Ienæ, E Leorino meo urbano. IV. Non. Februarij, natali die meo, quo annum ætatis LIII. complevi, anno salutis Christianæ M D IIC.

A 3 IN

IN OPVS ANTITVRGICVM V. CL,  
NICOLAI REVSNERI LEORINI, CO-  
mitis Palatini Cæsarei, &c.

ARNOLDI HELII MEDIOBURG.  
*Flandri Melos.*

**O**Mnia dum crudo exardescunt regna furore  
Christiadum inter se; & latè civilibus armis  
Funesti exercent populos vrbesque tumultus:  
Cognataeque acies fraterna in viscera stricto  
Enseruunt, vetitoque humectant sanguine dextras:  
Vos Galli, vos semoto sub Sole Britanni,  
Hesperij, Belgaeque truces, quos dira cupido  
Regnorum, atque auri sitis immoderata tot annos  
Detinet immersos odijs, atque invidia exest.  
Quos species tantum simulata, haud entheus ille  
Religionis amor, pietasve antiqua, fidesve  
Prisca patrum excitos studia in contraria versat:  
Vos testes, vos tantorum estis causa laborum:  
Dum Proceres hinc inde alios in vestra receptos  
Foedera, lethiferos vobiscum armatis in ausus.  
Quò vestra exsurgit rabies tandem vsque? malorum  
Ecquis erit modus, aut scelorum?  
O pronæ in vitium mentes! ò pectora dudum  
Cæca nimis! tantæne animis mortalibus iræ?  
Iam vestra auxilia, & iunctas in foedera dextras,  
Foedera, quæ à vestris longe diversa, requirit  
Pannonia incassum supplex, frustra que precatur.  
Interea instructas numerofo milite nostrum  
Cogit in exilium fallax Mahumeta phalanges:  
Moliturque viam nostra in præcordia. Nonné  
Vidimus infestis peditumque equitumque catervis  
(Horrendum dictu!) trepidantem Pannonis orbem?  
Quem contra, quamvis munitas robore turmas

**Efferat,**

Efferat, invictasque Aquilas, atque arma RVDOLPHVS  
 Ille vnus Patriæ afflictæ Pater, ille labantùm  
 Vnica spes populorum, atque ævi gloria nostri:  
 Expugnetque arces varias, ac plurima nunquam  
 Speratæ rursus pius oppida Libertati  
 Restituat; cæcoque exsultet sæpius hoste:  
 Non potis est tamen hic solus tot prælia, totque  
 Ille acies contra, & tantæ occurrere virùm vi:  
 Quin quandoque etiam nobis extorqueat armis  
 Turca potens arces, & victas occupet vrbes:  
 Dum trahit extremo innumeras secum orbe cohortes  
 Impius, & campos condenso milite inundet.  
 Iaurinum nuper, mox Agria victa fatentur,  
 Vicinæque arces, ac tot viduata colonis  
 Arva suis, fœdoque situ squallentia tecta.  
 Nec satis: instat adhuc, fessasque in prælia vires  
 Instruit: augusto excidium stragemque minatur  
 Aeternam Imperio, ac toti ferus imminet orbi.  
 Non tamen hoc Cæsar feret: ille hominumque Deorumq;  
 Auxilio fretus victo mox victor ab hoste  
 Templanovis passim spolijs onerabit, & aras.  
 Huc vos, ô Reges, vos belli fulmina, iunctas  
 Ferte manus: iam depositis, quæ noxia tantum  
 Inter vos odijs, vestrum huc convertite ferrum.  
 Hoc Cæsar velit: hoc sacri vos pagina libri,  
 Et præcepta docent: tota hoc Respublica, & omnium  
 Vna salus rogat: hoc tantorum dîa virorum  
 Consilia invictis passim rationibus vrgent:  
 Quæ vobis magno nuper sudore coëgit  
 Hinc inde in varios, scriptorum maximus, vsus.  
 REVSNER VS: cui tota parem Germania nunquam  
 Nosse virum dedit, & nunquam dabit: ille potenti  
 Ingenio immensum indefessus obambulat orbem:  
 Vt, si qua ad Patriam spectant, Patriæve salutem

Everlam.



Everfam belli tot tempestatibus, illa  
 Dives inexhausto depromens singula cornu,  
 Differat in vulgus magno congesta labore.  
 Quæ si animis capiant, & factis ritè sequantur,  
 Quos penes arbitrium est, & rerum summa potestas:  
 Deletos videas mox primâ fronte Tyrannos,  
 Exutosque armis regnisque Othomaidas, olim  
 Quæ sibi subdiderint vel vi, vel fraudibus. ô tunc  
 Quæ meta Imperium poterit, quis claudere fines  
 Christiadum latè diffusos terminus! ultra  
 Tot maria & terras iterum exoptata remotis  
 Iura dabit populis Cæsar: victorque triumphans  
 Aeternam statuet ventura in secula Pacem.

Pragæ XVI. Februarij,  
 M D III C.

EPISTO-





EPISTOLARVM TVRCICARVM.

LIBER PRIMVS.

GREGORIUS PON-  
TIFFX MAX. MAVRI-  
CIO IMPER. ROMANO S.

**P**raefectus Romanæ vrbis, cæterique cuiuscunque or-  
dinis viri mihi sunt completissimi testes: quantum ab o-  
nere gerendæ Romanæ Ecclesiæ abhorruerim, Sed & lite-  
ræ tuæ humanissimæ precesque quotidianæ me à propo-  
sito consilio deterruerunt: tantoque oneri succedere volu-  
erunt. Verum cum multa animum mihi exerceant: id  
perquàm molestum est, te paulò antè quandam legem Ec-  
clesiæ libertati aduersam ac perniciosam tulisse: quippe qui homines Ro-  
manæ militiæ adscriptos, nisi finita militia, aut mancos, aut debiles, Deo  
militare prohibueris. Idem etiam Ioannis Episcopi tui demerentiam foui-  
sti: & vniuersalem Patriarcham appellari censuisti. In tantis rerum diffi-  
cultatibus, nisi præstò mihi sit Deus Opt. Maximus, succumbam necesse  
est. Nam & legem illam diuinis rebus in primis perniciosam prorsus tol-  
lendam censeo: & Ioannem audaciæ suæ puniendum arbitror. Quod verò  
ad mutuam pacem pertinet: ego ita illam probaui, vt nihil illa potius aut  
antiquius iudicauerim. Sed erit prudentiæ amplitudinis tuæ, eum ab er-  
rore reuocare, legesque impias abrogare. Quod si feceris, tibi velim per-  
suadeas, dignitatem, Imperium, resque tuas omnes Deo Opt. Max. curæ  
futuras. Vale. Rom.

MAVRICIVS IMP. GREGORIO RO-  
mano Pontifici.

**S**ed tandem animaduerti, me à recta viuendi ratione ad deteriora pro-  
lapsum. Nam & tam multa portenta Deum Opt. Max. mihi insensum  
significant: vt dies & noctes perniciem clademque mihi instare plane vi-  
deam.

B

deam. Sed quando vnus istantum pœnitentiz locus superest : oro te reliquosque viros Deo addictos & charos : vt irata mihi numina precibus vestris mitiora efficiatis : meq; ad sinum matris Ecclesiæ redcuntem excipiat. Confido. n. fore, si me amicè more maiorum , complecti veltis ; vt uz incommoda Romana vrbs ipsaque Ecclesia per nos, passa est, maximis officijs aucta instaurari, excitari cumularique possit. Vale. Constantinopoli.

## HERACLIVS. IMP. CONSTANTINO

*Filio Imp.*

**C**Um primùm mihi nunciatum est, Persas vnà cum Cosdroæ Rege Azotici se continere : ed cum legionibus contendì : qui copiarum nostrarum adventum sentiens in Perlidem fugit : exultis primum segetibus, quæ tunc flavescebant. Is Sarabacum & Sarabassem, Duces impigros reliquit, qui nostrorum imperium sustinerent. Quo cognito magnis itineribus superato Tauro monte, Sarabacum, qui Saroz amnem occupâret, fugavi : Saim deinde cum maioribus copijs obvium habui : cum quo prælio totum diem varia fortuna dimicavi, ac demum victore vasi : adhuc Razatetem cum omnibus Persarum visibus oppugnavi : viginti septem signa militaria abstuli : Ducem denique ipsum interemi. Hæc te certiores fecitum, vt scires tibi cum imperio multam gloriam comparari : tum etiam vt honestas pacis conditiones hosti negandas nunquàm putes. Vale.

## HERACLIVS IMP. SEVERINO PONTIFICI ROM.

*tifici Rom.*

**M**axima molestia me affecerunt literæ tuæ, quibus Isaciū Exarchum nostrum accusabas : quod Lateranense templum exspoliaverit : prædam Ravennam detulerit : mihiq; optimam spoliū partem etiam adjudicaverit. Ego sanè vt imperatorem Christianum decebat, virum sacrilegium odi : Deumque obtestor me nihil planè rerum sacrarum aut cepisse, aut capi voluisse : daturumque operam, vt Isaciū sceleris sui pœniteat : quandoquidem nihil est, quod animum meum magis, quam res sacras moveat. Vix credas, quàm acerbis mihi nunciis fuerit Mahometis nuper inuenta religio : qua affecti Saraceni, qui mihi ex Arabia militabant, in Syriam secessere : Phœnicem, Syriam, Aegyptumque occupavêre. Arabes. n. omnes Mahometi legem susceperunt : Persarumque regnum opulentissimum, cæso Rege Armisda, invaserunt : eoq; periculo ventum est, vt tantis viribus nullus exercitus

citus occurrere tutò possit. Quare abs te etiam atque etiam peto : vt rem Christianam multis pijs precibus Deo commendes : meque tibi deuotissimum putes. Vale, Constantinopoli.

## CONSTANTINVS IMP. BENEDICTO II.

*Rom. Pont.*

**C**VM vsu receptum esset , vt nullus Romanus Pontifex ritè electus diceretur : nisi à nobis vel ex Archo nostro ratum firmumque haberetur : nos animaduertentes , id minus piè ac commodè fieri consueuisse : nihilque exinde religioni sacrisque rebus emolumenti nasci : placuit nobis deinceps : quem sacerdotes exercitusque Romanus in Pontificem delegerint eundem statim verum Christi vicarium , nulla expectata nominis nostri auctoritate , iudicari. Tu verò , beatissime Pater , quæ ad amplitudinem Christianæ Reipub. pertinent , ita geras , vt peruersis hominum moribus cura diligentiaque tua succurratur , Vale. Constantinopoli.

## IOANNES VI. ROM. PONT. GISVLPHO

*Duci Beneuentano.*

**P**ROXIMIS ferè diebus , Romani exercitus ac Exarchi dissidijs fretus , Campaniam inuasisti : Sporam & Arpinum occupasti : villas incendiasti : rusticos & pecora abegisti. Quæ cum primùm intelleximus : tanta admiratione affecti sumus , vt etiam dubitauerimus : nunquid tantum cladis à Christiano Principe in Christianos innocentissimos , vel potius in ipsam Romanam Ecclesiam excogitari potuisset. His adducti sumus , vt ad te Legatos cum literis mitteremus : Idque omnibus te certiolem faceremus : mandantes tibi , vt quàm primum , ommissis Campaniæ & Herunicorum oppidis , in Samnium redeas. Quod si secus feceris , iussaque nostra aspernatus fueris : scias breui futurum , vt Deo Opt. Max. , cuius res agitur , pro illatas sibi iniuria pœnas daturum. Vale. Rom.

## BEDA SACERDOS, CAROLO MARTELLO GALLIA-

*rum Regi ac ceteris Regulis.*

**D**VM bellum geritur inter Christianos acerrimum : tota Europa primum eversa est : Saraceni occupata Libya atque Africa ex Septa solvètes , omnes Hispanias , præter Astures & Catabros , occupauère. Africa igitur , quæ à Belisario egregio Duce recepta de hostib⁹ fuerat , c. lxx. añs Rom. Imp. paruit : ea demù à Saracenis cum Bæthrica Hispania nunc capta : eorū

B 2 moribus

moribus, ac legibus, cum maxima Christiani nominis ignominia, obtēperat. Quid egregium magis, quid præstantius fieri aut excogitari potuit quam aduersus Dei hostes arma capessere? Quid meruere Sueui? quid Germani homines? quid reliqui Christiani nominis viri, quos tot cladi-bus affecistis? Adsunt propè, imminet ceruicibus Saraceni qui vni- uerso terrarum orbi iugum minitantur:

Hic regna pulcherrima: opulentissimæ vrbes: opima spolia: præ- mia victoriæ vos morantur: sed in primis incomparabilis gloria, ac merces penes Christum saluatorem nostrum: qui ad hoc facinus pium multis oc- cultis apertisque acclamationibus vos hortatur ac impellit. Valete.

CAROLVS MARTELLVS EVDONÆ

*Aquitania Duci.*

**N**Vllus est qui nesciat, quantis periculis rei Christianæ Saraceni Hispaniam inuaserit, in Galliamque euocati sint. Quod cum nulla ratione ferendum censuissem: comparato exercitu, prope Turonem eorum copias profligavi. Tanta autem hostium cædes facta est: ut trecenta sexaginta millia hominum cæsa sint: ex nostris verò mille tantum desiderati fuerint. Quæ cum ita sint; erunt partes tuæ, Christianam Gallicamque gloriam, quam maximè poteris tueri, delereque illam labem, quam eorum aduentu contraxisti. Ferunt enim Saracenos nuper abs te in Galliam euocatos. Quod si paribus auspicijs gloriæ Gallici nominis studueris: exinde tantum ornamenti ac dignitatis tibi comparabis: quantum dedecoris ex hac graui suspicione contraxisti. Illud te demum hortor ac moneo: ut habita dignitatis tuæ ratione, malis me amicum, quam hostem experiri. Vale.

GREGORIUS II. ROMAN. PONTIF.

*Leoni I. I. Imp.*

**S**Epenumero per legatos ac literas te monui & hortatus sum: ut aliquando resipisceres, atque à comburendis imaginibus abstineres. Sed tantum abest, ut monitis nostris obtemperaueris: ut etiam innumerabiles viros ac innocentissimos ultimo supplicio affeceris: quod Roman. Ecclesiæ ritus & sacras Sanctorum imagines venerarentur. Quo autem animi mœrore hæc acceperimus: te si nunquam satis pro dignitate enarrare possum: cum dolore ac ægritudine animi id minimè conari queam. Illud tamen adhuc te monitum velim: ut, si nulla alia ratio ad ferendas Diuorum imagines te mouet, saltem id meminisse velis: illorum memoria ac pia recordatione homines ad virtutem imitationemque excitari: quæ in quibusdam minus eruditis hominum tantum virum habent: ut plurimi ad bene beateque viuendum ijs exemplis adducti inflammatique fuerint. Atego non vercor, ne te aliquando consilij tui poeniteat: si puram simplici-

cemque Christi sapientiam indueris; idque cogitaris quod sæpenu-  
 mero vſuuenire ſolet; quod quicunque conſilijs doctrinaque ſua nituntur, in  
 profundiffima errorum proni præcipitesque aguntur. Reſpiceſas tan-  
 dem Auguſte. Hoc te tota Italia rogat: hoc maxima rerum Roma: hoc de-  
 nique totus terrarum orbis: qui ſub Imperatore minus rectè ſentiente ſa-  
 lutis aleam jactat. Quid præterea dicam, prorsus nescio: ipſe Deus Optim.  
 Max. qui nouit occulta cordium, te tandem ad veram pietatem ab impio  
 & nefario dogmate auertat. Vale.

GREGORIUS III. ROM. PONT. CAROLO

*Regi Gallia.*

**N**Vllis rationibus adduci potuit Leo Imperator: vt ab impietate ad ſa-  
 nam doctrinam auocaretur: licet literarum multarum officiis ac nū-  
 cijs sæpenumero excitus fuerit. Ex quo factum eſt, vt vno omnium con-  
 ſenſu & Imperio, & fidelium communione priuantur. Id verò cum pri-  
 mum reſciuit Luitprandus Longobardorum Rex; augendi regni cupid-  
 itate ductus, urbem Romam obſidere cœpit: oppida, quæ vrbi parebant,  
 inuaſit: ac propediem Italicis Imperij ſcep-  
 tris potiturus, niſi quis obſiſtat, videtur. Nihil eſt quod à Leone Romanæ Eccleſiæ hoſte inſenſiſſimo,  
 diuquæ ac grauiter à Saracenis obſeſſo, auxilia exſpectemus. Superceſſigi-  
 tur, vt copiarum tuarum virtute obſidionem noſtram ſolui ſperemus.  
 Nam & rerum geſtarum gloria maxime præſtas; & de Chriſtiana Republ.  
 bene meritus es: tanta etiam cum Luitprando tibi neceſſitudo intercedit:  
 vt nullo labore, vnicoque nuncio ab hac præclariffima urbe cladem omnē  
 auertere poſſis. Quod vt facias, te etiam atque etiam rogamus: pollice-  
 murque tantum te gloriæ tibi adepturum: quantum Romana vrbs Eccle-  
 ſiaque Sacroſancta, ampliſſima omnia anteceſſit: adhæc & præmia nun-  
 quam interitura exſpectare debes. Vale.

GREGORIUS III. ROM. PONT.

*Conſtantino Imp.*

**M**Aximo ſtudio curaque operam dedi, vt pacata omnia Italiæ loca tue-  
 rer. Quod vt mihi ex ſententia eueniret Hæſtupulphum Longo-  
 bardorum regem largitionibus & quacunq; ratione potui, ad pacem qua-  
 draginta annorum excitari. Sed & hac inita, & mox violata, Rex impius  
 diuina humanaque omnia permiscuit, nam & ſingulis Pop. Romani cæte-  
 riſque hominum ſingulos aureos nummorum in capite collatos ſibi tri-  
 butum pendere decreuit: vniuerſa hoſtiliter inuaſit: Ravennam & alias  
 vrbes, quæ intactæ fuerant, vi cœpit: tantosque ſpiritus gerit; vt animi  
 magnitudine imperium totius Italiæ concipiat. Qui niſi virtute tua, co-  
 piarumque tuarum robore cohibeatur ac frangatur: nihil eſt cur omnia  
 grauiffima à rectore hoſte non timeamus. Quare abs te peto maiorum

B 3 in

in modum, vt Imperij gloriam, & Ecclesiæ dignitatem quàm maximè tueri velis. Hoc Deo, hoc hominibus gratius facere nihil potes, Vale. Romæ.

GREGORIUS III. ROM. PONT. PIPINO

*Francorum Regi.*

SÆpe per literas nunciosque petij, ab Imperatore Constantino: vt Romanam urbem atque adeo Italos omnes è manibus Haisulphi Regis vindicaret: qui cum Romanis omnibus necem, cruciatus excidiumque in terminari soleat: propediem futurum est, vt de omnium salute desperemus. Defunt nobis legiones domi, consilium, pecuniz: hoc tantum nobis superest: vt abs te Christiano inuictoque Rege præsidia expectemus: cuius pietas, magnitudo animi, militarisque disciplina ea est: vt faciliè nobis pacem, tibi victoriam, gloriam, omniaque imperia aliquando pariant. Ergò vt primo quoque tempore laboranti vrbi Italixque accurras, & precibus, & lachrymis abs te petimus. Vale. Romæ.

PIPINVS FRANCORVM REX GREGO-

*rio III. Rom. Pont.*

Cùm salus tua Romanæque vrbs agatur: quæ non sine scelere Imperatoris negligi videtur; optimum apprimeque necessarium visum est: vt dum militum delectus habetur, eaque parantur, quæ ad conficiendum bellum opportuna sunt, iniuriæ hostium te subtrahas: & ad nos in Galliam quàm primum contendas, habes delectos viros, quibus cum tuto ad nos accedas. Totam rem maturius coràm agemus. Hoc nobis facere gratius nihil potes: cognoscesque nullum te mihi chariorem. Vale.

GREGORIUS III. PONT. MAX. VRSO

*Duci Venatorum.*

QVia Pacato fauente Rauennatum ciuitas, quæ multarum exstat caput Ecclesiarum, à nefanda gente Longobardorum capta est: & filius noster eximius Dominus Exarchus apud Venetias, vt cognouimus, moratur, debeat nobilitas tua ei adhærere: & cum ea nostra vice pariter decretare: vt ad pristinum statum sanctæ Reipub. Imperiali seruitio dominorum filiorumque nostrorum Leonis & Constantini, magnorum Imperatorum, ipsa reuocetur Rauennatum ciuitas; Zelo & amore sanctæ fidei nostræ. Deus te incolumem custodiat, Doctissime Fili. Roma.

NICEPHORVS IMP. BYZANTINVS AARONI

*summo Persarum & Arabum Calysæ.*

CVR tam iniuste, nulla à me iniuria lacessitus mihi bellum inferas:

aut

aut quo impulsore id facias, non video: nisi fortasse, quod cædibus & rapi-  
na gaudes. Nam te id religionis causa facere, causari non potes: cùm Mu-  
amedes vates tuus; Chiltianos omnes fratrum loco vos habere iubeat.  
An existimas Deum Opt. Max. omnium rerum opificem, astrorum-  
que curam gerentem mortalium, quos ipse ad imaginem sui creavit, san-  
guine iniuste fuso delectari? Absit hoc: neque n. huiusmodi piacula illi  
exhibere vos iussit Muamedes vester. An fortasse argenti, auri, aliarum-  
que rerum inopia cõpulsus alienas prouincias invadis? Atqui cùm earum re-  
rum nos egentes simus, preciosissima quæque & paratu difficilia apud nos  
in magna copia sunt. Quin si qua re nostra opus habes, amice petes: &  
nos eam ibi illico amanter exhibebimus. Si genus humanum, & morta-  
lia contemnis arma: scito Deum esse memorem fandi atque nefandi.  
Cùm. n. mortales simus: non decet nos mortalia odia inter nos ipsos ex-  
ercere: in eaque Dæmonem imitari: qui perpetuum gerit cum genere hu-  
mano bellum, Vale.

MAMVMVS CALYFA ET IMPERATOR SYRIÆ ET ARABIÆ,  
*Leoni Philosofo Byzantino.*

**V**ex fructu arbori iudicatur: sic nos ex discipulo. (*Mathematico tunc à  
Saracenis capto*) præceptorem cognovimus. Ergo tu, qui tanta re-  
rum ornatus scientia, ignotus tuis ciuibus, nullum sapientiz fructum per-  
cipis: ne dedigneris ad nos venire, tuæque nos doctrinæ participes face-  
re. Quod si feceris: omne Saracenicum genus tibi colla submittet:  
ijsque divitijs & donis cumulaberis, quibus nemo vnquam hominum,  
Vale.

MAMVMVS CALYPHA SYRIÆ, MICHAELI  
*Imp. Byzantino.*

**S**tatuera, ut candidum amicum decet, ipse ad te venire, Sed cum à  
Deo, cuius summa est potestas, mihi commissum Imperium, popu-  
lusque subditus ferocissimus id non concedant: peto, ut Leonem, vi-  
rum philosophia alijsque scientijs præstantem, quem habes, ad me mit-  
tas: quò exiguum tempus mecum degens; suæ me doctrinæ, cuius a-  
more flagro, participem faciat. Neque ob religionis & gentis diuer-  
sitate hoc differas: sed mecum amice agas rogo. Quod sic præsti-  
teris: tibi mille auri pondo dabimus: pacemque; & fœdus perenne tecum  
inibimus. Vale.

OTHO MAGNVS REX ET IMPERAT,  
*Ducibus Saxonie*

Nos



**N**Os Deo beneiuuante valemus, omniaque prospere agimus, Constantinopolitani regis homines dignitate insignes ad nos veniunt, pacem, vt audimus, petiuri. Quoquomodo res agatur; bello, Deo propicio nos non tentabunt. Apuliam & Calabriam prouincias, quas a Ithuce tenere, nisi inter nos conuenerit, dabunt. Si verò voluntati nostra morem gerent: præsenti æstate coniungem cum Othone nostro in Franciam deducentes, per Fraxinetum ad delendos Saracenos ingrediemur, atque ad vos veniemus. Datum in Campania iuxta Capuam, XV. Kal. Februar. anno Christi 968.

SIMON PATRIARCHA HIEROSOLYMITANVS PONT. ROMANO, Regibus & Ducibus Christianis,

**S**anctæ vrbis ciues, ac Christi conterranei, quotidie perferimus ea, quæ supremis tantum diebus mortalitatis suæ Christus Rex noster semel passus est: pulsamur, cædimur: quotidie aliquis nostrum fustibus, securi, cruce mactatur. E ciuitate in ciuitatem refugeremus ad extremos terrarum fines: è mediaque terra, vbi salutem nostram operatus est Seruator noster commigraremus; inopem, profugam, vagamque vitam acturi: nisi nefas esset, terram nascente, docente, moriente, resurgente, cælum repetente Domino sacram, cultoribus sacerdotibusque orbam esse: priusque non superesse, qui martyrium mortemque perferant; quam desint, qui inferant: necesse qui pro Christo veluti in bello mori velint cum sint qui oppugnandi finem non faciunt. Hæc nos patimur, miserrime quidem: Sed fuit cum maiores nostri nihil tale sibi posterisque suis timerent. Nunc forsitan sine metus suspicione degunt Occidentis Christiana regna: Sed exempla testificationeq; nostra permoueantur. Indies Turcarum vires augentur, nostrorum imminuuntur: novorum in super imperiorum accessio illis spiritus addit: orbem terrarum spe amplectuntur, Ferociora validioraq; sunt Turcarum, quàm Saracenorum fuerint, arma: consilia etiam callidiora, cæpta audaciora, & conatus maiores, & exitus secundiores. Vtramque tamen Romam tentarunt Saraceni: Byzantium obsedere: ac Italiæ non modo oram maritimam, sed & mediterranea evastarunt. En? cur regna Occidentis se in tuto locata, & extra aleam posita confidunt: cum orbis terrarum arcus in periculo fuerint? Quid sibi sponlebit reliquum nomen Christianum: cum sedes Christi, religionis specula Hierosolyma oppugnata, capta, triumphata, edomita, servata, elocata sit? cum ex Christiana professione tenues ex sanguisq; ac parua reliquia supersint, si quidem veteri corpori suo conferantur? Terra hæc, quæ quotidie sanguine nostro perfunditur, sanguis ipse susus vindicem quærit. Vestram opem,

opem, misericordiam, fidem, religionem imploramus supplices, Beatissime Pater, Reges, ac Duces proceresq; , non nominetantum professionisque voce, sed armis Christiani, Antequam tempestas in vostonet: antequam fulminet: auertite à vobis liberisque vestris procellam imminentem: defendite supplices vestros: vindicate religionē ab impia nefarq; : & seruitute Terras beneficio vestro demerebimini: nomen & cœlesti in sempiternitatem, & in præsentia terrestribus regnis virtutē vestram remunerabitur, cuius sacrum solum ab interna rabie defenderitis.

VRBANVS EPISCOPVS, SERVVS SERVORVM DEI, ROGERIO  
Comiti Calabriae & Sicilia, Christianorum adiutori.

**Q**uia propter prudentiam tuam, supernæ Maiestatis dignatio te multis triumphis & honoribus exaltavit: & probitas tua in Saracenorum finibus ecclesiam Dei plurimum dilatauit: & sanctæ sedi Apostolicæ deuotam multis modis semper exhibuit: nos in specialem atq; charissimum filium eiusdem vniuersalis matris Ecclesiæ te assumpsimus, Idcirco de tuæ probitatis sinceritate plurimum confidentes: Sicut verbis promissimus: ita literarum auctoritate firmamus: quod omni vitæ tuæ tempore, vel filij tui Simonis, aut alterius, qui legitimus tuus hæres extiterit, nullum in terra potestatis vestræ, præter voluntatem aut consilium vestrum, Legatum Romanæ Ecclesiæ statuemus. Quinimò quæ per Legatum acturi sumus: per vestram industriam Legati vice cohiberi volumus: quando ad vos ex latere nostro mittemus ad salutem sanctarum Ecclesiarum: quæ sub vestra potestate consistunt: & ad honorem beati Petri, sanctæque eius sedis Apostolicæ, cui deuotè hætenus obedisti: quamque in necessitatibus suis strenuè & fideliter adiunxisti. Si verò celebrabitur concilium: & tibi mandavero, quatenus Episcopus & Abbates tuæ terræ mihi mittas: quot & quos volueris mihi mittas: alios vero ad seruitutē Ecclesiarum tuarum retineas. Omnipotens Deus actus tuos in beneplacito suo dirigat: & te à peccatis absolutum, in vitam æternam dirigat. Datum Salerni, per manus Ioannis S. Rom. Ecclesiæ Diaconi Cardinalis, III. Non. Iulij. indiēt. VII. anno Pontificatus nostri vndecimo.

VRBANVS II. ROM. PONT. ALEXIO  
Constantinop. Imp.

**C**um statutum fuisset ad Clarum Montem Alvernæ: vt communibus auspicijs bellum aduersus Saracenos gereretur; tanta hominū multitudo cruce signata est: vt ad trecenta hominum millia censita fuerint: Ducum autem fortissimorum tantus ardor; vt de recuperanda Hierosolyma multum sperare debeamus. Primus omnium Petrus Eremita innumeralibus se Ducem præbuit: cui Gottfredus, Eustachius, & Balduinus fra-

C tres.

tres Bullionij Comites te addiderunt: maiores etiam copias paraverunt. Hinc Podiensis Episcopus belli Dux, & Raymundus Sancti Egidij Comes: inde Vgo magnus, Philippi Francorum Regis frater, & Robertus Northmanniæ, ac alter Robertus Flandriæ, & Stephanus Cornelij Comites. Quid dicam de Boemundo ipso, qui ingentis animi magnitudine ijs se Comitum adiunxit cum septem millibus electæ iuventutis Italiæ: relicta fratri rerum omnium cura, quo cum diu bello contenderat? Ad hos belli maximos apparatus vnum illud est in primis necessarium vt tuo præsidio comiteatuque tantæ copię iuentus. Quare abs te peto maiorem in modum: vt quibuscunque rebus poteris, iustissimo bello gloriosoque faveas. Illud autem tametsi non dubitem abs te curatum iri, volui tamen te per litteras nostras scire: id mihi & vniuersæ Christianæ Reipub. iucundissimum fore. Vale. Romæ.

GODEFRIDVS DVX LOTHARINGORVM

*& ceteri comprimores Gallia, Calomano Regi Vngarorum,*

**M**irantur Domini & Principes nostri: cum Christianæ professionis sitis: cur tam crudeli martyrio exercitum Dei viventis interemistis: terram verò & regnum pertransire interdixistis & varijs calumnijs eos affecistis. Quapropter nunc timore & dubitatione concussi Tollenburgi moram facere decreverunt: donec ex ore Regis intelligant: cur tam crudele facinus à Christianis, persecutoribus Christianorum commissum sit.

CALOMANVS REX GODEFRIDO DVCI

*& orantibus Christianis.*

**S**alutem & dilectionem sine simulatione. Audiuimus de te: quia vir potens & princeps tuus sis in terra: & fidelis inventus ab vniuersis, qui te noverunt. Idcirco te semper diligens, ex sola bona fama, nunc te videre & agnoscere optavi: & exinde consilium accepi: vt descendas ad nos in castellum Cyperû, sine opinione alicuius periculi: & vtraque ripa paludis residentes; totum colloquium teneamus de omnibus; quæ à nobis requiriss: & quorum nos reos arbitraris.

ALEXIVS IMP. CONSTANTINOP. REGNI GRÆCORVM Godefrido Duci.

**R**ogo te, Dux Christianissime, quatenus regnum & terras meas, quas ingressus es, gentem tuam vastare & de prædari non patiaris: sed emendilicentiam obtineas: & sic omnia sufficienter ex nostro imperio emenda & vendenda tui reperiant.

BOEMVNDVS ROGERIO NORTHMANNO FRATRI.

**P**osteaquam Niczam urbem per deditionem accepimus: copię comiteatus

meat' inopia in duo diuisa sunt. Erat inde nobis iter per inculta & deserta loca: deum cum ad flumen quoddam devenissemus; opportunitate loci aquari & instaurari exercitus coepit. Vix datum fuerat momentum temporis quieti: cum Saraceni vnà cum Solymano principe innumerabilibus copijs castra invadunt. Pugnatum est aliquantisper nostro aliquo incommodo: cum Godofredus & Vdo Bullionij fratres quadraginta millibus equitum opem tulerunt. Magna cædes edita est hostium: videre erat strues & montes Saracenorum; qui maxima ex parte deleti sunt. Fuere in castris hostium Medi, Syri, Chaldaei, Turcæ, Saraceni, Arabes: quorum spiritus compressi sunt. Nos hac satis insigni victorja futurum speramus: vt Christianorum armis omnia cedant. Tancredus filius tibi plurimam salutem dicit. Vale. in castris.

## PRINCEPS HASART, GODEFREDO MAGNO

*Principi ac Duci Christianorum.*

**S**alutem & omne quod melius optari potest. Consilio nostrorum ad te direximus, pacem & concordiam inter nos componere: fidem & amicitiam statuere: atq; ad omnem bellicam necessitatem arma nostra esse communia. Comperimus enim, quomodo vir & princeps poteris es viribus: & quod auxilium ferre vales tibi confœderatis & nulla levitate à fidei tuæ vinculo poteris resolui. Vnde præ omnibus te elegimus: te convenimus opem à te quaerimus: fœdus percutimus: fiducia hac, quæ certus fidei nostræ semper habearis. Brodoan nobis factus inimicus, Turcorum vndiq; contraxit auxilia: brevi ad præsidium nostrum Hasart cum magna virtute & copioso exercitu perventurus. Cui non in alio auxilio Turcorum principum occurrere & resistere: sed in manu tua; si credere mihi & succurrere non recuses. Vale.

*Eidem.*

**N**on decet vos, qui estis columnæ & ductores Christiani exercitus; vt vos fratres con Christianos auxilij vestri immunes relinquatis: occasionem falsam adversum nos sumentis: cum adhuc in nulla angustia vel necessitate vobis defuerimus: sed semper in via hac etiam pro vobis mori parati fuerimus. Credite procul dubio, quod, si hodie remanseritis: nec opem nobis ad id negotium tuleritis: hostes vestri erimus: nec ad vllam causam, ad vos pertinentem, vltra pes nobis movebitur. Vale.

## SOLYMANVS DONIMANO PRIN-

*cipi Mixandra.*

**D**onimane, frater & fili de gente Turcorum: nunc vsque vir & illustis & acceptus Regi & omni regno Turcorum fuisti in bellis & victorijs, quas gessisti.

C 2

Sed

Sed (ecce.) nomen tuum vehementer imminutum est: & nunc apud Regem Corozan, & vniuersam gētem tuam, plurimam viliuisti, exosus omnibus factus: eò quòd Bœmundum tam leuiter redimi permilisti: & consilium nostrum in hac conventionē & redemptione pro nihilo habuisti. Verum si id flagitium commutare volueris; Regis quē iram & maiorem Corozan placare eundem Bœmundum, quem præ omnibus Christianis magis spectum habemus, in locum, quem signa vero, quasi ad auxilium inuitabis: & tunc positus insidijs nostris subito circumventus capietur. Alioqui scias, te nunquam Regis gratiam recuperare, & effugere manus, adq; indignationem Turcarum posse.

TANCREDV8 BOEMVND0 PRINCIPI ANTIOCHIAE  
à Deo Constituto, avunculo.

**E**X quo à nobis recessisti: & me tutorem ac defensorem ciuitatis Rohas, loco fidelis fratris nostri Baldvini, præfecisti: Geigremich & Sochomanus, readunatis viribus & copijs suis, repētina obsidione ciuitatem Rohas & muros eius occuparunt: vt expugnatīs turribus & mœnibus, cives trucidantes, urbem expolient: me, sicut Baldvinum, captum tenentes, in barbaras nationes abducant. Quapropter charitatem tuam, quam semper erga fideles Christi habuisti, considerantes: tribulationes nostras & pericula, in quibus sumus, tibi nota facere decreuimus: quatenus mala & angustias nostras intelligens, citius accitis socijs & amicis ab Antiochia & cæteris locis, festinatò ad subueniendum nobis obsessis & oppressis viam insistas: Turcarum minas & iactantiam minuas: & in nomine Christi à præsentī obsidione repellas. Considerare. n. te oportet; quod in hac terra peregrinationis pauci sumus: & ideo nullius consilij causa est: vt facile vllò tædio laborum aut bellorum aduersus hostes deficiamus: qui omni cura & studio invigilant: vt nos expugnent & deleant: sed opportunè & importunè, alter alterius onera semper portantes, vnum sustineamus: in vno proficiamus: aduersa & prospera toleranda. Si autem nos pigritia ceperit; aut aliquid indignationis tardaverit; vel negligentes ad confratrum auxilium effecerit: nihil vtilius, super hoc prospicio: quam vt à terra exeamus: & hostibus sine intermissione insurgentibus cedamus. Nam liquidò patet. cum pauci simus: si diuisi & tædio affecti defecerimus: vivere & stare ante virtutem inimicorum nequeamus. Vale.

BOEMVNDVS ROBERIO NORT-  
mano Fratri.

**Q**Væ à militibus nostris præclare ad murasim gesta sunt intellexisti: verum vbi locorum nunc sumus, quæque à nobis gerantur, te cerciorē facere optimum duximus proximis diebus, ad urbem Antiochiam castra

castra posuimus, obsidionemque æpimus. Ea vrbs omnium opulentissima à Castrano Rege detinetur; egregieque à ciuibus defenditur. Duplici muro circumdatur: interiori lateritio: exteriori quadrati lapidis. Quadringenta & Sexaginta turres insunt: colles quatuor includuntur in quorum celsioris cacumine ad Orientem vergentis, arx natura loci à deo munita est: vt omnis conatus & omnia oppugnantium opera ingentia facile frustrentur. Fluminibus fontibusque irrigua; & agro fertili, vicinoque lacu dives. Recedit à mari Cilicio passuum XII. millibus. Fanfar fluvius partum efficit satis amplum: Ad Septentrionem mons est excelsus, qui Græca significatione fontium amænitate Hero dicitur. Ad Orientalem plagam campestris latissima regio; quam Fanfar prope mænia irrigat. Hæc Vrbs mille annis sub Christiano imperio iam pridem floruerat; centum quinquaginta tres Episcopi sub Antiocheno patriarcha fuerunt: in ipsa autem vrbe trecentæ sexaginta sex Ecclesiæ. Quibus quanta qualisque vrbs sit; quantæque accessiones Christiano nōmini huius oppugnatione fient; facile pro tua prudentia iudicabis: Tametsi verò vrbs munitissima videtur; tanta tamen militum nostrorum virtus pertinaciaque tanta est; vt prope diem de victoria certum numerū expectare te velim. Tenacredus filius bene Valet. Vale, Ex castris ad Antiochiam anno Christi 1197. primo Nouēbris: quo cæpta est obsideri Antiochia.

BOEMVNDVS ROGERIO NORTH-  
MANNO.

**A**Rbitror, te Tancredi filij literis cognouisse & quorundam trepidationem & prælia, quæ maxima cum gloria paulò ante gessimus. At de inducijs, deque toto negotio confecto, malo te ex meis, quàm ex aliorum literis certiores fieri. Petierat inducias cassianus Rex; quibus militibus absque ullo metu tutissimus in urbem aditus erat: quousque vollo Gallico milite ab hostibus cæso fœdera rupta fuerunt. Dum autem oppugnandæ vrbs negotium difficile satis videretur; Pyrchus quidem Antiochenus ciuis pōtens, mihi apprimè propensus de dedenda vrbe mecum sermonē habuit: ea tamen ratione, vt pēnes me, cui plurimum fidebat, Imperium vrbs esset. Egi totum negotium cum ducibus & proceribus; facileq; communi omnium consilio mihi adiudicari urbem obtinui. Exercitus per apertam à Pyrcho portam ingressus, urbem capit: Per eos etiam dies Aretū oppidum aliquo nostro incommodo, salutisq; pericūlo, ob vulnus acceptum, oppugnatum est. Multa tibi de Tancredi filij virtute polliceor: quæ tanti ipse facio; tanti exercitus totus; quanti fortissimus Dux & optimus imperator fieri solet. Vale.

C 3 Tancred.

## TANCERTVS NORTMANNVS,

*Rogero patri.*

**P**ost captam Antiochiam, cum primum Senfadolus regis filius cum maximis persarum copijs accurrit, & per arcem quæ adhuc hostium erat, urbem invasit, pugnatum est in vrbe varia fortuna. Deinde legiones nostræ in latos campos egressæ sunt; ibique contentione, ardoreque prælium gestum est: ut centum millia hominum cæsa fuerint; quindecim millia camelorum capta: spolia ditissima recepta, & annonæ maxima vis eadem ipsa die arx deditione fecit, & Boemundo tradita fuit. Hac insigni victoria perculsi hostes, remotissima loca accesserunt, tandem egregia militum virtute vno eodemque tempore fauces, hostes, arx, omniaque devicta sunt. De reliquis nihil est, quod non optimè speremus. Boemundus plurimam tibi salutem dicit. Vale.

## GOTFREDVS BVLIONIVS, BOEMVNDV

*Antiochia Regi.*

**M**aximis itineribus, captis primum aliquot oppidis, Hierosolymam venimus, quæ vrbs arduis montibus circumdatur; fluminibus caret & fontibus; excepto vnicò Solemanni, eo quæ tenui, multæ insunt cisternæ, ubi asseruantur aquæ, & in vrbe, & in agro. Hinc Arabes, Moabitar, & Amonitar Orientales sunt: Idumæi, Egyptij & philistæi, meridionales: maritimæ civitates Ptolomais, Tyrus & Tripolis, Occidentales: Tiberias, cæsarea Philippi, regio Decapoleos & Damalcus septentrionales. Ego in oppugnatione vrbis, partem muri, quæ mihi obtigerat, primus ascendi, & Balduinum in urbem descendere iussi, qui cæsis aliquot hostium cohortibus, portas perfregit, & Christianos admisit. Raimundus Turrim Davidis cum preciosissima gaza per deditionem accepit. Ad Solomonis templum ventum est, ibi parata fuit pugna: tantaque hostium cædes; ut cæsorū cruor nostrorum talos superaret: nocte adventare superiora templi expugnare non potuimus. At altera die ciuibus miserabili voce pacem acclamantibus data; atque ita vrbs Hierosolyma à nobis idibus Iulij capta est, anno salutis nostræ, 1099. Die 39. post captam obsidionem; quæ annis fuit 499. post quam sub Heraclio Saracenis cesserat, Ad hæc me etiam reluctanter summo omnium consensu Hierosolymæ regem acclamauere; qui tamen tantum regnum horrescam, veruntamen dabo operam; ut me Christianum Regem, deque fide publica optimè meritum facile agnoscant. Tu autem me, quod facis, ama;

Vale.

Tan-

TANCREDVS NORTMANVS RO-  
gerio Patri.

Cum plane sciam de te nobis magnopere laborare, cursumque rerum nostrarum felicissimo lætari: nihil mihi potius vnquam duxi, quam te de omnibus primum certiore facere. Capta vrbe Hierosolyma, nunciatur nobis; Solymannum Babyloniz regem cum magnis copijs Ascalone confedisse; quæ vrbs viginti quinque millibus passuum ab Hierosolymis distat. Godfredus hostibus occurrere statuit; quem ego duabus legionibus, Eustachiusque secuti sumus primum ex captiuis didicimus; Clementem Solimanni ducem quingentis millibus hominum nobis imminere.

Nos tamen numero impares, præsentî animo ad Ascalonem Babylonias aggressi: vniversos fudimus ac fugavimus: ad centum hominum milia cæsa sunt. Hac in signi victoria Hierosolymæ salus & quies parta est. Quod autem ad res Italicas pertinet; gratissimum, mihi feceris, si quæ isthuc gerantur, a me quam diligentissime perscriberis. Vale. Ascalont.

BALDVINVS II. REX HIEROSOLYMÆ, CALISTO  
*Romano Pontifici*

Venetorum ducentæ naves maximo nobis adiumento fuerunt, tantumque addiderunt virium, ut loppæ quingentis nauibus obsessæ opem tulerimus, ac soluta obsidione Barbaros innumerabiles cæsos captosque perdididerimus. His prospere actis paribus auspicijs in Tyrum ductum est, quam iam pridem tentatam nunquam milites nostri oppugnare poterant: Sed tum demum opulentissima munitissimaque vrbs multo venetorum sanguine capta; Hierosolimæ imperio adiecta est etiam tertia pars Tyri, & Ascalonis, si caperetur, multis immunitatibus, honorificis, decretis Imperio venetorum assignata est. At Emanuel Græcorum Impetator tantam nobis victoriam invidens, sedulo operam dat, ut venetorum auxilia à nobis seiungat.

Quare abs te maiorem in modum peto, ut eundem Imperatorem à perditissimo consilio auoces, ipsosque venetos quam maxime in fide contineas. Nihil est, quod literis & nuncijs à senatu illo, non facile impetres. Tanto autem nobis vsui classis Veneta futura est, ut expressidio munitissima quæq; oppugnandi maria; latissima olim tuto percurrere possimus.

Vale.

Baldvi-



## BALDVINVS REX HIEROSOLYMVS TANCREDO

*Principi fratri.*

**N**on iustam rem exigis, Frater mi Tancrede: nec ad versus Baldwinum iustam habes molestiam de aliquo loqui debes tributo: quod Antiochiæ hætenus reddebant civitates: cum nihil inter nos de iure gentilium simus habituri in omnibus, quæ Deus nostræ subijciat ditioni: nosti, & vniuersis notum est Christianis: qualiter, cum à terra & cognatione exivimus, pro nomine Iesu exilia quærentes: patrimonia deserentes, decreverimus: ut quicquid in terra hac peregrinationis nostræ quisque de regnis & terris gentilium expugnatis apprehenderet, pacificè & liberè obtineret: nullus ad iniuriam in eum manum mitteret: nisi ut subveniret: & animam pro fratribus singuli ponerent. Et ideo scias, quia non iustam ad versus Baldwinum habes querelam: cum gentilium decreta & nostra non conveniant: & stabili consilio de hoc in vnum consenserimus: si res Christianorum ad eo sublime procederent: ut Regem constitueremus: eum, cum caput, rectorem ac defensorem ad nostra retinenda ac propaganda subiecti sequeremur. Vnde extimore Dei & iusto iudicio omnium, qui nunc adsunt Christianorum oportet te in concordiam redire: & ab omni molestia, quæ habes ad versus Baldwinum, animum revocare. Alioqui si gentilibus vis lociari; & nostris moliri insidias: nequaquam frater Christianorum poteris remanere. Nos quoque confratri Christiano iuxta decretum nostrum coadiutores & defensores ad omnia parati sumus. Vale.

## SALADINVS ISACO CONSTANTINOPOL:

*Imperatori.*

**P**osteaquam Ascalonem valido præsidio, com meatibus, rebusque omnibus communivi opias ad oppugnandum Hierosolymam deduxi, decem totos dies ad plagam Occidentalem oppugnavi; viginti; alijs diebus obsedi hostes desperatis auxilijs potius, quam oppugnationis metu ea conditione deditionem fecerunt; ut cum suppellectile, quæ singuli humeris ferre possent, abire permitterentur. Facta est deditio secundo Octobris, anno XCIX. postquam Christianis cesserat, decedentes pars Antiochiam, pars Tyrum aut Alexandriam petijt. Veruntamen qui Asia oriundi erant, paucissimi Hierosolymæ constiterunt. Reliquum est ut Tyri oppugnationem tentemus; quæ si nobis ex sententia evenerit, vide ores nostras in tutissimum locum positas, &ri, Vale. Hierosolymæ.

## CLEMENS III. ROM. PONT. ISACO CON-

*stantinop. Imperatori.*

**I**am omnia Saladini virtuti cesserant; cum edicto nostro ad instaurandam gloriam Christiani nominis, principes nostri excitati sunt: Præcipui

pui fuere, Fridericus alter Imperator: Philippus Francorum Rex, Richardus Angliæ, & Otho Burgundiæ: Veneti quoque Pisani paratissimas classes eduxere Venetæ præfuit Rauennas Archiepiscopus: Pisane, præsul Pisamus. Guilielmus Rex Siciliæ pacato à piratis mari, annonâ ex Sicilia & Apulia prouecturis ministravit. Frisones quoque & Dani triremes quinquaginta, & duodecim Frandenses armauere: qui transeuntes in Mauritaniâ, & ad Africæ littora flectentes, Saracenos magnis incommodis afflixerunt, & Syluinam urbem vi captam diripuerunt. Rex Vngarus habitacione rei Christianæ, Venetis pacem dedit, Quæ cum ita sint; oro te maiorem in modum; vt hoc bellum instauratum, ac Christiano nomini gloriosum, quibuscunque rebus poteris ( poteris autem pluribus ) iuues; nequando Saraceni validiores effecti, regnum etiam tuum clade aliqua afficiant. Vale.

RICHARDVS ANGLIÆ REX CÆLESTINO III.

*Romano Pontifici*

**E**Rat meæ erga sanctitatem tuam obseruantia, vt de belli rationibus, felicique rerum eventu certiores te facerem; ac in primis de Ptolomaidæ diuturna obsidione aliquid significarem. Ea vrbs biennio post quàm obsideri cæpta est tandem in deditiorem venit. Quod autem ad captiuos pertinet, quos toto hoc bello innumerabiles cepimus, illos cum Christianis superiori bello captis commutauimus. Ad hæc Porphyriam, Cæsaream, Ascalonem, Gazam & Damoccupauimus: cum Saladinus multis maximisque cladibus affectus, castueri prorsus diffideret; Is etiam Hierosolymâ nobis sponte reddidisset; nisi dissidijs nostris cognitis, consilium mutasset. Veruntamen Dei Opt. Max. beneficio reliqua omnia felicissimo cursu eventura speramus; multumque spei in pijs precibus vestris, nobis repositum, est, Vale. Ptolomaid.

HENRICVS COMES NIVERNENSIS

*Regi Francia*

**D**Iu obsidebatur Damiata: cum Cayri Sultanus medio itinere inter utramque urbem castra posuit à prælio maxime abhorrebat; cum Galli parua admodum manu illum irritauerunt, ac erumpere coegerunt: Ea pugna Guatterius, Camerarius tuus, Hilo Nantoliensis, & Vicecomes Sancti. Susannæ intercepti sunt, Ioannes verò Rex Hierosolymæ ignibus aliquantisper læsus: sed nec propterea obsidio intermissa est. Nam & exacto anno cum dimidio: Damiata tandem capta est, quod militum præsidium, & magna pars ciuium contagione interijssent. Neque enim plus quàm tria iam millia hominū reperta sunt: cum ab obsidionis principio septuaginta millia fuissent. Ea ciuitas ab Aelio Pertinace conditore Neapolis dicta est:

D & tripli-

& triplicimuro cincta, quam Nili rivus, ad Romani Tyberis magnitudinem ambit, ut insulam oblongam arctamque faciat Turris pharæa suburbia à prædonibus custodit, cuius ager Nili incremento sæpenumero longe latequè operiri solet, quod & aliquando copijs nostris maximam intulit cladem. Exercitus virbis opulentissimæ oppugnando ditissimus incommodi, quod iam pridem passus fuerat, non meminit, maioraquè pericula adire ultro appetit. Nos ingentia quædam animo voluimus, quod cuius modi sint, propediem intelliges. Vale.

## PONTIFICIS LEGATVS

*Genuensibus.*

**N**ON ut vos læti eventus Damiatæ expugnatæ participes facerem, Genuenses: quam rem multorum & literis, & nunciis ac fama ipsa ad vos perlatam puto: has ad vos literas dedi: sed ut gratias, quantas maximas animus meus capere potest, vobis cum pontificis tum totius exercitus; qui in Syria Christo Domino militat, nomine agerem: ob prævalidum à vobis nobis rebusque Christianis laborantibus submissum hominum & navium subsidium: quod cum per se ipsum gratum fuit, tum vero opportunitate ipsa inprimis acceptum. Eo enim tempore appulit: cum Christianus exercitus labore ac tædio diuturnæ obsidionis, cum parva fructus spe, despondere animos cæperat: classis vestræ tanquam cælo demissæ adventu refectus est: atque ad institutos labores virgēdos renovtaur. Summum igitur hoc beneficium Damiatæ expugnatæ Christianum nomen vobis ac virtuti & pietati vestræ debet: qui hoc paternum & avitum dedistis. Quæ merita cum in hac vita homines remunerari obstricti sunt: tum vero longe ampliora præmia in sempiterna illa ac beata à DEO constituta voe manent.

## BOEMVNDVS ET TANCREDVVS, BALDVINO REGI

*Christianissimo Hierusalem.*

**L**ibenter per omnia tuis parere mandatis de redēptione Baldvini, amici & consocij nostri, decrevimus: & hæc sollicitudo nostra semper fuit, & est. Sed hoc tempore de hac re dissimulare, & silentio suppressere, necesse est: si forte aliquid pecuniæ cum ipso fratre Baldvino pro hac matrona restituenda extorquere possimus: qua nimium anxie indigemus, ad remunerandos milites, assiduis laboribus nobiscum insudantes. Vale.

## PISANVS ARCHIEPISCOPVS ET GOTFRIDVS DVX, ECCLESIAE

*sancti Sepulchri nunc advocatus, & Raymundus Comes Sancti Aegidij & universæ*

*Dei exercitus in terra Israel, Paschali Papa Rom. Ecclesia, omnibus Epi-*

*scopis, & universis Christiana fidei cultoribus.*

**Multi-**

**M**ultiplicate preces & orationes cum iucunditate & exultatione in conspectu Domini: quoniam DEVS magnificauit suam misericordiam, complendo in nobis: ea, quæ antiquis temporibus promiserat: etenim cum capta Nicæa cunctus exercitus inde discesserat: plusquam CCC. millia ibi fuerunt.

Et licet hæc tanta multitudo, quæ vniuersam Romaniam occupare poterat, atque epotare flumina omnia, & pascere omnes segetes vna die posset: tamen cum plenitudine tanta conduxit eos Dominus: vt aries vno nummo, bos vix duodecim nummis venderetur. Præterea etsi Principes & reges Saracenorum contra nos surrexerint: tamen Deo volente facile victi & conculcati sunt. Ob hæc quidem feliciter acta quia aliqui intumuerant opposuit nobis DEVS Antiochiam humanis viribus inexpugnabilem: ibique per novem menses nos detinuit: atque in obsidione extrâ ita humiliavit: vt in toto exercitu nostro vix centum boni equi reperirentur. Tandem aperuit nobis Deus copiam suæ benedictionis: & nunc etiam nos induxit in ciuitatem ad Turcas: & omnia eorum bona potestati nostræ tribuit. Cum hæc quasi viribus nostris acquisita teneremus: nec Dominum, qui hæc obtulerat, digne magnificaremus: à tanta multitudine Saracenorum obsessi sumus: vt de tanta civitate nullus egredi auderet.

Præterea fames ita convaluerat: vt vix ab humanis dapibus se aliqui abstinerent longum esset enarrare miseras, quæ in ciuitate fuerunt, respiciens autem Dominus populum, quam ita diu flageleverat, benigne nos consolatus est. Itaque primo quasi pro satisfactione tribulationis lanceam suam, munus inuisum à tempore Apostolorum, pignus victoriæ nobis contulit: deinde corda hominum adeo animavit: vt illis, quibus ægritudo, vel fames, ambulandi vires negauerat, arma sumendi, & viriliter contra hostes dimicandi virtutem infunderet: denique cum triumphantibus hostibus fame & tædio deficeret exercitus Antiochiæ: & maxime propter discordias principum: in Syriam profecti, Varram & Marram, vrbes Saracenorum, expugnauimus: & castella regionis obtinuimus. Cumque ibi moram disposuissemus: tanta fames in exercitu fuit: vt corpora Saracenorum iam foetentium à populo Christiano, comesta sint. Tandem cum divino monitu in interiora Hispaniæ ingrederemur: largissimam atque misericordem & victoriosissimam manum omnipotentis patris nobiscum habuimus.

Etenim cives & castellani regionis, per quâ procedebam, ad nos cum multis donarijs Legatos præmittebant parati seruire nob. & oppida sua reddere

D 2 Sed

Sed quia exercitus noster non multus erat : & in Hierusalem vnanimiter venire festinabant : acceptis securitatibus, tributariis eas fecimus : quippe cum de multis vnà ciuitatibus, quæ de maritimis sunt, plures homines haberet : quàm in exercitu nostro fuissent. Cumque auditum esset Antiochiæ, & Loadicæ, & Rohas, quòd manus Domini nobiscum esset, plures de exercitu qui ibi remanserant, consecuti sunt nos apud Tyrum. Sic itaque, cooperante, vsque ad Hierusalē peruenimus. Cumque in obsidione multum exercitus laboraret : maximè propter inopiam aquæ ; habito concilio Episcopi & principes circumeundam esse ciuitatem nudis pedibus prædicauerunt : vt ille, qui pro nobis humiliter eam ingressus est, per humilitatem nostram pro se iudicium de suis hostibus faciendum nobis eam aperiret. Placatus itaque Dominus hac humilitate precum, octavo die post cum suis hostibus ciuitatem nobis tribuit : eo videlicet die, quo primitiua Ecclesia inde abiecta fuit : cùm festum de dispersione Apostolorum celebratur in portu Salomonis, & in templo eius, equitabant nostri in sanguine Saracenorum vsque ad equorum genua. Deinde cùm ordinatum esset, qui ciuitatem retinere deberent : & alij amore patriæ, & pietate parentum suorum redire voluissent : nunciatum est nobis, regem Babylonis Ascalonem venisse cum innumerabili multitudine militum ducturum Francos, qui Hierosolymis erant ; in captiuitatem, & expugnaturum Antiochiam, sed aliter Dominus de nobis statuerat. Itaque conscendimus obviam illis : relictis sartinis & infirmis in Hierusalem cum præsidio. Cumque exercitus noster & hostium se conspexissent genibus flexis adiutorem Deum invocauimus : vt qui in alijs nostris necessitatibus legem Christianam confirmauerat, in præsentī bello contractis viribus Saracenorum & Diaboli regnum Christi & Ecclesiæ à mari vsque ad mare vsque quaque dilataret. Sic Dominus adfuit, atque tanta tribuit vires, vt in hostem currere videns, fontem aquæ viuz sitientem ceruum adiudicaret, miro videlicet modo : cùm in exercitu nostro non vltro quinque millia militum & quindecim millia peditum fuissent : & in exercitu hostium centum millia equitum & quadringenta millia peditum esse potuissent. Tunc mirabilis in feruis suis Dominus apparuit : cum, antequam confingeremus pro solo impetu nostro, hanc multitudinem in fugam vertit : & omnia eorum arma diripuit : vt si deinceps nobis vellent repugnare, non citò arma haberent. Spolia inaudita, & thesaurum regis Babylonis obtinuimus, ceciderunt ibi Maurorum vltra centum millia gladio : Timor autem eorum tantus erat vt in porta ciuitatis ad duo millia suffocati sint. De his verò, qui in mari interierunt, non est certus numerus. Spineta etiam ex ipsis occiderunt, pugnabat certè pro nobis Dominus. Pridie, quàm pugna fieret multa millia camelorum & bouum & ovium cepit exercitus Principum iussu populus

hæc

Hæc diuifit. Ad pugnam progredientes multæ turmæ iftorum animalium comitabantur miraculoſe, & ſtabant cum ſtantibus: & currebant cum currentibus: nubes ab aſtu ſolis nos defendebant & refrigerabant. Celebrata itaque victoria, reuerſus eſt exercitus Hieruſalem: relictoque ibi Goſfredo duce, Comes S. Aegidij & Rupertus Comes Flandriæ, & Rupertus Comes Normanniæ, Laodiceani reuerſi ſunt, ibi claſſem Piſanorum & Bœmundi invenerunt cumq; Archiepiſcopus Piſanus Bœmundum & dominos noſtros concordare feciſſet, regredi Hieruſalem pro Deo & fratribus ſuis Raymundus diſpoſuit. Ad tam admirabilem igitur fratrum veſtrorum fortitudinis devotionem: ad tam glorioſam omnipotentis Dei retributionem, ad tam exoptandam omnium peccatorum noſtrorum per Dei gratiam remiſſionem, & Catholicæ Chriſti eccleſiæ, & totius Latinæ exultationem vos invitamus, & omnes Episcopos, & bonæ vitæ Clericos ac Monachos, & omnes Laicos, vt ille vos ad dexteram Dei conſedere faciat, rogamus & obſcramus vos per Dominum Ieſum: qui nobiſcum ſemper fuit, & collaborauit, & ex omnibus tribulationibus nos eripuit, vt fratrum ſitis memores veſtrorum, qui ad vos reuertuntur; benefaciendo eis, & ſoluendo debita eorum: vt vobis Deus benefaciat, & vos abſoluat ab omnibus peccatis: vt in omnibus, quæ vel nos vel illi apud Deum meruimus, partem vobis concedat. Valete.

BALDVINVS FLANDRENSIS, LVDOVICVS BLEZENSIS, ET

*Henricus S. Pauli comites, caterique Barones & milites exercitus cruce ſignatorum, Othoni Roth. Regi & ſemper Auguſto.*

**Q**uanta fecerit nobis Dominus: imò non nobis ſed nomini ſuo: quantam gloriam dederit ijs diebus: quanta poſſumus breuitate perſtringamus: ipſo prænotantes initio, quod ex quo urbem tranſgreſſionis exiuiſmus ( Sic enim Iaderam nominamus, cuius excidium vidimus dolentes quidem, & neceſſitate compulſi ) nihil inter nos ordinatum eſſe meminimus; quod communiter ad vtilitatem pertineret exercitus, quin illud in melius prouidentia diuina mutauerit, ſibi que totum vindicâs, ſtultam fecit ſapientiam noſtram: hinc eſt, quod eorum, quæ facta ſunt apud nos glorioſe, omnem à nobis gloriam iure repellimus, quippe quo operis adhibuimus parum, conſilij nihil. Vnde neceſſe eſt, vt ſiquis ex nobis voluerit gloriari, in Domino glorietur, non in ſe vel altero. ſœdere igitur Iaderæ confirmato cum illuſtri Conſtantinopolitano quendam Imp. Iſaacii filio Alexio: cum victualibus omnibus & rebus egentes. Terræ ſanctæ videremur grauamen potius allaturi: ſicut alij ex nobis, qui nos præceſſerant, quem leuamen aliquod allaturi, nec terræ Saracenorum in tanta egeſtate nos crederemus applicare poſſe, veriſimilibus omninò rumoribus & argu-

D 3 mentis

mentis inducti, quod dicti Alexij suspiraret adventum, regie ciuitatis pars porior & pondus Imperij, quem electione concordi, cum solennitate debita Imperiali diademate sublimasset, contra consuetum ordinem temporis auratauente, obedientibus Domino ventis & mari, ad urbem regiam præter omnem spem prospere applicuimus. Sed nec adventauimus improvisi, qui vsque ad sexaginta millia equitum, præter pedites in vrbe reperimus. Et transilientes loca tutissima, pontes, turres, & flumina sine damno nostro, terre marique obedimus ciuitatem; & Tyrannum pariter, qui commissio in fratrem parricidio, fasces imperij diutina incubatione polluerat. Contra omnium ergo opinio, vniverforum ciuium mentes contra nos inuenimus obfirmatas, nec aliter contra Dominum suum civitatem muris & machinis obseratam, quam si ad ventasset populus infidelis, qui loca sancta pollucere, & religionem Christianam inexorabiliter evellere proponeret. Imperij siquidem crudelissimus maculator, Domini & fratris sui proditor & orbator, quique eundem carcere perpetuo sine crimine condemnasset, idem filio eius illustri Alexio facturus, si non eundem è manibus eius felix surripuisset exilium, præhabita in populo de testabili concione potètes simul ac plebè sermonib<sup>9</sup> adeo infecerat venenatis, vt ad subversionem libertatis antiquæ Latinos assereret adventare, qui Romano Pontifici locum & gentem restituere, & Latinorū regibus Imperiū subiugare properarēt. Hæc profectò res sic omnes contra nos animauit pariter & armauit, vt contra nos & exulem nostrum viderentur omnes pariter coniurasse. Szpi<sup>9</sup> ergo per nuncios, imo per exulē nostrum & Barones nostros, seu etiā nosmetipsos: à ciuib<sup>9</sup> postulantes audiri, nec adventus nostri causam, nec petitionis modum explicare potuimus, sed quoties terra vel mari stantibus, in muro sermones obtulimus: toties retulimus tela pro verbis. Considerantes igitur, quod præter spem nostram cuncta contingerent, in eum statum necessitatis impacti, vt statim necesse haberemus, aut perire, aut vincere cū obfidionem ipsam nulla ratione in quindecim dies protelare possemus, quos victualiu<sup>9</sup> omniū incredibilis vrgeret angustia, nō ex desperatione quidē, sed inspirata quadā securitate: diuinitus suspirare cæpimus ad bella promissimi, periculis nos audacter opponere, & in credibiliter in omnib<sup>9</sup> obtinere ad|condictū etiam campestrē sæpius ordinati, in æstimabilem multitudinē fuga ignominiosa in urbē conclusimus. A ptatis igitur interim terra mariq; bellicis instrumētis, die obsidionis octaua violēter ciuitas introitur, grassetur incendiū, disponit cōtra nos in campo aciē Imperator, & paritis nob<sup>9</sup> excipere venientes, constantiam nostram cum paucitate miratus, ignominiose frena reflectit, & in urbem retrogressus ardentem, ipsa nocte fugam cum paucis aggreditur, suamque in vrbe reliquit vxorem & paruulam prolem. Ea re comperta Græcorum procures in palatio congregantur

tur: & exulis nostri solemniter celebratur electio seu potius restitutio declaratur, in speratamque læticiam copiosa in palatio luminaria protestantur. Manifesto procedit inermis in castra Græcorum procerum multitudo, sumque cum gaudio quærit electum, restitutam civitati asserit libertatem, & regredienti filio ad falces Imperij, cum gaudio in æstimabili sublevatum de carcere caput patris Isaaci quondam Imperatoris ostendunt. Præordinatis itaque, quæ necessaria videbantur, ad Ecclesiam S. Sophiæ novus Imperator cum solenni processione deducitur, & exuli nostro sine contradictione restituitur imperiale diadema cum plenitudine potestatis. His peractis ad solutionem promissorum proficit Imperator, & promissa rebus accumulatur, victualia servitio domini profutura nobis omnibus præbet in annum, ducenta marearum millia nobis solvere pergit, & Venetiæ suisque sumptibus stolum nobis in annum seque iuramento obstringit. quod exire nobiscum debeat regale vexillum, & in passagio Martij nobiscum ad servitium Domini proficisci, cum quantis potuerit millibus armorum: & sub eadem promissione concludit, quod eam reverentiam præbeat Romano Pontifici, quam antecessores sui Imperatores Catholicæ prædecessoribus suis Pontificibus quidem impendisse noscuntur, & Ecclesiam Orientalem ad hoc idem pro viribus inclinare.

Tantis igitur utilitatibus provocati, ne salutem, quam dederat Dominus in manibus nostris spernere videremur: & vertere in opprobrium sempiternum: quod ad honorem nobis incomparabilem cessisse videbatur, prompta devotione cuncto sensimus, & ibidem hyemem, DEO dante, facturi, ad partes Ægypti proximo passagio transire, tam certo proposito, quam irrevocabili, quantum in nobis, est pronota voluntate sumus astricti. Et nunc siquid ex his, quæ acta sunt vel agenda meriti vel gratiæ, vel etiam gloriæ præstolamur, serenitatem vestram in Domino desideramus esse participem, imo & principem.

Nos interim Soldano Babylonis, terræ sanctæ impio Detentori, præmissimus nuncios nostros, qui ex parte Regis summi IESU CHRISTI Nazareni, & servorum eius, dicti videlicet Imperatoris, & nostra regaliter debeant intimare, quod devotionem populi Christiani, in credula genti suæ, DEO donante, in proximo proponamus ostendere: & ad contritionem infidelitatis de cælo nos expectare virtutem.

Hæc autem fecimus de vestra potius sub Domino, & aliorum Christiani nominis Zelatorum, quam de nostra virtute, confisi, qui consertos



seruos nostros eò devotius ac vehementius nobis desideramus adiungi, quo meliores & plures Regis nostri ministros vobiscum viderimus decertare, ne Iudæis pridē traditus, sed iam assumptus in gloria illudendus de ceteris gentibus relinquatur. Valete.

*BALDVINVS DEI GRATIA FIDELISSIMVS IMPERATOR CONSTANTINOPOLITANVS, à Deo coronatus, Romanus moderator & semper Augustus, Fladrensis & Hennegauensis Comes vniuersis Christi fidelibus Archiepiscopis, Episcopis & Abbatibus, Prelatis, Baronibus, militibus Sarziantis, omniqve populo Christiano.*

**A**Vdite, qui longe estis, & qui prope, admiramini, & laudate Dominum, qui magnificè fecit, qui antiqua miracula nostris dignatus est recouare temporibus, & non nobis quidem, sed nomini suo dedit gloriam, omnibus seculis admirandam. Nam mirabilibus eius circa nos semper mirabiliora succedunt, vt etiam infidelibus dubium esse non debeat, quin manus Domini operetur hæc omnia, cum nihil à nobis provisum aut speratum ante contigerit, sed tunc demum novæ nobis Dominus procuravit auxilia; cum nihil humani videretur superesse consilij. Et quidem, si bene meminimus, per literas vniuersitati nostræ transmissas nostri progressus & status narrationem eo vsque deduximus, vt vrbe populosa capta; violenter à paucis Tyranno fugato & Alexio coronato, mora nostra promissa fuerit, & ordinata per, regnum, vt potenter obtinerentur si qui resistere valerent Alexio. Sed nos, ne discordiæ inter nos, & Græcos fomentum ministraret moribus nostris aduersa barbaries, de ciuitate exeuntes; ex aduersis ciuitatis, interiacente Põto, ad preces Imperatoris castra posuim⁹. Verū sicut non hominum opera fuerunt, sed Dei, quæ Græcis intulimus: ita non hominum, sed demonum; quæ cum Imperatore nouo Græcia nobis expersidia consuecta retribuit. Imperator enim ex insperato, Græcorum seductus perfidia à nobis recessit animo; cui tanta beneficia contuleramus, & in omnibus cum Patre, Patriarcha & mole nobilium nobis promissis periurus & mendax; tot incurrit periuria, quod nobis præstitit sacramenta. Vnde nostro tandem destitutus auxilio, prælia contra nos meditatur incassum; & navigij, quod ipsum adduxerat, & sublimauerat, ad coronam procurat incendia. Sed voto tam crudeli fraudatur, Domino nos protegente. Fit pars sua per cuncta deterior, & hominum suorum cedes, incendia & rapinæ. Imminente foris pugna, intus timoribus coarctatur. Æmulum ei eleuant Græci Imperatorem, ea occasione captata: quia ad auxilium nostrum tunc nullum sanguine sibi propinquum possit habere refugium. Cumque euadendi spes vnica restaret in nobis, iuratum sibi quendam Murzussum nomine in quo super alios omnes de impensis ei beneficijs confidebat, mittit ad exercitum nostrum, Imperiale palatium Blachernæ

chernæ dictum, nobis sub Imperatoris & suo iuramento promittit in ob-  
sidium: donec cuncta nobis promissa reddantur. Accedit ad accipiendum  
Palatium nobis Marchio Montisferati, cum militibus nostris. Sed Græci  
nostris illudunt; & quos super hoc promisso iam nobis dederant; sumtis  
obsidibus, consuetâ periuria non verentur. Nocte insecuta Murzus Dominus  
suo & nobis periurus; reddendi nobis Palatii revelat arcana; & ex  
hoc perpetuam ipsi eripi libertatem; & contra hoc veniendum modis om-  
nibus esse, declarat, si deiiciatur Alexius. Huius itaque proditiōis me-  
ritò Imperator à Græcis acclamatur. In Dominum ergo suum dormien-  
tem, & rei nescium sacrilegas mittit manus, & in carcerem unâ cum Nico-  
lao quodam, quem in scium proditiōe Imperatorem traditum, vi popu-  
lus apud S. Sophiam simul deiecit, sibi que coronam imperialem usurpavit:  
modicumque post hæc Isaacius pater Alexij, diem clausit extremum; qui  
animum filij sui à nobis præ omnibus (vt dicebatur) averterat. Græcis au-  
tem sanguinem nostrum tantum sitientibus; acclamante præcipue clero  
& populo universo; vt de terra brevi toleremur; prælia contra nos proditor  
iam dictus instaurat: urbem machinis in propugnaculis munit: quorum  
similia nemo videt unquam.

Cūq; murus miræ latitudinis in altum valde cōsurgens, turres haberet am-  
plissimas; nūq; pedib. circiter quinquagenis Paulo minusve distantes, inter  
quaslibet duas ex parte maris, qua noster timebat. stultus, turris lignea erigi-  
tur super murum stationibus tribus aut quatuor multitudinem continens  
armatorum. Nec minus inter duas turres qualibet seu paterca, seu ma-  
gnellus erigitur. Turribus autem supereriguntur lignæ turres altissimæ  
stationum sex; superque supremam stationem adversum nos porri-  
guntur scalæ, appositiones ex utraque parte & propugnacula continentes;  
paulò minus excelsis scararum capitibus: quantum iacere possit in altum  
arcus à terra.

Murum etiam ipsum Murus circumcingit inferior: duxitque fossatum  
ne muris vlla applicare possent ingenia; sub quibus possint latitare fossa-  
res. Interim terra marique nos tantat perfidus Imperator; semper nos Do-  
mino protegente; suosque frustrante conatus.

Nam præter ordinationem nostram ad prædam victualium procul  
adeuntibus nostris vsque ad mille animas pugnatorum Imperator occur-  
rit in multitudine gravi. Sed primo congressu dissipatur omnino; cæsis  
captisque non paucis, sine damno nostrorum; & fuga ignominiosa consu-  
lens sibi; clypeum abijcit; arma deponit; & vexillum Imperiale dimittit;  
simulque nobilem, quàm sibi præferri faciebat iconem, quam Cisterci-  
ensium ordini dedicavere victores.

Post hæc naves nostras flammis aggreditur; intempestæque noctis

E                      silentio

filentio quindecim naves suas incensis velis suis in altum colligatis; & inferius ad proram flante fortiter Austro, nostras mittit naves. Sed Domino faciente, cum multo labore nostrorum custodimur indemnes; & ardentibus navibus clavis infixis, catenas habentibus nostrorum remigio trahuntur in pelagus; & sic ab imminenti mortis periculo à Domino libaramur. Nos quoque terrestrem eum provocamus ad pugnam; & ponte atque amne transmissio, qui exercitum nostrum separabat à Græcis, cuneis ordinatis, ante portam Jiu stetimus regiz civitatis; præcedente cruce vivifica; in nomine Domini agminum Israel parati ad prælium Græcos excipere: si eis placuisset exire.

Sed vnus tantum Nobilis quispiam pro militiz exercitio egressus est; quem nostri pedites membratim dilaniverunt; sicque in castra reversi sunt. Terra marique sæpius provocamur: sed dante Domino semper triumphaliter obtinemus. Mittit ergo ad nos pacis fictæ Legatos perfidus Occupator Imperij postulat & obtinet cum Duce Venetorum colloquium. Cumque eidem Dux obiecisset; quod nulla cum eo possit esse securitas; qui Dominum suum carcere conclusisset; postposita iuris iurandi religione, & fidei, ac scederis; & ipsi præcipuisset Imperium: & bona fide consulere ut Dominum suum restitueret; & humiliter veniam postularer; nostras etiã pro se mittens preces: & quod cum eodẽ Domino suo misericordiam agere, si vellet, deberemus; & quicquid egerat contra nos venenosè, si rediret ad animũ, imputare vellemus atati lapsu vè consilij: Ille vana verba subintulit: quia quæ responderet, rationabiliter non habuit: Obedientiam Romæ Pontificis, & subventionem terræ sanctæ; quam iusamento & scripto confirmarat Alexius Imperiali; adeo refutat, ut vitam amittere præligeret, Græciamque subverti; quàm quod Latinis Pontificibus Orientalis Ecclesia subsederetur. Nocte igitur insequente Dominum suum latenter suffocat in carcere; cum quo ipso die prandium sumpserat. Inde & clava ferrea, quam tenebat in manu, latera morientis & costas inaudita crudelitate confringit; casuque vitam, quam laqueo extorserat, confringit exemptam. Propalatum omnibus scelus, funeris honore dissimulat. Sic nobis hyems tota perficitur; donec manibus nostris stabiliter aptatis; & instrumentis bellicis præparatis: nos & nostra recipientes in navibus: V. Aprilis, hoc est sexta feria ante passionem Domini, vnanimiter pro honore S. Romanæ Ecclesiæ, & sub veneratione terræ sanctæ, navali prælio invadimus civitatem. Et eo die sine multo tamen nostrorum sanguine sumus tanta perpeffi; ut inimicis nostris in opprobrium verteremur; quorum eo die pars fuit per cuncta deterior; adeo ut tracta in terram bellica nostra machinamenta, Græcis compelleremur relinquere; & infecto negotio ad ripam redire cogeremur adversam: ea die, ut videbatur, inutiliter fatigati;

sigati: Conturbati ergo plurimum & contriti; & demum in Domino corroborati; definito consilio rursus instauramur ad pugnam: & quarto die Idus Aprilis, hoc est, secunda feria post passionem Domini; flante Borea rursus applicamur ad muros: scalis navium trium applicatis; cum multo labore nostrorum: & permultum in resistentibus Græcis.

Sed ex quo cominus gladios sensere nostrorum; belli deerat anceps eventus. Dux liquidem naves colligatæ, quæ pariter noster Episcopus Sueffionensem & Trecentem deferebant; quarum erant insignia Paradisus & peregrina: primæ scalæ scalas turrium attigerunt; & felici auspicio peregrinos pro paradiso certantes hostibus admovent. Prima muros obtinent vexilla Pontificum; ministrisque secretorum cœlestium prima conceditur de cœlo victoria. Irruentibus igitur nostris, Domino iubente cedit multitudo infinita per paucis, & propugnacula relinquentibus Græcis, nostri audacter militibus portas aperiunt. Quorum cum Imperator, qui non procul à muris stabat armatus, conspiceretur ingressum; statim tentoria dereliquit, & fugit.

Nostris cædibus occupantur, capitur ciuitas populosa, recipiuntur in Palatijs Imperialibus, qui nostrorum enses aufugerunt multaquæ cæde facta Græcorum, nostri sese recolligunt, ad uesperascente iam die, arma fessi deponunt. De assultu crastino tractaturus suos recolligit Imperator, & crastinam hortatur ad pugnam, asserens; quod nostros in potestate nunc habeat intra murorum septa cōclusos, sed noctu latentem dat terga devictus. Quo comperto Græcorum plebs attonita de substituendo Imperatore pertrahat. Et dum mane facta ad denominationem cuiusdam Constantini procedunt, pedites nostri, nō expectata deliberatione maiorum, ad arma profiliunt, & tergadantibus Græcis, fortissima & munitissima relinquuntur palatia, totaque in momento ciuitas obtinetur: diripitur equorum innumera multitudo, auri argenti, sericarum preciosarumque vestium ac gemmarum, & omnium eorum, quæ ab hominibus inter diuitias computantur tā inæstimabilis abundantia reperitur, ut tantum tutolatitans non videretur possidere: & qui pauca ante negauerant, cuncta nobis diuino iudicio reliquerunt, ut secure dicamus quod maiora in his mirabilia circa bellorum casus nulla vnquam narret historia, ut impleta prophetia manifeste videatur in nobis, quæ dicit. Quia si inter singulos victoriam partiamur, qui libet ex nostris non pauciores quam centum, obsedit & vicit. Nunc autem non nobis victoriam vsurpamus, quia super omnia mirabilia saluati sumus dextera Domini, & brachium virtutis eius reuelatum est in nobis: à Domino factum etiam illud: & est mirabile in oculis nostris.

Ordinatis igitur diligenter quæ disponendarum rerum pascerebat e-

ventus; ad electionem Imperatoris vnanimiter & devotè procedimus, & omnia ambitione seclusa, cum sex Baronibus Venetorum venerabiles viros, Episcopos nostros, Sueffionensem & Halberstadensem, Dominum quoque Bethlemitanum, qui à partibus transmarinis auctoritate Apostolica nobis fuerat delegatus, Aconensem electum, Abbatemque Lucedij, Imperatoris nostri sub Domino constituimus electores. Qui oratione præmissa ut decuit, Dominica Misericordias Domini, per conam nostram quod à nostris meritis erat procul, vnanimiter ac solenniter elegerunt: divinis laudibus clero ac populo acclamante. Sequentique Dominica, qua Iubilare cantatur; præcipiente Petro Apostolo, Regem honorificari, ei-que obedire; & Evangelio nunciante, quod gaudium vestrum nemo tollet à vobis; cum etiam suo applaudentibus Græcis: ad honorem Dei sanctæque Rom. Ecclesiæ gloriôsè ad Imperij fastigia & coronam Deo & hominibus amabiles Patres memorati Pontifices cum vniuersorum applausu & pijs lacrymis nos sublimaverunt, Aderant incolæ terræ, Sanctæ Ecclesiæ, militaresque personæ; quorum præ omnibus inæstimabilis erat & gratulabunda lætitia: Exhibitumque Deo gratius officium asserebant; quam si civitas sancta Christianis cultibus esset restituta, cum ad confusionem perpetuam inimicorum crucis, S. Roman. Ecclesiæ, terræque sanctæ, sese regia civitas devoveret; quædam diu tam potenter adversaria stetit, & contradixit utrique.

Hæc est spurcissima gentilium, pro fraterna societate alternis ebibitis, cum infidelibus sæpius est ausa amicitias confirmare ferales, & eisdem mamma diu lactavit vberima; & extulit in superbiam seculorum arma, naves, & victualia ministrando; Quæ è contrario fecerunt peregrinis magis edocere sufficiunt in omni Latinorum gente exempla, quam verba. Hæc est enim, quæ in odium summi Pontificis Apostolorum principis, nomen audire vix poterat; nec vnam eidem inter tot Græcas Ecclesiam concedebat; qui omnium Ecclesiarum accepit ab ipso Domino principatum: & (sicut eorum memoria recens recolit qui viderunt) Legatum Apostolicum morte tam turpissima condemnavit; ut nec inter Martyres tegatur vlla consimilis; licet pœnas eorum incrediles invenerit ingeniosa crudelitas. Hæc est, quæ Christum didicerat solis honorare picturis; & inter nefandos, quos sibi sprete scripturarum auctoritate, confixerat, etiam lauacri salutaris plerunque facere præsumebat iterando iacturam. Hæc est, quæ Latinos omnes non hominum nomine dignabatur sed canum: quorum sanguinem effundere penè inter merita reputabatur: nec vlla pœnitentiæ satisfactione satisfaciebant Laici Monachi; penes quos sacerdotibus summotis, tota ligandi atque solvendi consistebat auctoritas. Hæc & huiusmodi deliramenta; quæ epistolaris non valet explicare angustia  
imple-

Impletis iniquitatibus eorum, qui Christum Dominum ad nauſeam pro-  
 vocabant divina iuſticia noſtro miniſterio digna ultione percuffit; & ex-  
 pulſis hominibus Deum odientibus, nobis ſe amantibus terram dedit; om-  
 nium bonorum copijs affluentem; frumento, vino & oleo ſtabilitam  
 fructibus opulentam, nemoribus, aquis & pascuis ſpacioſam, ad manen-  
 dum ſpecioſam, & cui ſimile non continet orbis, aëre temperatam. Sed  
 nec in his deſideria noſtra ſubſiſtunt: nec ab humeris ſuſtinebimus vexil-  
 lum regale deponi, donec terra incolatu ſtabilita noſtrorum, partes invi-  
 ſerimus tranſmarinas: & Deo donante propoſitum peregrinationis exple-  
 amus, ſperamus enim in Domino IESU, qui, quod incepit in nobis opus  
 bonum, ad laudem & gloriam nominis ſui, inimicorum videlicet crucis  
 depreſſionem perpetuam perficiet, confirmabit, ſolidabitque. Vniuerſi-  
 tatem igitur veſtram propenſius oramus in Domino; vt gloriæ huius atq;  
 victoriæ & ſpei, cuius oſtium nobis magnum apertum eſt, dignemini eſſe  
 participes. Quia abſque vlla dubitatione vobis contingent, ſi nobiles, cu-  
 ius libet conditionis aut ſexus, eiſdem deſiderijs accenſi ad veras immen-  
 ſasque diuitias capeſſendas, temporales pariter & æternas vnanimiter ac-  
 quiratis. Vniuerſis enim, Deo donante, ſufficimus; quod nobis Chri-  
 ſtianiæ religionis Zelus adduxerit; vniverſos volumus ſimul & poſſumus  
 ſecundum ſtatus ſuos, varietatemque natalium, & augere diuitijs, & hono-  
 ribus ampliare. Spiritualiter autem Deo amabiles Eccleſiaſticos viros cu-  
 iusque religionis aut ritus in Domino poſtulamus, vt ad idem populum ſu-  
 um potentibus verbis accendant, & exemplis edoceant, catervatimque &  
 ipſi venire feſtinent, in locis amœniſſimis & vberriſimis non iam in ſan-  
 guine, ſed cum multa libertate & pace, omniumque bonorum affluentia,  
 Eccleſiam plantaturi, ſalua ſemper, vt decet, obedientia Prælatorum.

CONRADVS ROM. IMP. AVGVSTVS, IOANNI

*Imp. Conſtantiſopolitano.*

Salutem & dilectionem fraternam, amicitiam, honorem & gloriam. Vt  
 parentes & antecellores noſtri ad antecellores veſtros conſtituerunt;  
 iſta ego conſtituo: & ſicut ſervarunt, conſervabo. Non eſt gens, regnum,  
 aut populus: qui non noverit noſtræ Romanæ Reipub. veſtram novam  
 Romam & dici, & fore filiam: ex huius radicem & fructus eius proceſ-  
 ſiſſe. Propter quod hæreditatem, quæ à matre, debetur filiz, conſtituimus,  
 æternamque volumus: & eò amplius, quod quæ matri debentur, filiam vel-  
 le cernimus: ſcilicet vt auctoritas materna præcineat conſilio & auxilio: re-  
 ſpondeat autem gloria & honore filialis dilectio. Sint ergo res vtriuſque  
 communes: vtriuſque amicus idem: idem inimicus: ſive in terra, ſive in  
 mari: cognoſcat ac timeat matris virtutem & valentiam: qui non honora-

E 3 verit

verit filiam: siue Nortmannus, siue Siculus, siue quis alter quicumque & ubicunque. Conservamus igitur, quæ iusta & amicabilia sunt, ad vos: eadem vos, ad nos: & tanto studiosius, quanto per coniugium sororis dilectissimæ coniugis nostræ, & filij tui confœderati sumus propinquius. Verum quia de nostris hilarescere successibus, dilectionis & nobilitatis tuæ credimus experientiam: quid post discessum prudentissimorum Apocriſiariorū tuorum, in generali & solenni curia cum vniuersis imperij nostri Principibus, cui eos interesse volumus DEO auxiliante actum sit: tibi ceu unico fratri nostro & amico dilectissimo dignum duximus significare. Noveris igitur, quod omnes, qui Imperium nostrum offendisse videbantur cooperante Deo, potenter in nostro Imperiali iure inclinavimus: (sed ad expeditionem Hierosolymitana suspiciendam) eosque in plenitudinem gratiæ nostræ suscipiētes, vniuersas Imperij nostri partes abundanti pace ditavimus.

Ad hoc Francia, Hispania, Anglia, Dania cæteraq; regna, Imperio nostro adiacentia, quotidiana legatione, sua cū debita reverentia & obsequio nos frequentant ad ea quæ imperij nostri mandata sunt, se prompta esse in obsidibus, quam sacramentis affirmantes. Etiam Dominus Papa totaq; Apulia Italia & Longobardia de die in diem, aduentum nostrū desiderant: & ut nostra eis imperialij subueniatur potentia, cum omni deuotione expostulant. Huius rei gratia dilectissimum & præcordialem Imperij nostri Principem Embriconem venerabilem Herbipolensem Episcopum, amicum tuum, ad exquirendam Domini Papæ voluntatem, Romā direximus: qua cognita, & communicato Principum nostrorum Consilio, ea quæ ad vtriusq; imperij nostri honorem spectat per charissimos & prudentissimos nuncios nostros Robertum principem Capuanum, & Albertum Capellanū nostrū & in fide Constantem tuæ significabimus nobilitati. Hos igitur tanquam nos audias & quæ tibi dixerint, sicut decet Excellentiam tuam & sicut de te speramus ac credimus, ad effectum perducas: & cum eis honestos Apocriſiarios tuos sine dilatione ad nos remittas. Militibus quoque nostris (Alemannis) qui apud te sunt, sicut decet Excellentiam tuam, benignus, existas. Rogamus etiam te, ut hominibus Imperij nostri. Teutonicis videlicet, qui Constantinopoli morantur, locum, in quo ad honorem DEI Ecclesiam ædificent, concedas tum respectu divinæ remunerationis: tum & interventu ac petitione nostræ dilectionis.

Quid ipsum quoque iam antea nos in literis prioribus à te pro DEI amore, & honore petivimus: quia si ipse qui dat salutem regibus, fuerit in medio nostri, certum est quod non gaudebunt inimici nostri. Datum Ratisponæ in CHRISTO feliciter, XVIII. April. M, CXLII.

Ioan-

IOANNES IN CHRISTO DEO FIDELIS REX PORPHYROGE-  
*nitus, sublimis, fortis, Augustus. Comnenus & Imperator Romanorum, no-  
 bilissimo fratri & amico Imperij Conrado Regi.*

**N**obilissime & dilecte amice Imperij mei Rex, literæ tuæ Nobilitatis, fraterni affectus signum, ad nostram delatæ Mansuetudinem, per prudentissimū Apocrisfariū Nobilitatis tuæ, sunt ac multa nos lætitia replevit. Nam bona tuæ nobilitatis, voluntas, & cognationis & amicabilis affectio & dilectio, quam demonstrasti, & per literas, & per verba, & per opera ipsa erga imperium nostrum, nostram consequenter pietatem totam toto animo ad tuum amorem pertraxit.

Quare etiam diuersos fidelissimorum & familiarissimorum hominum suorum, Imperium nostrum ad tuam Nobilitatem emisit: recomunicare volens per eos Nobilitati tuæ totis de causis: propter quas & mandasti, & scripsisti: vult enim in Deo in omnibus amice sapere, & cognationabiliter, & fraterne ad tuam voluntatem: & omnia agere, secundum quod videtur ei, quæ ad honorem sunt nobilitatis tuæ (Quia) verò prudentissimus Dux Venetiæ Petrus Polanus mediator à Nobilitate tua in his causis assumptus est; sicut vir bonus, & fidelis ambabus partibus & hoc nobis placere dignum visum est.

De causa Apuliæ & Longobardiæ prudentissimis Apocrisfarijs nostris, quæ à nobis visa sunt, mandavimus. Nam etsi quidam horum, ad susceptionem magis Nobilissimæ cum Deo futuræ nurus Imperij mei, missi sunt: tamen etiam communiter eis notum Imperij mei velle. Vale Nobilissime amice Imperij mei Rex.

CONRADVS DEI GRATIA ROM. IMP. AVG. CLARISSIMO  
*fratri suo Manueli Porphyrogenito Comneno, illustri & Glorioso Regi  
 Græcorum.*

**N**obilitatis tuæ literas, ut à tanto & tam charo amico nostro, Serenitati nostræ transmissas, gratanter excepiimus, & viso eorum tenore de incolumitate & sublimitate tua ad modum gavisi sumus. Sed auditis à Nicephoro, tuæ dilectionis prudenti Apocrisfario, præter illa quæ in literis continebantur, quibusdam verbis duris, & (ut verum fateamur) ab omni retrò tempore inauditis, & nostræ Maiestatis, ultra quam lingua explere valeat, perturbata est mansuetudo, & est admirata vniuersi imperij nostri latitudo.

Vnde vel à quo hoc tam amarum verbum processerit, miramur, præsertim cum inter cætera huius mundi regna, Græcorū. n. regnū omni sapientia &



ti & discretionē hactenus floruerit. Si enim, idem nuncius tuus Nicephorus vnicum filium nostrum Henricum in præsentia nostra morti dedisset, ad maiorem iram Maiestatis nostræ animum prouocare non poterat; Cumque iam per triduum in hoc acerbo dolore laborasset, & rigorem nostri animi nullo ingenio multaque sapientia ad suam voluntatem inflectere potuisset, vix tandem quarto die alijs verbis mitioribus Excellentiam nostram exhilarauit, nostraque furore indignationis mitigato, nobilitatis tuæ voluntatem nobis aperuit. Et quoniam ita nunc est & esse debet, quod tu, amicorū amicissime, vxorem accipias dilectissimam filiam nostram, sororem videlicet nobilissimæ conthoralis nostræ, volumus, vt in sit æternum fœdus perennis amicitiz, quam videlicet amicitiam præsenti Apocrisiario tuo ore & manuscripto firmari iussimus, ita videlicet, vt & amici amicorum & inimici simus inimicorum tuorum. Pronide certa sit prudentia tua, quod si tuæ nobilitati vndeunque aliqua molestia vel iniuria fuerit illata, non hanc tibi tantum sed etiam nobis factam iure dilectionis reputamus: quoniam virtutis tuæ nobilitas, & maxime generosi sanguinis, quo in pignus perpetuæ dilectionis cōsiderati sumus, propinquitas nos inuitat, vt te tanquam filium clarissimum totis vlnis charitatis amplectamur, & cuncta, quæ tibi placita sunt, libenti animo faciamus. In qua re istum arbitramur, vt eandem amicitiam nobis & Imperio nostro firmari facias, vt completis omnibus honorificè, vtrique Imperio debitus honor exinde deferatur, & pax & nomen Christi per vniuersum mundum inde glorificetur. Porro de quingentis militibus, quos nobilitas tua petit, hoc tibi respondemus, quod non solum quingentos, sed etiam duo vel tria millia si necesse habueris, tibi mittemus, & quod maius est, antequam detrimentum aliquod honoris tui pati videremus, elaborata totius Imperij nostri fortitudine, in propria persona tibi, sicut præcordiati filio & fratri charissimo, deficere & deesse nō possemus. Præterea scripsit nobis tua nobilitas, quod magnos & charos nuncios Sinceritate tuæ mitteremus; in quo voluntati tuæ acquieuius quoniam quos chariores habuimus, Excellentiz tuæ transmisiimus; scilicet, charissimum præcordialem nostrum Embriconem, venerabilem VVirtzburgensem Episcopum, illustrem & magnum Imperij principem, qui est cor nostrum & anima nostra: nec non dilectissimum nostrum Robertum, illustrem & nobilem Principem Capuanum. Misimus etiam, quasi vtrasque manus nostras, Germanos duos fratres, scilicet fratrem Bernonem virum capientem & religiosum, & fratrem ipsius Rivvinum, qui nobis valde charus est, & familiaris & nobilis: & honorandum Principem Imperij nostri Rogerium, illustrem Comitem de Adriano, cuius fidem & constantiam sapius experti sumus, & Gualterum fidelem nostrum. Itaque ea quæ in literis non continentur industriz tuæ referenda commisimus, quo-

quorum verbis fidem adhibeas, & quę tibi dixerint, tanquam à nobis dicta credas. De Pruthenis vero pro quibus patri tuo diuę recordationis, Iohanni Imperatori per fidelissimum Capellanum nostrum ad Albertum & per Comitem Alexandrum de Grauna scripsimus, de loco in quo nostris Teutoni eis ad honorem Dei Ecclesiam ædificari volumus, & de nobilibus, Baronibus Apuliz, Alexandro videlicet Clarimontis, philippo de Surre, & Heinricho Cornite & Senne Pustel ille noster præcordialis VVirzburgensis Episcopus & cæteri familiares nostri voluntatem nostram tibi referent quibus tanquam nobis credas. Super his omnibus fidelem apocrysiarium tuum Nicephorum, licet in principio legationis suę nos conturbauerit, tibi attentius commendamus & quia constanter perdurauit, vt eum remunerare rogamus. Vale.

SENATVS POPVLVSQVE ROMANVS CONRADO IM-  
peratori Auguſto.

**R**egali Excellentiz per plurima iam scripta, nostra facta & negotia diligenter opposuimus, quomodo in vestra fidelitate permaneamus, ac pro vestra Imperiali corona exaltanda, & omni modo augenda quotidie decertamus. Atque quia regentis industria, vt postulauimus, rescribere non dignata fuit plane tanquam filij & fideles de patre & Domino satis miramur. Nos enim quicquid agimus pro vestra fidelitate & honore facimus. Et quidem regnum & imperium Romanorum, vestro à DEO regimini confessum, exaltare atque amplificare cupientes in eum statum, quo fuit tempore Constantini & Iustiniani qui totum orbem vigore senatus & populi Romani suis tenuere manibus, reducere: Senatu pro his omnibus Dei gratia restituto & eis qui vestro Imperio semper rebelles erunt quique tantum honorem Rom. Imperio subriperant, magna ex parte conculcatis, quatenus ea quę Cæsari & Imperio deberentur per omnia & in omnibus obtineatis: vehementer atq; vnanimiter satagimus atq; studemus. Et ad huius rei effectum bonum principium ac fundamentum fecimus. Nam pacem & iusticiam omnibus eam volentibus obseruamus, fortitudines, id est, domos potentum vrbs, qui vestro imperio vna cum siculo & Papa resistere parabant, cepimus; & quasdam in vestra fidelitate tenemus; quasdam vero subvertentes, solo corquauimus. Sed pro his omnibus, quę vestrę dilectionis fidelitate facimus Papa frangij panes & filij Petri Leonis homines & amici Siculi (ex cepto jordano nostro, fidelitate in vestra vexili foro, & adiutore) Toloineus quoque & alij plures yndique nos impugnant; ne libere, vt decet, imperialem regio capiti imponere coronam liceat. At nos, quoniam amanti nullus labor grauis est, licet inde plurima damnā sustineamus, pro vestro amore & honore gratanter pati-

F mur.

mur. Scimus namq; nos à vobis proinde præmium, sicut à patre, accepturos, vosque in eos, sicuti in Imperij hostes, vni dictam daturos. Cum tanta igitur nostra in vobis fidelitas sit, tantaque pro vobis sustineamus, precamur, ne spes ista nobis deficiat, ne regia dignitas vos vestros fideles & filios despiciat. Neq; si in regalibus auribus aura sinistra de senatu & nobis flauerit, in eam intendat aut respiciat, quia qui de nobis vestræ Altitudini mala suggerunt, de vestra & nostra (quod absit) dissensione lætari volunt, & vestrosque, vt soliti sunt, callide opprimere moliantur. Sed circa hæc ne fiant, Regalis prudentia, vt decet, sollicita sit & provida, reminiscaturque vestra solertia, quot & quanta mala Papalis curia, & dicti quondam cives nostri Imperatorib<sup>9</sup>, qui fuerunt ante vos, se fecerint, & nunc deteriora vobis cum siculo facere tentauerunt. Sed nos Christi gratia in vestra fidelitate viriliter eis resistimus, ac plures ex illis ab vrbe, sicut pessimos hostes Imperij, vt sunt<sup>9</sup> pepulimus. Appropinquet igitur nobis Imperialis celeriter vigor, quoniam quicquid vultis in vrbe obtinere, poteritis, & (vt breuiter succincteque loquamur) potenter in vrbe, quæ mundi caput est, vt optamus habitare, toti Italiæ ac regno Teutonico, omni clericorum remoto obstaculo, liberius & melius quam omnes ferè antecessores vestri dominari valebitis. Sine mora ergo precamur, vt veniatis, & interim de statu vestro, quem semper desideramus salubrem & prosperum, de his regalibus literis ac nuncijs nos latificare dignemini: Sumus enim per omnia vestræ voluntati semper obtemperare parati. Sciatis præterea, quia Pontem Milvium extra urbem, parum longe per tempora multa pro Impetatorum contrario destructum, nos (vt exercitus vester per eum transire queat, ne petrileones per castellum sancti Angeli vobis nocere possint, vt statuerant cum Papa & Siculo) magno conamine restauramus, & in parui temporis spatio muro fortissimo & silicibus, iuuante DEO, complebitur. Concordiam autem inter Siculum & Papam huiusmodi esse accepimus. Papa concessit siculo virgam & annulum, Dalmaticam & mitram atque sandalia, & ne vllum mittat in terrâ suâ Legatū, nisi quæ Sicullus petierit. Et Siculus dedit ei multam pecuniam pro detrimento vestro, & Romani Imperij, quod DEI gratia vestrum existit. Hæc omnia sollicitè vestra animadvertat, optime Rex, prudentia:

*Rex valeat; quicquid cupit, obtineat, super hostes  
Imperium teneat, Roma sedeat, regat orbem:  
Princeps terrarum, cum secis Iustinianus:  
Caesar accipiat Caesar, quæ sunt sua, Presul,  
Vt Christus iussit, Petro soluent tributum.*

**Nos**

**N**Os de cætero legatos nostros precamur vt benigne recipiatis, & quod vobis dixerint credatis: quia scribere cuncta nequiuimus: Sunt enim nobiles viri Guido Senator, Iacobus filius Sixti Procuratoris, & Nicolaus eorum socius. Roma.

CONRADVS IMP. AVG. MILITIBVS SVIS AD

*Meandrum fluuium,*

**P**ropter Christi gloriam, Milites, non nostram, hanc longinquam & periculofam expeditionem suscepimus: qui domi manere, & magni ac beati esse poteramus, cum nostris charissimis. Nunc vero frigora, æstus, famem, quævis pericula subiimus: terram pro lecto, coelum pro lecto habentes: quantumvis nobiles, illustres, diuites, inclyt: Quare, si scitis, quam crudelia isti corde incircumcisi in nostros populares patrent: pugna- te, fortissimi milites nunc in eos animose. Si Christus pro nobis mortuus est: quanto magis nos pro illo mortem oppetamus? Iam quia fluuius iste non nisi nova ratione transiri potest: cum acie condensata, simul vno impetu, ceu vno corpore, perrumpamus. Dictum ac factum.

EUGENIVS EPISCOPVS SERVVS SERVORVM DEL.

*Conrado Ram. Regi illustr.*

**S**alutem & Apostolicam benedictionem. Exhortamur te in Domino quatenus tribulationes, quas tibi & exercitui tuo omnipotens Deus irrogavit, patienter supports: & in eo spem tuam constituas: qui, quem vult, permittit affligi: & confidentes in se misericorditer liberare consuevit. Si enim patientiam & humilitatem in adversis perfecte tenueris: per desertum huius vitæ, sub protectione columnæ nubis & ignis, id est, patientiæ solatio, & charitatis ardore intrepide perduceris.

E I D E M.

**N**obilitatem tuam monemus & exhortamur in Domino: quatenus nobis statum tuum & regnū studeas intimare: & hoc tempore devotionem, quam erga matrem tuam sanctam Rom. Ecclesiam geris, ostendas: vt nostro respondere affectui congrue videaris: & beati Petri, Apostolorum principis intercessionibus (cui te totum debes exponere) Creatoris nostri largiorem debeas gratiam promereri. Datum in Tusculano. 8. Kal. Iulij. M. C. XLIIX.

BERNHARDVS ABBAS CLARAVALLENSIS, ARCHIEPISCOPIS,

*Episcopis & uniuerso clero & populo Orientalis Francia & Baiarna. S.*

**S**ermo mihi ad vos de negotio Christi, in quo est vtique salus vestra. Nec dico, vt excuset indignitatem personæ loquentis auctoritas Domini; excuset & consideratio propriæ vtilitatis.

F 3 Medicus

Medicus quidem sumi sed non modice vos cupio visceribus Christi IESV. Ea mihi nunc ratio scribendi ad vos, ea causa, ut vni veritatem vestram literis audeam convenire. Agerem id libentius viva voce, si ut voluntas non deesset, suppeteret & facultas. Ecce nunc fratres tempus acceptabile: ecce nunc dies salutis, copiosæ salutis. Commota est siquidem & contremuit terra, quia caput DEVS cœli perdere terram suam: suam, in qua visus est, & annis plus quam triginta homo cum hominibus conuersatus est. Suam utique quam illustravit miraculis, quam dedicavit sanguine proprio, in qua primi resurrectionis flores apparuerunt. Et nunc peccatis nostris exigentibus crucis ad versarij caput extulere sacrilegium, depopulantes in ore gladij terram benedictam, terram promissionis. Prope est si non fuerit, qui resistat, ut in ipsam DEI viventis irruant civitatem, ut officinas nostræ redemptionis evertant, ut polluant loca sancta, agni immaculati purpurata cruore. Ad ipsum, (proh dolor.) religionis Christianæ sacrarium inhiant ore sacrilego; lectumque ipsum invadere & conculcare conantur; in quo propter nos vita nostra obdormivit in morte.

Quid facitis viri fortes? Quid facitis serui crucis? Itane dabitis sanctum canibus, & margaritas porcis? Quam multi illic peccatores, confidentes peccata cum lacrymis, veniam obtinere, postquam patrum gladijs eliminata est spurcitia paganorum, Videt hoc malignus, & invidet: dentibus frendet & tabescit. Excitat vasa iniquitatis suæ: ne vlla quidem iam pietatis signa aut vestigia relicturus, si quando forte (quod DEVS auertat) obtinere valuerit. Verum id quidem omnibus seculis deinceps inconsolabilis dolor, quia irrecoverabile damnum: Specialiter autem generationi huic pessimæ infinita confusio, & opprobrium sempiternum. Quid tamen arbitramur, fratres? Nunc quid abbreviata est manus Domini, aut impotens facta est ad saluandum, quod ad tuendam & restituendam sibi hæreditatem suam exiguos vermiculos vocat? Nunquid non potest mittere angelorum plus quam duodecim legiones: aut certe tantum dicere verbo, & liberabitur terra. Omnino? subest ei, cum voluerit, posse. Sed dico vobis, tentat vos Dominus DEVS vester. respicit super filios hominum, ut forte sit, qui intelligat & requirat, & doleat vicem eius. Misericordia enim populum suum DEVS, & lapsis graviter providet remedium salutis. Considerate quanto ad solvendo vos artificio utitur, & obstupescite. Intuemini pietatis abyssum, & confidite peccatores: Non vult mortem vestram: sed ut convertamini, & vivatis, quia sic quaerit occasionem non adversum vos, sed pro vobis.

EUGENIUS PAPA CONRADO ROMANORUM Regi. S.

Cum

**C**VM in hoc mundo cuncta mutabilitatis ordo corrumpat; sicut nec prosperis elevari, nec frangi adversis, confidentes de diuina miseratione, debemus: qui Dei & hominum mediator admiranda dispensatione consuevit omnem filium, quem recipit aduersitatibus flagellare; vt, dum ipsum per amorem ad æterna præmia vocat, præsens mundus eius animum per varias turbationes, quas ingerit, à se ipso, repellat; tantoque facilius ab huius seculi amore recedat; quanto magis impellitur, dum vocatur. Quod Moyse vocante & Pharaone signatur in Israelitico populo.

Moyse namque tunc ad vocandum missus est, cum Pharaoduris eum operibus perurgebat; quatenus alter vocando pertraheret; alter impelleret sæviendo; vt plebs in seruitio turpiter fixa, vel provocata bonis, vel impulsamolestijs, moueretur. Hoc itaque rationis debito incitati discretionem tuam commouemus & exhortamur in Domino; quatenus tribulationes, quas tibi & exercitui tuo omnipotēs Deus irrogavit, patienter supports; & in eo spem tuam constituas; qui quem vult, permittit affligi; & confidentes in se misericorditer liberare consuevit. Si enim patientiam & humilitatem in aduersis perfectè tenueris; per desertum huius vitæ, sub protectione nubis & ignis, id est, patientiæ solatio, & charitatis ardore intrepidus perducis.

Quia igitur personam tuam vera charitate diligimus: & de te valde confidimus; si post tuum reditum sine dilatione de his, quæ ad honorem sanctæ Ecclesiæ & regni spectare noscuntur, tecum mutuis potuissimus tractare colloquijs, nobis utique gratum fuisset. Verum quia id nobis temporis qualitas denegavit; & de tua salute sumus solliciti; quosdam de patribus nostris, postquam te ad Longobardiæ partes, auctore Domino, incolumem pervenisse accepimus; sicut pervenerabiles fratres nostros Artuicum Bremensem Archiepiscopum, & Anshelmum Havelburgensem Episcopum, tibi significavimus: ad tuam serenitatem duximus destinandos; vt affectum & benevolentiam, quam erga te gerimus, tibi exponerent; & quod de te audire cupimus, ipsorum relatione noscerem. Quibus dedimus in mandatis, vt tibi tanquam charissimo filio nostro, & Catholico Principi, atque speciali Romanæ sanctæ Ecclesiæ defensori, ipsius Ecclesiæ statum & nostrum exponerent. Qui siquidem in Tusciam usque progressi, ex quo te ad Teutonicas partes pertransisse noverunt, longitudinem viæ & difficultatem itineris propter ætatis intemperiem metuentes, ad nostram præsentiam redierunt. Cæterum quia statum tuum, & dilecti filij nostri Henrici Iunioris regis (quem post discessum tuum paterno affectu dileximus, & imposterum actiones eius prosperari in Domino præoptamus) cognoscere cupimus; cum fratres nostri, propter ætatis fervorem, laborem tanti itineris perficere non valerent; per fidelem nostrum Franconem latorem

F 3

præ-

praesentium, & Apostolica scripta tuam excellentiam visitantes; nobilitatem tuam monemus & exhortamur in Domino; quatenus ea quae circa te & ipsum geruntur, & statum regni per eundem Franconem nobis studeas intimare; & hoc tempore devotionem, quam erga matrem tuam sanctam Romanam Ecclesiam geris, ostendas; ut nostro respondere affectui congruè videaris; B. Petri Apostolorum in Principis intercessionibus, cui te totum debes exponere, Creatoris nostri largiorem debeas gratiam promereri. Datum in Tuscalano 8. Calend. Iulij.

## EUGENIVS PAPA LVDOVICO

*Regi Francorum.*

**Q**uantum praedecessores nostri pro recuperanda Orientali Ecclesia laboraverint: omnibus esse cognitum arbitramur. Quis enim nescit, Urbanum proximè universo Occidenti propè classiem cecinisse: atque omnes provincias ad hoc zmulandum decus incitavisse? Ex omnibus autem, qui huic laudi atque officio studuerunt, Franci sine dubio, & Itali virtutis, diligentiae, pietatisque primas tulere. Itaque non minore felicitate, quàm fortitudine Hierosolyma recepere: regnumque novum in Syria condidère. Nunc verò (proh dolor) capta est Ecclesia: quae cæteris verbis quondam oppressis, solam studio pietatis Christianae perstiterat. Iugulatus est una cum clero Archiepiscopus: & universus Christianorum populus foedissimè trucidatus: Sanctorumque reliquiae ab infidelibus conculcatae sunt. Qua ex re quantum periculi Ecclesia Orientalis contraxerit: vos per vestra prudentia perspicere opinamur. Vos igitur hortamur atque oramus: ut ad ea conservanda, quae patrum vestrorum labore ac sanguine parta sunt, ac curatis & Christianos, qui captivi facti sunt, misera ac tristi servitute solvatis. Nos autem omnia dona vobis pollicemur: quae vobis ab V R B A N O Pontifice concessa sunt: quae bona, uxores, filios eorum, qui Crucem susceperint, in sanctae Ecclesiae nostrorum, Archiepiscoporum, episcoporum & aliorum procerum Ecclesiae tutela manere decernimus. Praeterea ne quis de bonis, quae in crucis susceptione habuerit, ullam, donec domum redeat, subire controversiam possit: nec si ante, merfus alieno fuerit, vsuras solvere teneatur, cavemus; Qui pecunias mutuas à dominis feudi impetrare nequiverint; eos possessiones hominibus Ecclesiasticis oppignorare posse concedimus; Ne verò vestibus induti preciosis nec culto corpore, nec cum canibus & accipitribus, aut alijs rebus luxuriam indicantibus eatis, monemus.

Demum ex Urbani instituto, omnipotentis DEI, & Sancti Petri Apostolorum principis auctoritate nobis à DEO concessa freti, peccatorum remissionem ita concedimus: ut qui tam sanctum iter susceperint, si-

ve in

ut in eo operierint, omnium delictorum suorum quæ ritè confessi fuerint absolutionem obineant. Vetrallæ. X. Kal. Decemb. M. C. XLV.

ADRIANVS EPISCOPVS SERVVS SERVORVM

*Dei Friderico Romano Imperatori.*

**L** Ex divina sicut parentes honorantibus longævitatē promittit : ita maledicentibus patri & matri sententiā mortis ostendit. Veritatis autem voce docemur : quia omnis, qui se exaltat, humiliabitur. Quapropter, dilecte in Domino fili, super prudentia tua non mediocriter admiramur. quod B. Petro & Sanctæ Rom. Ecclesiæ non, quantā debes, exhibere reverentiam videris. In ditis enim ad nos missis nomen tuum nostro proponis : in quo insolentiz, ne dicam arrogantiz, notam incurris. Quid dicam de fidelitate B. Petro & nobis à te promissa & iurata, quomodo eam observes ; cum ab ijs, qui dii sunt, & filij excelsi omnes, episcopis scilicet, homagium requiris : fidelitatem exis : & manus eorum sacratas manibus tuis infectis : & manifeste nobis factus contrarius, Cardinalibus à latere nostro directis, non solum Ecclesias, sed & ciuitates regni tui claudis ? Resipisce ergo, resipisce, tibi consulimus : quia dum à nobis consecrationem & coronam merueris : dum inconcessa captas, ne concessa perdas, nobilitati tuæ timemus.

FRIDERICVS ROM. IMP. SEMPER AVGVST. ADRIA-

*no Ecclesia Catholica Pontifici.*

**L** Ex iustitijs vnicuique, quod suum est, restituit. Non. n. parentibus nostris derogamus : quibus in hoc regno debitum honorem exhibemus : à quibus in hoc regno debitum honorem exhibemus : à quibus videlicet primogenitoribus nostris & regni dignitatem suscepimus, & coronam. Nnnquid tempore CONSTANTIN. I. Sylvester Regalis aliquid habuisse dignoscitur ? Sed eius pietatis concessione, libertas restituta est. Ecclesiæ : p. restituta est : & quicquid Papatus vester regalis habere dignoscitur, largitionem Principum obtinet. Vnde cum Rom. Pontifici scribimus : rure antiquo & nomen præponimus : & ad iustitiæ normam eidem nobis scribendi concedimus. Revolvite Annales : & si se & cum neglexistis, quod asserimus, illic invenitur. Ab ijs autem, qui Dei sunt, per adoptionem & regalia nostra tenent, cur homagium & regalia Sacramenta non exigiamus ? Cum ille noster & vester institutor, ab homine rege nihil accipiens : sed omnia bona omnibus conferens : qui pro se & Petro censum Cæsari solvit : & exemplum vobis dedit, ut ita faciatis ; doceat vos, dicens : Discite à me, quia mitis sum, & humilis corde. Aut igitur regalia nostra nobis dimittant : aut, si hæc vilia iudicaverint, quæ Dei, Deo ; quæ Cæsaris, Cæsari persolvant.

Cardinalibus utique vestris clausæ sunt Ecclesiæ : & non patent ciuitates.



tates: quia non videmus eos prædicatores, sed prædatores: non pacis corroboratores, sed pecuniæ raptores: non orbis reparatores, sed auri insatiabiles corrosores. Cum autem viderimus eos, quales requirit ecclesia, portantes pacem illuminantes patriam: assistentes causæ humilium in æquitate: necessarijs stipendijs & com meatu eos sustentare non differemus. Humilitatis autem, quæ est custos virtutum, & mansuetudinis vestræ non minimam notam inutilis: cum huiusmodi quæstiones, religioni non multum conferentes, secularibus personis proponitis. Provideat itaque paternitas vestra: ne, dum talia movet, quæ in digna ducimus, offendiculum ponat, illis; qui velut ad imbrem serotinum ori vestro aures suas arrigere festinant. Non enim non possumus respondere auditis: cum superbix detestabilem bestiam vsque ad sedem Petri reptasse videmus. Pacem Ecclesiæ benè semper providentes, benè semper valete.

HENRICVS REX ANGLIÆ DVX NORMANNIÆ ET A-  
quitania, & Comes Andegavensis, Friderico Roman.  
Imperatori.

**E**Xcellentia vestræ, quantas possumus, referimus gratias, dominantium optimi: quod nos nuncijs vestris visitare, salutare literis; muneribus prævenire: &, quòd his charius amplectimur, pacis & amoris invicem dignata sit sædera inchoare. Exultavimus: & quodammodo animum nobis crescere, & in maius sensimus evchi: dum vestra promissio, in qua nobis spem dedistis, in disponendis regni nostri negocijs, alacriores nos reddidit, atque promptiores.

Exaltavimus inquam, & tota mente Magnificentia vestræ assurreximus: id vobis sincero cordis affectu respondentès: quòd quicquid ad honorem vestrum spectare noverimus, prò posse nostro, effectui mancipare parati sumus. Regnum nostrum, & quicquid ubique nostræ subijcitur ditioni vobis exponimus: & vestræ committimus potestati: ut ad vestrum nutum omnia disponantur: & in omnibus vestri fiat voluntas imperij. Sit igitur inter nos & populos nostros dilectionis & pacis unitas indivisa: cōmercia tuta: ita tamen ut vobis, qui dignitate præeminetis, imperandi cedat auctoritas: nobis non deerit voluntas obsequendi. Et sicut vestræ serenitatis memoriam vestrorum excitat in nos munerum largitio: sic vos nostri quoque reminisci præoptamus: mittentes quæ pulchriora penes nos erant; & vobis magis placitura: Attendite itaq; dantis affectum non data: & eo animo, quo dantur, excipiti. Valete.

EBERHARDVS BABENBERGENSIS ECCLESIAE EPI-  
scopus, Adriano Pontifici Romano.

**C**Vm & tacendi, & loquendi tempus sit: quando commune instat periculum

culum, desperationis potius, quam religionis est, servare silentium: omnium est conclamare, in vnam concurrere, ac ferre præsidium. Quando autem impetus hostilis aut incendium ingruerit ciuitati, interest præsertim eorum, qui vigilantes ciuitatis sunt: eos, qui in arce sunt, ipsum quoque patrem familias expergefacerere ad subueniendum in necessitatis articulo. Hac officij mei consideratione, & specialis debiti, quo teneor multis rationibus S. Rom. Ecclesiæ: ego licet minimus episcoporum, qui nec sum dignus vocari episcopus: tam impudenter, quam imprudenter, exclamo ad vos, Reuerendissime Pater & Domine, hoc in tempore, quo nobis infirmioribus videtur imminere, quod multum pertimescimus, periculum. Et quidē ab illa olla, quæ succensam ab Aquilone vidit olim Propheta Ieremias, ignis quidā per scintillas occultas cœpit erumpere: sed adhuc in fumo est, & Dei gratia, nondū in flammam eluxit. Inter vos, Domine & filium vestrum Dominum nostrum Imperatorem verbotenus ad huc aliquid perturbationis est. Timendum valde & metuendum: ne verba verbis obuiantia, sua collisione flammam tandem excutiant: quæ se latius diffundat in sacerdotio & regno: quod Deus avertat. Ipse filius vester, sicut nostis, dominus noster est: vos autem, quomodo Christus, Magister & dominus. Nemo nostrum audet dicere hinc vel inde: cur hoc facitis aut dicitis? Optamus tantum, & rogamus ea quæ ad pacem sunt. Quod si liceret salua reuerentia verba singula trutinare, & rationem singulorum exigere: in insipientia dico: non, vt arbitror, expediret: quia potius ignis sine mora discutiendus est: quam de igne, qua de parte venerit, discipandum. Supra me esse scio, quæ loquor: sed in simplicitate cordis mei coram eo, qui super omnes, & secretorum est conscius, hæc loquor: & ex quo cepi semel, loquar adhuc vobis confidenter, tanquam patri & domino. Omissis illis, quæ aliter & aliter secundum varias auditorum & interpretum mentes possunt accipi, dignetur de integro scribere vestra paternitas placide ac benigne filio vestro, domino nostro Imperatori: & ad se paterno affectu cum revocare, promptum ad exhibendam vobis omnem reverentiam. Samuel Dauidem tuum amplectatur: nec dimittat à se separari: vt nulla scissura chlamydis fiat: quatenus Deus honoretur: & Ecclesia Catholica tranquilla devotione lætetur.

CLEMENTI III PONT. MAX.

*Anonymus.*

**C**Redentes Sanctitatem vestram esse cupidam circa noticiam rerum ab Imperatore gestarum, ea quæ vidimus & manibus tractavimus, sine adulterine facilitatis admixtione, succincta brevitate vobis scribere curavimus. Cognoscat itaque vestre sanctitatis discretio quod ab amantissimo rege Ungariæ Bela honorifice recepti: & benigne ab ipso humaniterque tractati: statim cum regnum Græciæ intravimus: in manus furum & latronum incidimus:

G

dimus:

dimus: nulla in Græcis fide reperta. Nā cōtra cōmunem nō violandorū legatorum legem, Episcopum Monasteriensem & Comitem Robertum ceperant: vnde cū magno labore per partes Bulgariz procedentes: post longā viz nostræ morā: capta prius ciuitate Philippoli, & destructa, & famoso castro Vermio diruto: & tota circumiacente regione gladio devastata: capta etiam vrbe Adrianopoli, vna cum circumiacentibus civitatibus: captaq; inexpugnabili ciuitate Timotico à Duce Sueviz: & infinitis habitatorib. villę occisis: destructo etiam quodā castro Manicęta à militibus nostris, & paucis de exercitu: vbi circiter sex millia Græcorū perierunt igne & gladio: captis quoque compluribus castris, & facta magna strage Græcorum: cum etiam fame perirent: acceptis præterea à Constantinopolitano Imperatore idoneis obsidibus: redditisque nobis nuncijs Soldani, & filijs eius: quos ad nos missos ante ceperant in festo Paschæ cum omni prosperitate rerum & personarum, brachium S. Georgij transivimus. Sed postmodum, quæ à prædicto Imperatore nobis iurata & promissa sunt, nequaquam sunt observata. Deinde procedentes per partes Philadelphiz, vsq; Laodiceam pervenimus in manu forti, omni die armata militia exercit⁹ Christi. Inde proficiscentes feria sexta ante diem Rogationum, propter graminis & aquæ defectum, & propter diætā solito lōgiorem, inestimabile damnum in equis passi: cōvenimus, vbi fluuius Mandra oritur. Et cum adhuc essent circa nos nuncij Soldani, & filij eius: qui magna dōmino Imperatori munera attulerant: & sub fidei certa pollicitatione pacem nobis firmissimam promiserant: invenimus tamen ibi in magna copia Turcarum acies contra nos ordinatas: qui ad mortem nostram missi fuerant. Sed Deo auctore & duce, sub sanctæ Crucis vexillo, diuiculo feria secunda, quæ prima erat rogationum dies: in ore gladij eos vicimus magna eorum facta strage: transeuntes eadem die fauces & angustissima montium versus Susopolim: in quibus partibus sub angusto quodam transitu, ipsa vigilia Ascensionis Domini magnam Turcorum multitudinem occidimus. Et quia iam equorum defectū sensimus: qui vulnerati fuerāt & occisi: & propter frigiditatem, segetem & herbam nō invenimus: cū iam fame arctari inciperemus: nec à nuncijs Soldani aliquod inveniremus consilium: à via regia, quam Imperator Emanuel ire solebat: coquod esset deserta & conglissima versus Iconiū, & tota montibus clausa: necessitate coacti ad sinistram declinavimus. Die Ascensionis summitates montiū per quos nobis erat transitus occupantes: per montes asperissimos & viā angustissimā contra spem omnium, cū summa difficultate, magnaq; rerum & personarū iactura: eadē die in planitiē Firminini descendimus. Turci. n. ex omni parte quasi corona totum cinxerant & impugnabant exercitū, & Dux Sueviz cum Duce de Mair & Marchione de Baden, & alijs nobilibus ac Egittarijs à tergo remanserant, ad tuendum præcedentes: Qui cū præmissis

corum

eorum equis, pedites descendere deberent: tanta fuit Turcorum instantia cum sagittis & fundis & lapidibus: quod nostri ab invicem divisi, in magno necessitate articulo positi sunt: Tunc Dux Sueviae vulneratus est: vno superiori dente penitus excussus, & laesa medietate inferioris: multi etiam milites ex nostris vulnerati sunt: vnus solus occisus est. Saumarj quoque multi cum pecunia, vestibus, valis perditum sunt, sed de Turcis plurimi occisi. Turcorum vero vires supra quam dici potest quotidie augebatur. Nam statim Dux Sueviae & Dux Finimini & Dux Fernae cum suo exercitu in occursum habuimus, cum infinito aliorum numero. Quibus omnibus coadunatis, à mane usque ad vespere per omnes frequentes dies conflictum habuimus: & Deus semper posuit victoriam in manibus nostris: multis tamen vulneratis ex nostris, & multis equis occisis. Post diem vero Ascensionis proxima Dominica, Fridericus de Hunlitra eos insequendo, de equo cecidit & fracta cervice obiit. Sequenti autem die apud Finiminum castra metati sumus: ubi cum circa vespere castra nostra Turci aggredierentur: ita ut de quibusdam hospitij spolia iam raperent armatis; nos in fugam eos convertimus: & ex eis ceciderunt plus quam sex millia Turcorum, inter quos CCCLXXXIV. de melioribus totius Turciae occisi, & nullus de nostris interiit, sed & equi multi occisi: & resonabant montes ex clangore plangentium: & nox divisit nos ab invicem. Inccepit autem inter nos fames valida regnare, vinum & farina ex toto defecerat: & ego cum alijs equinas carnes comedi. Defecerat & equi fame: & nec annonam, nec segetem invenimus, & Turci die ac nocte cum tanto nos ardebant exercitu, ut nulli extra castra liceret exire. Post feria quarta ante diem Pentecostes magnam rursus eorum multitudinem occidimus. Post sanctum vero diem Pentecostes, invenimus Melichum magni Soldani filium, & acies contra nos dispositas, & Turcorum multitudinem circa CCC. millia equitum: qui totam, ut locustae, repleverant terram: contra quos victrices aquilas in nomine Christi à fronte ereximus: nec famem, nec vulneratorum defectum sentientes. Et cum vix sexcenti equites essemus, sub signo vivificae Crucis eos vicimus, & convertimus in fugam: ubi Melich filius Soldani ab equo deiectus est, & quatuor nominatissimi Principes eius occisi, & alij quam plurimi: ubi etiam quidam accidit dignum memoria: S. Georgius eadem die, sicut & prius, quasdam acies nostras Ludouico de Helfenstein praecedere visus: impendens auxilium exercitui nostro. ipse enim Ludovicus subiureiurando confusus est, & sub religione suae peregrinationis, coram domino Imperatore & exercitu. Sed & ipsi Turci postmodum nobis retulerunt: se quasdam acies vidisse, candidis amictis vestibus, & equis albis. Eadem die sequentes Meliochum, qui fugerat versus Iconium: post tantam victoriae gloriam, vix circa noctem venimus ad hospitium, nullumque reperimus: fueruntque homines & pecora sine cibo & potu: & quodammodo incidimus in vitae desperationem. Nam equi, qui prius remanserant, fame & ob viam longitudinem fere

G 2 omnes

omnes mortui sunt. Inde proficiscentes summo diluculo: cum iam essemus prope iconium ad miliare: accessimus vicinius: invenimus aquam, vbi māsimus tota feria quarta. Sequenti vero die recepimus nos iuxta quendā hortum amœnissimum, clausum muris, apud ipsam ciuitatem Iconij: vbi etiam duo nobilissima palatia Soldani destruximus. Et quoniam vltima vitæ necessitas imminebat: eò quod fames nos maxima invalisset: & vix haberem' iam circa quingentos milites in equis: nullumque superesset procedendi vel redeundi consilium: ipsa cogente necessitate & docente, militiam nostram in duas diuisimus partes: feria sexta post Pentecosten directā via procedentes, ad capiendam ciuitatem: vbi (quod mirabile & incredibile dictu videtur) Dux Sueviæ cum sex sibi adiunctis occupauit ciuitatem, in ore gladij habitatoribus eius occisis. Et dominus Imperator interim manēs à tergo, contra alios Turcos in campo pugnavit, & cum esset circa CC. millia equitum, virtute altissimi eos expugnans, fugæ reddidit. Nec indignum memoria. Ciuitas. n. Iconiū in magnitudine æquatur Coloniz: vbi captis spolijs mansimus à feria sexta vsque ad feriā quartam, donec Soldanus, qui se & suos in castra receperat, timore mortis arctatus: viginti obsides ad electionē nostram dedit: quos adhuc captivos teneremus: quia fidem promissam non tenuit. Inde moventes castra proximo Sabbatho, directā via versus Iarandinum iuimus: vbi Calendis junij hospitati sumus.

Tunc in tempesta noctis silentio tantus factus est terrę motus: quod putaremus super nos Turcorum acies irruisse: idque credidimus fuisse præsagium mutationis circa dominum Imperatorem. Nam cum inde procederemus: iuimus Calephum: vbi tantam asperitatem & difficultatem viæ in trāsitu montium invenimus: & summa cum iactura vix Calephum pervenimus in Dominica die, quæ fuit vigilia Barnabæ Apostoli. Eodem die cum dominus Imperator Fridericus per quoddam compendium transiret in conuallibus mōtium, accessit aquam quandam rapidissimam: saluumque cum recepit in alium partem. Facto autem ibi prandio, post infinitos & intolerabiles labores, quos per mensem iam erat passus, cum vellet lavare in eadem aqua, & refrigerare se ita natando. Dei iudicio, casu lachrymabili inopinatoq; submersus est. Cuius reliquias debita veneratione nobiscū portamus: & vsque ad Tursoch famosissimam ciuitatem pervenimus, inde Antiochiam versus procedentes: maximam rerum nostrarum spoliationem passi sumus: & continuo per sex hebdomadas laboravimus victualium penuria: eo quod venalia non invenirentur. Hæc de multis periculis nostris licet pauca, vobis scribere voluimus: de cætero expectantes solatium à misericordia Dei. Anno Christi. M CXC.

GREGORIUS VIII. PONT. MAX. OMNIBVS Principibus populisque Christianis.

**N**Vncio cladis Hierosolymitanæ accepto: nos cum fratribus nostris tanto-

tāto dolore oppressi sum⁹: vt nec qd dictu nec qd factu op⁹ esset, suppeteret. Quid .n. atrocius audiri, aut quid miserius potuit: quā dissensionē nostrorum exercitum esse concisum: crucem Domini captam: Templarios, Hospitalarios atque Episcopos trucidatos: urbem regiam cum ipso Rege Guidone in potestatem hostium concessisse? Hæc verò quamvis gravissima sint: nō tamen adeò despondendi animi sunt: vt credatur, Deū, q̄ ira percitus ob communia peccata evenire permisit, non eundem placatū per misericordiam pœnitentiæ correcturum: & post lacrymas lætitiā inducturum. Potuit ille quidem sola eam terram voluntate servare: sed nos consilij eius rationem non debemus exquirere: voluit is forsitan experiri; num quis sit, qui oblatum tempus pœnitentiæ complectatur. Quamobrem hortor omnes, vt se & sua custodienda dent ei à quo se & sua omnia receperunt: nec dimittant. sed præmittant in cœleste horreum, quæ habent; & reponant apud eum, apud quem erugo aut tinea non demolitur: nec fures suffodiunt ac furtantur: laborantes pro recuperatione terræ illius; in qua pro salute nostra veritas de terra est orta: & sustinere pro nobis crucis patibulum non desepxit. Nos eis, qui corde contrito & humiliato spiritu laborem itineris huius susceperint; & in pœnitentia peccatorum & fide recta decesserint; plenam suorum criminum indulgentiam & vitam æternā pollicemur. Bona quoque, ex quo crucem assumpserint sub S. R. Ecclesiæ protectione erunt, Episcoporum atque Abbatum in sua cuiusque civitate fidei commendata: neque ipsi vllam interim de ijs, quæ in susceptione crucis possederint, donec redierint, controversiam patientur. Moneo autem, ne eant in vestibus preciosis, cū canibus atque avibus, aut alijs, quæ ostentationi potius aut lasciviæ, quā necessarijs videantur vsibus inservire: sed modesto apparatu & habitu; in quo pœnitentiam potius agere, quā inanem affectare gloriam videantur. Calendis Novembris. M C XXCVII.

INNOCENTIUS III. PONT. MAX. ABBATIS Locedensi.

**Q**Uod ex dissensione, quæ super Burgo S. Domini vertitur, inter Placentinos & Parmenses mala contigerint, nemo non videt. Nam invicem sanguinem suum sitiunt: nec proprijs damnis cladibusq; contenti sunt. Quin etiam totam Lombardiam ad arma sollicitarunt: atque inter se in vniuersi prælij aleam certamen improbum indixerunt. Quamobrem vt & clades imminens arceatur; & si ventum ad conflictum fuerit, immortales civitatum inimicitia amoveantur: mandamus vobis, vt cum Archiepiscopo Mediolanensi, Episcopis Vercellensi Belgomati, Laudensi, Brixiano, Cremonensi, Regiensi, Placentino, & Parmensi, ad quos nos hac quoque de re scribimus, per te & cos, quos ad hoc officium idoneos ac necessarios

rios esse duxeris, hos populos ad pacem & concordiam redigas. Quod si in auctoritate vestra non fuerint: per sacrorum interdictionem in Prætores, Consules, consiliarios & fautores intentam, tam Placentinos, quàm Parmenses, ad subeundem iudicium nostrum astringas: curesque, ut Burgum in manibus tuis nomine nostro assignent tenendum: donec eis à nobis restituatur: quibus visum iure fuerit convenire. V. Kalendar. Maij, M. C. XCIX.

# EPISTOLARVM TVR- CICARVM

## LIBER II

EPISTOLAS MAGNI TVRCI MAHVMETIS  
EX VERSIONE LAVDINI EQVITIS HIEROSO-  
lymitani ad Francinum Beltrandum Comi-  
tem, continens.

TVRCVS ZANCASSANO REGI PERSARVM.



VDIO te ad Lepram, Euphrate superato, copias ingentes traiecisse: quibus mox Parthorum fines ingressus, omnia belli incendio late vastaveris: ac tuorum impetu facto, exercitum in Armeniam traduxisse: utque posturbium direptiones, vicos, oppida & agros in prædam militum diviseris. Te quidem miror non victoris animum, sed prædonis ostendere. Nos tamen ex omni Græcia delectu habito adversum te configere paramus: ut æquis viribus cum hoste contendas. Turpissimum quippe ducimus: maximos atque opulentissimos reges latronum bella imitari.

VSPNCASSANVS TVRCO.

CVM sub radicibus Tauri castra posuisssem: mox ad Ctesiphontem Coppugnandam cum exercitu magna celeritate contendi: fines præterea Armeniorum late depopulatus: ut metu nobis omnia parerent. Quomagus miror ipse: ex quo iure belli tot ac tanta gessimus: abs te factum meum accusari. non enim ex hoste laudem, sed victoriam quærimus.

TVR-

TVRCVS VSVNCASSANO.

**A**D Ciliciz angustias cum exercitu perveni: quo in loco Darium Alexander maximus memorabili clade superavit. Nec aliam nobis fortunam belli pollicemur: qui Alexandrum felicitate ac rerum gestarum gloria æquamus. Non enim multitudine imperita res magnæ geruntur: sed virtute paucorum victoria sita est.

VSVNCASSANVS TVRCO.

**C**Vm ad vires ipse meas respicio, ac magnitudinem rerum gestarum; quibus deos immortales felicitate æquavi: temerarios quidem tuos apparatus minimi duco: qui eo semper vsus sim invictissimo exercitu: cuius virtute regum fortunatissimus appellarer: Bactrianosque omnes, Persas, Medos, Armenios, Parthos, ac vniuersum pene orientem armis subegerim: solusque post Alexandrum bella gentibus indixerim. Tu verò superiore loci fortuna ad Ciliciz angustias gloriari desine. Indus elephas sulicem non timet. Nec verò tam difficile quicquam est, vel arduum, quod non pertinarum militum opera expugnet, virtus profecto nihil invium habet.

TVRCVS SEXVARI.

**Q**Væ nobis de apparatu Zancassani per legatos significasti, militum quidem nostrorum animos auxere: quibus ad diripienda hostium castra spes longè melior, ac belli fiducia maior accesserit. Pellices verò, gemas atque exercitus ornamenta nihil ad victoriam conferre existimo: quæ cum hostibus impedimento sint: utpote lascivæ Veneris facilia arma, vanæque divitiarum ostentationes: nostrorum potius animos ad prædam accendere videntur. Nec tamen de apparatu regio, nec delitijs contendimus: sed de victoria ac militum virtute: quibus regna parari solent. Copias in super, quas adeo innumerabiles recensuisti, facile contemnimus, exemplo Alexandri magni: qui militum suorum acerba paucitate, promiscuam Darij multitudinem strenuè superavit. Nimirum ideo: quoniam imperita multitudo ad fugam promptior est, quàm ad victoriam. *Hæc Epistola per incuriam transposita, sequentem subsequi debet.*

SEXVARES REX ARMENIÆ TVRCO.

**O**Ratores nostros ad Zancassanum in Ctesiphontem misimus: qui apparatu incredibili Mesopotamiam ingressus, Babylonem & Carras magna vi oppugnare contendit. Syriam præterea omnem & Egyptum in prædam sibi destinavit. Nusquam adeo innumerabiles copias tamque ingentes exercitus in vnum coactos esse memoria proditum est: ut Xerxem, Darium, Pyrrhum, Alexandrum magnitudine virium facile superarit.

Accedunt



Accedunt his millia equitum sexcenta, ac etiam totidem peditum. Apparatus verò belli magnificus & locuples: Tentoria ipsa gemmis ac etiam vario lapillorum genere distincta. regiam suppellectilem ostendunt. Pellices in contubernijs, totidemq; pueros ultra septingentos adesse memorant. Eunuchi præterea cum metatoribus impedimenta secuti ad 6. millia referuntur. Arma etiam cuiusque generis ad usus castrorum affirmant: Gallicos thoraces: Numantina Hispanorum scuta; Latinas ocleas: sagittas Cydonû Creteneses: arcus Parthicos: & Ægyptiorum sarissas. Hæc tibi omnia per speculatores nostros quàm diligentissimè cognita nunciamus. Quis enim adversus eum temere quicquam audeat, qui cum dijs ipsis de imperio certare videatur? Aut quisnam rebus suis consulere non curet sedulo ob incuriam facilliter perituris?

## SOLDANVS TVRCO.

**C**VM tot vsque victorias, rerum gestarum magnitudinem ipse de te audiam: nulla quidem ratione satis adduci possum: hæc vel tua, vel militum virtute geri: sed fortuna profecto, quæ in omni re dominatur. Neq; tamen ipse tuis laudibus invideo. Quis enim virtutem etiam in hoste non probet? sed ea quippe est rerum humanarum imbecillitas: ut nisi cuncta fati necessitate regantur, fortunæ potiùs omnia ludibrio exposita sint: quàm vel prudentia hominum, aut consilio rectè gubernari queant.

## TVRCVS SOLDANO.

**L**ONGè quidem aberras: si eos, qui res consulto agunt, satis omnia credere existimas. Virtus profecto nunquam fortuna regitur: sed ratio ipsa animi est, quæ in cunctis dominatur: & qui ceteris animantibus ad eos propius accedamus. Tu verò tantum eorum quæ tot ac tanta gessimus, rationem accipe. Si nobis speculatores & vigilantes non desunt: si nobis etiam miles veteranus adest: si tyro quis ex omni numero delectus: si præterea exercitus ingens vincere assuetus, vinci verò nunquam: & qui longas hyemes sub pellibus durissimè agat: ac maximis sæpe itineribus, periculis, laboribus & vigilijs, terra marique expositus sit: nullaq; bellandi intermissione fatigatus: & cuius acies nunquàm loco cesserit: ac nemo pedem referre audeat: & qui frigoris, æstus ac inedia patientissimus sit: nec fractus in adversis, nec in secundis elatus: & qui mala postremo omnia virtute superavit: & longinqua domo militia tot in numeras orbis gentes & incredibiles sæpe hostium exercitus fuderit: cuius gratia & ipse vniversi penè orientis Imperator constitutus sum: si hæc igitur omnia fortunam vocas, & casu evenire: fateor cuncta quidem fortunæ ludibrio agi.

TVR.

**C**Orinthum Achaiz nobilissimam urbem, Etolos, Acarnanes, Macedoniam atque omnem Peloponessum armis inuasimus: vicos præterea, agros & oppida late incendio depopulati: vt mox in Italiam bellum transferamus. Hæc tibi omnia cum summo Christianorum metu ac detrimento nunciamus.

PONTIFEX ROMANVS TVRCO.

**Q**Vod Græciam omnem ferro inique vastaueris: non tam crudelitatem in hac re tuam, quam tot urbium direptiones vlisci paramus. Neque etenim victor hostibus ignoscere poteras: qui tuis etiam immunitate, scelere ac libidine nunquam pepercisti. Nec enim pium fasve quicquam apud homines esse potest, cui neglecta religione Deus in contemptu sit. Nos tamen vero nullum à te bellum in Italia meruimus. Facile enim scelerata hominum arma contemnit, qui Dei numine ac præsidio tutus est.

TVRCVS PONTIFICI ROMANO.

**F**Rustra per deos immortales nobiscum agis: qui nec tecum de pietate, nec de religione, nec iusticia, sed de imperio contendimus: vter armis victor extiterit, eidem belli causa debebitur. Crudelitatem vero ac etiam scelera (quæ nobis duo grauissima obiecisti) ideo in captiuos exercemus: vt eum esse vere quidem experiantur, queni verbis homines prædicant.

PONTIFEX ROMANVS TVRCO.

**E**t si tecum nobis iustissima belli causa est: non paritamen scelere, vel etiam ipsa libidine regnandi, sed pro tuenda hominum libertate arma sumpsimus. Quis enim mores Tyranni perditissimos æquo animo ferat? Namque quod plerumque in cæteris usu euenit: vt vel metu vel odio, nonnunquã etiam ira in subditos acerbiores reddantur: ipse omnibus sponse immaniores: qui crudelitate potius quam victoria gloriaris: ac ea tantã parum sit admisisse, captiuis etiam semper calamitates exprobrasti. Meritas igitur pœnas exolues. Vltor enim scelereum Deus, vindictæ tarditatem supplicij grauitate compensat.

TVRCVS VENETIS.

**A**D Patras ingenti cum exercitu veni. Vidi: & vici. Hæc vobis cum maximo reipub. detrimento nunciamus.

VENETI TVRCO.

**N**ec belli usu, nec virtute militum, sed nos fortuna ad Patras superasti: quæ cum minime sit in potestate hominum sita: eandem ipserum vicissitudinem, qua nunc leuissime omnium stolidissimus gloriaris, expecta.

¶a. Parum enim laudis victoria habet, in qua plus fortunæ ludibrio actum est: quam hominum virtute & consilio prouisum.

## TVRCVS GRÆCIÆ MAGISTRATIBVS.

**N**on pigebit vos tandem ab armis discedere: quos totiens à me victor acie, bellum adhuc reparare audio. Victores enim arma decet inferre. Victos quidem obtemperare legimus. Futius igitur esse vobis ducimus: æquas pacis conditiones accipere: quam si rursus à me bello superati, pacem simul & arma amiseritis. Nam sera nimis est post cladem deliberatio.

## GRÆCIÆ MAGISTRATVS TVRCO.

**N**ec prius ab armis discedemus, quam tecum bello cōgressi, propulsemus iniurias quibus nos abs te victos fuisse totiens tua ex dementia gloriaris. Dubios enim rerum eventus & communem belli fortunam non ignoras, pacem vero, quam ut victis obtulisti, recusamus. Minime quidem rei gerendæ consilia apud hostes querenda sunt.

## TVRCVS VENETIS.

**C**lasse vestra, quam ad belli navalis usum maximam comparastis, Lyciæ maritima infestari audio: ac vos latè regni mei fines depopulatos, Athaliam Pamphiliz urbem armis circumfedissee. Videte obsecro quos tandem exitus hæc habitura sint. Aliena temere oppugnat, qui ægre sua bello tueatur. Vos namque post amissam Chalcidem seruare potius rempublicam ac nominis dignitatem retinere oportet, quam armis imperium quærere.

## VENETI TVRCO.

**N**ec Peloponessus, nec Chalcis equidem, ipsæ iam pridem bello amissæ nos ab oppugnatione perterrent: quas non ipsa virtute militum nec viribus expugnatas, sed facta nostrorum deditione in potestatem redegit. Nos tamen, qui non armis perfidiam, sed victoriam quærimus, omnia tuis infesta mari ac terra classe reddidimus. Nec enim ad generosi principis animos virtute accedit: qui non iure belli captas vrbes, sed insidijs proditas in deditionem accipit.

## TVRCVS GENVENSIBVS.

**A**udio Menedorum vestros apud ciues graui mei nominis contumelia sæpe concionari: tanquam nos iniuria aliqua maledicendo afficiat. Erratis vehementer. Non enim maledictis vobiscum, sed armis contendimus. Atque is sese facile rumores in hoste contemnit: qui regnandi libidine nullam iam pridem apud homines infamiam declinauit.

Nec

## GENVENSES TVRCO.

**N**Ec patrum auctoritate Menedorus, nec vrbis decreto ciues te nostri probris omnibus infectantur: sed priuato quodam & inexplabili odio: quo tibi omnes ad iniuriam prouocasti. Nos verò non maledictis iniurias, sed armis propulsamus. Parum tamen nostra sententia rei cōducit, qui de te ferantur in conditionibus rurores. Nullam quidem honesti rationem exigit vitæ male actæ turpitudine.

## TVRCVS NARICIIS.

**D**ementiam vestram, non belli metum accusamus, Naricij: quia me vobis arma inferri vltro persuasi estis: tanquam nunc sibi in mures prædam leo mediteretur. Non pudet vos igitur culices in elephantē cōfligere.

## NARICII TVRCO.

**V**Tinam vilis prædæ Naricios contemneres: ipsi equidem ad vires parum tuas respiceremus. Sed nobis ignosce tot mala in hoste perpeffis. Nos quidem præterita futurorum rationem habere compellunt.

## TVRCVS CORCYRENSIBVS.

**F**Assi mihi estis iniuriam, Coreyrenses: qui Ambraciæ fines, & late Acarnanum agros depopulati, omnem prædam diripuistis: cum tamen ipse vobis totiens antea ignouissem. Sed qui prius iniurias intulere, grauiores ipsi expectent necesse est.

## CORCYRENSES TVRCO.

**E**Rras vehementer, si nos tibi fassos iniuriam tantum existimas: nec tuorum clades & belli detrimenta intulisse. Nos ideo aduersum te prius arma sumpsimus: vt grauiora in hostem moliamur. Neque enim Tyranni crudelitatem ferre æquo animo possumus: qui nullo immanitatis scelere ac libidinis genere omisso, vim omnibus attulerit.

## TVRCVS REGI CYPRIORVM.

**A**Dkalendas Sextiles cum exercitu in Ciliciam perueni: vt Tarsum urbem opulentissimam expugnarem. Lupum vero classis tuæ legatum non longe à Pheatris captum occidimus. Tu igitur, qui paternum regnum adeptus es, nunc fortunæ leuitatem metue. Nihil in hominis rebus diuturnum atque idem felix esse potest.

## REX CYPRIORVM TVRCO.

**C**Vm bello Cyprum repeterem: nullis paterni regni viribus hostem ad Ceraunia vici: qui tunc meorum ope destitutus, apud Carras exulabar. Mox tamen in insulam parua manu ingressus, incredibiles hostium copias superavi: vt me quidem omnes Euagoram anteisse prædicarint. Nos igitur omnia cōsilio gerimus, ac militū virtute: nec tam bene gestis gloriamur, quā futura prouidemus. Tibi vero præsertim fortuna longe metuenda est: qui tot rerum successibus ac nimia vsus felicitate videaris.

Nam omnia satis  
H 2 comit-

committere, non tam homini incertum est, quam sæpe temerarium.

## TVRCVS METHONENSIBVS.

**N**Ec urbem vestram, Methonenses, oppugnare: nec tamen ab exercitu nostro tutam esse volumus: donec belli diuturnitate ciues in odium arma verterint. Sic enim valetudine semper adversa laborantibus, mors neque languoristædio optatior est, quam vitæ longitudo.

## METHONENSES TVRCO.

**P**Arui equidē semper arma fecimus: quod ignavis terrorem, fortibus vim nullam afferant. Tu tamen esse de nobis sollicitus desine: qui sine hostium consilii adversa perferre didicimus. Scito præterea nunquam arma in odium verti, quibus adversus Tyrannum patriam, libertatem, parentes ac liberos egregij ciues tueantur.

## TVRCVS CORONENSIBVS.

**N**on pudet vos, Coronenses, ter ad Mantineam acie superatos, vires reparare? Anne ideo bellum semper geritis, ut vinci totiens sero pœniteat? Si vero pacis obtinēdę gratia in nos arma sumpsistis: timori vestro ignoscimus: sin rebus afflictis, vincendi spe in saniam accusamus.

## CORONENSES TVRCO.

**Q**ui bellum totiens in hostes moliuntur: hi se quidem pacis studiosissimos longe omnium declarant. Pax vero nulla ciuibus, aut securitas reddi potest: nisi pugna cum hostibus commissa. Nam belli semper & pacis arbitria in victoria posita sunt.

## TVRCVS PONTICIS.

**N**Aves onerarias quibus veluti propugnaculis maria infestabantur, captas in Ægeis ad vos remisimus: Nequetamen, per deos immortales, ut aliquid ad gratiam contulisse videamur. Nobis multo quippe gloriosius est, liberaliter in omnes plura conferre, quam accipere.

## PONTICI TVRCO.

**L**iberalitate in omnes uti, quid hercule aliud est quam hominum gratiam promereri? Tu vero nauibus ad nos remissis, ex hostibus iam pridem nunc belli socios reddidisti. Adeo pulchrum est iniurias in gratiam commutare.

## TVRCVS MACEDONIBVS.

**L**Egati ad me vestra mandata pertulere: quibus nos ad odium potius, quam ad gratiam prouocastis. Vosenim totiens iam pridem victos & supplices decere magis videbatur, pacis conditiones recipere, quam auferre impudentius. Turpe quidem est, calamitatibus affectos superbe cum victoribus agere.

MACE.

## MACEDONES TVRCO.

**N**Vlla tecum nobis ex æquo pax esse potest: qui tueri patriam libertatem studeamus: tu vero armis imperium quærere. nec tamen, nisi constanter & ingenuè, de republica loqui possumus: qui pulchrius libertate nihil apud homines esse ducimus. Hoc tamen commune tyrannis vitium est: ut gravi semper odio liberas civitates insequantur.

## TVRCVS ASIATICIS.

**O**Ratores vestri apud Zizicum legationem exposuere: quibus re nobis hostes, verbis quidem socios ad arma ostenditis. Aurigitur naves longas quamprimum nobis subsidio mittite: aut bellum eligite. Neque enim verbis semper amicorum voluntates, sed cum facto opus sit, tamen maxime rebus declaranda est.

## ASIATICI TVRCO.

**Q**Vod multa coram per legatos pollicemur: tibi autem per pauca exhibemus: alterum grati quippe animi est: alterum inopiæ ascribendū. Munera vero ad te per Mearthum misimus: quæ si tuis animis fortasse minor videbuntur: nostris tamen viribus maiora fuisse existimabis.

## TVRCVS BYTHINIIS.

**N**Ecad belli usum naves, nec pecunias in tempore misistis. Tarditatem igitur vestram accusamus. Videte obsecro, ne vobis infensi reddantur quos per negligentiam contemnere videmini. Præstat enim voluntarie semper in hostes arma sumere: quam post multas iniurias ad bellum cogi.

## BYTHINII TVRCO.

**N**Aves ex omni numero secundo nuper incendio consumptas misimus: reliquæ vero ad Maleam partim illis scopulis partim etiam absorptæ in profundum, hostium conflictu periere. Pecunias vero omnes belli diuturnitate exausimus. Ignosce igitur tot fortunæ calamitatibus affectis. Nulla enim libertate uti possunt, qui extrema rerum inopia laborant.

## TVRCVS DELPHICIS.

**N**Ec Apollinis vestri oracula, nec medicinæ auctor Æsculapius vos omnino ab infania liberarent: qui rem adeo inconsultè gessistis: ut ne Minerua quidem ipsa consilium vobis in tanta dementia afferre queat. Nam corporis sæpe languores opè adhibita curantur: morbo quidem animi vis nulla mederi potest.

## DELPHICI TVRCO.

**S**apientia quidem à rebus gerendis plurimum distare videmur. Nobis tamen, quod & medicis, plerumque evenit: quia aliorum morbos ad sanitatem perducunt: sibi vero nequaquam medentur.

## TVRCVS PERGAMENIS.

**E**xpeditionem aduersum Euboicos, Pergameni, suscepimus. Vos autem i-  
deo nobis ad Marathonas occurrere iussimus: ut qui vestram semper erga me fidem opportune declarastis: Nunc etiam, cum opus sit, celeritate ostendatis. Duplex profecto illis gratia debetur: qui in dando non solum beneficio liberales, sed etiam promptissimi in exhibendo videantur.

## PERGAMENI TVRCO.

**C**lasse ingenti ad bellum proficiscimur: ut vires tuas non solum augeamus, sed & Calcidenses fortius oppugnentur. Illis tamen gratia: nequaquam habende sunt: qui cum possint, quod iure debent, illiberaliter exhibeant.

## TVRCVS MITYLENIS.

**F**ides vestra, Mityleni, etsi omni tempore nobis perspecta est, nunc etiam tamen maximam omnium declarastis: quos quidem urbis portas hostibus occlusisse audio. Non enim aliorum perfidiam libenter imitamini, qui nouis semper rebus student. Adeo pulchrum vobis est: amicitiae iura simul tueri, atque armis patriam defendere.

## MITYLENI TVRCO.

**B**ithynei, quibus extincta omnino republica sub Tyrannide perpetuo regendum est: satius in potestate vnius esse duxerunt, quam multorum regna experiri. Fidem igitur nostram in hac re non tam probare debes, quam admirari prudentiam. Non enim eos libenter imitamur: qui morbo incurabili laborantes, multos sibi medicos adhibent: nullam tamen ad crebra remedia corporis valetudinem recipiunt.

## TVRCVS AMAZONIIS.

**S**i pro-tuenda ciuium libertate, Amazonij, bellum aduersus me suscipere-  
retis: non tam vos ipse hostes iudicarem, quam egregios ciues pro patria, liberis ac parentibus arma sumpsisse. Sed nulla quidem ratione persuaderi valemus: eos nunc virorum imperia recusare quos olim regna foeminarum tandiu pertulisse audio.

## AMAZONII TVRCO.

**A**mazonidum regna, quae nobis, ad contumeliam obijcere videris, nos minime quidem alijs parere hortatur. Turpissimum enim ducimus viros foeminarum virtutibus superari. Eos igitur inuitos armis & principatu dignissimos arbitrare: apud quos etiam mulieres imperare didicerint.

## TVRCVS ILLYRICIS.

**N**ec urbem vestram armis tueri, nec diutius obsidione premi sustinetis.  
Aut

Aurigitur victis leges accipiendę sunt: aut arma Tyranni propulsanda. Dementium sane est: omnibus sociorum auxilijs atque ope destitutis, cum reipub. detrimento bellum protrahere.

## ILLYRICI TVRCO.

**C**VM nobis semper animos ad retinendā libertatem affuisse nō ignores: spes adhuc nostras libenter amplectimur. Neque vero in deterius labi fortuna potest, vbi afflictis rebus opem afferre nequeas.

## TVRCVS RHODIIS.

**S**I vobis eadem, Rhodij, quę animi est, virium quoque magnitudo par esset: vos longe quidem omnium inuictissimos ducerem. Sed eum viris, equis, armis, pecunijs & com meatu bella parentur: vestram magis fortunā respicere oportet: quam nos temere in pugnam laceffere. Minime enim par ratio videtur: hostem posse animis, atque eundem viribus superare.

## RHODII TVRCO.

**E**T vires nobis atque animos semper affuisse, multis ac maximis tuorum cladibus non ignoras: omniaq; in primis ad necessarios rerum vsus abunde comparauimus: vt non minus domi Rhodiorum prudentiam: quam foris in bello magnitudinem animi admirere. Nos vero etsi armis inferiores sumus: atē profecto fortuna, non virtute superamur.

## TVRCVS RHODIIS.

**A**Vdio vos, Rhodij, nunc fossas vrbis ingentes, ac triplici vasso muros circumduxisse: portus vero geminos ad Mandrachium Collosi ferreis arctasse catenis: vt ciuitas ab incurſu hostium libera sit: & nos ab oppugnatione vestra deterreamur. Res profecto memoratu dignissima. Quid enim pulchrius, quam libertatem, patriam, liberos ac parentes, seruata re publica, armis defendere? Sed qui tamen vobis animus est, per deos immortales, tam ingenti apparatu nostris viribus terra ac mari obſistere? Nā post Bizantium, Lesbō, Peloponessum & Chalcidem expugnatas: vos aliarum potius vrbium fatum decet imitari: quam exemplum cladis præbere. nam qui viribus maiora audent, temeritatis quidem pœnas sæpe dederunt.

## RHODII TVRCO.

**G**RÆcorum nobis captiuitatem non tam commemorare debes: quam nos alijs in exemplum virtutis referre: qui iustiore belli causa, meliorem quoque rerum fiduciam gerimus. Te vero semel ad Coum his etiam armis ad Calymnum urbem vicimus: Soldani quoque Babyloniorum regis vires & armā obſessi proſligauimus: Aegyptijs vero, Syrijs & Phœnicibus nauarcha RHODII bellum sæpe intulerunt.

Nolito.



Nolito igitur adversum innumeras orbis gentes victoribus nobis fiduciam exprobrare: qui aliorum potius adversum te animos virtute nostra augemus quam ex captivorum commemoratione terreamur.

## TVRCVS EPIRIS.

**D**Irachium, Apolloniam, atque omne Illyricum latus ab exercitu nostro infestari nuper ex legatis Molloforum cognovimus: atque viarum angustias latronibus obsideri: nihilque vicum intra Macedoniam esse retulerunt. Nos verò, Epiri, iam pridem fatis omnia credidimus: ac ius marinum experimur. Quam ob rem pristinae virtutis memores, decere vos magis arbitror: acceptas ulcisci iniurias: quam de his frustra per legatos verba facere. Non enim oratione, sed bello vis hostium propulsanda est.

## EPIRI TVRCO.

**S**i nobis id quidem armis licuisset: acceptas ab hoste iniurias ulcisci malemus: quam te his tecum per legatos agere, sed cum nullis viribus id assequi valeamus: satius quidem esse duximus pacem ab hostibus petere, quam bellum frustra moliri. Nam recte omnia consilijs providisse, non tam prudentiae debet, quam fortitudinis videri.

## TVRCVS DALMATIS.

**T**ributa vobis imperavimus: quae cum serò nimis exhibeantur, id facere inviti ostenditis. Aut igitur fidem vestram, cum opus sit, re nobis comprobate: aut bello vos hostes declarabimus. Minime quidem decere videtur in amicitia dissimulatio.

## DALMATIAE TVRCO.

**T**arditatem minimè nostram accusare debes. Nullo enim pacto exhibere tributa possunt, qui nullam colligendi pecunias facultatem habent. Quam ob rem minimè hostes iudicandi sunt: qui fide tantum in amicos, liberalitate verò nulla ob inopiam utantur.

## TVRCVS APVLIS.

**B**rutiorum vrbes atque omnem late Apuliam iure belli repetimus: qui ut Græcos armis subactos nostro adiecimus imperio: nunc etiam Italiae quoque oram armis invadere paramus: quae magna quondam Græcia vocitata est. Vos igitur ab origines vestros pulcherrime imitati, deditione facite. Turpe quidem videtur egregijs civibus, ab instituto maiorum ac patriae legibus desciscere.

## APPLI TVRCO.

**Q**ui omnia ex libidine agunt, vis sibi quae sit in armis, declarant. Tu verò

Verò etsi nos Græcorum calamitates sequi iubeas : non tam nobis eorum leges, quam regnum, persuadere niteris. Sed nullo pacto fieri potest: ut tibi cæteris ad gratiam promptiores reddamur: qui captivos omnibus à te supplicijs affectos, inter varios cruciatus crudelissime enecasti. Facile enim clementia, liberalitate & iustitia regna parari solent: difficillime vero sub Tyrannide armis retineri.

## TVRCVS BRVNDVSINIS.

**P**ortus nobilissimi ad nauium receptacula atque vrbis vestra situm ex legatis Messapiorum cognouimus. vos idcirco cum Hydruntinis belli socios nobis ad arma pollicemur. Copias namque in Italiam trajcere paramus: quibus ingenti comparato exercitu, victoriam consequamur. Minime igitur eum vos decet aspernari: quem ob iusticiam sui diligere possint: atque hostes ob arma formidare.

## BRVNDVSINI TVRCO.

**N**on pudete eos te bellinsecari socios in arma revocare: quos semper hostes omnium acerrimos habuisti. Detestanda quidem arma Tyranni sunt: cui post victoriam, inter crudelitatem, scelera & libidines, captiuus mox seruiendum est.

## TVRCVS SYRACVSANIS.

**A**vdio vos, Syracusani, cum Agrigentinis, Messanis & Catanzis aduersum nos pro restituenda Græcorum libertate conspirasse. Nos idcirco ex uelopenesso copias ingentes Syracusas trajcere paramus, ut eos nunc hostes experiamini, quos prius socios nullo iure contempsistis.

## SYRACVSANI TVRCO.

**C**um gerendi belli fiducia aduersum te arma sumperimus: nil temere profecto aggredi in hostem videmur. Nam qui iustius de imperio certant, promptiores ad victoriam redduntur.

## TVRCVS ITALIÆ MAGISTRATIBVS.

**G**ermaniam, Gallias, & Hispaniam aduersum nos conspirasse audio: vosque illis ad bellum duces exhibuisse. Parum sibi quidem consulere videntur: qui temere hostem in pugnam nulla causa lacessunt.

## ITALIÆ MAGISTRATVS TVRCO.

**I**ustissima nobis tecum belli causa est: qui scruissimi Tyranni crudelitatem ac scelera detestantes, arma aduersum te, velut publicum naturæ hostem, sumpsimus. Nec solum cum Germanis, Gallis, Hispanis & uni-

I uerso

uerſo Occidente conſpirauimus: ſed liberaſciuitates etiam per legatos aduerſus Turcorum gentem vndique ſollicitauimus. Idcirco perſuaſi à nobis Chriſtianorum opulentiſſimi reges: coactis ad bellum viribus, populos in arma concitarunt: vt tot crudelitates tuas, furorem, cædes, libidinem, incendia & vrbiũ direptiones vlciſcantur: ac deſenſa hominum libertate, tuis ab iniurijs orbem vindicemus. Iuſtiſſima quidem arma ſunt quibus publica omnium ſalus continetur.

## TURCVS FLORENTINIS.

**M**ercatores veſtri qui Galatis & in Ponto negociantur, ad nos Theſſalonica oratum miſere: vt illis veſtigalia à publicanis & commeatus omnes liberi eſſent: Nos igitur, quibus nihil pulchrius eſt, quam in amicos liberalitatem oſtendere: veſtros ciues libertate donauimus. Nam qui benemeritis de ſe beneficium contulit: is non tam aliquid exhibere, quam gratiam referre videtur.

## FLORENTINI TURCO.

**B**eneficioſum magnitudine à te proſecto ſuperamur: gratitudine vero animi nequaquam. Nam dignum te aliquid in ciues noſtros conſuliſſe, id quidem multifecimus ſemper. At nos vero maiora tibi viribus referre pluriſ hoc eſſe ducimus. Non enim magnitudine rei beneficium ſed voluntas animi officio penſanda eſt.

## TURCVS CRETENSIBVS.

**T**vrpe quidem nobis eſt, Cretenſes, amicitiam colere: in qua bellum potius aduerſum nos quam pacem, oſtenditis. Sed videte quæſo: ne vobis temerarium ſit: eos mox vt hoſtes formidare, quos prius ſocios nullotempore contempſiſtis. Multos enim ſæpe conatus ſui pœnituit.

## CRETENSES TURCO.

**E**t vim vi repellere, ac dolum dolo neſtere, nobis ſemper maiorum inſtituto licuit. Neque tamen amicitiam violamus, ſi inimicorum iniurias vlciſcimur. Sed quonam pacto tu à nobis fidem exiſis: quam ipſe nemini vnquam antea præſtitiſti?

## TURCVS EPIDAVRIS.

**A**Bydzoſ, Phryges & Dardanos, maris antea prædones, nunc claſſe ad Milas interceptos, ac varijs cruciatibus enecatos audio. Id quidem à vobiſ iure belli factum exiſtimarim. Liburnicas tamen ac biremes incendio abſumpſiſſe turpiſſimum ducimus. Non enim bellum vobiſ cum nauibus, quæ nihil ſentiant: ſed cum rectoribus ſuis gerendum eſt.

EPIDA V.

## EPIDAVRI TVRGO.

**E**T Piratas iure belli captos, & Liburnicas incendio absumpsimus. Illos verò quod nos sæpe incurſionibus infeſtarunt: has quidem, quod latrones finibus noſtris invexerant. Par ergo duximus naues cum rectoribus ſuis incendere, quæ prædam noſtrorum ac ſpolia in Aſiam auxiſſent. Arma enim, quibus oppugnamur, pro hoſtibus habenda ſunt.

## TVRCVS NAVPLENSIBVS.

**N**on ceſſabitis ab iniuria, Nauplenſes: qui fines Acheorum ingreſſi, multos quidem mortales crebris excuſſionibus in prædam abduxiſtis? quo pacto enim fieri poteſt: ut qui metu clauſi premantur obſidione victoris, agros & oppida late incendio vaſtauerint? Serò tamen patriæ conſulere videntur, qui deſperatis rebus conantur extrema.

## NAVPLENSES TVRGO.

**E**T patriæ in primis acciuium ſaluti (quibus omnia debentur) vitam obiecimus. Aut enim pro deſenſione rei publicæ, ſalua nobis libertate, honeſtiſſimè cadendum eſt: aut depulſo Tyranni iugo, priſtinam retinebimus libertatem. Nihil verò pulchrius eſſe ducimus, quam parentibus, liberis, ac rebus poſtremò omnibus patriæ libertatem antepondere.

## TVRCVS PANNONIIS.

**V**irtutem veſtram, Pannonij, etſi bello maximam sæpe declaraviſtis: plus tamen vobis incommodi attuliſſe, quam boni quicquam uſu didiciſtis. His vero, qui maiores viribus animos gerunt, ſemper aſſuit in bello temeritas.

## PANNONII TVRGO.

**N**ec belli à te conſilia, nec armorum, quibus oppugnamur, rationē ab hoſte exigimus. Satis prudentiæ quidem gerendis rebus habere exiſtimantur: qui virtute animi & conſtantia victoriam ſibi cum laude pepererunt.

## TVRCVS REGI FERDINANDO.

**E**Gregias laudes tuas, & invicti animi magnitudinem, ac rerum geſtarum gloriam libentiſſimè accipio: qui cum totiens bello hoſtes proſtigaveris: ea ratione viciſti, ut viciſtis poſſes ignoſcere: nec ut iuſtiſſimam ultionis iram hoſtis publicus, verum animi clementiam quiuis in te experiretur: id quod ſummum in principe ducimus. Fortuna quippe aduerſa te ſemper inuictum præſtituſti, nec in ſecundis rebus elatum. Hæc ideo de te libenter commemoraviſmus: quoniam sæpe etiam virtus in hoſte laudatur.

1 2 REX

**E**T si pulcherrimum esse ducimus: aliquo insigni merito ab hostibus latidari: cò quod eorum verius probamur testimonio: & amicorum sæpe iudicio fallimur: nos tamen verbis non tam gloriæ voluptatem quærimus: quã propriâ ex rebus gestis laudẽ assequimur. Hæc vero libentissimè complector: cum tibi me videri, quem simul hostes ob virtutem admirari, & eius ob iustitiam colere possint.

TVRCVS, CHIIIS.

**T**Ributa vobis, Chij, remisimus. Nam cum vestrorum erga nos meritorum magnitudinem respiceremus: vos quidẽ esse iussimus immunes. Non enim ab amicis pecunia, sed fides exigenda est.

CHII, TVRCO.

**N**on quod pro tua erga nos liberalitate optauimus (id enim minimè assequeremur) sed quod valuim<sup>us</sup>, gratias tibi immortales habemus in posterum. Hoc nobis tamẽ solatio est: quod facultate ab amicis, non liberalitate vincimur.

TVRCVS, SICVLIS.

**C**arthaginensium duces, quibus olim cum Romanis de imperio orbis: diu certatum est, multis vos sæpe cladibus afflixere: quod partium studia secutos ægre in fide retinerent. Nunc verò subsidia Rhodijs ad Halicarnassum misisse audio: & com meatus omnes ad belli vsum nauibus onerarijs comportasse. Vos igitur hostes publicos bello declarabimus: vt qui frustra læserint, temeritatis pœnas luere cogantur. Non enim solum nobis tutum est ab aliorum iniurijs vindicare: sed hostibus etiam formidolosum.

SICVLI, TVRCO.

**N**ec contra te arma sumpsimus nos, quos nunc Rhodijs subsidia in Halicarnasso misisse arguis: nec quempiam affecisse iniuria videmus: si crudelissimo Tyranno sociorum auxilia fidemque anteponimus. Noli igitur maiorum perfidiam Siculis obijcere, cum quidem omnibus ipse fidem datam ac iusiurandum semper violaueris: nec eos minis perterrere debes, quibus promptius est ad arma iniurias, quam ad verba referre.

TVRCVS, ALEXANDRINIS.

**M**ercatoribus vestris, Alexandrini, Pontum omnem & Asiam interdiximus. Nam cum Bithyniorum vrbes ære alieno opprimerentur: legatos à me Catopolis quæstum misere: insuper negotiatorum vsuras detestantes: quibus vndiquaque pecuniæ exhauriantur. Sanctius igitur nobis visum est: ad multorum potius quam ad paucorum vtilitatem respicere.

ALEX.

## ALEXANDRI TVRCO.

**E**T si minime ad nos pertinere videatur, tecum de priuatis rebus cognoscere: si tamen eadem gesta fuerunt, aut tentata quæ scribis: nec gratiam nobis, nec odium in hac re promereri. Cuique enim pro arbitrio res sua agitur.

## TVRCVS TARTARIS.

**Q**Uod multis sæpe vsu venit: ut vel metu aliquo, aut necessitate in alios plerumque deteriores fiant: vobis quippe natura loci tribuit omnium fore pessimos: qui veluti incondita vulgi barbaries nullis legibus tene-mini. Cum tamen ad nos pecunias, nec in tempore legatos miseritis: illas quidem exhibere nobis per vim debere ostenditis.

## TARTARI TVRCO.

**S**Tultum est perfecto te à nobis quicquam exigere, qui aliorum spolijs sacraptu viuamus. Atque ab his legationem frustra expectas: qui non orandi studium, sed belli gerendi curam foris suscipiunt. Mores præterea nostros iam admirari nequaquam debes: cum parum absint à ritu ferarum. Nā qui maiorum instituto ius ipsum marinis habent cædibus: præda ac rapinis pro legibus vtantur.

## TVRCVS ATHENIENSIBVS.

**G**ymnasia vestra, Athenienses, quibus florentissimam rempub. eximias: que philosophiæ laudes assecuti estis: nos maxime hortari videntur: ut vrbi vestræ ignosceremus: cum propter maiorum sapientiam ac dignitatem: tum etiam ob studia bonarum artium: quas simul inuentas Athenis, ac perfectas accepimus. Sed cum vestrum semper in me odium ipse considero: beneficijs quidem vos potius irritare, quam ad gratiam præptiores mihi reddere videor. Idcirco agros Eleusina in cædio late depopulati: à Piero ad Megaras in prædam militum: mox urbem eriam pari fato direpturum sciatis. Nostis enim clementiam sæpe vinci delicti magnitudine.

## ATHENIENSES TVRCO.

**N**on odio quidē aduersum te nitimur. Quid enim salua nobis libertate esse potest? Sed pro patria, liberis ac parentibus, quibus omnia debentur, arma sumpsimus. Nec tecum hostiliter agere videmur, si nostra defendimus: cum tu aliena oppugnes. Sed quid te maxime deceat, respicere oportet: nunquid ipsi deliquerimus. Ignouit Sylla Athenis, bis etiam Alexander venia dignatus est. Quæ verò tua victoria dici potest, si nos belli præmium perdidideris? Debes nos igitur potius in exemplum pietatis seruare, quo tibi: facile omnium animos ad gratiam conciliabis; quam crudelitatem,

rem, libidinem & furorem in captivos ostendere, quibus Græcos aduersum te odio concitabis. Nos tamen, quibus nulla vltius fiducia est, nisi venia dignaberis, extrema fortiter audebimus. Quid enim pulchrius, aut in humanis iucundius esse potest: quam egregios ciues atq; domesticos pro salute omnium sese intrepidos morti exponere.

## TURCVS THEBANIS.

**D**ireptionem Athenarum vos ægre, Thebani, pertulisse audio: quos & belli socios, & consiliorum in me participes, existisse iam prius persuasi sumus. Vobis igitur, quibus ingens hostium metus incessit, iidem exitus rerum fato debentur, paresque Atheniensibus calamitates. Hæc idco significavimus: ut metu prius & scelerum conscientia: mox vero gravioribus supplicijs torqueamini.

## THEBANI TURCO.

**D**eletis Atheniensibus, non solum Thebanis animos, verum & Græcis omnibus, quorum sæpe libertatis auctores exutimus, vires ad bellum auxisti: qui armorum rabie, versi in furorem: te quidem in tot scelerum pœnas vltro reposcant. Solet etenim plærunque afflictis rebus vltima fati necessitas cæcam quoque miseris salutem polliceri. Nec facile Tyranno parere consuecunt, qui alijs imperare didicerint.

## TURCVS LACEDÆMONIIS.

**E**xercitum, Lacedæmonij, quem ad Spartam oppugnandam sub Cleandro misimus, formidare vos audio: in quo peditum viginti millia delecta comparauimus: equitum vero levis armaturæ octo: quorum etiam virtus in bello eximia: ac fides non tam sæpe nobis spectata est, quam formidolosa. Vos igitur tot fortunæ calamitatibus affectos ad rempublicam ac ciuium salutem respicere oportet: ne si pristina maiorum virtute bellum vobis supra vires aduersum nos gerendum sit: mox temeritatis pœnas luere cogamini. Pulchrum enim est gratiam in his ab hoste promereri: quæ si facere recusamus, ad eam mox tamen inuiti compellimur.

## LACEDÆMONII TURCO.

**C**leandro apud Laconas cum vniuerso exercitu nostro deditionem nos sine sponte fecimus. Tutius enim Lacedæmonij esse duxerunt: hostium consilia admittere: cum salubria viderentur: quam arma experiri: Nec visa nobis potior victoria est: quam nullo reipublicæ detrimento patriam ab incendio belli seruasse.

*Hæc enim Laudius Epistola.*

SVLTA-

**Q**UOD nulla iusta legitimaque de causa, nullo nobis indicto bello, regnum nostrum ingressus es: colonos regni, credita nobis divinitus pignora, crudeliter vexas: eorumque res agre ferre non desinis: quod Rempub. Musulmanam perturbas: nec vllum malitiae atque iniuriarum finem facis: in eo sanè quam longissimè recedis ab illorum moribus & statutis: qui Musulmanos se profitentur. Quippe si non audire tantum, sed etiam esse Musulmanus velles: omnino cum copiis tuis hoc regno excederes: innocentibus nullis grauares iniurijs: nemini damnum inferres. Nunc cum ita te gerere nolis: nec rectè monentem obtemperare: sed pertinaciter in proposito prorsus iniusto perseverare: dum falso tibi persuades, regnum hoc hære de legitimo destitui: cum veros denique Musulmanæ religionis conservatores grauibustam contumelijs, quam detrimentis adicias: scire te volo: me supremi fretum numinis auxilio, cum toties victricibus copijs meis contra te venturum, & acriter tecum prælio dimicaturum. Dum aliquis ergo pœnitentiæ locus est, pertinax esse desine: nimis sera nunquam utilis est pœnitentia. Hæc tibi significanda duximus, ut quid nobis in animo sit, facere non ignorares: ac te tuasque res ex usu tuo tanto rectius posses componere. Anno à migratione Prophetæ Mahumetis 1000 CIV.

IN ALOGLIJS MVHAMETO.

**C**UR tu, Muhamethes, talibus me literis irritas? cur extra decori rationem huiusmodi me verbis compellas? Infans es, puer es: Sultani nomen usurpando, nec regiones invadere nec manus extendere nimium debes. Nec est, quod dicas, me tuo capiti, tuo patrimonio, tuis rebus insidiari. Mihi regnum hoc vindico quo te profecto æquum erit excedere. Cæteroqui te protinus eijciam: ipsumque regnum cæteris regnis meis adiungam. Nisi sponte tua cesseris: mihi meo aduersari desieris instituto, equidem tibi denuncio: quam primum ad pugnam uti te compares: quando tecum mihi negotium esse volo. Anno Christi MCCCCIII.

• SVLTANVS MVHAMETVS DVLGADIRO-  
*glie Socero.*

**P**ROPOSITUM mihi est in Europæam Rumiliam ducere exercitum: & repetito cum fratre Musa Bego pugnare prælio. Te tanto in negotio nec ipsum genero auxilijs tuis defore, nec benevolentia institutum hoc remorari velle confido. Vale, Anno Muhametano 1000 CCXIII. Christi MCCCCXIV. Amasiz.

DVL:



EPISTOLARVM TVRCICARVM  
DYLGAMROGLIVS PRINCEPS SVLTANO  
*Muhameto.*

**E**Quidem minime dubito, Rex mundi maxime, quo cunque tetrahæ expeditionis alicuius suscipiendæ desiderium: semper supremum illud cæli numen auxilio tibi esse: fortunam largiri prosperam: occasiones optatas præbere, felicem rerum susceptarum exitum, victoriamque certam tribuere. Quamobrem si, Deo res nostras ita disponente, fieri non poterit: ut ipse met adductis ad te copijs meis veniam: & hoc bello fidam operam navem: nullo tamen committam modo, quoniam filium meum, mancipium tuum, ut hoc tibi bello nostris cum auxilijs adsit, expediam. Vale. Eodem anno.

EVRENOSVS BEGVSV SVLTANO  
*Muhameti.*

**E**Quidem te rogatum, ô Sultane, monitumque velim, tuis ut hoc nostrisque des rebus atque commodis, ne Musæ Beggo, prælij causa nunc cogites occurrendum, antequam, ubi locorum agat, per exploratores tuos cognoveris. Adeoque præstiterit, ut ab ipso longius exercitum abducas, Lazoglij (Lazari Despotæ filij) regnum ingressus, ubi te velim angustis in locis & syluosis & montuosis habere castra, magnoque studio dare operam, ut illic tres Musæ Begos ac procures, Baracum Begum, Iegidem Bassam & Sinanem Begum, regionis Trichalensis Dominum, tuas ad partes traducas: ut Musæ desertor tibi parere velint. Vbi deinde cum Musæ congregari volueris, etiam me mancipium tuum, tibi adfuturum, & fidelem navaturum operam scito. Vale.

BEGIS BASSA, BARACVS BEGVSV, ET SINAN BEGVSV  
*Brichalensis Sultano Muhameti.*

**N**Os tres, ô mundi Rex, iuvenes sumus, & tria millia militum habemus selectorum, & insigni virtute præstantium, quibus orbis hic vix pares habet. Tu quanta celeritate poteris, ad nos te conferens, tuas cum nostris copias coniungito. Vale.

EPISTO.

LIBER TERTIVS

# EPISTOLARVM TVR- CICARVM

LIBER III

VLADISLAVS HVNGARIAE ET POLO-  
NIAE REX, GEORGIO CASTRIOTO SCAN-  
derbegio Albanorum  
Principi.

**D**ISTVLit fortasse in hoc tempus fortuna seram istam gratulationem nostram, quo non tantum hodie tibi ob recuperatum feliciter imperium, sed pari etiā prudentia fortitudineque defensum, duplici rei prosperæ euentu gratularemur. Et gratulamur itaque, nec tibi tantum, verum etiam Christianis omnibus; quod tanta sit benignitate DEI, per virtutem tuam, rei Christianæ accessio facta. Quandoquidem non minima semper, inter cætera mala, nostra clades illa ducenda fuit, Epiroticæ gentis amissio: Cùm iniquis sublatu fatis Iohannes Castriotus, pater tuus, Princeps (vt audio) de omnium animis benè meritus, neque tibi in aliena, degenti potestate, regnum auitum filio tradere: neque aliter ab Amurathe oppressus, imperio suo consulere potuerit. Et viueret vtinam nunc felix eo nato parens; qui omnium superasset fortunam; si te antè vidisset, quam è vita discederet. Ita vnus planè videris mihi (pace omnium dixerim) hac tempestate princeps: sicut omnibus animi corporisque bonis: ita diuino quodam fato præditus: cuius auspicijs, non solum tuta in posterum omnis Epiroticæ terræ ora futura sit: sed cuncti præterea populi à corpore Macedonici imperij, nefario Ottomanorum latrocinio iam pridem direpti, in antiquam formam iuris ac ditionis suæ redituri. Quid enim (vt cætera taceam, quæ & apud barbaros, vel puero tibi olim tanta indies crescente invidia, maximum nomen prodiderunt) victoria illa speciosius? quam nuper Alibassa cum tot copijs cæso fugatoque, partam tibi ingenti admiratione æquè audiuimus ac credidimus. Sed adest nunc, Scanderbege, dijs agentibus, qui te exacto quodam consilio in hæc difficilissima tempora Christianæ Reipublicæ referuarunt, maioris penitus tibi gloriæ materia: Subest occasio contra Amurathem, omnes veteres nouasque tuas ac tuorum iniurias vltiscendi: nec priuatas istas tantum, sed & publica id genus mala: atque tot

K oppress-

oppressa, ne dicam extincta, iam fidei ludibria; si cum victore exercitu tuo isto, mundum desperatis rebus nostris adesse velis. Inuitant te ad hoc omnes Vngariæ & Poloniæ principes, ac viri fortissimi; inuitat Iulianus sancti Angeli Cardinalis, cum pijs illis Christianæ salutis militibus, iam diu nobiscum in armis instructus: nihil præter tua signa expectamus. Quam si nunc oblatam vltro à dijs immortalibus occasionem non reijcis; debellari posse penitus palam omnes affirmant, expellique Turcos, & à tam diutina Europæ possessione deturbari. Omittendum itaque hoc loco apud te omne adhortationis genus censeo, pro ea causâ; quæ defensæ salutem, lucem, libertatem: Omissa, ominari horreo quæ ferat. Satis nos huc vsque tandem deservivimus Christiani: conflagravimus iam omnes; dum nemo incendium ad se traiecturum putat. Quid de Græcorum cernimus, quantum de Triballorum imperio? lacturas demum ipsas meas, totque exhausta ac exhaurienda indies mala, quis recenscat? Quis fortissimos principes Hungarici imperij, propugnacula per omnes ætates amissa & tot validissimos exercitus eodem funesto belli fato absumptos, ac occisione ferme occisos: ita ut nulla sit in Hungaria iam domus, nulla matrona luctus expers. Audiunt hæc Christiani Principes: nec movet vllum miserabilis sociorum fortuna: Sicut nos velut picula quædam, luendis omnium periculis hosti passim obiectari patiuntur. Vnus Eugenius sanctissimus Romæ rei Præsul, & Philippus Burgundiæ Dux lassictæ fortunæ onus non detrectarunt. Alter Iulianum hunc cum præclaro nobis milite adiunxit: Alter classe instructa, & in Hellespontum vsque missa, Turcis transitum, quantum in ipso fuit, fortiter prohibuit. Alia nunc nobis spes propinqua subest, auxilij optandi: hinc vltro nunc te ad tam necessarium bellum evocare, tum virtus tua imprimis cognita suavit: tum rerum omnium nostrarum periculum discrimenque coëgit. Cæterum cum ignoret nemo, quam id nunc sis incommodo acturus tuo, propter recentem adhuc domesticarum rerum tumultum, & vixdum pacatum noviter redempti imperij statum; id te movere non debet; cum & tibi præclarissimum nomen hac expeditione sis pariturus, & hoc præsens beneficium apud minime ingratos animos sis collocaturus. Quod prior tu hodie pro salute nostra dignitateque feceris: id nos pro tua laude, & imperij incremento semper faciemus. Vale ex Buda Regia nostra, 3. Non. Iul. An. MCCCCXLIII.

GEORGIVS CASTRIOTVS SCANDERBEGVS EPIRENSIVM  
*Princeps, Vladislao Hungaria & Polonia Regi.*

**A**ccepi literas tuas, lætitia desiderioque pari, Inuictissime Regum; quas cum in maxima ducum meorum frequentia legi vidissem: nemo omnium est auditus, qui tam iusti belli occasionem à te oblatam, non vltro adeundam censeret. Ita & publice omnes & privatim singuli dicere gratias quic-

quicquam hodie à dijs immortalibus sibi tribui non potuisse, quam ut & optimum regem aliquo sibi non ingratorum animorum officio devinceret; & rei Christianæ simul tam oportunam operam præstarent. Gaudis sum maxime ipse in ea meorum voluntate; tum tua inprimis, tum communi causa; cum ita animatos pro Christi fide & affectos tibi milites nostros & omnium generum ordines, vel sine ulla adhortatione mea, viderim. Quamquam quis, nisi dijs pariter & hominibus invisus, tam iustissimum bellum recusaverit; ut nullus sit religionis pudor; nulla communis periculi ratio pro rege, ad quem, quod regnamus Christiani, quod vivimus, quod spiramus, quod loquimur, vnice referre & possumus & debemus? Quis non arma libens sumperit? & in apertum etiam ruat discrimen pro Hungariæ populis, quibus tæto malo sanguineq; pro omnes ætates Christianæ salutis defensio stetit: qui vel ab ipsis prope incunabulis æterni hostium nostrorum hostes, Christianæ sese dignitati iam inde deoverunt. Utinam vellet Deus Optimus Maximus Vladislæ, ut possem ipse ad hoc præclarum bellum tibi tantum asferre virum: quantum sum animi & cupiditatis allaturus. Non iaceret diutius fortasse in eo squalore Europa, ac impio oppressa Amurathe: non velut piaculo quodam aliorum fumarent toties Hungarico cruore Basilienfes ac Varnenses campi, & Epirotico sanguine omnis Macedoniæ angulus. Perijmus iam omnes, dum quisque sibi se tantum natum existimat.

Sed quid nunc ipse mecum has inutilis querelas iacto, & ne quicquam conqueror? Profecto neque virium me mearum prænitet omnino: neque si secundis diisacies tecum mihi ad tam felix bellum coniungere licuerit, fortunæ nostræ Christianum nomen, ut arbitror, unquam prænitebit. Ad ea namque XV. millia militum, quæ in Macedoniæ finibus Alybassam fuderunt, totidem adijcere in animo est: cum quibus ad vos, cum primum fieri poterit, iter arripiam, signa tua in omnem eventum, secuturus. Vale. Ex Croja Prid. KL. sextil. MCCCCXLIII.

## SCANDERBEGVS EPIRENSIVM PRINCEPS

*Messio legato Turcico.*

**N**on earatione toties, adversis etiam meis rebus, fœdera à vobis petita contempsi, ut nunc secundis acciperem. Sed neque ita oblitum me conditionis humanæ ac inconstantis suæ, hæc qualiscunque est, prospera certe fortuna mea, & provexit, ac inanes tanta spe inflavit spiritus: ut vel perpetuam eius possessionem spondere audeam mihi: vel tam insolentem amicitis vestris contemptorem futurum semper confidam.

Mutare poterit hæc fallaces vultus: & petitores nos forsan sordidioris apud vos pacis efficere: tamen quicquid occulta rerum

K 2 femina,

semina, & abstrusus fatorum ordo homini paret: non ideo quicquam hodie ex pristina pertinacia animorum mutamus. Fœdissimum omne amicitiz genus vobiscum reputamus: stantibus iam vndique Christianorum iniurijs, tot cladibus, ac sanguine adhuc recenti, quo Græcia iam omnis ac Vngaricum solum madet. Sicne Peloponnesiaci imperij iacturam hodierna pace compensabimus? Sic & nouam Belgradensem victoriam, ac Hungaricâ gloriam ignavis vobiscum inducijs dehonestabimus? Habeat, quæ potest, ipse Mahumetes fœdera: nos armis ferroque captam semel pacem & ocium quæremus, ~~non sciam~~ quod non solæ nos iniuriæ, ac perfidia vestra, sed natura potius quædam hostes vobis fecit, sempiternisq; cōtra se invicem armavit odijs. Gentiles vobiscum ipse ac hæreditarias quasi inimicitias exerceo: & domestici potius sanguinis, & meæ simul & Epiroticæ seruitutis vltionem, quam novam gloriam vllam, de vobis quæro, nunquam satis finem laboribus hisce & periculis facturus: donec vel pristinum ciuibus meis statum, vel invisum vobis spiritum tradam.

## RAPHAEL DVX ET CONSILIVM IANV-

*enf. Rom. Pontifici.*

**N**ON dubitamus, sanctissime Pater, cognitam esse sanctitati vestræ veterem egestatem Ianuensium sacerdotum: de qua si quod esset opere præcium, multa parvo labore afferri possent testimonia: quibus liqueret, quam sibi etiam lege naturæ parce viventibus res angustæ sint. Verum quoniam de hac sacerdotum egestate quæ nota est, nunc minimè loquimur: eam tantummodo attingemus, quæ huius temporis est. Annonæ caritate, quæ multos annos hanc regionem vexauit, & item externis bellis terra marique circumtonantibus, diu fortunæ populorum nostrorum attritæ sunt: & effectum est, ut neque ab agrestibus, neque à ciuibus tenuioribus exigere pecuniæ possint: & cum pars maxima reddituum sacerdotalium ex annuis pensionibus constet: egestate conducentium necesse est res angustiores locatoribus fieri. Accedunt & onera publicorum munerum: quorum partem haud leuem iam dudum sacerdotes pertulerunt. Nam cum infelicitas temporum coegerit nos pro salute patriæ ac libertatis nostræ vndique pecunias contrahere: pars propè quarta fructuum, quos ex locis communis nostri percepturi fuissent, sibi quotannis eripitur, & in sumptus publicos erogatur. Quæ sic, ut sunt, si summa sapientia vestra cogitare voluerit: facile cognoscet horum sacerdotum egestatem. Cum vero innotuerit literas Apostolias perlatas esse: quæ iubent hos sacerdotes contribuere in classem contra Turcas parandam: non potuimus non miserari ærumnas eorum: qui cum naturæ desideria ægrè possint explere, ad eiusmodi sumptus iuvitentur. Propter quæ Beat. vestram oramus maiorem in modum: ut ad

ea, quæ

res, quæ diximus, animadvertens, dignetur id onus ijs sacerdotibus remittere: cui etiam si velint, obtemperare non possint. Quod quanquam per se ita æquum est, ut vix æquius quid haberi possit: nos tamen sumi loco beneficii accipiemus: qui nos nostraque omnia Sanct. vestræ deferimus. Ianuæ. XXVI. Octob. M C D X L I I I.

RAPHAEL DVX ET CONSIL. IANVEN. INVICTISSIMO  
*Principi Friderico Rom. Regi semper Augusto.*

**L**iteras regias, invictissime Princeps, XXIIV. Iunij superiori, die Viennæ datas, ~~sepe quidem~~, sed debita veneratione accepimus: ut quos sacrum Imperium in peculiares filios semper habuit: honoribusque ingentibus, sæpè beneficijs exornauit. Et quanquam exploratissimum haberemus animum Sublimitatis vestræ ad vniuersale bonum Ecclesiæ maximo studio & summa vi anhelare: iuuat tamen nos, vix dum lecto literarum initio, hoc ipsum etiam earum testimonio cognouisse. In quo quidem Maiestatis vestræ proposito digne collaudando, quanquam nullas vires, nulla hominum ingenia satis esse arbitremur: nos tamen quantum datur, illud laudamus & prædicamus, omnique genere laudum extollendum ducimus.

Neque enim videmus, quid sit aliud, quod æque possit nomen vestræ æternitatis gloriæ consecrare: quam pro Dei sponsa Ecclesia, eiusque incrementis, ac vera tranquillitate, Excellentiam vestram nullas vigilias, nullos demum labores effugisse. Quod autem ipsis ijsdem literis Maiestas vestra nos hortatur, Prælatos legationemque die statâ ad eam urbem mittere: vbi novum haberi concilium decretum fuerit: dicimus nos non ignorare rem, de qua agitur, maximam & summam omnium esse: in cuius rationem omnes mortalium res parvæ tenuisque iudicandæ sunt: cum præsertim ipsius Dei causam directè aspiciat: cui & animorum simplicitas, & rectitudo consilij maxime debentur. Itaque ne quid ex prope ratione peccemus: curabimus, quid nos deceat, intelligere: ita ut cum statuta dies advenierit, ea quæ dignitatem, amplitudinem, veram tranquillitatem Ecclesiæ intueantur, nequaquam pro virili deferamus: qui nos nostraque omnia Benignitati vestræ semper commendamus ac dedimus. XVIII. Septembr. M C D X L I I I.

AMIRATHES OTTOMANVS TVRCARVM PRINCEPS  
*Georgia. Scanderbego alumno ingratisimo.*

**O**fficia, quibus te ornarem omni tempore, dum apud me ageres, nunquam defuerunt mihi, Scanderbego hominum ingratisime. Verba nunc quibus alloquar defunt, ita multiplici tu scelere perfidiaque animû.

K 3

meum

meum offendisti, laesisti dignitatem, ut quo sim genere orationis, apud te præsertim domesticum, vsurus, nec consilium, nec modus suppeditet. Neque enim vel atrocior sermo demoditurus est ferox suapte natura ingenium, vel mitiori tu dignus oratione, qui feritatem omnem longè superasti, & nequam mei irritandi causam ommitteres, & tu es nuper amentiae progressus, ut vel propria incommoda, & ciuium tuorum salutem, Hungaricis contra me sumtis armis posthabueris. Piget proloquia, & velut vilia quædam attingere, si modo obliuisci vnquam pateretur animus vel silentio tegendæ forent tot nefariæ tuæ fraudes, & ingratiissimi animi exempla. Monendum tamen aliquando, licet sero fortassis duxi, ne ea te ferocia præpropere cum tuo isto funesto imperio præcipitem agat, & tunc diutini huius erroris confessionem exhibere velis: cum iam dudum nullam tibi opem, desperatis rebus omnibus, reliquâ feceris. Satis tot tuas huc vsq; iniurias pertulimus: sat multis Ottomanum imperium contumelijs lacestisti; & tot ad mala patientem me satis præstiti. Impune tibi proditos illos in Hungaria exercitus cecidisse existimas? Impune tot direpta in Epiro à corpore imperij mei oppida, & cæsa præsidia? impune & hæc (Recetiora loquor) celsura credis? deletū scilicet Alybassæ exercitum, tot agrorum vastationes & incendia? noviterq; adiutos (quantum in te fuit) Hungarici belli tumultus, ac Georgij soceri, quod te abstinere ab imperij sui limitibus voluisset, late depopulatum agrum? Respicias tandē aliquando, improbe, nec expectes diutius, quorsum sit hæc indignatio mea eruptura. Ne leuiuscula hæc secundarum rerū incrementa, eò stolidum desiderium provehant, & acuant libidinem, ut miserabilior postea fortuna tua, vel infenso cuiquā, atq; ipsi mihi miserationē commovere queat. Memineris aliquando (si quid iam residet in perditio ingenio humanitatis) meorū officiorum: ne tam male in te locata longius deplem. Quamuis non ciuile sit animi commemorare ea, quæ in aliquem liberaliter cōtuleris; ingratiissimi tamen est, præteritorum meritorum sic facile obliuisci posse. Quare non possum non dolere hoc loco sortem tuam, Scanderbege: & miseratione quadam affici rerum tuarum. Ut enim omittam animæ salutem (id quod tu ad extremum perditus homo pro nihilo habes) ut speras Mahometi leges, & speretum à te diuinum prophetam, præ Christianis superstitionibus, taceam: quid eorum, quæ magis cæca hominum ingenia delectant, defuit vnquā à me tibi, hæc pauperis regni tui sordes tanti? an arma, an equi? an longus servorum ordo? an pecuniarum rerumque cæterarum superfluentia, quæ omnem ætatem solent allicere? an exercendæ virtutis & totius gloriæ materia tibi deerat, an domi militiæque negatæ dignitates? præfecturæ & cuiusvis generis pæces tuæ ætati honores? In aula demum, quis te vnquam

quam clarior mihi? quæ acceptior indoles, non peregrina tantum, sed magis intima domesticaque fuit? Qua diligentia institutioneque infantem ferme ad me delatum, educare curavi: & bonis artibus, ac optimis moribus alui, auxique crescentem indies virtutem, tū præmijs tum omnimodis laudibus: & in bellico decore (quo nihil pulchrius est in rebus humanis) omni tempore exornavi; ut nullo certaminis genere vel notior apud me milites, vel dux clarior haberetur. Pro hisce tui beneficijs hodie te eam exhibes, Scanderbege, ut non modo non quem putaram virum, sed pestem quandam intra parietes meos aluisse videar. Sed age patriæ te amor sollicitabat, quam si à me petijsses, negaturus ne tibi eram, cum iam toties, si meminisse potes, ultro eam tibi promiserim? Maluisti tu tamen eam per maleficio ipse, quam à me beneficio habere. Habeas igitur Dijs approbantibus, neque me reprobante; & profecto, quam sum animi clementia, quosunque mihi aliquo tempore familiares & cognitos, omnium nunc ipse tibi veniam trado; non tuo præsentis merito, quod nullum est; sed quia & in hoc publico odio, tum prius in te collati officij, tum præstitæ tuæ olim in rebus meis fidei, libet meminisse: quandoquidem multo diutius tempus fuit, in quo servivisti, quam in quo offendisti.

Croiam & regnum paternum tibi, sicut nefaria fraude vendicaris, concedimus ea lege, ut cætera Epiri oppida, quæ nullo ad te iure pertinent, sed virtute ipse quondam mihi, ac belli fortuna quæsiui, ultro restituas: Mysorum res sortero meo incorruptas, quoad magis fieri potest, quamprimum reddas, & cætera, quæ absunt, æstimatæ pecunia rependas: deincepsque in omne tempus, tam eum, quem nos amicum habuerimus, violari à te, quam hostes meos aliqua iuvare opera, nefarium censeas. Sic & Turcarum odia effugies in perpetuum: & idem erit apud me tibi amoris & benevolentia locus, qui antea fuit; nisi malueris, malo edoctus tuo, tum poenitentia frustra locum quærere, cum audacia isthæc tua & ferocia me præsentem implacabilem ultorem habeat. Nosti iam vires meas: nosti exercitus robur. Habes ante oculos Hungaricæ fortunæ non leue documentum: longiori admonitione non indiges. Cæterum quicquid es ipse facturus, scribere te ad summum velim. Poteris etiam cum Ayradino nostro coram agere, homine & certo & fideli, à quo & alia plura audies, quæ non sunt literis commissa. Vale, si sapias. Ex

Adrianopoli. 17. Cal. Iul. Anno M.

CCCCXLIIII.

ATHLE



## ATHLETA CHRISTI SCANDERBEGVS AMVRATHI

*Ottomano Turcarum Principi,*

SVperasti olim tu me (vscribis) multiplici genere officiorum, ego te hodie modestia, & linguæ temperamento vincam. Neque enim quicquam tam seruilis ingenij esse puto, quam vel apud insensissimum hostem ea fæditate sermonis & petulantia dicendi abstinere non potuiss. Quare & literas tuas & nuncium æquo animo accepi, & risum (vt vera fatear) excitarunt mihi literæ tuæ potius, quam moverunt stomachum: dum vel in ipso statim dicendi ingressu, tantæ ingratitude, & perfidiæ audes me insimulare, & rursus leniori quodam ingenio ductus, animæ meæ iacturam recenses: miserrimi fati tui ignarus, ac lōgi erroris studiosus defensor. Demumque nullo belli iure, ordineque rerum servato, imprudenter, ne dicam impudenter, tanquam victor victo multas pacis condiciones proponis: & eas præsertim, quas liberæ aures vix audire queant. Ego quidem, Amurathes, quamvis tot tuæ dicta possent vel patientissimum quenque ad maledicendum armare; concedo tamen aliqua ætati & liberiori senis ingenio; dolori reliqua: quem difficile etiam temperare, præsertim quod ipse non iurgijs tecum convitijsque, sed armis, & iusta belli ira certare instituit. Quid tamen, quæso, Ottomane, ita DEOS hominesque accusas, quasi prior sis à me hostilia passus, non prior intuleris? Itane necessariam à te defectionem, perfidiam appellas? Scelus obijcis mihi, recuperatam ingenio & virtute patriam? Sed age obijcias: nihil enim recusato, vt horum me reum criminum in omnia secula efferas. Officia quoque in me tua, quæ longo ordine recenses commemorasque, recorderer & ipse libenter, ni ingentium omnium malorum memoriam hæc traheret secū cognitio; quæ si forent invicem compensanda, obrueretur sanè maioribus vndeunque maleficijs tanta magnitudo tuorum meritorum, reputare tamen ea tecum te ipsum, quam me referente exubescere malo. Miretur sanè illud vnum unusquisque; qui sciat quomodo aut ipse ad ea patienda sufferim; aut te non aliquo tempore tantæ crudelitatis odiorumque satietas ceperit: Abstuleras regnum paternum mihi: nec averas fratres, meque ipsum nihil tale timentem iam pridem nefariæ morti deuoveras, & novum adeo nunc videtur. Amurathes, quod tunc non immemor libertatis animus, tantæ servitutis effugium aliquod conquisisset. Quousque tandem dominationem tuam superbam laturum me putasti? Pertuli tamen multa diutius; neque iugum apud te vlllo tempore detrectavi. Pericula publica & que ac priuata, tum vltro ipse, tum iussu tuo adij per omnem ætatem. Serebantur colloquia de te quotidie, & frequens apud me erat de insidijs tuis sermo amicorum. Ego tamen & verbis & factis tuis, fraudem omnem abesse diutius credidi; donec improba sese consilia latè aperuerunt. Dissimulaui

mulavi tunc & ipse totus in tuas artes conuersas quousque aliqua vindicandæ libertatis occasio affulisset. Nihil est igitur, quod doleas nunc, cum tuo (vt aiunt) perieris exemplo. Parua tamen hæc, Ottomane, sunt instar eorum, quæ spe ac animi cupiditate concepi: Omitte igitur in posterum accrescens istos minarum aculeos: & Hungariæ fortunæ nobis toties subijcere desistas exemplum, Suum quisque animum habet, mi Princeps, suum genium, & nobis ea fortuna, quam dii dederint, patienter erit ferenda, interim tamen neque consilia rerum gerendarum petimus ab hoste, neque pacem ex te, sed victoriam Dijs propitijs querimus. Vale, Ex castris nostris. Pridie Idus sextil. MCCCCXLIII.

AMVRATHES OTTOMANVS TVRCORVM IM-  
perator, *Mustapha* duci.

**B**ellum quod tantopere postulas, Mustapha, en dedimus tibi, laudem ex eo (si vera sunt, quæ ad nos de Venetorum armis afferuntur) tua tibi virtus ac dextera pariet. Cautè tamen agendum est cum eo hoste, neque sumenda credula arma; quæ ubi non credas, per summam fæditatem deponas. Fallacis forsan inter Christianos belli species, & inanes similitudines tantum capiunt, quippe cum (vt aiunt) nulla sit breuior contentio, quam inter patrem & filium. Nos neque monere absentes præsentem possumus, neque stolidam pugnam libidinem laudamus. Obeunda sunt tibi omnia: & disquirenda singula inermi, quæ armato postea sunt agenda. Militem habes insignem numero viribusque integrum, hostem tum fessum tot prælijs, tum exhaustum. Reliqua ages pro arbitrio tuo. Nihil enim vt facias prohibemus, quod è dignitate nostra censcas futurum.

GEORGIVS CASTRIOTVS SCANDERBEGVS  
*Alphonso Regi Apulia.*

**N**ostri milites cum viris tantum pugnare & depugnare noverunt, cum muris nesciunt. Vos Itali (vt audio) id belligenus & calletis, & amatis summo opere. Itaque opus est in præsentia mihi auxilio & industria vestra. Sunt oppida quædam hostium in Epiro, vel in ipsis propinvisceribus imperij nostri; vetus est desiderium, tollere eam ignominiam ex oculis, si velint dii, sed assiduus bellorum incommodis detentus, non potui quippiam adhuc usque diem feliciter attentare. Tempus istud, & propter anni accommodatum tempus, & otium Mahometis cuius bis iam furorem repressimus, aptissimum ad eam cupiditatem absolvendam elegi: Paucis tenere potes, quid facto sit opus. Cætera omnia fermè in procinctu sunt, vos tantummodò expectamus, dabis milites (nihil enim recuso) qui e-

L cætero-

cæterorum nobis ad satietatem abundat copia. Sed ô felicem, te rege, Apuliam, mi Alphonsæ; ex qua ita liceat omne virtutis specimen, tanquam ex thesauro aliquo affatim depromere. Si pace, si bello vtilis viros optavimus, tu forum, tu militiam ornasti, tu legibus, tu armis Epiroticum fulcivisti imperium: te domi, te militiæ, omnis sexus, omnis ætas, omnis Epiri angulus celebrat. Ego vero ita benevolentiam tuam amplector, & foueo memoriam tuorum erga me officiorum, ut interdum velem fortunam exoptem tibi (& si non satis æque agere videor) quæ amicos (ut vivat) probat, non parat: quæ voluntatem in te meam certiore aliquo experimento cognoscere valeas.

FRIDERICVS III. ROM. IMPERATOR MAT-  
*thia Utriusque Pannonia Regi.*

**L**icet multæ causæ invicem concurrant: quæ me potius ad bellum tecum gerendum, quam ad pacem firmandam inducant: quas hic recitare mihi supervacuum videtur; tu etiam eas optimè nosti: ut tibi tamen tuisque omnibus ostendam, quantum potius mea in vos valeat liberalitas: quam vestra in me gratitudo: deliberaui penitus tecum pacem firmare: ut cum ab armis recesserimus, possint milites nostri, qui ex utraque parte summo opere consumpti sunt, ad desideratam quietem redire: & dissipatas res suas aliquantulum instaurare. Tibi igitur præsertim tenore harum literarum significo: quod ab hoc die in posterum relicta omni penitus discordia ac similitate, quæ prius inter nos fuerat, volo tecum firmissimam pacem habere: cum his tamen pactis & conditionibus: quæ prius fuerant inter nos unanimi voluntate conclusa. Te hortor, ut hanc à tuis toties desideratam pacem velis & libentissima fronte suscipere: & beneficiorum communicationem perpetuam servare. Nos .n. ex parte nostra hoc tibi volumus esse promissum, & constantissimè observatum: quod nulla unquam causa à tua benevolentia decedemus: quæ ad ipsam volueris nobis illæsam tenere. Vale.

MATTHIAS REX HUNGARIÆ FRI-  
*derico III. Cæsari.*

**C**um, Cæsar, præter æquum & fas in ita toties nobiscum pacem solueris; & ita sæpe fœdera violaveris, nullaque promissa præstiteris: quin & malo sæpius dolo, læsa concordia, nostrum agrum, pagos & oppida hostiliter invaseris: nos Matthias Rex Vngariæ, cæterique Pontifices, Reguli, optimatesque, iustum sibi bellum indicimus: & Iesum Christum Opt. Max. Diuam genitricem, peculiare Vngariæ numen, cæterosque deos patrios, violatæ iustitiæ, ac læsæ pacis, & inexplibilis avaritiæ vindices precamur: ut propius victoria nostra arma respiciant: vires legionum obfirmant: & vltoribus iniuriarum, ac violatæ quietis, & fidei assertori-  
bus

bus debitam insignemque victoriam tribuant. Proinde aut *Cæsaream* mentem ad resipiscentiam revocent: aut suscepta nobis iuste vota auspiciaque fortunent. Anno salutis septuagesimo septimo supra millesimum & quadringentesimum.

ANDREAS VENDRAMVS VENETORVM DVX,

*Matthia Vngaria Regi. S.*

**D**istulimus aliquantisper gratulationis officium, Serenissime Princeps: quoniam varius & incertus initæ pacis nuncius inter tuam regalem Augustalemque Maiestatem adhuc esse videbatur. Sed indices certiores facti, has breviter scribendas esse censuimus: quibus etsi non abunde gaudium & lætitiā promere; per brevi tamen indicare videremur: itemque ingenti devotionis affectui aliqua ex parte satisfaceremus: ut sicuti bello grauiter angebamur: ita percusso nuper salutarī fœdere mirificè lætaremur. Gratulamur igitur Maiestati vestræ: imò communi gentium salutī: quarum tutela ex vestrā pendet concordia. Gratulamur amicis quibuscunque vestris: in quorum ordine nos sumus haud cum postremis aumerandi. Gratulamur denique Reipub. Christianæ: cui posthac à Maiest. vestra hoc finitimo & intestino bello liberata, id auxilij sperare licet: quod vestrā amplitudinem, pietatem, religionem, ac ardentissimum in Christianam Rempub. studium planè addeceat.

MATTHIAS VNGARIÆ REX ANDRÆ VEN-

*dræ, Veneti Senatui Principi. S.*

**Q**uod obinitam cū Serenissimo Imperatore pacē nobis ex animo gratulamini: quod amicitia officium in re quaque tā diligenter attēditis: nos hunc gratulationis affectū, & gratissimū habemus: & gratias agimus ingētes: quando ex fido & benevolenti corde profluxisse cognoscimus: Nec minus quidem vos nostris, quam proprijs, commodis lætari credimus: quando quidem nihil nobis grātius accidere potest, quam cum optimū florentissimæ amplissimæque Reipub. vestræ successum audimus. Hæc vetus amicitia, fida societas, & explorata diu vtrique fides, utrosque facere iubet. Quod in calce subijcitis literarum vos Christianæ Reipub. gratulari: quod à nobis, vicino & intestino bello liberatis, id auxilij sperare possit: quod amplitudini & pietati nostræ conveniat: vos scire velim, quemadmodum etiā per Oratores sepe vestros superiori tempore significavimus: nobis ardentissimum defensandæ Reipub. Christianæ studium nunquam defuisse, neque in posterum esse defuturum: si tantam turbulentissimi hostis molem, cuius vires solī tolerare nequimus, humeris nostris sine adminiculo aliorum subire possimus.

ÆNEAS SYLVIVS LEONARDO ARETINO.

**L**iteræ ad metum, amantissæ Leonardæ, duplicatæ & triplicatæ pvenērūt. In omnibus hortaris me magnopere ad rem bellicam instituendam

L 2 pro

pro mea virili, quando apud Cēsare servio, operam navem. Facis, vt Christianum decet, & hominem Senis natum, cuius est (nescio quare id fiat) quo minus potest, eo magis de communi bono anxium esse. Laudo tuum cogitatum; tuas curas probō. Vtinam tui similes rebus maximis præsenserent, credo, multo melius Christianitati esset consultum. Namque si verum dicere libet, nimia est inter orbis nostri rectores somnolentia, aut adversus officium, aut præter officium omnes intenti sunt. Arbitror te iam cognovisse, quæ sint apud Ratisponam gesta, & quam negligenter ad conventum ex Italia cōparuere. Nam Legati Venetorum prius solutum audire concilium, quam Bavariam ingrederentur. Vnus mihi videtur præter omnes laudandus princeps Philippus Burgundiæ Dux, qui etsi esset Britannico bello implicatus, vocatus tamen ad conventum, qui pro salute populi Christiani erat indictus, noluit excusari, noluit Recip. deesse, Congregationem, quæ commune bonum tractare videbatur, sua præsentia noluit esse priuatam. Venit igitur Ratisponam: iturumque se contra Turcos in persona propria pollicitus est, si vel Cæsar vel Rex Vngariæ, vel alius magnus Princeps exercitum duceret: Si minus, misurum se, quas posset, copias, neque his in rebus excusatum se habere voluit, nisi tale sibi superveniret impedimentum, quod tota Christianitas legitimum reputaret. Quis hunc satis commendare Principem posset? Nemo est inter Christianos, cui minus timendi sunt Turci, & infideles cæteri: quam duci Burgundiæ: nemo tamen est, qui pro depulsandis atque comprimendis hostibus fidei magis sollicitus eo reperiatur. Vnde obsecro ista mens homini? Non cupido rapiendi hunc trahit, cui sunt opes infinitæ: Non spes vlla voluptatum, quibus frui victores putant, qui est iam ævo provectior: & si delicias amet, nusquam maiores, quam domi reperiatur: Non augendi domini ratio, qui se novit in Græcia & Asia nequaquam regnare posse. Sed est hic religiosus Princeps: amat ecclesiam, matrem suam, cupit fidei nostræ consultum esse, dolet, cum audit Christianum nomen blasphemari. Misereatur infelicibus animab<sup>9</sup>, quæ diutius in captivitate à Barbaris rapiuntur: pudet eū ignominia, quam Turci nobis inferunt. Est enim nobilis in eo animus: non potest mens alto sanguine nata non alta meditari: nihil turpe ferre potest generosus spiritus: videt se dono DEI amplissimis & populosissimis regionibus præfectum, multisque beneficijs cumulatum: non vult ingratus videri: recognoscit munera in se diuina esse quam plurima, vult pro sua facultate vices reddere. Meminit Ioannis, patris sui, quem Turci pro fide Catholica pugnantem captivarunt. Cupit vlcisci paternum vulnus, imitarique majorum suorum vestigia, quos pro fide Orthodoxa constare fuisse ardentissimos. Huius igitur opera factum est, quod in conuentu Ratisponensi nonnulli articuli conciperentur, quorum ego copiam Re-

toribus.

atoribus nostræ vrbs feci. Nec me dubium tenet, quin tu illorum notitiam habearis. Nam & illustri dominio Venetorum, apud quos nunc moram trahis, articuli per suos Legatos huiusmodi missi sunt: quorum si fiet executio, nihil erit nostræ religioni timendum. Cæsar huiusce rei cupidus novum apud Francfordiam concilium indixit. Id futurum est 3. Calend. Octobris. Cæsar aut eò se, curiamque suam transferet; aut præfidentes plena potestate suffultos mittet; neque negligetur, quantum in se erit, conventus.

Scripsisti vocandos esse multos ex Italia ad consilium Ratiponense, putasti id futurum. Constantiensi simile, ne dicam Basiliensi; quod in annos viginti protensum est. At nostrum. exacto mense finem accepit. Indictum est aliud, huc rursus vocantur ex Italia Rex Aragonum, Veneti, Ianuenses, Florentini, Senenses, Lucani. Comes quoque Franciscus, quamvis non est investitus de ducatu Mediolanensi, accersitur & Dux Mutinæ: Marchiones insuper Mantuæ, Montisferrati & Saluciarum: Videbimus quantus erit nostrorum feruor Italarum. Regibus quoque Franciæ, Angliæ, Bohemiæ, Vngariæ, Poloniæ, Daciæ, Sueciæ, Norvegiæ, Scotiæ, literæ dantur, ut ad conventum mittant. Principes Alemaniæ adesse, communitates mittere Legatos iubentur. Si erit conventio grandis spem bene gerendæ rei, summam; si pauci convenerint, obiter gestam dices. Quid sentis? quid putas futurum? Mallem tacere: mallem opinionem meam esse falsissimam: ac mendacis, quam veri, prophetæ habere nomen: dicam tamen, quod meus præfagit animus, Non spero quod opto: nil boni menti meæ persuadere possum. Quare, inquis? Quare, inquam, ego bene sperem? Christianitas nullum habet caput, cui parere omnes velint. Neque summo sacerdoti, neque Imperatori, quæ sua sunt, dantur: nulla reverentia, nulla obedientia est. Tanquam ficta nomina, picta capita sint; ita Papam Imperatoremque respicimus. Suum quæque ciuitas Regem habet: Tot sunt princeps, quot domus. Quomodo tot capitibus, quot regunt Christianum orbem, arma sumere suadebis? Age dicito concurrere in bellum cunctos Reges: cui ducatum dabis? quis ordo in exercitu erit? quæ disciplina militaris? quæ obedientia? Quis pascet tantum populum? quis intelliget varias linguas? quis reget diversos mores? quis Anglicos amicit Gallicis? quis Ianuenses coniunget Aragonensibus? quis Teutones Vngaris Bohemisque conciliabit? Si paucos contra Turcos ducis, facile succumbis: si multos, confunderis. Undique sunt angustiae. Perge vstra, atque inspicie Christianitatis vultum. Pacata (inquis) Italia est: facile adversus externos arma sumet, domi quæta. Nescio mehercule, quam quæta. Inter Regem Aragonum & Ianuenses adhuc belli reliquæ manent: nec Ianuenses hi sunt, qui contra Turcos pugnaturi credantur, quibus tribu-

ra pendere dicuntur. Veneti cū Turcis fœdus percussere. Et quamvis aiunt  
 se sumpturos arma pro nostra fide, si cæteri Christiani bellum Turcis indi-  
 cant: quis hanc conditionem implebit? Vocare nunc, rogare atque exci-  
 tare Venetos oportebit, qui cæteros imitati essent, si pax eis cum Turco  
 non esset. Quid cum Italis facies, quando dux nauales potentiz, & qui-  
 dem maiores, desunt? Rex Aragonum, quamvis est potentissimus, & ad cō-  
 mune bonum ardens: haudquaquam solus bellum navale contra Turcos  
 agitabit. Summi Pontificis quanta sit classis, non ignoras: Deficit igitur  
 nobis altera belli pars. Nam cum terra marique Turcos vexare propositum  
 esset, deficientibus Italia, nihil est, quod de maritimo bello speremus. Pa-  
 tebit Asianis Hellepontus: & si terra bellum geratur, infinitas ex Asia  
 copias in Græciam Turci traducunt. In Hispania nosti, quam multi sunt  
 reges, potentia, regimine, voluntate & opinione dispares: nāque illi in ex-  
 tremo iacentes Occidenti, ad Septentrionem trahendi sunt: estque quod  
 agunt cum Granatensibus domi. Rex Franciæ etsi toto Regno pepulit ho-  
 stem, marinas tamen oras inquietas habet; nec militem extra regnū au-  
 debit mittere: dum classes ex Anglia repentinās timet. Angli nihil aliud a-  
 nimo gerunt, quam ut repulsam ex Francia vindicent. Scoti, Dani, Sueci,  
 Norvegij in ultimis orbis oris fixi, nihil est quod extra domum quærant.  
 Teutones inter se diuisi, nulla in parte coherent: Ciuitates cum Principib⁹  
 dissident: & ipsi inter se Principes nullo concordiz vinculo tenentur: Sui-  
 tentes cum ducibus Austriæ vetus odium tenent: Comes Palatinus Archi-  
 episcopo Moguntino infestus est: Ducatus Luzelburgensis inter Regem  
 Bohemiæ & Ducem Burgundiæ litigiosus pendet: quamvis sint ad Calen-  
 das vsque Novembris in eam rem induciz. Duces Saxoniz de sexaginta ca-  
 stellis cum Bohemis litem habent. Vratislavienses requisiti per Bohemiæ  
 regem homagium facere recusant, nisi ad se rex proficiscatur. Pruteni, qui  
 religioni Sanctæ Mariæ Teutonicorū subiecti fuerunt, excusso priori iugo  
 ad Regem Poloniz defecerunt: Isque nunc regionem ingressus cum coniuge,  
 sacramenta fidelitatis accipiunt. Lignicenses, quos Ladislaus rex guber-  
 natori Bohemiæ dederat, subire iugum recusant. Nec Puduicensēs parere  
 Domino de Rosis voluntarij sunt, quamvis dono Regis ad eum pertineāt.  
 In Austria nihil quieti est: Baronem Eizingerum dominantem spernunt,  
 Ciuitates amant; seditiones frequentes agitur: Vuācho Bohemus cū duo-  
 bus millibus latronum, regionem longe lateque vexat: In Viēna crebra fi-  
 unt incendia: nec autores in famam veniunt. In Vngaria Prælati & Barones  
 infensi sunt Ioanni Vaivodæ; qui quondam gubernator fuit, nunc Capita-  
 nei nomen tenet, regni que maximā partem occupat. Giskra Bohemus in-  
 vestitus à Rege de territorio Sepusiano in Vngaria, ad possessionem venire  
 per

per Ioannem impeditur. Despotus Rasciæ quamvis Turcis vnitus putetur, auxilia tamen Regis Vngariæ petit, & Turcos afferit bello paratos: nihil tamen ad hæc Vngari moventur: sed habituri potius inducias siue concordiam cum hoste, quam moturi bellum creduntur. Ede nunc in tanta rerum varietate, quid sperandum aut timendum sit: intueri deinde mores hominum: ac nostrorum Principum facta considera: quantus auaritiæ sinus patet; quanta inertia: quanta voracitas. nemo literis aut bonarum artium studijs intentus est: & tu cum hisce morib. deleri posse Turcorum exercitus putas? Vtinam tu verax inveniariis, ego fallax. Vtunque res sese habent, manebo ad dictam diem Francfordiæ; & si nõ progero reipub. Christianæ, macerabo tamen me ipsum; & in vindictam meorum delictorum affligam corpus & mentem: sed quid in commune redundabit boni, tantò id libentius videbo, quanto magis id præter spem eveniet. Tu vale, & me, vt soles, ama: & si amasti parum, amorem auge: quoniam ego te pro tua virtute vehementer amo. Ex Nova Ciuitate Austriz. V. Iulij. MCCCCXLIV.

## FRANCISCVS PHILELPHVS VLADISLAO

Hungaria Regi. S.

**E**GO te, Rex Vladislæ, cum adire scribendo instituisssem: non poteram equidem non subuereri; ne à quibusdam existimarer imprudentior: quippe qui dicturi viderentur, non esse mei, neque muneris, nec etiam dignitatis ad ea summum regem hortari, quæ vel in primis regalem magnitudinem præ se ferunt. Nam qui ad decus & gloriam natus, altus, educatus, omnia supra hominem & mediteris, & molitaris, & facias: numquam possis (vt opinor) ullis meis vel monitis vel adhortationibus, quasi equus Lydus in campum ad splendidissimæ laudis cursum vehementius incitari. Sed ego certè, neque te moneo admirabili prudentia principem, nec adhortator accedo; quandoquidem ultro pro diuina benignitate ad summi honoris calcem, qui humanæ felicitatis & testimonium est & præmium: vel eas, vel peruenias potius.

Quid enim per immortalem **D E V M** aut pulchrius ad humanæ, aut fructuosius ad diuinæ gloriæ gradum tibi contingere potuisset: quam quod ipsa dies & **D E V S** obtulit præclaram de Turcis victoriam gente barbara & immani? Qui patriis relictis auitisque gurgustijs; vbi sese per omnem turpitudinis fœditatem dies noctesque polluerent; horrentibus illis Caucaß, vastisque rupibus, tam diu ac multum in vniuersum propè terrarum orbem sunt aduersus Christi nomen per omne ludibrium & contumeliam debacchati.

Quas



Quas enim ciuitates, quos populos, quas denique remotissimas nationes quisquam afferat, quæ Turcorum immanitatem obscœnaque flagitia, per omne scelerum omnium genus minus vel tulerint vel pertulerint? (Obdormierat nescio quo pacto excelsum illud & inuictum robur virtutisque Christiana, ac tantus terror vniversas mentes inuaserat; vt etiam sine prælio vinceremur; & quidquid erubescendi hostis libidini aut furori collibuisse; non pati solum, sed perpeti quoque posse videremur. O temporum calamitas miserabilisque fortuna! Ad tantum miseriarum deuentum erat, vt ignobile illud atque agreste Turcorum vulgus ex humilimis pastoribus ac famelicis & fugitiuis Scytharum servis, longè lateque in populos Christianos & reges imperitarent: indiesque magis atque magis ita suum propagarent imperium; vt iam vix sexaginta milia passuum abessent ab Italia. Itaque non absurdè fortassis audacissimus iste & petulantissimus Amurathes iactare vino obrutus inter capacissima illa pocula consuevit, se templo sanctissimo Diui Petri propediem pro stabulo gancæque vsurum. Considerabat enim Latro callidus ac pestifer: Christianos principes, qui & autoritate valeret, & viribus: mutuis inter se odijs atque discordijs laborare, contendere, digladiari; alios verò præter quæstum curare nihil; nonnullos ignauia corripere: negligentia plures detentos intercipi. Inter quas ille nostras calamitates iactabundus atque exultans; non desperabat breui futurum; quod secum ipse per omne facinus ac nequitiam animo volutasset. Sed noluit certè Dominus deferere tandem suum gregem effe-ratis rapacium luporum morsibus tam misere laniandum. Audiuit fide-lium fletus: vt clemens, misericors, benignus; non solum ærumnas levare, sed extrema omnino præstare, opem auxiliumque afferre dignatus est. Quare suos in te oculos coniecit: tua est præclara indolè delectatus: dilexit probitatem vitæque sanctimoniam: te vnum delegit ex omnibus Christianis principibus; qui suum populum prostratum erigeres, sustineres, tuereris; qui impurissimos hostes suos trepidos tandem palantesque auerteres, fugares, prosterneres, comprimeres, interimeres; qui in omnem posteritatem, per immortalem nominis splendorem, te omnibus gentibus admirandum redderes. Quæ quidem ipsa, Rex præstantissimæ, cum mecum ipse cogitarem, videremque maximis tuis laudatissimisque conatibus, tam tempestiuè, atque salutifere Christum Optimum Maximum prospexisse: non potui equidem pro mea erga te fide singularique observantia non gratulari vel tuæ, vel Christianæ felicitati: quo tuo ductu tuisque secundissimis auspicijs ea futura sit; cui non modò accidere aduersi nihil queat; sed cuncta potius affatim bona curricula contingant. Mihi verò plurimum lætor: quem supernus omnium Imperator & conditor tuorum parentum regalibus illis ac sanctissimis nuptijs iccirco voluit interesse, quo te inde na-

tum

tum ad communem Christianæ Reipublicæ libertatem ac decus, aut coram intueri; aut saltem & crebro & vno & eodem omnium sermone tuas res clarissimè gestas audire, atque gaudere aliquando liceret. Novit enim vel Iulianus iste innocens ac sanctus, vir iuventutis huius Christi Apostolus (Sic enim iure appellare licet summum Pontificem Eugenium) qua tempestate Orator sum missus ab Imperatore Constantinopolitano Iohanne Palæologo, ad Romanorum Imperatorem Sigismundum; venis- se etiam me invitatum ad nuptias.

Et quod incredibile mea cum voluptate in mentem redit; id vidi per somnum prima illa nuptiarum nocte, quod nunc vigilans loquor. Videre enim videbar dormiens pulcherrimum quoddam astrum, Sole etiam ipso longè maius atque illustrius; quod cœlitus delapsum, in regis illius vestræ eminentiore culmine consedisset: vnde circumquaque emissis spēdidioribus radijs; vbi altius sese luce mirabili sustulisset; incredibili celeritate, in Macedonicum primo, deinde in Mysum, Olympum, vniuersamque Asiam peruadere festinaret; ac tantum vndique fulgorem effundere; ut & quē Solem, atque ille Lunam, sua præsentia obscuraret: aliaque per multa videre sum visus: quæ curiosiore narratione persequi non licet. Sed quæ ad rem attinet: reuelasti profecto mihi tu, Rex florentissime, in gentibus tuis cœptis, splendidissimisque virtutibus meam omnem tam longinqui somni veritatem; docuisti que haud frustra, somnia vel immiti, vel emit- ti. Nam seu diuino iussu quodam revelentur extrinsecus dormientibus nobis, quæ aliquando futura sunt: siue eas sit humani animi natura atque vis; ut tum maximè vigeat, sapiat, intelligat; cum sensibus corporis somno servientibus ac pene vinctis, seipse veluti solutus in libertatem vindicat; & tanquam per rariorem corporis nebulam illa quæque cernere iam incipit; quæ perspicua olim & luce omni lucidiora ei futura sunt. Quæ quidem res, si cui fortasse dubia sit; mihi sane nullo modo esse possit, cui re ipsa somnium iam omne aperitur.

Tu enim Rex Vladislæ nuptialis illius astri imaginem repræsentas. Tu veluti cœlitus missus es; qui & Istro iam pro diuina commiseratione, & vniuersa Thracia Hellespontoque superato, quam primum sis, per illustrem perditissimorum hostium cladem atque internecionem, in Mysiam illam Turcorumque Emporium eversum perventurus. Tu non diu post (ut spero) Egyptijs, Syrijsque oppressis, patefacies cunctis Christi fidelibus sanctam civitatem. Tu quasi novus aliquis Alexander ad Gangem usque, vel ad illos potius usque Gangaridas, quas Alexandro metui fuisse legimus, cum tua sempiterna gloria penetrabis. Nam quid ego te Alexandro comparem, qui omni virtute illo sis, & melior, & ingentior? Quanquam enim Alexander, cum primum cœpit arma movere, non in hostes & barbaros.

M sed

sed in amicos & Græcos eâdem ætatem ageret, qua nunc tu es. (annos enim viginti natus erat) illum tamen vitia permulta comitabantur: te vero virtutes plures. Erat Alexander ebrius: Vladislaus sobrius: impudicus ille, tu pudicissimus, ac planè temperans. Agebat Alexander omnia temere; tu consulto omnia & prudenter. Vtebatur ille ad res gerendas audacia duce & itacundia; tu fortitudine & clementia. Præbebat ille sese vel in amicos iniustum: tu neque in tuos, neque in alienos quicquam vel agis, vel meditaris sine iustitia. Ille ingratitude se fecit obnoxium: tu vnus omnium es gratissimus. Quod si Alexander infinitis flagitijs atque sceleribus inquinatus, totam propè Asiam, nec multo quidem cum milite subiugauit: quid de tot tuis tantisque virtutibus sperandum fuerit; qui nulli, vel libidini, vel animi impotentia servias, sisque innocentissimus: præsertim cum ad florentem firmissimumque exercitum, Christum habcas tecum propugnatorem, atque vexilliferum.

Et quibus cum tibi pugnandum est? Num aduersus Gallos, aut Britannos? an aduersus præpotentes atque invictos Italix populos? Sane aduersus Turcos; aduersus pastores & fugitivos; qui nullo iusto Marte omnia per latrocinia furtaque moliantur. Nihil tamen minus barbara ista atque abiecta natio contemnenda omnino nõ est; sed curanda omnia diligenter. Nam (vt ait Poëta) *Et neglecta solent incendia sumere vires*. Id quod cum in alijs quam plurimis verum esse animaduertimus: tum in re Turcorum imprimis. Dum enim diutius isti contemnantur, pro nihiloque habentur; Bosphorum urbem ad Hellespontum, ipsius etiam Iustiniani Imperatoris temporibus, clandestinis latrocinijs, duce latronum Bochamo, ceperunt diruperuntq; Et cum mox fugati sese intra Caucasum cautes recepissent, rursus Heraclio Imperante emerferunt in Persida: vnde Mahometum, proditorum omnium perditissimum atque nequissimum, cuius nunc impiam sectam ob nequitiarum illecebras maximè omniũ amplectuntur, latrocinantem illum, eisdem latrones artibus turpiter expulerunt: indeq; factum est vt sensim atq; paulatim progredientes, dum neminem perinde atq; contempti repugnantem offendunt: in intimis Hadriatici sinus regionibus confederint: latè omnia longeque turbantes, prædantes, populantes. Vsq; adè Christianorum principum virtus obdormierat, elanguerat, contabuerat. Itaq; diuina quadam providentia factum reor, vt in tantis humanarũ mentium tenebris ipse in lucem veneris ad salutem & lucem Christianorũ. Quare perge, vt facis, Vladislæ Rex fortissime; vtere tanto & tam grandi bono: quod tibi cœlum ostendit & sydera. Per multa iam de Turcis in hanc diem splendidissimaque trophæa statuisti: iam tota metuit te Barbaria, atq; contremiscit. Quicquid habebant aut roboris aut spei impurissimi hostes omnes

omnes nominis Christiani: id omne in latrocinijis insidijsq; Turcorū collo-  
carāt. Horū autem tot milibus p tot tāq; diversa praelia abs te nuper interē-  
ptis quid reliquum siue viriū siue fiducię sit, aut Turcis, aut cæteris infide-  
libus; quem latere possit, esse certē arbitror neminem. Mirum profecto est  
quantam de tua animi magnitudine insauditaq; constantia, apud Christia-  
nos omnes & spem & fiduciam concitaueris! Iam de trophæis, quæ vocant,  
nullus sermo, nulla mentio est. Extremum illum optatumque triumphum  
quotidie omnes expectant; per quem liceat cunctis impune ac secure, non  
Ægyptum & Palestinam solum, verum etiam viscere locos omnes ac gentes,  
ad quas olim vox Euangelica pervenerit. Itaque vniuersi populi, regesque  
Christiani, p tua incolumitate atq; victoria Deū orāt: & vnus omniū ma-  
ximè Christianissimū princeps meus Philippus Maria Anglus, qui te digni-  
tatis & amplitudinis gradu, non secus profecto, quam patrē, & colit & vene-  
ratur: sed amoris charitatisque affectu, æquē atque filium, charum habet &  
periucundum. Qua hunc voluptate affici existimas, quoties audit suis de te  
optatis respondere fortunam? Ita mediusfidius delectatur ac gestit rebus  
tuis omnibus prospere gestis: vt nihil apud eum lætius increbescere posse  
putem. Te regum sydus appellat: te Christianæ Reipublicæ propugnacu-  
lum nominat: te Christi vocat & vltorem & lumen. Quot quotidie pro te  
preces ad DEVM ipse habet! quam assiduis supplicationibus, illisque pi-  
entissimis, pro te vno, huius principis iussu, templa omnia celebrant! Quā  
obrem cum & DEO te, Rex Vladislac, intelligas hominibusque charissi-  
mum: cum in te vno Christianorum omnium salutem constitutam esse a-  
nimaduertas: tuum fuerit, vt quarum rerum labores ac discrimina maxima  
cum ingenti tua laude suscepisti: earum pulcherrimam palmam expecta-  
tumque triumphum ne derelinquas. Quin age adiutore atque duce Chri-  
sto Iesu, inuade impiam illam teterrimamque barbariem: tibi que persua-  
de, non minorem tibi operam dandam esse: vt ratio tua pugnandi omnis  
cum diuina voluntate conveniat: quam vt exercitus omnis tuus & ordi-  
nem observet, & modum. Nam cœlestem opem frustra fieri videmus:  
quam humana actio aspernetur. Itaque non modo, vt vincas, tibi  
considerandum est, sed & quomodo vincas: cum is eventus maximè sit in  
laude, quem optima consultatio antecesserit. Non. I X B R. anno M.  
CCCCXLIV.

• *ÆNEAS SYLVIVS POETA IMPERIALIS QVE SECRETA-  
rium, Philippo Maria Anglo, Duci Mediolanensi, Papia Angliarūque Co-  
miti, ac Ianua Domino.*

**Q** Vindecim aut eo plures sunt dies: quibus huc fama delata est, V-  
ladislauum Poloniæ Regem, qui regnum Vngariæ occupauit, Ladis-  
lao paterno ac avito regno spoliato, in bello cum toto exercitu prostratum

M 2 c. 15.

esse. Sed cum mille venirent literæ, nullusque certus auctor haberetur: ficta res credita est: nec multò post ex Vngaria scriptum est, Regem Poloniæ superatis conflictisque Turcis victorem reverti: eratque non parua trepidatio: ne, sicut est victoria sui natura insolens, & superba, Rex idem cum Vngaris adversus Austriam & Sturiam castra moveret: iamque vir magni nominis Dionysius Archiepiscopus Strigoniensis, & alij, qui Ladislai regis partibus favent, auxilia Romanorum regis efflagitabant. Studuerant enim qui Regem Poloniæ apud Vngaros manutenebant, conflictum eius tegere: siue quod redimiti ex bello Regi quamvis fugato consulere volebāt: siue quod statum suum eo melius interim putabant posse dirigere. Verum nihil est mendacio instabilius, nihil veritate constantius. Advenerunt enim hodie (mirabile dictu) ex diversissimis remotissimisque regionibus vna in hora diversi nuncij: non tamen diversa sed eadem nova portantes. Scripsit illustri Ciliæ Comes: scripserunt ex partibus Transsylvaniæ, alij, & rursus alij ex Vngaria Barones Regiæ Maiestati novitates istas: quæ licet Christiano populo lugubres sint, & admodum nocivæ; non tamen ideo taceri debent: sed tanto diligentius inter Christicolæ divulgari: quanto Catholicæ fidei maius imminet periculum: nisi religiosissimi Principes in vnum convenientes, de medio resistendi sanctæ crucis inimicis & hostibus cogitaverint. Nova igitur ista sunt. Aiunt omnes nuncij vno ore, Regem Poloniæ cum Cardinale S. Angeli multisque Vngaris & pluribus Vvalachis & Bulgaris atque Ruthenis in Romaniam usque profectos, tot bellando successus habuisse: ut non longè ab Adrianopoli castra posuerit. Quod priusquam Turcarum Imperator accepit: collecto in Asia exercitu XL millia pugnatorum, mare traiecit. Classis namque in Hellepontum, ad prohibendum ex Asia in Europam transitum, hac ætate præterita missa (ut isti referunt) iam retro cesserat: patronis eius pecunia & Asiatica gaza corruptis. Quod mihi non est verisimile: nec persuaderi mihi poterit, tanta illos perfidia usos fuisse: ut Christianum sanguinem Mahumetis auro vendiderint. Illud autem credibilius est, deficiente commeatu, classem ulterius non potuisse procedere: sicut iam suis literis timere se Iulianus Cardinalis significaverat. Vtunque sit, liberum mare Turcis patuit: qui transeuntes in Græciam, iunctique suis cis mare manentibus, cum magno exercitu Christianos aggressi sunt. Nec vero nostri detrectare certamen: sed in ipsa S. Martini festiuitate bellum commissum est: quod tam atrox & asperum fuit: ut raro inter mortales tale fuisse putetur. Diu prælium anceps extitit: diu viribus vtriusque paribus est pugnatum: atque dum nostri pro Christo, illi pro Mahumeto contendunt; tam acres vtriusque partis animi fuerunt: ut cæsis inter vtrunque exercitum circiter XV. milibus hominum cum pugna par esset, adhuc cessare noluerint. Sed quo plus sanguinis.

nis fundebatur, eo ferociores vtrique acies turmeque præliabantur: de-  
fecerunt tamen vtrisque vires: fessisque brachijs, nec versari gladios am-  
plius, nec artus tendere valebant. Quæ res quiescere ambas partes ad ma-  
gnam horam coëgit: donec resumptis viribus ac spiritibus redeuntibus  
instauratum est prælium: in quo vicit ad extremum Turcarum exercitus:  
siue virtus fuerit, siue fatum: siue quod numero plures erant. Affirmant,  
qui ex bello fugerunt: patrum nostrorum memoria, nullum tota in Euro-  
pa tam cruentum bellum esse commissum: nec pauciores ex Turcis, quam  
ex Christianis, cecidisse. Et rumor est, LXXX. millia virorum in hac pu-  
gna esse caesa: De rege Poloniæ incerta vox est: quidam occubuisse eum fe-  
runt: quidam captum putant: illud tamen inter omnes constat, Regem Po-  
loniæ ad Vngaros non esse reversum: nec desunt, qui eum in facie vulnus  
suscepisse inter præliandum asserant. Quo fit, vt adolescenti tam nobili,  
tantique animi, admodum condolendum sit: qui non suo iudicio ( Non  
enim propter ætatem aliena regna cupiebat ) sed suorum suasu, ex pacifico  
regno in alienum, non ad pacem, sed ad bellum: non ad opes possiden-  
das, sed ad mortem vel captivitatem est tractus. Murmur etiam est, in hoc  
prælio virum nostrum temporis tum eloquentissimum, tum prudentissimum  
Iulianum Cardinalem S. Angelice cecidisse: ac nobilissimum illum spiritum  
suum, ad omnia, quæcunque ageret, divinitus aptum, exhalasse. Quidam  
astruunt, eum cum Ioanne Vayvoda Transylvano cateroquin animosissi-  
mo cum paucis evasisse: quod magis optaverim: sed mors ipsius mihi pro-  
babilior est: quia non fuit in bello fortunatus.

Nam & adversus Boëmos cum exercitu profectus, fugatus est: nisi  
forsitan & idem ei nunc accidisse arbitremur. Sed assuevit fortuna, quos  
vno ex bello fugatos fecit, in alio interemptos reddere. Quæcunque fors  
eius fuerit, non puto male actum cum eo, qui pro Christi fide pugnavit: in  
qua si mortuus est, vristi ferunt, nulli dubium esse debet, quin ad eum  
transierit, cuius causam tutabatur. Occisi cum eo sunt Agriensis & Matidi-  
ensis Episcopi, Stephanus de Vader, Ioannes de Lasimet, Nicolaus de Pe-  
rin, Henricus de Thamas, multi que alij Barones: quorum nomina non-  
dum sunt transcripta. Plures in hoc prælio illustres animæ vel in cælum,  
vel ad inferos transierunt. Insignis est hic annus multis cladibus, nam &  
Suitenses apud Basileam cæsi sunt: & Delphinus complures Alemanniæ ci-  
vitates occupavit: & rex Franciæ Tullum Verdunumque cepit. Nico-  
laus Pinicinus vita functus est: & alij complures magni viri mor-  
tui sunt: qui vestræ illustri dominationi, quam mihi, sunt notiores. Un-  
gari iam incipiunt Ladislaum regem recipere: res nova est & recens: nec  
magis explicanda, quam tradita sit. De cæteris alias. Ex Nova ciuitate, XIII.  
Decembris. MCDXLIV.

**P**osteaquam Fridericus Imperator ex Rheni partibus, accepto diadema-  
 te, saluus & incolumis in Austriam reuersus esset: Iulianus Cardinalis  
 S. Angeli, vir & ingenij & animi dotibus singularis: qui tunc Apostolicę se-  
 dis legatus, pacem in regno componere, ac exercitū contra Turcas excitare  
 iussus erat: Maiestati Cæsareā apud Viennā convenit: quę secuti sunt Epi-  
 scopus Vvarieſis, & Decanus Cracoviensis, Regis Polonię Oratores: alter  
 humilitate præcipua, alter fastu maximo memorabilis, hortatiq; Cæsarem  
 sunt, vt & cūtra Turcas auxilia mitteret: & vt de pace cū Rege Polonię, quę  
 Regem Vngarię vocabant, conveniret. Sed quia nec leges pacis offereban-  
 tur, quę Ladislao regi conducereant: nec tutum erat id bellum iuvare, in quo  
 Rex Polonię principatum teneret: qui post triumphum (sicut insolentes  
 homines facit victoria) adversus Austriam signa verteret: infectis rebus Iu-  
 lianus & collegę dimissi sunt. Factę fuerunt tamen paulò post ad bienniū  
 inducię: quibus cautum est, nec partibus Ladislai regis per Vladislauum su-  
 osq; dari nocumentum: nec rursus turbari debere eos, qui Polonum seque-  
 rentur: si quis violator fœderis esset, hunc ambę partes compescerent. Rex  
 autem Polonię, Iuliani suasu, & instigatione regnicolarum, cum exercitu  
 in Turcas trajicit: cumque ad flumen venisset, quod Morauā, incolę vocāt,  
 auditū est in propinquo exercitum hostiū delitescere. Itū est igitur in præ-  
 lium, ac cū Basso cōflictatum: quo victo, duo millia hominū cæsa sunt: qua-  
 tuor millia capti: inter quos ductores tredecim fuere: signa militaria novē.  
 Sic. n. Iulianus suis literis Cæsari, qui tūc in Carinthia fuit, significavit. Quā  
 vis Vladislauus more Polonorū, qui de magnis matora loquūtur, XXX. millia  
 hominū cecidisse, suis epistolis annotaverit. Tūc quoq; Sophia, vrbs Bul-  
 garorum, & nonnulla oppida ac castella hostiū in ditionē recepta sunt.  
 Exinde cū fame laboraret exercitus: nec angustias Romanıę trāsire liceret  
 (nā Turco milite custodiebantur) dimissis copijs Budam revertū est: quam  
 Vladislauus, cū magna totius populi lætitia, quasi triumphator intravit. Sed  
 hui' victorię, præter auspiciū, nihil ad eum pertinuit. Nam solus Ioannes  
 Varsoda Transylvanus, rei militaris expertissimus, tum decē millibus ex  
 peditorum militum hoc bellum confecit. Fracti hac pugna Turci (nā & in  
 Asia conſigere cogebantur) inducias petant: quas traditis quibusdā arcı-  
 bus iureiurando firmatas obtinuerunt. Sed audito paulò post classis adven-  
 tu, quam Pontifex Max. Eugenius ac Philippus Burgundiorū Dux in Hel-  
 lespontum transmiserat: tanquam ex Asia in Europam transire Turcos pro-  
 hibitura foret: elati prioris victorię successibus Vngari: suadenteque Iuli-  
 ano: qui treugas nullius momenti fore dicebat, iniussu Sedis Apostolicę  
 cum hostibus Christiani nominis factas: pacem ruperunt: collectoq; gran-  
 di exercitu, terras hostium ingrediuntur: vastantesque ferro & igne, quę-  
 cunq;

cunque obviam fiunt, non longe ab Adrianopoli castra locāt. Quib' cognitis, & ipse magnus Turcus ingentes copias congregavit: ac, si vera est fama, centum millia virorū exercitū conflavit: traiecitq; mari (vt quidā volunt) circa Bosporum Thraciæ, non sine magna Ianuensium infamia, in Europā venit, nam & quædā Ianuensium naves præbuisse transitum illis referebatur: cuius tamē veri periculum in me non recipio: nec mihi persuasum est, tanta quenkā avaritia fore: vt Christianum sanguinem pecunia vendat: nisi quem Diabolus in modum Iudæ sibi subiecērit, Aduentus Turcorum tā subitus fuit: vt prius venisse visi sint hostes, quam auditi venire. Vbi ergō in cōspectu fuere: visaq; multitudo est pugnatorū longē maior quā putaretur, ingens terror Christianos invasit: vt sit, quando ex inopinato pugnandum est: non tamen detrectare certamen Vngari: nec Regio sanguini defuit animus: sed structis ordinibus aciem edueunt: cōmittiturq; durum & atrox prælium: ac dum nostri profide, & illi pro perfidia pūgnant: tantū sanguinis vtrinque effunditur: vt in modū lacus campi stagnarent. Diu certatū est æquis viribus: dum Christiani suas acies virtute sustentant: Turci vero numero supplent. Cūq; per plures horas nunc illi, nūc isti cederent: ad extremū inclinata Christianorū acie victores evadunt Turci: iuramētaq; nō solum domesticis fidei, sed et hostibus servanda, exēplo demonstrant. In hoc prælio clarus adolescēs, aut captus est, aut occisus Rex Polonię Vladislaus, nec.n. adhuc æquata est notitia veritati: Pœnas tamē certum est eum dedisse vsurpati alieni regni: qui dum spoliare paterno regno Ladislaū quærit, suū amittit. Czca est nimirum cupiditas hominum: qui nō cōtenti civitatibus dominari, p̄vincias quærun post regnum: nec sic expleti, et regnis regna cumulare nituntur: nesciētes, quia parva res est, quæ vitā eripit homini: & omnib' p̄p̄is ac dominij nudū in momēto reddit: corpuscula nostra, vbi spirit' evolavit, modico sarcophago cōtētatur: & tā læta sunt inter aurū gemasq; recōdita: quā inter feces hominū ferarūq; collocata. Quod si Vladisla' animadvertisset: quietus in regno suo (nā satis diuitiarū possidebat) nūquā Vngariā attigisset. Sed secuti sunt eum Varadiēsis & Agriēsis Episcopi: qui regnū in diuisionem adduxerāt: pluresq; alij proceres dominiq; potētes: qui dū incōsulti, q̄ audaciter, præliātur, hostiū gladijs occubuerunt. Czsa vtrinq; eiecit XL. millia referuntur. Nā & cruenta lugubrisq; victoria hostib' fuit: qui vt erāt nū. plures, sic et ex eis plures ceciderūt. Iulian' Cardin. in bello vulnerat' est: ac, dū fugit, amisso sanguine deficiēs, apud paludem quādā impijs Vngarorū manibus, nō ex volūtate nobilitatis, sed ex furore plebis occisus est: clarūq; illū emisit spiritū: qui quōdā suavi oratione generale Cōciliū cūctosq; Basileæ cōgregatos ex arbitrio suo gubernavit. Paucissimi ex tanto exercitu superfuerunt. Quidam namque vt invictæ virtutis illos sciebant: sic & immortales esse rebantur. Quæ res per plures menses absq; novitate regnum suspendit.

Lauren-



Laurentius Palatinus Vngariæ, acri vir ingenio, novas indies literas confingebat: quibus populi mentes pasceret: nunc Vladislavum in Polonia sospitem esse: nunc intra dies paucos venturum asserens. At ubi demum comperta mendacia auctori abrogarunt fidem ( sic enim plectitur mendax, ut, dum credi sibi falsa vult, etiam in veris repellatur ) conventum regni Budæ habere placuit. Illic Prælati Baronesque regni convenientes, unanimi voto Ladislavum, Alberti filium, in regem eligunt: vicarios regni ordinant: decreta pro communi pace faciunt: & Oratores nominant, qui ad Cæsarem petiti puerum destinentur. Placet tamen in Poloniam mitti, investigarique Regem: ac certo tempore notitiam expectari. Nuncius in Poloniam missus, matrem Regis allocutus, nihil certi reperit. Labitur expectationis terminus. Tunc Oratores iter arripiunt: & Ladislavum sibi ad Alban Regulæ cum sancta corona Regem assignandum à Cæsare petunt. Responsum est à Cæsare, eum qui coronatus sit, non amplius coronandum esse: Ladislavo & paterno, & avito, & materno iure regnum Vngariæ deberi: bene tamen fecisse Vngaros: qui verum suum heredem, non alium, elegerint. Cæterum ex Vngaria post hæc per scriptum est, Ioannem Vayvodam Transylvanum adversus Turcos dimicasse: & quamvis felici bello quædam castella prius obtinuisse, ad extremum tamen mutata fortuna, quæ nulli perpetuo bona est, ingentem gloriam, quam superioribus annis adeptus pugnando fuerat, victum occisumque maculasse: veritas tamen rei adhuc in obscuro est. Classis Eugeniana, quam in Ponto fuisse diximus, per Istrum contra fluminis impetum navigando, Christianis, dum hæc fiebant, opitulabatur: nunc quid rerum agat, incertum est. In Boemia per eos, qui parum fidei habent, novæ res parantur: quæ nisi præpediantur in earum ortu, posteaquam creverint, difficile emendari poterunt. Malum cum nascitur, cumque recens est, absque negotio raditur: cum adustum est, difficile extinguitur. In Italia contra Franciscum Comitem Eugenius armis Regis Aragonum pugnat, estque superior: sed omnis eventus belli dubius est: sæpe qui victus videtur, victor exurgit: nemo vere vicit, nisi qui domum reversus, sibi subditisque suis pacem fecit. Bononienses post occisionem Hannibalis Bentivoli & Baptistæ obsidione cincti sunt: Veneti & Florentini eos iuvant. Si Cæsar cum aliquo exercitu Italiam peteret: omnium harum rerum moderator existeret: sed non sapiunt hæc nobis: nec nos alijs sapimus. Ut homines imperare sciunt, sic subditos habent obedientes. Nisi vos Germani ad quos imperiū translatum est, maiorem Reipub. curam habueritis: metuo, ne dives illa & insignis Italorum tellus, quæ quondam imperij caput fuit, & adhuc sub imperio se fore fatetur, in alias deducta manus, & nomen mutet, & iugum, Sed de his satis multa hæcenus; de cæteris alias, Vale.

ÆNEAS

• *JENAS SYLVIVS SENENSIS SBIGNEO EPISCOPO GRACOVIENTSI, S. Rom. Ecclesie Cardinali electo.*

**M**VLta haftenus simultates, Reverendissime Pater, multa odia & aperta bella fuerunt inter Austriam & Poloniam: quæ res & Austriæ dominio nocuerunt; & Poloniæ non profuerunt. Iam profecto tempus esset his dissidijs finem imponi: & aliquando in amicitiam gratiamque reverti. Nam quid peius est, quam regnum adversus regna insurgere, & regium sanguinem insidiari regio sanguini? Cumque vsus habeat, Reges inter se fratres vocari, quid absurdius est, quam fratrem insectari fratrem: & civile bellum struere, ac parricidium meditari? Facta sunt hæc iamdudum, sed cum damno ambarum partium.

Itaque iam tempus esset, ut admonitæ cladum suarum partes inimicis modum imponerent. Sed ista moveri nequeunt, nisi magni viri manum apponant: Equidem dum hæc animo revolveo, non possum arbitrari, quis alius sit inveniendus huic rei idoneus, quam vestra Reverenda Paternitas. Itaque loquor aperte, dicamque quid sentiam. Dux sunt viz, quibus finire dissidia inter Austriam Poloniamque possunt: Vna est, si vel Austriam Poloni deleant, ferroque sibi subijciant: vel e contra si Poloniam bello superent Australes. Altera est, si reditum fuerit in gratiam, & vtrinq; renovata sit amicitia. Prior via admodum difficilis est: & licet in ea multis iam annis elaboratum sit: adhuc tamen & Australes suum, & Poloni suum imperium tenent, & alter alterius insidias conatusque timet. Nec video, quo pacto ævo nostro altera pars alteram possit exterminare: quia vtrunque magnæ sunt vires, & multum sanguinis effundendum esset, multaque hominum centena millia neci danda, multæ civitates delendæ, multi agri cremandi, & infinita mala facienda essent, antequam vna partium in potestatem alterius veniret. At via concordia ut salubrior est, sic etiã facilior. Quæritur qui modi concordia sint? Nempe facilius beneficio, quam gladio, vincitur inimicus. Non iniuriæ alliciendæ sunt iniurijs: neque mala malis cumulanda: sed purganda primò contumacia est: post damna refarcienda: exinde beneficia subiungenda. Qui hoc egerit: is iam non inimicum sibi placabit solum: sed reconciliabit incorporabitque sibi: & socium ex adversario, amicum ex inimico, fratrem ex hoste faciet. In hac igitur re videndum est, unde prior iniuria properet: & illinc medela veniat, unde vulnus illatum est. Non enim qui fert, sed qui infert iniuriam, emendare debet. Hic ergo videndum est, quo pacto invicem conveniamus, ne dum ego laesos Australes audeo contendere, vestra R.P. inficietur: Libet igitur mihi scribere, quid sentiam: ut corrigatis, si falsum fuerit. Loquor ingenue, clare, aperte, ut inter amicos fieri debet: non ut regno vestro, quod est nobilissimum, detrahā, sed ut eo melius inveniri caussa possit, quo vulnera

N magis

magis detecta fuerint. Vestra vero Reverenda Paternitas libertati meæ veniam dabit, si quid est quod offendat: quæ in bonum loquor. Nolo altius exordiri: sed rei principium Gulielmus Dux Austriæ dabit. Huic filia Regis Ludovici, qui Vngariam Poloniamque possidebat, in matrimonium coniuncta fuit, regnumque Poloniæ in dotem datum: nec diu post Poloni nulla iniuria lacessiti, nisi quod imperium Teutonicorum ferre nolebant, Gulielmum regno expulerunt: & non solum regnum, sed nuptam quoque sibi abstulerunt.

Nec contenti, hoc abominandum aggressi facinus, memoriaque nostra inauditum scelus adorfi; Reginam, quæ alteri nupserat, novo Regi coniungere: quamvis illa prioris mariti memor, nunquam volens, novo nupto coniacerit. In hoc non solum læsi sunt Austriales, regnoque privati quod ex dote veniebat: sed in honore quoque vexati: dum nuptæ eorum in concubinato tenetur. Post hæc, tanquam parum fuisset Gulielmum abiicisse; cum Albertus Dux Austriæ, Bohemiæque & Vngariæ Rex & Imperator Romanorum, Sigismundi regnum, quod sibi atque uxori in Bohemia obvenerat, armis vendicaret: Poloni patrociniū Taboritarum & sequacium susceperunt: iunctique ipsis, Alberto bellum intulerunt. Et quamvis præsidium illorum induerint: magno tamen se crimine polluerunt: dum adversus iustitiam auxilia talibus præbuerunt. Polonorum ergo opera factum est, ut regnum suum Albertus consequi totum non potuerit; neque compesci Taboritarum furor: qui ob tutelam Polonorum usque in hanc diem in pertinacia manent. Aliquando verò, aut iam reducti essent, aut exterminati: quamvis & antea Sigismundo imperante cum Bohemis, nondum Ecclesiæ unitis, sedus per vestros Bohemos percussus fuerit: missusque contra Sigismundum verum Bohemiæ Regem alter Sigismundus Coributi. In qua re non solum Austriæ nocumenta illata sunt, quæ Sigismundo successura noscebatur: sed auctoritas quoque Ecclesiæ, & ipsa fides Catholica læsa est, totaque Respublica Christianorum. Pareite sic loquenti, sic. n. exponi res debet, ut gesta est; mihi quoque sic relatum est. Post hæc cum iam de medio sublatus esset Albertus: in eius filium grassati sunt debacchatique vestri Poloni.

Nam licet Elisabetha Regina filium Ladislaum ex Alberto peperisset; ac, uti moris est, diademate apud Albam Regalem decorasset: Poloni vestri per quosdam Vngaros incitati, rursus nova bella suscitaverunt: mittentesque Vladislaum Regem suum, admodum iuvenem & innocentem, regnum Vngariæ usurpare conati sunt: cuius magnam partem invaserunt; veri Regis, infantis, pupilli, & orphani iuribus insultantes: nescientes tamen, quod dum alienum regnum quærunt, suum negligunt, ac gentibus & pecunia exhauriunt.

Hinc

Hinc secutum est, quod dum regno Vngariz volunt diutius potiri, adolescentem regem contra Turcos armant: quamvis fœdera essent induciarum iuramento firmata. Iter ad bellum: committitur prælium: ibi seu captus est, seu occisus Vladislav; pœnasque non sui criminis (nam ipse per ætatem non erat accusandus) sed suorum consiliatorum delicta pœnas dat. Sic nobilissimus juvenis; regalique sanguis, in plus mali incidit ex suorum suasu: quam Australes sibi unquam optaverint. Sic res actæ sunt, nisi fallor. Quapropter non Australes, sed Poloni potius factum suum emendare debent. Quæritur forsitan, quæ possit menda reperiri? Nam tot illata sunt per Polonos Australibus damna: ut nec ipsa Polonia recompensare queat. Ita est. Nam & Bohemiam & Vngariam usque in hanc diem adipisci Australes non poterant propter impedimenta Polonorum: imò & ipsa Polonia privati sunt iniuria. Quid igitur fiet? nempe fateri Australibus, si finis tandem nocendi fiat. Quantum sentio, quantum sapio, quantum viri huius curæ magni me instruunt; non petunt Australes magnum aliquid ex Polonis, sed ut nocere desinant.

Sic enim redintegrari benevolentia sepositis posset odijs. At hoc Reverenda Paternitas non minus Poloniz conduceret, quam Austriæ. Scio, quia ex vetustis bellis parum lucri Polonia sensit. Namque nec ex Vngaria, nec ex Bohemia quicquam auri vel argenti in Poloniam delatum est: sed ipsa Polonia ultro & pecuniam & homines (sunt enim thesauro nobiliores) transmisit: & in Vngaria nuper suum Regem perdidit.

Accepi præterea introitus regni vestri pro maiori parte impignoratos esse: in tantumque commune ærarium defecisse: ut vix reperiri possit, qui regnum vestrum suscipere velit: tantaque nunc rerum mutatio facta est: ut qui regnis alijs dare Reges volebatis: iam non facile possit inveniri, qui rex inter vos esse cupiat. Essent igitur ista consideranda: quia non sunt absque iudicio Dei: qui superbis resistit, & humiles extollit. Quod si vestri Poloni, antiquis odijs posthabitis, salutem sui regni solummodo quærerent: die noctuque cogitarent, quo pacto in Australium amicitiam fraternitatemque reverterentur: eaque sibi via non minus, quam Austriæ, consulerent. Scriberent Bohemis ut suum Regem peterent, illique soli servirent Ladislav, Alberti filio. Scriberent Vngaris, ne amplius cum Australibus dissentirent: sed Regem suum repeterent, qui ius habet successionis: nec de Vladislav curarent, qui vel mortuus est; vel, si vivit, satis habeat in Polonia, ubi regnar e possit.

N. 2 Exinde

Exinde significarent Regi Romanorum, se hæcenus in Bohemia & Vngaria restitisse Australibus, non odij causa; sed vt suo regno consulere: nunc verò intueri se, quia non bene fecerunt: velleque factum corrigere præstando auxilia, si opus sit, quibus Ladislaus & Vngariam possit & Bohemiam vendicare. Sic posset optima pax inveniri: sic regnum vestrum tutissimum redderetur: quia ex his artibus extinguitur furor; ira vincitur; inimici placantur; & hostes redduntur amici. Hæc dixi latius fortasse, quam expediret apud V.R.P. quæ omnia melius novit.

Cæterum non ambigo, quin pro defensione vestri iuris vestrique honoris multa possitis dicere. Hæc quæ facta dixi, non tanquam interfuerim retuli, sed tanquam audita recensui. Vestra insignis & reverenda paternitas scit, quomodo res se habeat: vtcunque sit, certum est illud, regna melius defendi benevolentia & amore, quam viribus. Mihi consultum videtur, cum Poloni aliquando cum Australibus amici potius esse velint, quam inimici: quia ubi est odium, ibi metus est: ubi metus, nulla tranquillitas, nullaque pax esse potest: sine pace verò nullius regni status potest esse diuturnus. Nunc ergo tempus est, vt super his habeatur cogitatio. Verum nisi V.R.P. ista curet: qui alius mentem adhibeat, scio neminem. Vestrum est igitur hæc aggredi: tum pro salute communi; quia non possunt hæc duæ domus sine damno totius Christianitatis invicem dissidere: tum propter pacem & bonum regni vestri, tum denique propter augmentum nominis famæque vestræ, quæ me prius ad scribendum impulit: potissimè autem, vt ex hoc magis ac magis auctori pacis placeatis, dum pacis studio intenditis. Plura possem dicere, sed essent incassum omnia apud vestram Dominationem: quæ peritissima est. Ego me recommendatum do illi, cuius pietatem sibi in aliqua remorem gerere. Novi quid hic sit, non est scribendum: quia incertum est: multa dicuntur sine auctoritate veraci. Vngari hic sunt, & tractant de regno cum Maiestate Imperiali, nomine Ladislai Regis, Bohemi quoque conventum brevi sunt habituri. Res infeliciter diriguntur: nec ad Ladislai & Cesaris statum & gloriam. Valeat optimè V.R.P. cui me humiliter facio commendatum. Ex Vienna.

IO. ANTONIVS CAMPANVS CAR-  
dinali Papiensi.

**L**itteras tuas, quæ scriptæ fuerunt Eugubij ad IV. KL. Aprilis, Ratisponæ accepi pridie KL. Iunias. Legiteas non minus iucundè Legatus, cuius mentionem faciebas: quam ego, cui dirigebantur. Memoria tuæ apud me ita residet: vt tamen sæpe inter tot negotia subdormiat, nunquam moriatur. Accelerabimus reditum: vt, quantum in nobis erit, brevi absolvamur. Discessum ex vrbe duodevigesima Martij: ingressi sumus Ratisponam.

tisponam KL. Maijs. tribus & XL. diebus in itinere consumptis. Substitimus diem vnum Viterbij: triduum Senæ: Florentiæ, Bononiæ, Martiæ singulos: Veronæ, Tridenti, Bolsani binos: ad pontem Oent cum Sigismundo Duce Austriæ triduum: ad Landshutum cum Ludovico duce Bavarorum biduum: utique supra visitatam magnificentiam excepti. Ratisponæ solos invenimus Oratores Allobrogum: qui hodie Sabaudienfes appellantur.

Convenerunt post diem tertium Moguntinus & Marchio Brandenburgensis: uterque maximus in Germania princeps: & quibus ius sit cum quatuor Cæsaris eligendi. Moguntinus vir ingenij mansueti, & qui neque aspectu, neque mansuetudine Germanum præ se ferat: Marchio vir acer, eloquens, vafer: & quem vulpem Germaniæ vocant: bellicosissimus & pugnacissimus omnium, qui in Germania laudantur (Pius Achillem appellavit) cicatricibus totus in manibus, pedibus, vultu, collo excavatus: sæpe singulari certamine dimicavit: quo genere pugna nunquam victus est: prælio semel à Ludovico Bauaro eius consobрино. Oratores Burgundorum cum eo venire ad viros triginta: civitates Germanorum ferre omnes, Duces multi misere Legatos. Imperatorem circa Pentecosten exspectamus: si venerit, aderit & principum magna frequentia: etiam eorum qui legatos præmiserunt. In adventu illius tota spes est: absente eo roferri de nullis, deliberari nihil aut exiguum poterit. Scribam tibi ordine, quæcunque in conventu prægantur. Vale.

## E I D E M.

Vivimus, si modo vita est aliqua, vivere extra Italiã. Cæsarem iam prope mensem exspectamus: Moram hoc levat, quod scribit se venturum. Moguntinus, & Marchio Brandeburgensis, & alij quidam nobiscum sunt: at Cæsarem præstolamur. Trevirensis & Spirensis sunt in itinere. Res omnis in Cæsare sita est: nisi venerit, nec quicquam laborabitur. Eum Principes omnes intuentur: convenientque omnes, si ipse aderit. Dico ego tecum quod sentio, fieri omnia posse in salutem Christianam, si Cæsar volent: nihil, si tergiversabitur. Factiosa Germania est: amici eum facillimè consequuntur ceteri: quod magnum est in hac gente Cæsaris nomen: & multa potest præstare: cupiunt reconciliari, & rei communi adesse. Boëmicæ dissident: utinam non ad ceteram felicitatem Turci hæc quoque accedat: quod est Boëmia vires & Hungaras & Germanas ad se pertractura omnes: quod si acciderit, perijmus funditus. Vale.

## E I D E M.

Miraris, quod pauca de rebus Germanicis scribam: præsertim quæ in conventu nostro aguntur. Sed persuade tibi, aut exiguum, aut nihil

esse quod agitur: multa & magna, quæ cogitantur, omnia pendent in adventu Cæsaris: frequentia Principum atque Oratorum indices fit maior. Sed pars maxima aut domi adhuc manent, aut cognita mora Cæsaris in itinere substituerunt: omnes tamen ubi de Cæsare intellexerint, venturi existimantur. Ego legatum non desero: dignitatem vestram, id est, sedis Apostolicæ, inter surdos eloquentia tueor. Fama increbuit Cæsarem iam solvisse, & per Danubium ad navigare: hoc exploratum ad verum nondum est: multi terra cum equitatu venturum arbitrantur. Magna est eius auctoritas in provincia vndique factiosa: verum ita magna tamen, ut multum umbræ, non tantum corporis habeat. Si quæris sententiam meam: illud sentio, magnam spem propositam esse nobis, si Cæsar instabit: exigua, si lentescet: nulla, si tergiuersabitur. Boemia tripartita est omnis. Alij cupiunt Poloniam, magna pollicentem præsidia, ad hunc diem nulla præstantem: li sunt hæretici quidam: sperant impunè se victuros sub eo rege; in cuius regno infinitæ propè sunt hæreses. Catholici Hungarum, cui iusiurandum præstiterunt, magna ex parte sequuntur. Promiscuè vtrinque muki, & Catholici, & hæretici, Albertum Saxonem amplectuntur: Germani ad hunc inclinant omnes; & metu Hungari: & quod ferè omnes in tuma affinitate iunguntur: quanquam hætenus multum consilij, nihil auxilij misere: nec dubium si conijcere de mente Pontificis possent, quin auxilia vndique subministrarent. Vale.

## E I D E M.

**C**VM scribat Legatus ad te quotidie: supervacuum esset, aliquid per me significari tibi de rebus Germanicis: & literæ ad casum committuntur. Hoc vnum velim scias, Legatum nihil facere, nihil cogitare aliud, quam quo pacto & honorem sedis Apostolicæ, & gratiam inter principes augeat. Ego quoque etsi idem facere cupio: tamen eo sum in loco: ut neque intelligam quenquam, neque intelligar. Si Cæsar veniet, quemadmodum speramus: fortassis utilis fuerit opera nostra: alioquin & operam perdidimus, & impensam. Nam, nisi is venerit, exigua erit hæc dicta: Principes agrè & pauci convenient: omnes Cæsarem intuentur: & quia periculum factum est sæpe: non videntur se moturi, nisi prius ille semoverit. Qui iam venerunt, & paucissimi sunt: & ad solam spem Cæsaris derinentur: quæ si evanesceret, statim revolarent, Tædia Germanica infinita sunt: verum omnia ferenda servis pro domino: filiis pro patre: membris pro capite. Oratores Veneti adhuc Pataviæ, quæ est ad ripam Danubij, metu latronum se continent: ibiq; Cæsare præstolantur: distant à nobis minus quàm trium dierum itinere. Scribunt insidias sibi vndiq; structas esse, nam, ut yno verbo dicam, patentiissima Germania est, & potentissima, & nobilissima: sed ea tota nunc vnum latrocinium est: & ille inter nobiles gloriosior, qui rapacior: Apud Principes so-

pes solos securitas est, sed duntaxat cum promittunt. nam nisi publica fide accepta, eorum quoque fines infesti sunt omnibus. Sed hæc querela in Italia crit iucundior. Vale.

## E I D E M.

**C**Vpimus ambo, & tu scire, & ego significare, quid in Germania faciam. Dicam: meditor: facio nihil: dico parum: meditor vnum: Italia Italia est: resonat mihi dulcis in ore Italia: in animo mihi fixa est Italia. Amplissimum conventum speramus: ut fere semper altius crescunt arbores, quæ tardius. Habemus Treverensem, Spirensem, Eichstattensem. nam de Moguntino iam pridem audieras. Vnus sed nostram cunctando destituit reus: & quantum perspicio, grus illa non præstat: transijt iam in cornicem. Scribit Cæsar ad triduum se venturum: sed hoc triduum iam cætiduum est. In mora fuit Pancherij insignis latronis & conspiratorum quorundam supplicium, aut supplicia potius, nam Pancherius auctor coniurationis securi percussus est: & cum eo qui proximè sequebantur: Tertius flumine nescio an Danubio submersus. Magna res, & minime opportuna consilij: sed tamen magna: Cæsarem tam mitem principem aliquando incaluisse. nam in crudisse tam iusta causa non dixerim. Principes, qui adsunt, eo videntur animo: ut aspirante Cæsare, sperare non pauca possimus. Sed quid dicam: tarditas & cunctatio ipsa desperatio quædam est: ut raro acriter insurgunt, quæ lentè se moveant. De Boëmicis iam puto ad te esse perlatum: filiū Poloni, ex Ladislai, qui veneno adolescens periit, natum sorore, regem appellatum: sed ab ijs duntaxat, qui & religioni & Hungaro adversantur: & cum Georgio sentiebant. Nec refert, Georgium num habuerint regem, an nunc habeant Polonum: tam se impunes futuros sub hoc Rege vident: quam sub illo iam fuerant: & periculum est, ne contagio serpat: & augeantur viribus, qui destituti videbantur. Cæsar cui faveat, incertum est: nisi quod Hungaro propter veterem contentionem, & Pancherij causa putatur infensus. Non possum de omnibus certa perferibere, & multa sic pendent, ut minentur potius, quam cadant: quædam contra casura existimentur, quæ nondum inclinavere. Vale.

LOAN. ANTONIVS CAMPANVS

*Cardinali Papiensi.*

**P**er scripseram tibi de adventu Cæsaris, & apparatu eorū qui sequebantur Cæsarem; & quæ spes esset proposita nobis de amplissimo conventu: & quantum nec cetas nostra vidit, nec grandissimi natu Germanorum recordantur.

[Deinceps]



Deinceps hæc acta sunt ad octauum Calend. Iulias post peractam rem divinam. In prætorium secuti Cæsarem conscendimus: quem in locum convenire Principes consueverunt de rebus Germanicis acturi. Hic Antistes Tridentinus nomine Cæsaris prodit in medium oratione Germanica, quam è vestigio, ut externi quoque Oratores intelligerent, Latine est interpretatus. Primum Cæsaris moram excusavit, quod ad diem non venisset; & capita contentionum, quæ domi post indictum conventum exortu eum detinuisent, enarrauit, egitque gratias & Principibus & Oratoribus, quod non sine iactura rei familiaris, & sumptibus gravissimis, alterum propè mensem expectassent. Causam deinde aperuit, quæ ad indicendum hoc in loco, & hoc tempore Conventum, impulisset: præteritas calamitates Christianorum, & recentem Carniolæ cladem deploravit: potentiam, crudelitatemque immanissimi hostis, quam brevi tempore, quantum occupaverit finium nostrorum, quantum Christiani sanguinis fuderit & in Europa & in Asia, ostendit, repetitaque eleganter veterum non una historia, clarissimas ac propè innumerabiles Germanorum expeditiones, & pro religione Christiana & pro imperio Germanico susceptas, commemoravit: hortatusque est Principes omnes, Oratoresque Ciuitatum, Germaniæ partem à maioribus gloriam conservarent, occurrerent imminenti- bus periculis: & religionem, in qua patres eorum vixissent, & ipsi essent nati atque educati, tuerentur: addidit & postremò Cæsaris preces, auxilium & communi libertati omnium, & priuato suo periculo, implorantis. Post Tridentinum, Legatus & ipse graui oratione, propositum Cæsaris & aduentum Principum commendauit: egitque gratias Pontificis nomine vniversis: hortatus, ut quam Christianis ex conuentu spem porrexissent, eam sumendis armis exhiberent: nec se carpi singulos paterentur, qui vniversi non modo resistere, sed profligare hostem quam facillime possent. Conuentus multos repetijt nequicquam in Germania habitos: ubi, si obtemperatum fuisset consilijs eorum, qui futura pericula prævidissent, non eo discriminis ventum fuisset: ut quem facile tunc potuissent ex omni depellere Europa: nunc ipsa in Germania perferrent: dum extrema essent neglecta, ad intima hostem penetrasse: adiecit & preces, ac verba, vultum, animum, Legato, & tantis necessitatibus dignum accommodauit. Principes Germanico more paulum segressi, atque inter se locuti, gratias Cæsari egerunt; quod aliquando Germanicæ libertatis & publicæ salutis curam suscepisset: se paratos per omnia vitæ fortunarumque discrimina, illius imperium sequi: ituros in expeditionem, si ipse aut eat, aut iubeat iri: missuros, si iubeantur mitti.

Lætus eo responso Cæsar; laudatis Principibus, convenire sequentem in diem iussos, dimisit. Postridie pari frequentia reditum in Prætorium

torium est: sed initium consultandi ob controversiam ortum: omen belli futuri, an impedimenti potius fuerit, suspensum me habet. Oratores Burgundi cum post Legatos Electorū collocati, atque ideo spreti priore confesso viderentur, redire in subsellia recusabant. Electores quierant, absentibus Collegis, quanquam summa cum modestia, dignitatem tamen communem tuebantur. Burgundi potentiam sui Principis & in Gallia & in Germania maximam, Electores parem nobilitatem ac vetustum honorem obijciebant: seque è corpore Cæsaris cum essent, ne Regibus quidem, si qui adessent, cedere oportere contendebant.

Quæ contentio, cum tres quippe horas consumisset, non antea est sublata: quam Burgundi alteris subsellijs ad frontem Cæsaris, inter Oratores regios locarentur: tum demum & ipse auxisse Principis sui dignitatem, quod in ordine absentium Regum sederet: & Electores servasse estimationem suam, quod exclusi à primis subsellijs Burgundi essent, videbantur. Vbi omnes confedere, primi Burgundi surrexerunt: quorum vnus locutus est oratione ideo parum accommodata: quod plus in criminando Gallorum, quam in proposito iuuandi belli, visus est occupari: Regem rupisse fœdera: violasse publicam fidem: media pace oppugnasse Burgundi oppida, conquestus est: pauca quædam adiecit ad rationem belli; & quæ tunc ibi potius excogitata, quam domo abducta viderentur. Altera fuit Oratio Pauli Moricini, Venetorum Oratoris, brevis & collecta: certasse cum Turcis Venetos annos iam ducentos: eorumque vires atque impetus solos & in Thracia & in Illyrio sustinuisse: enixius tamen proximis annis mari cum his ac terra gessisse bellum: propugnatoresque nostros fuisse iam non tam defatigatos aut exhaustos: quam à cæteris Christianis destitutos esse: communi ad eam diem periculo solos excubasse: creuisse nunc hostem, factumque ex aliena somnolentia magnum: & quantum iam proferre Christiani (utinam) vigiles possint: instare illum ab Illyrio, Pannonia à sinu Adriatico: non mari non terra quietos nostros sinere: Genus belli quale esset, ipsos perspicere: senes occidi, strangulari infantes: cæteram multitudinem sine sexus ætatisque discrimine in servitutem Asiaticam trahi: consiliumque templi viros DEI intra templi concremari: igni & ferro ad excidium vltimum devastari omnia: incipere iam Germanos intelligere: quam durum fuerit Venetis tam diu bellum gessisse cum Turco: nec tamen desperandum esse: modo eo sint animo Germani: quo quisque esse debeat, ad vitam suam libertatemque suorum defendendam, habere se per magnam classem & præsidia per Illyrium Græciamque disposita: militare eorum stipendio ad hominum quinque & viginti millia: iuuari & à Ferdinando rege maritimo bello: si iuuentur terrestri à Germanis, breui futuros & ipsos in tuto, & cæteros extra periculum posituros: misisse Fer-

O dinan.

dinandum tres & viginti triremes, quatuorque naves onerarias in augmentum classis: & alias propediem esse misurum: ipsos triremes sexaginta, navesque aliquot instruxisse, & putare iam esse deductas: centum triremibus ac duo de viginti rostratis navibus bellum maritimum se aggressuros: si terra quoque detrahatur hostis, utrobique laboraturum. Post eum Legatus magnificis verbis, & rei Venetam, & Pontificis diligentiam, & Ferdinandi apparatus complexus; parem Germanorum curam, quorum non dispar esset periculum, postulavit. Secundum Legati verba Præsul Eystatenſis iussu Cæsaris progressus in medium, hæc postulavit. Primum ut decem millia ad præsentem necessitatem: quarta pars equites; cæteri pedites cogerentur; qui per fines extremos Germaniæ dispositi, hostem ab incursionibus prohiberent: Alteram deinde manum subsidiariam ac paratam in omnem belli eventum, & ad quamvis hostium impressionem compararent.

Postremò ut de summa totius belli, quantum geri universis viribus Germaniæ posset, in annum sequentem constitueretur. Ad hæc Principes, quod digna consultatione res esset, spatium postularunt; responsurosque in diem sequentem polliciti; præsentibus quoque verbis spem Cæsari addiderunt. Magna visa est omnibus Cæsaris postulatio; nec minus necessaria, quam magna, sed & meo & multorum iudicio, præpostera: nec Legatus ordinem approbavit postulatorum. Laudare se dixit consilium Cæsaris de auxilio præsentis: de subsidio parato: de expeditione futura.

Sed cum ordinem non placere: primum quod cum fama potissimum bella consent: nec minore in re bellica terrore, quam prælio conficiantur: irrisuri essent hostes tam exigua manum, & vires Germanicas ex decem millibus militum æstimatam: ac tanquam omnem expressam Germaniam in tanto Conventu nihil plus præbere virium, quam decem millia potuisse: aut si posset, ægrè reliquos in castra venturos aliquando esse: qui nunc ut darent nomina, compelli non potuissent. Deinde spem omnem ereptam iri ciuitatibus nostris finitimis: Turco non calutos animos: cum primum de numero audierint tam exiguo; & quicquid nunc præsentem Cæsare, astantibus omnibus Germaniæ Principibus, tanto habito conventu, in eorum salute factum non sit, fieri posse amplius, desperabunt. Postremoq; ubi decem millia contulerint Germani Principes: contulisse se, quantum opus fuit existimabunt: ut fere semper gravius est ponderis, quod additur; quam quod imponitur: & maximè imputatur, quod primum exactum est.

Proinde

Proinde suam esse sententiam : vt de summa vniversi belli deliberetur : vires omnes Germanorum inspiciendas : nomina militum, quotquot, & vbi vbi sint conscribenda : habendum, quantum habere maximum possent, ex omni Germania delectum : actum demum ex ea summa primum decem millia educenda : præsidiumque ad impressiones ex eadem submittendum, cæteras copias destinatas conscriptasque, & primo quoque tempore paratas esse habendas : Ita futurum, vt hostibus terror, spes nostris adijciatur : vt illi se contineant; nostri ad resistendum confirmentur : & cuique exploratum sit ; quo tempore, quid facere, quorsum, aut qua manu ire iubeantur : Magnam vim habere & animi, & rerum apparatus.

Laudata est magnopere Legati sententia : non tamen Cæsaris propositum immutatum : vnde orta est suspitio nobis, remissiorem eum futurum ad hanc expeditionem, quam sperabamus : & consulere velle præsentibus periculis, futura non cogitare.

Quamquam Legato respondit bono esse animo, se nisi re ad summam vniversi belli perducta, Ratis bona non decessurum. Principes, quod erant polliciti, sequenti die responderunt, se ad omnia quæ Cæsar postulasset, paratos : Vnum orare, similtates Principum, ciuitatumque discordias, quod facile auctoritate posset, è Germania tolleret ; magnam partem virium Germanicarum occupari Principum seditionibus ; quibus sublatis, vno robore, communi manu, copijs vniversis bellum inferri posse. Cæsar studiosum se ait semper fuisse concordiz principum, & nunc, quæ ad pacandam Germaniam pertinerent, omnia esse facturum.

Novissimè designati sunt Quinqueviri ex familia Cæsaris : ac totidem ex Consiliarijs Principum : quicum Moguntino, cui est primus inter principes locus, de cogendis statim decem millibus, & præsidio superando, & de numero copiarum Germaniz in annum sequentem præfiniendo ; & de præficiendo Imperatore, ac de omni ratione, non movendi solum belli, sed etiam continuandi, inter se agant : & vbi deliberaverint, ad Cæsarem & Principes referant. Hoc in statu res sunt. Legatus nihil neque de excitandis Principibus, neque Cæsarem incendendo prætermittit.

O 3 Ego

Ego ea sum nunc sententia, qua nuper fueram: cum primum de conuentu ad te perscripsi: pendere omnia ex Cæsaris voluntate: qui nisi omnia velit, quæ ad incundum bellum pertineant: nihil dicam aliud, quam fato malo perituram rem Christianam. Depopulata Carniola, & igni ferroque vastata, nisi excitetur; non video quid sperare possimus ab eo auxilij calamitatibus nostris, qui suis non moveatur. Auctus conuentus est incredibili multitudinæ principum. Nudius tertius venit Landgravius Hassiæ cum equitibus quadringentis: Heri Antistes Colonienfis exiguæ comitatu. Fratres Saxones, quorum est magna inter Germanos auctoritas, ad triduum expectantur. Conuenisse feruntur ad hunc diem paulò plus minus, quam equitum decem millia. Pulcherrimum spectaculum nobilitatis: vinam æque profuturum. Feliciter vale.

## 10. ANTON. CAMPANVS EIDEM

*Cardinali Papiensi.*

**P**Oltridie Nonas Iulij, quo die opinio fuerat Quinquenviros de Principum decretis relaturos, VVolsungus Bavarus frequentissimo confessu quædam novi sceleris intulit de Christophoro fratre: qui ab Alberto & ipso quoque eorum fratre in vinculis detinetur: oravitque Cæsarem, tam immani & inaudito ante eum diem exemplo impietatis: clementia sua & pro dignitate imperij occurreret: ut quem naturæ charitas non teneret, severitas iudicij à maleficio coerceret. Brevis accusatio, ingens vulnus visum est: perculitque omnium animos, fratrem adversus fratrem pro fratre contendere: nec causa modo, sed promissa barba, & mutatio vestis, & lachrymarum immodica effusio certare pro duobus fratribus, altero captivo, altero sponte sua exule, videbantur. Et habetur alioquin Albertus summa inter Germanos principes gratia: dignitate corporis & facundia, non nihil & literis præditus.

Altera fuit contetio Spirensis Episcopi: qui primum nomine Colonienfis acceptus in conuentu inter Oratores Electorum confederat: sed ubi Colonienfis ipse advenit, iam Palatini loco se gerens, veritus à Cæsare est, ne, ubi prius, hoc est, Electorum gradu locaretur: quod nec decreto suo Palatinum Electorem esse ostenderet: nec oportere duos simul fratres potestatem habere Cæsaris eligendi. Iam vides, quæ ab eo pacis tam necessariæ fundamenta iaciantur: & quantum de concilianda Germania cogitet: qui exortas contentiones non comprimat, novas exuscitet. Post hæc lectæ sunt literæ Carniolanorū, plenæ efferatissimæ immanitatis: nullum relictum templum, nullam agrestem casam à Turcis in Carniola: iacere passim cadavera occisorum, senum atque infantium; & iam cælum fœtore corrumpi. Abrepta præterea esse ad millia hominum semè viginti:

com.

communiuisse Turcos loca quædam, unde excurrere quâ latissimè, ac recipere se incolumes cum præda facillimè possent: Implorare se Cæsaris & Principum & omnium mortalium opem. Recitatz etiam sunt Strigonienfis & optimatum Hungariz literæ: quibus significabatur, diuulum esse bifariam Turcorum exercitum: partem Carniolam in fines Cæsaris contendere: partem ad ripam Savi fluminis consedisse: eo consilio, vt exitu aliquo explorato & communito excurrere & depopulari Hungariam possint. Centum iam annis pugnatum ab Hungaris cum Turcis esse: exinanitum iam & viris, & viribus regnum: nisi ope quoque iuuetur externa, non posse diutius tam assiduum tamque potentem hostem sustinere: Communiem causam agi: se, etsi propinquiores sint periculo, non tamen solos perituros: Monere & orare Cæsarem, vt in conventu prope omnium Principum Germaniz, & quantum nunquam antea amplissimo remedium aliquod Christianis vulneribus adhiberet: oportere cum præcipuû esse Christianorum propugnatorem, qui idem Christianorum sit Imperator. Idem quoque à Principibus postulabant. Respondit Moguntinus nomine principum: hoc vnum agi, præterea nihil: vt ea Carniolanis & Hungaris succurratur. Hoc in statu res est. Vale.

## E I D E M.

**Q**Uæ ante Nonas Iulias acta sunt in Conventu: binis simul literis ijsq; longiusculis accuratissimè scripseram. Ad X. Iulij Principes Saxones quos propediem expectari dixeram, advenērunt, cum equitibus paulominus septingentis, armatis fermè omnibus, magnificentiore ingressum eorum Cæsaris occurfus fecit. Postridiè qui venerunt vocati Principes, non quidem amplius in prætorium, sed in domum Cæsaris, quæcunque acta essent, ordine Saxonibus enarrarunt: Saxones contra, quæ in Boëmia egressent, & moram excusarunt. Continuis deinde multis diebus acta est causa Palatini: graues diversæque accusationes æque magnis defensionibus auditz: Albertus Saxonum, alter Otto Bavarus, Antistes Eystettenfis, missi à Cæsare pro educendo vinculis Christophoro Bavao, nihil profecerunt: & opinio est, ex contentione Palatini pendere: quam brevi sublatum iri speramus. Designati ad eam tollendam Legatus Ernestus Saxonum fratrum maior, Ludovicus Bavarus cognomento Dives, & Sigismundus Dux Austriæ. Interca Cæsar mutata, vt videbatur, in deterius sententia, ex X. millibus, quos ad præsentem necessitatem postulaverat, sex millia detraxit: affirmans, satis nunc futura millia quatuor.

Magna undique murmuratio exorta: & Consiliarij designati ad rationem colligendi exercitus: nequicquam dies multos in Prætorio consumpsērunt: quo gravari multi videbantur. Heri XVII. Iulij à quinta hora

O 3 dici

dici ad multam noctem consultatum est de summa expeditionis: & domum omnium consensu ita decretum: ut in sumptus belli, quisquis proventus annuos mille ducatorum habeat, is equitem vnum conducat: peditem, qui quingentos: ceteri pro portione fortunarum ad eam summam. Ceterum ubi de proventibus haberi ea ratio nequeat, de capite habeatur: ut cui mille sint aurei, quinquaginta habere in proventibus censeatur: atque ea computatione contribuat. Fieri posse hoc modo ingentem exercitum aiunt: & facillime sustineri etiam longissimum bellum: & sunt, qui affirmant, si ad vnguem res exigeretur, ducenta propè hominum millia cogi posse: nos erimus minus octoginta contenti: Principes miro assensu conditionem receperunt. Felix vale. Boëmi filium Poloni accierunt: quem fama est cum XXXII. millibus armatorum ingressum Boëmiam, VII. KL. Sextileis coronam accepturum. Vale.

## E I D E M

**G**ravissimum quidē est nobis carere Italia: sed illud multo gravius, in maximis negocijs fieri nihil. Acgrè, lentè, segniter procedunt omnia: hoc tamen non desperandum, quia procedunt. Significavi proximis literis, quæ XVII. Iulij acta in Conventu fuerant, de ratione cogende pecuniae, & exercitus comparandi. Post id tempus dormitum egregiè est. Conventus Noribergam propter rerum copiam transferetur: hic cœlum paulò gravius est: ægrotant multi: nec omnia ad conventum tam magnum, tam longum, suppetunt. Cæsar clausis oculis optimo est proposito; nihil tam sonorum, tam strepens, quo illi excitentur: nihil tam magnū atque arduum: quod is se facturum non prædicet. Sitam bene olim pugnabimus, quam nunc stertimus, vicimus. De Boëmicis rebus nugæ fuerunt, quæ scripseram,

Iam et si minantur Poloni, se quam primum venturos ingenti manu ad regnum capeffendum: & sunt qui contingant adolescentem illum veste dissimulata in Boëmia visum: gravia sunt odia in nos: sed hæc literis non planè committenda: & astu legati, qui omnia subodorat, facillè opprimuntur. Causa Palatini ad hunc diem nequicquam diu multumque acta, inturbat omnia: & rumor est coëgisse eum quantum nunquam antea, exercitum. Is multa petit: Cæsar paucissima videtur concessurus. Spes tamen est in necessitate Cæsaris aliqua: habet qui auribus instillent: & planè referta est hæc natio malis pulmentarijs. Data sunt regalia nudiustertius Landgravio Hassiæ.

Fuit operæ precium aspicere Cæsarem coronatum: pulcherrima illa thijara: sed nihil ad nostram, aut multum fortasse: gemmæ sunt magnæ: diversi

*diversi coloris: perlucidæ & multæ. Sed quantum ego hac in re sapio! Germania vincitur: nec dissimulatur omnino contentio. O tempora! ô imperium! ô lumina! ô beatos qui succedunt: miseros, qui gloriantur: stultos, qui conquirunt! An te quoque non miseret conditionis humanæ? Sed properat tabellarius, Vale.*

## E I D E M.

*S*cripsi ad omnem nuncium: inquietos dies, in somnes noctes ducimus: sparietes nostri te somniant: mensæ tecum vigilant: vnus vbique es nobis. Redeuntibus Balthasare & Luca doctissimis clientulis tuis, nihil est quod scribam de rebus Germanicis: omnibus interfuerunt. Habemus hic oratores Hungaros, Boëmos, Polonos. Magnis verbis, maioribus ventis res agitur: sed Cæsar immotus ad omnia. Rediisse Turci feruntur in agrum Carniolanum: & rediisse manu maiore, quam antea: & tamen possumus etiam interdum querelis medijs indormire. Vale.

IO. ANTONIVS CAMPANVS CAR-  
dinali Ravennate.

*N*isi & literis Ferrariensis statum rerum Germanicarum tibi cognitum esse putarem: scriberem ad te ordine, scripsissemq; hæcenus omnia: sed inculcatio laboris esset, non officium observantiæ; aures occupatissimi Principis sepe iisdem de rebus obtundere. Conventum habemus omnium, qui vnquam memoria patrum nostrorum habiti sunt, & præsentia Cæsaris, & Principum multitudine maximum: agitur gravissimis de rebus: nec ignoramus expectationem omnium nihil minorem esse conventu. Sed spes ea proponitur nobis, quæ haberi ex mente Cæsaris possit. Utinam is sit, qui debeat esse: non qui consuevit: nihil lenti calamitates nostrorum patiuntur. Carniola vna ex provincijs avitis eius superiore mense direpta, depopulata, incensa est: nunc maiore manu redire hostes feruntur: & vltiorem facturi impressionem: & oppida, quibus nuper vastato agro abstinerunt, oppugnaturi. Magno in discrimine vt simus: non tam hostium vires, quam nostrorum tarditas, ne dicam ignavia, facit, & cunctatio Cæsaris.

Nunc quoque in tanto conventu Principum nihil æquè displicet, quam lentitudo. Principes ea sunt mente ad expeditionem suscipiendam: vt qui periculi intelligant magnitudinem, occurrere nisi vniuersi non possint. Pacem Germaniæ Cæsar omnibus pronuntiavit: nulli dedit: & quantum licet perspicere, nec deponit inimicitias, nec exercet. Legat<sup>us</sup> ad omnia defudat: non mensa illi, non nox libera est: omni somite, omni materia

Cæsarem



Cæsarem conatur accendere: sed nescio an vnquam accendi possitis, qui nunquam incalescit.

Decretum est proximis diebus de stipendio militum vt qui mille habent in proventibus, equitem vnum conducant: peditem, qui quingentos. Qui proventus non habent, ex capite computatio sic fiat: vt quibus mille sint ex capite, & ijs quadraginta esse ex proventu censeantur: agrestes duos de viginti denarios viritim solvant. Summam fieri permagnam hoc modo, & ingentem posse confici exercitum putant. Sed facile est Cæsari discernere: exequi Federico difficile: vt vno dicam verbo. Nisi pacem Germaniæ vniuersæ confecerimus: omnino nihil fecimus: huic vni intenditur. Capita sunt discordiarum Palatinus & Cæsar: hic verbis, ille armis rem inturbat: cum alter maxima petat: alter nec minima quidem videatur concessurus: hos Germani omnes & propinquitatibus & studio partium sequuntur. Multum Cæsari auctoritatis & virium est: Palatino plus animi. Quanquam nec vires habet, qui sic habet, vt non habeat: Etiam auctoritas exigua est, etiam quæ magna, si ministrum desideret. Traducemus conventum Noribergam, si perstabit in proposito Cæsar: Ibi aut absoluemus, quod erit reliquum: aut abrumpemus. Vale.

## EPISTOLARVM TVR- CICARVM

### LIBER IIIL

ISIDORVS CARDINALIS RVTHENVS,  
EPISCOPVS SABINENSIS, LEGATVS  
Pontificis, vniuersis Christi  
fidelibus.



**A**UDITE omnes gentes, audite & auribus percipite, qui habitatis orbem: Audite hæc omnia, qui fidelem orbis partem colitis, Ministri, pastores & principes omnium Ecclesiarum Christi: vniversi quoque Reges ac Principes Christicolæ, ac vniversus Domini populus cum religiosis cunctis, Audite inquam, & notum sit vobis, quod præcursor veri Antichristi, Turcorum princeps & dominus, seruus autē tot dominiorum, quot vitiorum, cuius nomen est Mahumet, inimicus Crucis Christi, hæres rei & nominis illius primi Pseudoprophetæ, & latoris legis spurcissimæ Agarenorum, filius Satanæ  
mnium

mnium flagitiosissimus: qui furijs inuectus & infania, sanguinem Christianorum sine intermissione sitit: nec extingui valet eius sitis post eorum innumeras cædes: tantoq; odio contra Christum & membra eius movetur, vt eradere nomen eius de terra nitatur: & inspecto aliquo Christiano sibi obuianti se inde existimat sordidatum, vt oculos abluat, & os, immundum se profitens prius: hoc igitur tam terribile & horrendum monstrum, exigentibus demeritis Christianorum, iusto Dei iudicio, in eos favire ac grassari permissus, Civitatem Imperialem Novam Romam, olim felicissimam, nunc miserrimam, & omni calamitate oppressam, Constantinopolim, diu obsessam cepit, expugnavit, spoliavit omnibus bonis, & penè delevit.

Quis autem (vt verbis utar Prophetæ) - dabit capiti meo aquam, & oculis meis fontem lachrymarum: vt plorare valeam die ac nocte interfectos populi illi, & sceleratissima sacrilegia in ea captura perpetrata? Quis huius horribilitatis memor non obstupescat? non letargicus fiat? non præ dolore obmutescat: Nec tamen cuncta enormia explicabo, ne pia aures audire refugiant: sed ex paucissimis relatis cogitentur alia. Hic nefandus Tyrannus nominibus blasphemiarum plenus, civitate recepta post decapitationem Imperatoris, cum omni sua progenie & nobilitate: plurimos ferreis manicis & compedibus alligatos, ac collis eorum funibus cinctis, extra urbem deduxit: Milites eius nobiles, plebeios, monachos & monachas, mares & fœminas, virtute & cõditione præclaros, vituperabiliter detractos, multis iniurijs refertas vt meretriculas & in lupanari prostitutas habebant: talia & tanta contra eos agebant, quanta de brutis animalibus, & qualia sine rubore fari minimè quis valeat: adolescentulos vtriusque sexus à parentibus segregabant, & divisim de eis precio negociabantur: infantes coram genitoribus suis vt agniculos macabant: matres filijs, & geniti genitricibus privabantur: Germani à fratribus, vxores à viris, nurus à socrubus lugentibus & ululantibus segregabatur: disuncti consanguinei & amici in diversis regionibus servi venditi ducebantur. O quam amara lachryma! ô quanta suspiria! ô quot clamosi singultus inter amicos & notos, quæ miserabiles voces emittebantur inter tantas cædes, servitutes, expulsiões & contumelias! Principes, Barones & Domini, bubulcorum, porcariorum, homuncionum effecti sunt famuli: Intra decennium pueros ad ritus suæ perfidæ sectæ compellebant.

Hec! quomodo obscuratum est aurum fulgidum sapientiæ per tenebras ignorantia: aurum dignitatis per ignobilitatem servitutis! quomodo mutatus est color optimus Græcæ eloquentiæ in barbariem Turcicæ! Lapidés sanctuarij, si qui erant constantes in fide, dispersi sunt in capite omnium viarum iacentes prostrati. De cæteris taceamus, quæ humana

P sunt;

sunt, de iniurijs, subfannationibus, cōtumelijs, opprobrijs seclēstis erga di-  
vina quę lingua valeat explicare? quis intellectus capere? quę aures patien-  
ter audire? Ni fallor, nunquam ita inhonoratūs Deus: venerunt gentes  
gehennę deditę in hereditatem tuam, quę Israel est te videns per fidem:  
Polluerunt templum sanctum tuum, Ecclesiam nobilissimam S. Sophię  
vna cum alijs: imagines Domini nostri IESU CHRISTI, & matris e-  
ius, virginis gloriōsę, & sanctorum ac sanctorum DEI, insignia vivificę  
Crucis conspuentes, confringentes, conculcantes: sacrosancta Evange-  
lia, Missalia & reliquos Ecclesię libros dilacerantes, deturpantes, com-  
burentes: sacras vestes sacerdotum, reliquaque ornamenta Ecclesię  
seindantes, ad indumentum suum & ornatum sumentes, vel pro vili  
precio conferentes: vasa Domini & eius cultui dedicata, in eis come-  
dentes & libentes, in reliquum conflata, ad profanos vsus transferen-  
tes.

Posuerunt denique carnes sanctorum tuorum, morticina servo-  
rum tuorum, reliquias beatorum corporum, escas volatilibus cęli:  
dispergentes hinc inde carnes sanctorum tuorum, quos occidebant,  
bestijs terrę: non erat, qui sepeliret. Altaria suffoderunt, invocantes  
nomen maledicti Mahometi: laudantes eum de victoria.

Omitto prę pudore, quę mingeant, stercorifabant, omnia vi-  
tuperabilę exercebant in templis, imaginibus & reliquijs sanctis: san-  
cta canibus dabant: margaritas sacramentorum ante porcos projicie-  
bant. Dum hæc recolo, totus ex horrore contremisco: nec ulterius  
stylo exarare quęo illorum piacula, & fidei Christianę religionis irri-  
siones & dedecora iniecta. Monasteria tam monachorum, quam mo-  
nialium invadentes omnia diripiebant: eijcientes illos de habitationibus  
suis, Xenodochia infirmorum destruebant. Etsi de multis & magnis  
excidijs ac exterminijs civitatum historiographi etiam gentiliū re-  
ferant, ferē nulla posset desolationi huius cōquari. Nullum inco-  
lam intra urbem reliquerunt: non Gręcum, non Latinum, non Ar-  
menium, non Iudęum: urbem ipsam suis civibus nudatam, quasi deser-  
tam effecerunt: Ipse eorum actus & opęa proprijs oculis vidi: & cum  
aliquibus constantissimis viris vna plura perpeffus sum mala & pericu-  
la: licet de manibus eorum me eripuerit DEVS, vt Ionam de ventre  
ceti.

Expugnata Constantinopoli Peramnon multum inde distantem oc-  
cuparunt: mōēniacius ad solum vsque deducentes. Ex campanis Ec-  
clesiarum bombardas conflagrarunt: crucem, quę erat in cacumine tur-  
ris.

riseius, cum ipsa turri contriverunt : Rempub. ad nihilum deduxerunt : Iudicem & principem eius Turcum constituentes : pedagia, quidagia, impositiones & gravamina illic applicantibus vel permanentibus suapte voluntate statuerunt.

His atrocissimis rebus non contentus callidissimus & cruentissimus Mahometus, Christicolarum summus inimicus, ad ulteriora se extendit : & triremes inter magnas & parvas iam centum septuaginta præparavit : & ad mare Aegeum misit ad insulas Cycladas sibi subijciendas.

Exinde se præparat cum infinito exercitu ad tres vrbes notabiles & potentes prope Danubium sitas transmigrae, easque expugnare : vnam quam Periston nuncupamus : alteram Forobium : tertiam Bellogradum : intendens post totam percurrere Vngariam : eamque spoliare, devastare, contere : vt neminem retro se dimittat impedire ad alia loca proficisci volentem : Quin etiam ad Italiam quam citius transmigrae contendit : præparare quoque conatur galeas magnas & parvas trecentas, naves magnas viginti, pedestrium & equestrium exercituum ultra centum millia : & sic à Dyrrhachio Brundisium transire contendit : quæ civitas sita est in regno Apuliæ.

Quapropter deprecor, exoro atque exhortor vos omnes Christicolæ : vt zelo fidei & Christianæ religionis pro vestra libertate gladio accingamini contra tam diros hostes divini cultus, & omnis sanctimonix, & vitæ moralis : & primo quidem abijcientes omnem dissensionem atque æmulationem, remittentes invicem offensas, sicut & Christus donavit omnibus, pacem & vnionem summopere inter vos amplectamini : vt vniti & fortiores inde effecti ; confidentes in adiutorio altissimi ( cujusest victoria & bellum, non multitudinis ) ipsum Satanam cum satellitibus suis sub pedibus vestris contere valeatis. Licet enim in multitudine confidat, & feritate suorum : plures tamen sunt, qui nobiscum sunt : imo Dominus ipse militiarum, pro cuius fide & religione pugnat, ita vt centum ex vobis persequi & superare valeant mille ex illis, & mille ex vobis decem millia. Ignavia

enim & imperitia belli eis innata. Peræ.

anno Christi MC-

DLII.

P 2

AENEAS

**I**Nvitus quidem, Beatissime Pater, quæ adversa sunt, scribo: sed compellit me debitum officij mei, qui iussu Pietatis vestræ Germaniam incolēs si quæ eveniant, novitates Apostolico culmini notas facere teneor. Planè autem horribile novum modo huc allatum est de Constantinopoli. Tremunt profecto manus, dum hæc scribo: horret animus, neque tacere indignatio sinit, neque dolor loqui permittit. Heu miseram Christianitatem! Padet iam vitæ: feliciter utinam ante hunc casum obijssimus! Italia, Germania, Gallia, & Hispania magna ex parte salva (proh pudor!) ab effrauentis Turcis inclytam urbem Constantinopolim capi permittimus. Credo hæc iam vestræ Pietatis aures accepisse: egredior Germaniam, & ad Græciam pergo. Turcorum Imperator magnis militum copijs Constantinopolim proximis his diebus obsidione terra marique cinxit, atque ad motis machinis & insultu ter facto expugnavit: populum omnem gladio extinxit: sacerdotes diversis tormentorum generibus excarnificavit, neque sexui neque ætati pepercit, quadraginta & amplius millia personarum illic occisa referuntur.

Qui res gestas ad nos ex Rascia venientes enarrant; Palæologum, qui apud eos imperavit, capite mulctatum: filium eius ereptum fuga in Paro modo obsessum aiunt. Nolo ista singillatim prosequi, quæ per alios & melius, & verius sanctitati vestræ conscripta esse non ambigo. Satis est mihi cum vestra Pietate, de tanta Christianitatis ruina dolere. Urbs quæ post Constantinum iam annos M.C. & ultra erat: neque unquam in potestatem venerat infidelium: spurcissimorum Turcorum hoc infeliciano direptioni patuit. Roma quoque post suam conditionem in anno MCLXIII. per Gothorum Regem Alaricum direpta refertur. Sed hic, ne templa sanctorum violarentur, edixit: Turcos autem in Ecclesia DEI sœnituros quis dubitet? Doleo templum illud toto terrarum orbe famosissimum Sophiæ, vel destrui, vel pollui: doleo infinitas sanctorum Basilicas opere mirando constructas, vel ruinæ, vel spurcitiz Mahometi subiacere. Quid de libris dicam, qui illic erant innumerales, nondum Latinis cogniti? Heu quot nunc magnorum nomina virorum peribunt! secunda mors ista Homero est, secundus Platoni obitus. Vbi nunc Philosophorum aut Poëtarum ingenia requiremus? Extinctus est fons Musarum. Utinam tantum nobis superaret ingenij, ut hanc calamitatem dignis vocibus deplorare possemus! Admodum ista cor meum urget atque expungunt, sanctissime Pater. Video simul & fidem & doctrinam deleri: idque nostra desidia accidit, qui solum præsentia respicimus. Quod si ferventiores ad rem Christi publicam animos adhiberemus: hæc profecto nefanda cla-

da clades inferri nobis minimè potuisset. Certus sum, quod in cœore magno vestra sanctitas est affecta, multumque rei huius deplorat eventum. Neque abs re quidem. Nemo est enim, cui magis tanti mali fama quam vestræ pietati sit obfutura.

Nam scriptores omnes qui apud Latinos Romanorum Pontificum gesta referent, cum ad vestrum tempus fuerit ventum, in hanc sententiam de vestra gloria scribent: Nicolaus Papa Quintus natione Thuscus sedit annos tot: patrimonium Ecclesiæ ex Tyrannorum manibus vendicavit: divisam Ecclesiam vñtioni reddidit: Bernardinum Senensem in catalogo Sanctorum annumeravit: Palatium Sancti Petri construxit, Basilicam eius mirificè reparavit: Iubilæum celebrauit: Fridericum III. Imp. coronavit. Pulchra hæc & decora de vestro nomine prædicabuntur: sed illud omnia funestabit, cum in fine adijcietur: At huius tempore regia Constantinopolis à Turciscapta direptaque est, nescio an diruta incensave dici poterit: quamvis in man<sup>9</sup> hostium data minus exusta nobis quam integra possit obesse. Itaque luct vestra fama sine vestra culpa: qui etsi totis conatibus opem ferre miseræ ciuitati studuistis, non tamen Christianis Regibus persuadere potuistis vt arma simul capessentes, commune fidei negotium adiuuarent. Negabant tantum esse periculum, quantum dicebatur: mentiri Græcos, mendicareq; pecunias arbitrabantur; omnia ficta vanaque reputabant. Fecit vestra Beatitudo, quod potuit. Nihil est quod vestræ clementiæ possit impingi, sed tamen impinget hoc vestro nomini posteritas rerum ignara: cum vestro tempore Constantinopolim amissam didicerit.

Timui semper hoc, Beatissime pater: cum multa ex sententia vestræ gloriæ succedere animadverterem, ne sinistrum aliquid emergeret, quod felicitatis cursum impediens, lachrymabilem afferret materiam. Ecce ego timui, ex duobus Christianitatis luminibus alterum iam videmus erutum: Orientalis imperij eversam sedem: Græcam omnem gloriam extinctam cernimus. Maiores nostri Hierosolynam, Accaron, Antiochiam perdidērunt: fateor, ingens malum: sed nulle clades hodiernæ ruinæ comparanda est: in Asia & aliena possessione nostri veteres vrbes amittere, nos in Europa, in nostro solo, inter Christianos potentissimā urbem, Orientalis imperij caput, Græciæ columen, literarum domicilium, ab hostili manu sinimus expugnari. Iam regnat inter nos Mahometus: iam nostris ceruicibus imminet Turcorum gladius: iam nobis clausus est Euxinus & Tanais inaccessibilis factus: iam VValachos Turco parere necesse est: inde ad Vngaros: inde ad Germanos Turcorum gladius penetrabit: Et nos interim domesticis quatimur odijs: Reges Franciæ & Anglia inter se litigant. Germani Principes invicem bellaverunt: raro Hispania tota quie-

scit: Italia nostra pacis expers, de alieno iure contendit. O quanto melius tantum armorum tantumque militiæ in hostes fidei verteremus? Verum, Beatissime Pater, non scio cui magis, quàm vestræ sanctitati, hæc cura debeat. Vestrum est, iam assurgere: scribere Regibus: mittere legatos; monere, hortari Principes & communitates: in aliquem communem locum ut aut veniant, aut mittant: nuncque, dum malum est recens, Christianæ Reipub. consulere festinent; pacem aut inducias inter socios fidei component: atque iunctis viribus aduersus salutiferæ Crucis inimicos arma moueant. Spero equidem, si vestra sanctitas suo ex more hoc negotium fervido & ardenti animo totoque corde promouendum acceperit; & Deum & homines assensuros; futurumque brevi, ut insolentia suæ Turcos pœniteat; atque in altum Christiana fides emergat. Hæc habui quæ nunc ad vestram pietatem scriptione digna putarem. Et quamvis de tanto & tam arduo negotio maiores viros, quàm ego sim, loqui deceat, quia tamen Christianus sum, nihil à me alienum puto, quod Christianæ religionis utilitatem concernat. Nec ambigo quæ per me scribuntur, cuncta pietatem vestram in partem accipere meliorem, nec alio modo. Recommendo me vestræ pietati, quam pius & optimus Deus felicem, Ecclesiæque suæ statum diu ac votive sospitem & lætum conseruet. Ex Græcio Sürienti, 12. Iulij, Anno MCCCC LIII.

FRIDERICVS III. IMPERATOR. NICOLAUS V.

*Pontifici Maximo. S.*

**B**eatissime Pater, & Domine Reuerendissime, Cum nobis renunciatum esset his diebus Constantinopolim Græciæ caput & orientalis imperij quondam sedem per Turcorum Dominum expugnatam & in servitutem redactam, multumque ibi Christiani sanguinis fufum esse: graviter quidem, ut debuimus, & molestissime tulimus: communem Christianæ religionis calamitatem atque iacturam intelligentes: non de præterito solum, quod doleamus, sed de futuro quoque quod timeamus, tantæ urbis amissionem fidelibus Christianis abundè præbere. Namque si verus est rumor ad nos delatus, hominum quadraginta millia cæsa sunt; animæ plures in servitium miserabile ductæ; templa diuino nomini dedicata funditus diruta: naues non paucæ captæ; amissa ciuitas famosissima, & ratione situs & alijs conditionibus ad tutelam Christianitatis admodum necessaria: in qua per multa secula, & Patriarchialis dignitas claruit; & Imperialis Maiestatis insignia floruerunt. Taceamus de literis ac bonarum omnium artium studijs; quæ veluti domicilium proprium ex tota Græcia Constantinopolim habuere. Quibus modò cum civitate cadentibus, nullum profecto credimus esse Christiano nomine insignitum; qui de tantæ urbis ruina

ruina supra modum non angatur & doleat. Maximum certè atque horribile vulnus illatum est Ecclesiæ Catholicæ nostro tempore ac multo maius, quàm ut scriptis possit aut verbis exprimi.

At cū potentissimus hostis crudelissim⁹ inhumanissim⁹q; in manu Victoriæ hæc locūq; nactus sit; ex quo fidei Christianæ, quam persequitur, pro sua libidine possit officere; quis non cum indies plura conaturum existimet; quibus Christianorum gentem in perniciem desolationemque ducat; quippe victoria sui natura insolens, etiam si ad mites venerit, feroces eos impudentesque reddit. Quid cum his agat, qui suo pte ingenio soliti sunt sentire? An putare quisquam potest, iratorum hominum, cupidorum atque acerbissimorum quieturam esse victoriam? Enimverò qui ex illis partibus ad nos veniunt, & Peram aiunt Christianis perditam: & alia pleraque loca vicina Constantinopoli per Turcos occupata; qui proximam quamque victoriam non desidiæ aut socordiæ ducunt, sed instrumentum sequentis habent, studijsq; omnibus enituntur, ut Christianum nomen ad internecionem redigant: nescimus an vera sint, quæ autore non certo dicuntur, timere tamen, quàm sperare, multæ nos urgent rationes; fama quæ de venturis Turcorum exercitibus erat; ciuitas regia pro magnitudine sua parum populosa; hostium propinquitās: auxilij spes remotior; & infelix ac dolorosum nuncium optato & fausto semper credibilis. Quibus ex rebus & si non dubitemus sanctæ vestram his cognitis excitatam esse ad cogitandum inveniendumque modos, quibus tam periculoso & potenti hosti, ne amplius noceant, opportunè resistatur; tamen quia nos quoque, velut Imperatorem & aduocatū Ecclesiæ, res ista concernit; haud ab re credimus esse, si Pietatem vestram pro communi fidelium salute accensam magis inflammare nitamur. Neque enim res est quæ vel negligi debeat vel differri: occurrere oportet priusquam vulnus altius infigatur: aut veneni labes in corda decedat. Cæterum cum tanto negotio non vnius provinciz, aut paucorum Principum, sed omnium Christianorum Regum aut certè magnæ partis eorum, necessariæ vires existant; dicemus confidenter, quod nobis ex usu videtur; neque dubitamus, quin dicta nostra Sanctitas vestra in partem accipiet meliorem.

Sanè pro tanto & tam necessario opere optimum factu censemus, Pietatem vestram, quæ locum tenet in terris Salvatoris nostri Iesu Christi, cuius res agitur, nunc exurgere; scribere Regibus, legatos mittere; monere & hortari principes ac communitates, in aliquem communem locum, ut aut veniant, aut mittant; & nunc dum malum est recens, Christianæ rei consulere festinent: pacem & inducias inter socios fidei componant; atque junctis viribus adversus salutaris crucis inimicos arma promoveant.

Quod



Quod si vestra Sanctitas toto pectore, suoque more ad rem hanc tam  
piam & utilem intenderit: non est nobis dubium, quin plures & Reges &  
principes, in quibus Zelus domus DEI & ardor fidei orthodoxæ non est  
extinctus, ad mandatum vestrum voluntarios & obsequentes se præbeant.

Nos certe pietati vestræ, ut libuerit, & assistere, & cooperari pro no-  
stri officij debito minimè omitemus: solum precamur, ut vestrum in hoc  
negocio consilium & intentum communicare digne mini. Namque si  
fuerit opus nostræ nationis & Imperij sacri principes ad hoc ipsum convo-  
care, & alia quæ iuxta consilium vestrum putaverimus opportuna, imple-  
re non negligemus.

Quia verò ad huiusmodi negotium maximè conducere arbitramur,  
Italicæ bella quàm primum sopiri, quamvis Beatitudinem vestram ad hoc  
conari, & per se sufficere non ambigamus: tamen quia anno proximè de-  
curso, & Romæ, & Neapoli, & Ferrariæ, & Venetijs de hoc plurimum sed  
frustra egimus, si Pietati vestræ in præsentiarum quovis modo expedire vi-  
detur, quod oratores aut ad Sanct. vestrâ aut partes cõtendentes mittamus,  
siue alio modo pro pace celerius conficienda laboremus: ut Sanct. vestræ  
fuerit visum, eo modo faciemus: omniq; studio & cura proni erimus, ad  
ea intendere, per quæ pace tam Italis, quam cæteris Christianis data, & fu-  
rori Turcorum resistatur; & Christiana religio in suo statu conquiesce-  
re, & debito sub splendore foueri possit. Anno MCCCCI. III.

FRANCISCVS POSCARI DVX VENETORVM, FRIDERI-  
co Rom. Imp. semper Augusto G.

**N**ihil nobis attulerūt novi, Serenissime Princeps, literæ Cæsareæ Maie-  
statis vestræ: si, quemadmodum ipsa scribit, gravi molestia ac mæro-  
re commota perstiterit: cum primum innotuerit sibi acerbum & horrendum  
nouum vrbs Constantinopolis: quam perfidissimi Turci, magna  
Christianorum strage, suo imperio submiserunt. Est siquidem casus iste  
infelix tanti faciendus: ut nihil supra temporibus nostris contingere po-  
tuisset. At quoniam vestra Serenitas ( neque enim indignè ) cupere  
videtur huiusce rei nefandæ seriem à nobis certius ac particularius intelli-  
gere: etsi hæc referentes dolorem & amaritudinem renovemus: ut tamen  
Maieitati vestræ morem geramus: nunciamus eidem, Imperatorem Tur-  
corum, qui cum maxima potentia incredibilique apparatu terra marique  
contra urbem Constantinopolitanam castrametatus erat, die XXIX. Maij  
præterita, ciuitati ipsi, quam circumquaque obsessam tenebat, omniq;  
tormentorū bellicorum genere debellauerat, maximum & acerrimum  
bellum intulisse: tandemque eam die ipsa, immemorabili Christianorum  
clade, subegisse: rem utique calamitosam, & Christiano nomini summum  
in

in modum periculosam. Hæc verò nova, vtinam tam falsa essent, quam nimium vera sunt. Nam ea accepimus à Capitaneo Galearum nostrarum nuper huc regresso: qui ad illud viagium Constantinopolis & Romæ cum nonnullis nostris triremibus more mercatorio profectus erat: quivè cum eisdem galeis ad tutandam urbem illam, vsque ad ultimum eius excidium constans permansit: ita vt magna pars hominum in triremibus malè perierit. Nam partim trucidati; partim in miserabilem captivitatem abducti sunt. Multi quoque nobiles cives & mercatores nostri, qui in ea vrbe aderant cum facultatibus & bonis suis magni valoris, aut gladio perierunt: aut ad servitutem ipsam crudelissimam devenerunt: nec absque magno ære redimi poterunt. Præterea subinde nunciatum est, Turcum ipsum occupasse civitatem Perzæ, & quædam alia loca finitima cum magno Christianorum excidio: de qua tamen re aliam certiore notitiam nondum accepimus. Enimverò, Princeps excellentissime, hostis iste truculentissimus adeptus est urbem præcipuam, Constantinopolim nobilissimam, & tam ratione situs, quam ex alijs dignis conditionib. aptissimam, & mirum in modum accommodatam ad potentiam suam augendam: ita vt vbique terra & mari de hoc potentissimo hoste sit plurimum dubitandum. Et profectò nisi Christianæ potestates aliter excitentur vt huic morbo validis provisionibus occurrant antè, quam ulterius prolabatur: videre videmur magna pericula incumbere toti Christianæ religioni: quibus resistere non facile erit Christianis Principibus. Datum in Palatio Ducali, die XXVII. Iulij, Indictione prima, anno M. CCCC. LIII.

LEONHARDVS CHIENSIS ARCHIEPISCOPVS

*Mitylenæ Nicolao V. Pont. Max.*

**F**Lere mihi magis licet, Beatissime Pater: & fortè, dum gladio impetebam à Turcis, salubrior mors mihi fuisset, quam vita. Verùm quoniam narrationes sinistræ tùm verè profunt auditoribus, si prostrati resurgant; vti quibus ociosos parentes ab hostibus dicimus, animi ad vindictam mœsti vigorosiùs excitantur: Narrabo igitur & flens, & gemens Constantinopolis proximè his cernentibus oculis discrimen ultimum & iacturam. Nec dubito, Pater sancte, præcessisse me multos, qui rei gestæ seriem tuæ Sanctitati retulerunt.

Confert enim multorum in vnum relatio. Sed quoniam quæ visu magis quam quæ auditu, verius exponuntur, quod scio loquar: & quod vidi, fidelius contestabor. Cum igitur Reuerendissimus Pater D. Cardinalis Sabinensis pro nomine Græcorum Legatus, in eius famulatum me ex Chio vocasset; ego summa cum animi mei diligentia, vt fidem sanctæ Romanæ Ecclesiæ fortiter constanterque, vti debitum exigit, defensarem,

Q

captabam

captabam perinde & mores & naturam Græcorum, argumentisque ac factorum Theologorum dictis agebam intelligere, quod eorum esset studium; quod propositum, quæ rationes, quis finis eos à vera intelligentia, debitaque obedientia vel revocaret, vel retraheret.

Intellexi planè, præter Argyropilum artium magistrum, Theophilum Palæologum, Hieromonicosque quosdam paucos, & alios laicos; quod ambitio Græcos quasi omnes captivasset; ut nemo esset qui zelo fidei, vel salutis suæ motus, primus videretur fieri velle suæ opinionis & pertinaciæ contemptor.

Quod sane si non tam ex zelo fidei, & amore Christianæ religionis, quam ex affectata quadam gloriæ humanæ cupiditate fecissent, summo opere hoc nomine commendandi essent, ipsorumque fervor omnibus qui CHRISTO nomen dederunt, & admirationi & imitationi merito esse deberet.

Verum enim verò, tantum abest, ut laudem & admirationem exinde mereantur ut potius fides & constantia ipsorum omnibus hoc nomine debeat esse suspecta, cum non propter Dei, sed suam ipsorum gloriam quam præcipuè captabant, huiusmodi zelum præ se tulerint, quamvis omnino reluctante ipsorum natura & voluntate.

Vsq; adeo ut ex vna parte, ad fatendum articulum sancti Spiritus urgeret eos conscientia: Ex altera, ne meliorem Latini, quam Græci, de veritate fidei intelligentiam habere crederentur, elationis tumor eos abduceret.

Verum quoniam nec ratio, nec auctoritas, nec variorum Scholarum, Isidororum, Neophytique opiniones adversus Romanæ Ecclesiæ fidem stare poterant; actum est industria & probitate præfati Domini Cardinalis, ut sancta unio, assentiente Imperatore Senatuque (si non ficta fuit) firmaretur, celebrareturque secundo Idus Decembris, Spiridonis Episcopi sancti die.

Itaque ea peracta, mox tempestas Turci oborta, urbem Constantinopolis; Galatam, cæteraque adiacentia oppida absorbit: Ut verbum Esaiæ verum sit dicentis: Tempestas convulsa absque ulla consolatione.

Qua tempestate concussus, ego quoque captus sum; & pro demeritis

tis meis victus cæsusque à Turcis: non fui dignus cum Christo Salvatore  
reconfigi.

Reminiscor ergo, beatissime Pater, cum primum de vnione facta  
Græcorum, eidem Sanctitatis epistolæ serioſius destinassem, inter alia dix-  
iſſe: Nos propter futuram Turci obſidionem, quam indies expectabamus,  
inter ſpem & deſperationem conſtitutos eſſe.

Spes de tuo expectato ſubſidio dabat fiduciam; timor de Græcorum  
pertinacia deſperationem ſuggerebat.

Heu quæ ſpes in populo duro graui iniquitate, qui tot annis ſine vi-  
ta ſpiritali abſciſſus à capite permanebat! Quomodo non deſperati, quo-  
modo non abiecti à DEO, qui tantis diſſimilitudinibus, tantis fictioni-  
bus, tantisque ſciſſuris, ab Eccleſia elongati Romana, in cordis duritia  
permaſerunt: Etenim iam captiuati, vrbe, templis, auro, laribusque pro-  
pulſi, in Latinos retorquent offeſam, aſſeuerantes: Quoniam vnionem,  
(inquiunt) fecimus, ſummoque Pontifici commemorationem dedimus,  
merito indignatum Deum eſſe.

O pertinaces homines, inquit. Si malum hoc eſt, priſci illi Baſi-  
lius, Athanaſius, Cyrillus, cæterique patres, quos præcipuo ſanctitatis  
honore præfertis, mali cenſendi ſunt, quod ſanctam vnā eandemque  
fidem cum Romana Eccleſia, omnium Chriſtianorum magiſtra, co-  
luerunt.

Non hæc cauſa eſt, quod vnionem, ſed quod vnionem non veram,  
ſed fictam feciſtis.

Hac de re merito indignatum Deum: hac de re iuſta animæ aduerſio-  
ne in hoſtium manibus vos eſſe deductos.

An non ſponſionem de vnione, ſancto iuramento apud Florenti-  
nam Synodum conſcriptam violatiſtis? obedientiam declinaſtis? ſen-  
tentiam Decreti occultaſtis? An non ſummi DEI nuncij (ô  
Græci) veſtram perditionem iugiter prædixerunt? qui aures,

Q 2 vt

ut aspis, impiè obturastis, & sanctam Ecclesiam Catholicam matrem fidelium obaudistis. Flete miseras vestras; arguite vosmetipfos; & non alios condemnatis, aut inculpetis. Mos obstinatorum hic est, sanctos aspernari Dei nuncios: vti Sedecias cæteri que Iudæi in Babylonem traducti Hieremiam direptionem captivitatemque prædicentem contempserunt. Certe hæcenus stetit Ilion, si Cassandram Priamus pater audivisset; si Prophetas Hebræi, si Sibyllam Romani, si vos quoque Apostolicos nuncios dudù audissetis. Idcirco non mirum si in præstanti criminis insperata mox tempestas invaluit; quam Spiritu sancto docti quoque à multis annis futuram esse prædixerant. Sanè ut Beatissimi patris N. primi Summi Pontificis execrationem in praves Græcos per illud, *Vergentis in senium sæculi corruptela*, &c. prætermittamus: tabula illa, quam Leoni Sapientia ascribunt, apud monasterium sancti Georgij de Mangana constructū, vetusto tempore in Constantinopoli occultatam mysterio jam signo detectam iacturam demonstrat. Hac Pater Beatissimus cellulis distincta quadratis, Imperatorum ordinem successionemque ponebat finiendum; tamen in hoc ultimo Constantino ita quoque Patriarcharum alia in longum tracta tabula ordinem præscribebat. Nam ille spiritu Prophetico illustratus tot cellulas figurarum Imperatorum tabulæ inscripsit, quot à primo Constantino Magno, Constantinopolis conditore, vsque ad ultimam captivitatem futuri erant. Indies itaq; cellulæ illæ repletæ, vnam modò & ultimam, in qua hic, sub quo vrbs periit, collocandus erat: si coronatus fuisset, vacuam prætendunt. Morsenus perinde vir sanctus, sagittariam gentem contra Constantinopolim futuram, cuius portum inclytum caperet, exterminandosque Græcos sæculis multis antè prædixit. Erythrææ autem nostræ de Græcorum iactura vaticinium legentibus patet. Ioachim autem Abbas in eo iudicio Constantinopolis iacturam in papalista denunciatur, cum dicit, *Vatibi septicollis manibus truncatis, quasi auxilio destitutam*. Septicollim autem Græci ἑπτάκολων vocant. Ut quid igitur Latinos damnant? Cur invehunt nobis, cum vera scribimus, contra quos tot aperta vaticinia protestantur? Nō ergo vniō facta, sed vniō ficta, ad fatale urbem detrahebat excidium; quo divina iram maturatam in hosce dies venisse cognovimus. Excitatus itaque in furem Deus, misit Mahometh regem potentissimum Turcorum: adolescentem quidem audacem, ambitiosum, temulentum, Christianorum capitalem hostem: qui nonis Aprilis ante Constantinopolis prospectum, cum tercentis & ultra millibus pugnatorum in gyro terræ castra papilionumque confixit.

Milites maiore numero equestres, quanquam omnes pedites magis expugnabant. Inter quos pedites ad regis custodiam deputati audaces, qui ab elementis Christiani aut Christianorum filij, retrorsum conuersi,

conversis, dicti Genizari, ut apud Macedonem Myrmidones, quasi quindecim millia. Ad tertium autem diem, captato urbis situ, machinas innumeras craticulasque ex virgultis viminibusque contextas circum muralis vallum quibus pugnantes tegerentur, fossatis admovit. Initium confusio- nis hoc nostrum fuit, ut qui telis machinarumque lapidibus iuxta datum ordinem eminus repellendi erant, neglectis singulis, cominus proximare permiserunt. Tantum eorum ordinem instruendis machinis, tantam promptitudinem, tantam acierum providentiam quidam aut Scipio, aut Hanibal, aut moderni belli duces admirati fuissent. Sed quis obsecro circumvallavit urbem? qui, nisi perfidi Christiani instruxere Turcos? Testis sum, quod Græci, quod Latini, quod Germani, Pannoni, Boetes, ex omnium Christianorum regionibus Turcis commixti opera eorum fidemque didicerunt: qui immanius fidei Christianæ obliti urbem expugnabant, O impij qui Christum abnegastis! O satellites Antichristi, damnati gehennalibus flammis: tempus hoc vestrum est. Satagite augere vobis pœnas, quas luatis æternas. Horribilem proinde bombardam, quanquam major alia, quæ confRACTA fuit, quam vix boum quinquaginta centum iuga vehabant, ob partem illam murorum simplicium, quæ nec fossatis, nec antemurali tutabatur, Calegariam dictam, figentes, lapide qui palmis undecim ex meis ambibat in gyro ex ea murum conterebant. Erat tamen murus perlatus fortisque, qui tamen machinæ tam horribili cedebat. Inde quia maior confRACTA: Regis animum afflictabat, ne tristitia in tanto certamine afficeretur, iussit mox aliam longe maioris formæ confLARI: quam, ut aiunt, industria Calibasciæ consularis Baronis amici artifex, nunquam ad perfectum conduxit, alijs mediocribus innumeris collidere, urbem machinis undequaque conabantur. Sclopis, spingardis, Zarbathanis, fundis, sagittis dies noctesque, muros, hominesque nostros vexabant, mactabantque. Existimavit. n. hostis Christianos esse. Ignominiosè igitur factum est, ut primo illo congressu, Turci obstaculum non invenerint. At indies doctiores nostri facti paravere contra hostes machinamenta, quæ tamen avariè dabantur. Pulvis erat nitri modica, exigua, tela modica: bombardæ si aderant, incommoditate loci primum hostes offendere, maceribus alueisque reectos non poterant. Nam si quæ magnæ erant, ne murus concuteretur non ster, quiescebant: interdum in cuneos hostium emissæ, & homines & tentoria exterminabant. Nec enim in vanum iaciebantur, quas illas hostes declinare non poterant. Itaque cadebant Turci isti torneis telis lapidibusque. Vulnerabantur & nostri: qui quandoque vallum egredientes ad manus decertantes & occidebant, & occidebantur. Victoria ex hoc æquityronibus nostris, quod egrediebantur impavidi, quam Turcis dabatur. Verum quoniam malo fato Iohannes Longus Ianuensis, de Iustinianorum.

profapia, duabus cum navibus suis magnis, & armatis circiter quadringentis mare decursitans, forte veniens stipendio ascriptus Imperatoris, ducatum militiæ obtinuit; strenue defendere urbem visus, reparationi demolitorum murorum vigilantius agebat: Turci animum viresque deludere videbatur. Nam quanto hostis mole ingentis lapidis muros conterebat, tanto hic animosius sarmentis, humo, vasisque vinarijs intercompositis reparabat. Quare Turcus delusus, cogitavit non cessandum ab ictibus machinarum; sed fortiori cura, subterraneis cavis furari urbem. Minerarum fossiores, quos ex novo brolo conduxerat magistros accersiri iussit. Lignis instrumentisque advectis solerti cura, uti imperatum, actum est, ut mox per cuniculos tenderent fundamenta suffodere penetrareque omnifarium urbis murum. At cum à fundamentis (ô rem mirabilem) primum iam vallum & antemurale mirando cū silentio subcavassent; Iohannis Grande Alemanni ingeniosi militis, rerum bellicarum doctissimi, quem Iohannes Iustinianus militiæ dux centurionem conduxerat, industria & sagacitate opus detectum est: exploratorumque id firmatum relatione, animos omnium commovit. Græci cum dudum Barsicham, Ammi, Amoratque genitorem huius pristinis bellis frustra laborasse in cavanda urbe cognovissent, impossibile per hunc fieri posse firmabant. Quorum opinio ex facti evidentia confusa est. Itaque penetralia hæc nostris reconfessionibus detecta, urbem non læsere: Timorem tamen ingentem à fundamentis confossa turris, ligneis stylis bixuminatis innixa, nobis incussit. Sed ut res in lucem venit, repulsis igne & sulphure hostibus è latebris restructa mox timorē excussit. Composuit perinde ligneas turres iuxta vallum, humo plenas, pellibus bouum circumtectas, ex quibus fossatis clam terram quisquiliasque, ut facilis eis fieret ingressus, immittebant. Crates deinde innumeras ex virgultis viminibusque contextas, catts oblongos scalasque rotatas, currus castellatos taliaque machinamenta, quæ vix Romani adversus Pœnos cōstruxissent. Bombarda præterea illa ingēs, eo quod Caligaream strenue reparatam adversus non proficeret, alium locum Batatinæ turris, iuxta Sancti Romani portam inde dimota, lapide in ea estimatione mille ducentarum librarum interdū collidit, collisum concutit: concussum exterminat. Ruina turris antemuralis fossatum replet, æquatque: Ita ut via hostibus, qua decurrere possent, strata cerneretur: nisi quia concitè introrsum, uti in Caligareæ demolitione reparatio facta fuisset haud dubio impetu urbem intrassent. Itaque Turcus demolitum, quam primum restauratum ut conspexit murum: Non Græcorum, inquit, sed Francorum hoc ingenium est: ut tanta resistentia fiat, tanta pugna: quos nec innumera sagittæ, nec machinarum ligneorumque castrorum horror, nec intermissa obsessio deterret.

Agabant

Agebant interea Galatz, sive Perenses, quanquam prudentius, ne in Propontide castrum struxisset Turcus sollicitam providendi curam nunc armorum, nunc militum, clanculum tamen, ne hosti, qui pacem cum eis simulabat, innotuisset: quæ res renouisset, ne auxilium post ac Græcis conferre potuissent. Sic simulata illa pax urbi ad tempus profuit. Ego iudicio meo, ni fallor, arbitror apertam guerram Perensibus à primo salubtiorem, quam fictam pacem. Quidam Turcus neque castrum, quod demolitionis eorum causa fuit, condidisset, neque guerram posthac tam terribilem intulisset. O Genuenses iam quodammodo cicurati; scilicet, ne de meis loquar, quos externi cum veritate diiudicant: Vbi sunt prisci inclyti Genuenses, qui Galatam accincti gladio, ut qui reparabant Hierosolymam condiderunt illi cum effuso cruore & ære: vos ne æs vestrum cupidi & sanguinem effunderetis, cum vecordia illam mundo decoram Turco tradidistis, sitamen tradere potuistis. Sed (ut historiam prosequamur) interea fatigati nostri de præsidio diffidebant. Nam neque ex Genua, neque ex Venetijs, quibus (pace eorum dicam) mitti debuit, auxilium mittebatur, Neque aliunde speserat, nisi ex Deo cuius qui prudentius tarditatem metuebatur, ex mysterio fieri autumabat, quod infidelitas, irreligio, magnaue crimina DEVM potius irritabant. Vide, Beatissime pater, quam dignum, quam rectum iudicium! Celebrarunt unionem Græci voce, sed opere negabant. Aiebant quidem Magnates, quorum cruor hostili gladio iam irrigat terram: Detur summo Pontifici commemorationis honos: sed decretum Florentinæ Synodi non legatur. Cur hoc hypocrita? Ut deleatur (inquit) ex decreto, quod Spiritus Sanctus ex filio, quemadmodum ex Patre procedit. Cur item hypocrita, ne errasse videantur Græci, si dicant duos Sancti Spiritus productores. Sed cur iterum obsecro hypocrita? Ne detur ei, qui totam sibi ex officio captare cupit gloriam. intendebat ex vna parte Scholarius, ex altera Chirluca, quandoque ad præsentiam semet Apostolicam conferre, ut hi essent qui soli rem intellexisse viderentur, quique primi laudarentur tantæ unionis auctores. Adversus enim legatum multi invidia clanculo torquebantur. Ergo dixi: Paterisne, Imperator ô, ut hæc ambitio scindat Ecclesiam, ut huius gratia divina ira magis magisque merito accendatur? Cur non è medio pertinaces illi tolluntur? Acquietescere Imperator visus, Metropolitæ ad concupiscendum Scholargum Isidorum, Neophytum complicesque iudices constituit, verbo quidam non facto. Nam si pusillanimitatem Imperator excussisset, hanc fidei illusionem vindicasset. Qui enim hominibus, DEO spreto, complacet, usque confundetur. Cohærendi quidem illi erant, qui si fuissent, morbum pestiferum non propagassent.

Sed



Sed ignoro, vtrumne Imperator, aut iudices damnandi quibus correctionis virga, quanquam minz intercessissent, aberat. Continuata igitur obsidionis tempestate, clausa vrbe, ducentarum & quinquaginta fustarum ex diversis Asiaz, Thraciaz, Pontique littoribus contra urbem disposita classis venit: inter quastriremes sex, & decem biremes: septuaginta reliquæ fustæ vnīs Banchoremis: Cymbæ etiam barculæque sagittarijs ad ostentationem plenæ vhebantur: quæ cinctum cathena portum & manibus rostratis bene armatis, Genuensium septem Cretensium tribus colligatum intrare non valentes, minus ad stadia centum Propontidis ripa anchoras figūt. Et cū proximare nō auderent, mare è longè sulcātes, lignamina, aliaq; machinamēta castris opportuna deferabant. At cū Turcus tribus iam in locis concussos lapidibus muros machinis desperaret: memoratu cuiusdam infidi Christiani ex colle biremes intromittere orat. Est enim portus ille, Beatissime Pater, in longum angustumque protractus: cuius orientalem plagam colligatæ naves & cathena munebant: inde hostibus aditus impossibilis erat. Quare vt coangustaret circumvallaretque magis urbem, iussit in via æquare: exque colle suppositis lenitis vasis lacertorum sex, ad stadia septuaginta trahi biremes, quæ ascensu gravius sublata, posthac ex apice in declivum, ad ripam levissimè sinus introrsum vhebantur. Quam novitatem puto, Venetorum more, ex Gardaz lacu, is qui artificium Turcis patefecit, didicerat. Ita nos magis territi, cogitabamus eas aut igne aut lapide exterminare. Sed neque hoc profuit: naves illæ maioris nocumenti nobis erant, machinis vnde quaque tutatæ. Sic iam perditō portu, necesse fuit ex postis, vt maritimos custodiremus, muros deminuerē milites. Proinde hoc ingenio non contentus Turcus, aliud quoque, quo nos terreret, magis construxit, pontem videlicet longitudinis stadiorum circiter triginta, ex ripa vrbi opposita, maris qui sinum scinderet, vasis vinarijs colligatis, sub constructis, confixisque lignis, quo exercitus decurreret, ad murum prope vrbis iuxta fanum: imitatus Xerxis potentiam, qui ex Asia in Thraciam Bosphoro exercitum traduxit. Non restabat ergo nisi navium cathenæque diametralis tuitio, quæ transitum ingressumque classi prohibebat.

Interea ex Chio in nostrum subsidium tres Genuenses armis, militibus frumentoque conductæ naves: vnā Imperatoris, quæ ex Sicilia frumento onusta advenerat, comitem ducebant: Quas vt mox vicinas vrbi classis, quæ excubabat, applicare vidisset: concitè strepentibus tympanis, tubisque sonantibus, intuentibus nobis obuadit, fingens Imperatoris navem expugnare velle. Turcorum Rex ex colle Perensi, fortunæ expectans eventum, prospicit. Fiunt tunc celsi clamores: triremes maiores navibus hærent: tentant Imperialem, sed protectam à nostris audacius invadunt,

invadunt; certamen incunt; focum machinis adhibent: sagittas jaciunt. Sicatrox pugna committitur. Naves Mauritio Genuense Catano imperante ex adverso repugnant: Ibi Dominicus de Novaria & Baptista de Felictano, Balauerij patroni Genuenses arduè pugnam prosequuntur. Balistarum horribilium missilia jaciuntur; exque coronis navalibus infra Turcorum commixtam classem infiniti lapides demittuntur. Tuetur se egregiè Imperatoris navis: succurrit Flectarella patronus: Bombardæ perstrepunt; fit ululatus in cœlum: confringuntur galearum remi: Turci fine remissione sauciantur. Rex qui ex colle circumspicit, quod classis perit blasphematur: urget equum in salum; vestimenta cum furore conscindit; ingemiscunt pagani, & totus exercitus afflictor. Quid ultra? Bellum recēsetur: Invalet pugna: & tantis classē telis lapidibusque obruunt; tot Turcos occidunt: ut declinato Marte ad littus remeare non possint. Exploratorum & profugorum relatu didicimus, quod decem propè millia ceciderunt; alij gladio perempti, & sagittis, & machinis: alij confossi vulneribus, flebilem exercitum reddiderunt. Erant quæ intraerunt naves inter triremes & biremes circiter ducentæ. Convulsa tunc regis ambitio est, parvique reputata potentia quod tot triremes navē saltem vnam ceperint. Naves ergo (Deo gratia) non lassæ, nec vno saltē homine pedito: aliquo otamen vulneratis, noctu salutē cū jucunditate portū intrant. Rex contra classis præfectum Balthoglum oppidō indignatus precibus Baronum concessa ei vita, sententiam tulit, quod officio & bonis omnibus priuaretur. Cogitavit itaque odio accensus in naves ex colle Galatæ orientali plaga, vel eas lapidibus machinarum obruere, vel à Cathena depellere. Dispositis itaq; & ex ripa Occidentali Bombardis, satagit omni acuitate artificis naves infringere: referens Perensibus, quoniam, uti dixerant, piratarum erant, quos Imperator condixerat, contra eas agere velle, quæ inimicorum suorum essent. Itaque artifex, cui provisio negata fuit, ex nostris, ad Turcos reductus, quanto ingenio potuit, naves frangere studuit: Nescioque quo fato resultans bombardæ à collæ lapis, centurionis navem, fortè ob crimen vno ictu confodit: quæ ex templo mercibus onusta, fundum inersa reptij, maximum discrimen quidem inferens. Quo casu reliquæ ne confringantur muro Galatæ protectæ hærent. Mirandum quidem Dei iudicium, ut immixtis quinquaginta & centum prope lapidibus, quibus perforatæ multæ Galatæ domus, & cum mulier optimæ famæ interempta fuit, inter triginta conglobatas illa sola periit.

Erant proinde in portu triremes mercatoriarum tres Venetæ, duarq; agiles in portum ad tutelam earundem designatæ: quas magno cum hortatu Imperator auri in menses propè sex pro tuitione urbis restare fecerat, quæ pacem cū Turco simulant, non nisi clanculū præstabant Græcis patrocini-

R

um.

um. Verum cum notulæ fugæ aliquandiu earum patuissent; tum quod merces ex fundis suppellectilemque traducebant, actum est, ut nullo pacto, quod populum titubassent, prohibitione Imperatoris quæ restabant traducerentur; quinimò deonulæ in terram reportarentur. Res hæc Venetis indignationis fomitem ministravit; utpote quod libertate, privilegijs pro honore dominij eorum nactis, verecundius priuarentur. Sed sedatis posthac animis suo arbitrio relictis, spondent Veneti omni fide & studio ad finem usque belli tueri urbem. At posthac inter Venetos & Genuenses Gatatæ oborta dissensio est: quod alter alteri fugæ suspicionem exprobrassent; asserentibus Venetis, ut tollatur suspitio: quod è navibus suis gubernacula carbasaque apud Constantinopolim in saluo deponant: Indignati Genuenses: Et si pacem (inquierant) consulto etiam Imperatoris, pro salute Græcorum, quæ communis est, qua proba dissimulatione supportamus cum Turco. Absit tantum facinus, ut Peram toto orbe pulcherrimam, vxores, liberos, thesaurosque deferamus: quam usque ad sanguinis effusionem defendere disponimus. Gubernacula carbasaque nostrarum navium, ne exiguo precio inclutus Genuæ decor apud vos sit, non in aliena potestate sed in nostra servabimus. Nunquam fugæ licentia nobis datur, si res nostras arbitrio nostro servamus. Pacata posthac cuncta sunt, agentibus Venetis de triremibus suis, uti voluissent.

Crescente proinde angustia consultum est, si quomodo intromissas hostium fustas vrere nostri possent: Clanculoque vna dierum ante lucem duabus navibus per Iohannem Iustinianum capitaneum dispositis, cum aliquot biremibus ad ripam vehendis, putato foco & machinis: fit detractis navibus dato ordine, ut cymbæ rectæ, quas Barbotas dicimus, biremesque sequerentur: hoc ideo ut munitæ saccis lana plenis naues, prius ex machinis acciperent lapidum ictus.

At Iacobus Cocha, vir Venetus, armatam & nautis triremium Venetarum imperialem biremem juxta ordinem datum, gloriæ & honoris avidus, laxatis remis, prævenientem convertit; moxque ut ab hostibus cernitur (heu gravem sortem bombardæ,) lapide medio penetratur: cum omnibus armatis æquore biremis absorbetur. Heu Pater beatissime grave discrimen ut vno ictu Neptuni furor immerferit. Etenim res hæc detecta relataque Turcis agit, ut dum nostri percutere voluere, ipsi prius percussæ sint. Sed quid dicam, Beatissime Pater? Accusare ne quempiam licet? Silendum mihi est. Qui casus acerbum luctum nostris dedit; & unde exierunt, naves cum confusione retraxit. ex mersis inde supernatantes quidam ad litus capiuntur ab hostibus; quos impius rex ante oculos nostros præstino decollari iussit. Nostri exacerbat, quos habebant captivos carere,

oere Turcos ad muros in suorum prospectu immanius trucidant; sicq; impietas crudelitate commixta bellum atrocius fecit.

Simulavit posthac Turcus pacē facere velle; exploratorib' fiste referētib' pœnituisse eū, q' guerram, quasi stimulatus ab Vngaris intentasset: statuitque caduceatorem. Sed hæc res conficta patuit: Qui nec demoliri oppidū, quod in Propontide struxit, nec restaurare, quæ vastarat, permittebat. Quodque magis angebat, infidentia erat Turci, qui iusiurandum fœdusq; nunquam servarat. Cur igitur pacem quærit immanis & infidus hostis? Percupiscatus ex more esse intellexi, vt antequam certamen generale committant, hostes optione pacis petendos, ne ea prætermissa, Deum non propiciū sed iratū in tanto Marte sentirent. Itaque delusionem eius præscientes salutem nostram Deo commissimus; dies nostros dinumerantes in amaritudine cordis, & plenitudine, letanijs, sacrificio, thure, prece placandum Deum prædicabamus: ieiunia indiximus imperare nostris, vt solus Deus pugnare pro nobis dignaretur. Sed quid proderunt DEO missæ præces, si ex corde non sunt, si pollutæ manus habentur; si impia & inconfida corda consistunt; Iniquitates enim diuiserunt inter nos & Deū: Sabbata nostra, Kalendæ, incensum, sacrificia in abominationem versâ sunt: Et quem propiciū sperabamus habere Deum, habuimus scelerum nostrorum vltorem.

Pauci admodum & maiore numero ex Græcis imbelles, scuto, lancea, arcu, gladio, natura potius quam arte militabant; maiores galea, thorace, lorica, gladio, lancea: quidam in arcu & balista doctiores, sed propugnaculis impares numero agebant, quoad sciverant & poterant. Cadēbant Turci, qui audacius adhærebant. Sed quid si centum in die cecidissent, innumeri illi quanto cadere, tanto resurgere plures videbantur. Si vnus ex nostris cecidisset, tum præcipuē cordatus vir, centum perdidisse flebamus; Græci ad sex milia bellatorum non excedebant: Reliqui, siue Genueses, siue Veneti, cum his qui ex Pera clam ad præsidium accesserant vix summam trium millium æquabant. Sed quid agimus in ore leonis? quid frivola in ore vrsi? quid vnus contra mille? Etenim nostri vix vrbem ponto terraque obsessam circumvallatamq; quam octo & decem millia complētuntur, muniēbant.

Sed ô Græcorum impietatem, ô patriæ direptores, ô avaros: quos cum sæpenumero lachrymis profusus inops Imperator rogasset vt pro militibus conducendis pecuniā mutarent, iurabant se inopes, exhaustosque penuria temporum, quos posthac ditissimos hostis inuenit. A paucis nihilominus, quædam vltroea oblatio facta est. Cardinalis hercle omne studium habuit in ferenda ope, in formandis turribus & muro.

R 2

Quid

Quid autem Imperator perplexus agat ignorat; Consultit Barones; suadent non molestari cives angustia temporis; sed recurrendum ad sacra. Auferri igitur & conslari iussit ex sacris templis sancta Dei vasa: sicuti Romanos, pro necessitate temporis fecisse legimus; ex quæ eis pecuniam insigniri, darique militibus flossioribus constructoribusque, qui rem suam, non publicam attendentes, nisi ex denario convenissent, ad opus ire reculabāt. Angustia igitur afflicto Imperator, dispositis in propugnaculis militibus, quod potuit, antemurale solum urbis vallumque sat videbatur tutari posse. Bellum itaque, paucitate suorum diffidens, tolerat: & spem omnem in Iohanne præfecto Iustiniano reposuit. Bene quidem, si fata secundassent, juxta ergo se eodem capitaneo cum trecentis Commilitonibus Genuensibus posito, splendidis refulgentibus armis, delectis quidem coadiuvantibus Græcis aliquot strenuis, circa illam partem murorum sancti Romani reparatorum, ubi magis urgebat pugna, Imperator stetit. Mauritius inde Catanæus vir nobilis Genuensis præfectus, inter portam Dighi, id est fontis, usque ad auream, cum ducentis bahstarijs commixtis etiam Græcis, contra ligneum castrum, pellibus bouum contextum oppositum accuratè decertat. Paulus Troilus, Antonius de Bochiardis fratres, in loco arduo Miliandri, quæ urbs titubabat, ære proprio & armis, summa cum vigilantia, noctu dieque & spingardis horrendis, & balistis torceis viriliter pugnam sustinent: qui tanta animositate, nunc pedes, nunc eques, defendunt, ut Horatij Coclitis vires, repulsis hostibus æquare viderentur. Nam nec muri fracti concussione, nec machinarum turbine territi, æternam sibi memoriam vindicant.

Theodorus Charistino senex sed robustus Græcus in arcu doctissimus, Theophilusque Græcus nobilis Palæologus literis eruditus, & ambo Catholicæ, cum Iohanne Alemano ingenioso, Caligaream concussam reparant, protegentque. Contarenus inter Venetos clarissimus, & cum Contarenæo capitaneus, Auræ portæ & adjacentes turres usque omnia maris viriliter pondus sustinens, hostes impugnat. Græci proinde alij suis distributi propugnaculis, aciem, mare, terramque in urbis gyrum prosequuntur. Palatii imperialis cura Bailo Hieronymo Minotto Venetorum commissa est.

Cardinalis à consilio nunquam absens S. Demetrii regionem ad mare defensas Cathalanorum consul turrim ante Hippodromium tutabatur; versus orientalem plagam. Chiiluca curam portus totiusque maritimæ regionis invigilabat ad deferendum præsidium. Hieronymus Italianus, Leonardus de Langasco Genuensis cum multis socijs Chisloportam & turres quas Aveniadas vocant, impensis Cardinalis, reparatas spectabant.

Flamby

Flamines Monachique supra muros vndeque collocati pro salute patrię excubabāt. Gabriel Truifanus subtiliū galearū nobilis Venetus cordatissime à Turci Fani vsque ad imperialem portam ante sinum cum quadringentis Venetis egregijs decertabat. Grossarum vero galearum præfectus Andreas Dicio cum reliquis triremes potius pavidus, quam portam, custodiebat. Naves proinde armatae buccinis iugiter & vlulatibus Martem invitabant. Demetrius focer, Palæologo, Nicolausque Gudelli gener, præsidentes vt decurrant urbem, cum plerisque in succursum armatis reservantur. Taliter ergo pugnatoribus, siue ducibus, siue tyronibus ordinatis, expectabatur constituti Martis generalis insultus: quo sæpenu-mero territi Græci postes, nunc agris nunc vineis colendis, nunc voluptatibus laxati, ex industria declinabant. Fingebant quidem rei familiaris curam, etiam qui graves videbantur: Alij inopiam accusabant, quæ ad opus lucrandi gratia cogeantur. Quos cū absentes corripuissem, periculum non modo suum, sed omnium Christianorum allegans, respondebant: Quod nobis cum castro, si penuriam sustinet domus mea? ita quod magna vis erat reducendi ad muri custodiam. Ob hoc, paucitatem hostes captantes pugnantiū, audaces facti, viminis vasa, quæ in propugnaculis posuerūt nostri, demolito muro detrahebant. Quandoque itidem lapidem ingentem vallo ex resaltu collapsum, quem magna illa bombardæ muro iniecerat, cum rubore nostro, cum retiaculis extra ducunt, reprojiciuntque. Sed vbi custodes, vbi milites evagantes, vbi lapides, vt prohibeant vel repellant? O quam malum præsagium! Quid erit, inquam, quando velut torrens Tigris irruet exercitus? Ordo proinde ex hoc datus est vt panis per familias, &que distribueretur: ne illius curandi gratia, vt se excusabant, à castro recederent: neque famem potius populus, quam gladium, expaveret: Quam quidam humanum sanguinem sitientes, vel occultato frumento, vel aucto pretio prætendebant. Sed hæc iniquitas non fuit causa mali, sed ordinis confusio: severitas à Principe aberat: nec compescebantur verbere aut gladio, qui neglexissent obedientiam. Idcirco quispiam satis efferebatur voluptatibus blandimentisque, ex natura demulcebant iratum Imperatoris animum. delusus improbe à suis bonus ille dissimulare malebat iniurias. Interea capitaneus generalis Iohannes Iustinianus, totius fortunæ observator, vt præsensit proclamatione Turcum præsto daturum certamen, agebat confestim murorum, quos machina contriverat, reparationem: petiuitque sibi à Chirluca magno duce consulari communes urbis bombardas, quas contra hostes affigeret. Quas cum superbe denegasset: Quis me (capitaneus inquit) ô proditor, tenet, vt gladio non occumbas meo? Quæ ignominia indignatus, tum quod Latinus ei exprobrasset, remissus post rei bellicæ providentiam gessit: Græciq; iâ secretius

R 3 quod

quod Latinis salvandæ Urbis gloria dedita esset, odio se ferebant. At capitaneus, Iohannes Mauricij Catanzi præfæcti, Iohannes de Careto, Paulus Bochiardi, Iohannes de Fornarijs, Thomas de Salvaticis, Lodixij Gatilufij, Iohannes Illyrici, aliorumque Asiaticorum Græcorum consultu, acies munimenta que refecit. Cuius providentiam Turcus commendans, Quam vellem, inquit, penes me præfectum illum Iohannem honorandum. Magnis hercle donis auroque multo corrumpere illum studuit: cuius inflectere animum nunquam potuit. Operosa autem protegendæ vallum & antemurale nostris fuit cura: quod contra animû meum semper fuit: qui suadebã, in refugiû muros altos primos non deferendos: Qui si ob imbres negligentiamq; vel scissi, vel inermes propugnaculis essent, à primo dũ propositum guerræ intervenit, reparari potuissent, reparandi custodiendiq; erant: qui non deserti, præsidium urbi salutis contulissent. At quid dicâ? arguãne principem, quem semper præcipuo honore veneratus sum: cuius fidem erga Romanam Ecclesiam intellexi, nisi pusillanimitate vinceretur. an potius eos qui ex officio muros reficere debuissent? ô quorum animæ forte damnantur, Mâuelis Giagari dudum inopis, & Neophyti Hieromonachi Rhodij si audeo dicere, prædonum, non conservatorum Reipub. quibus veluti Reipub. tutoribus, aut ex avitis intestatisque bona relicta, muris asseribi debebant, priuatis potius commodis impendebant. Primus viginti propè millium florenorum servus proditiõis Monachus, quos post hæc reconditos vna septuaginta millium gazam relinquunt Turcis: Idcirco urbs prædonum incuria in tanta tempestate periit. At cum omnia Græcorû inepta opera reprehendantur, non mirum si hoc illustre sanctis imperatoribus institutum monumentum egregium Reiq; publicæ tutamentum, esca prædonibus fuit: quam postea serò si reparare voluerunt, duo defuerunt, res & tempus: quæ poterant, si guerram intendebant, opportunius & importunius extorquere: sed innata non sinebat procrastinationis ineptia. Omnem ergo spem in fossatis & antemurali posuerunt: quibus tandem perditis, ad altissimum desertum murum coangustatis, habilitas non fuit. Prudentius Hebræi, qui perduto vno muro, deinde ad secundum, tum ad tertium se contulerunt: quibus annis quatuor Vespasiani atque Titi obsidionem tulerant. Vox inter hæc ex castris exploratorum relatu fit, quod triremes navesque aliquot in subsidium ab Italia mitterentur: Et Iohannes Pannonum dux exercitus, Blancus vulgo nuncupatus, ad Danubium contra Turcæ congressurus adventasset: qua concitatus exercitus discinditur. Cur, inquiunt, tanta mora periclitatur exercitus frustra contra muros pugnaturi? adversus regem Turci clamant. Etenim quanquam maximus numerus esset, quanquam infinitis sagittis machinassent urbem, utpote ad muros invadendos timidi, vix cordes, victoriam diffidebant.

Calilba-

Calilbascia enim regis vetustior consularis Baro, gravitate, consilio, rerumq; bellicarum experientia pollens, Christianis favens, regi semper dissuaserat, ne urbem Constantinopolis molestaret: cò q̃ fortitudine providetiaq; non tam Græcorum, quam Latinorum munita, inexpugnabilis erat: proavorum patrisq; guerras annis multis tolerasset. Quodq; peius, quia ei iniuria lacerasti omnes Christianorum reges, principesq; ad eandem tuendam facile provocarentur. Tu ergo Rex (inquit) pacem da tuis: noli Genuenses Venetosq; vicinos, qui tuis semper proderunt, hostes reddere, iramq; Christianorum adversus gentem tuam provocare. Maxima est potentia tua: quam pace maiorem facis, quam guerra. Finis .n. belli varius est: quem adversitas sæpenumero magis, quam prosperitas, comitatur. Zaganus iunior, secundus consularis Baro, Christianorum hostis, tum præcipuè Calilbasciæ æmulator, maximam esse regis sui potentiam, adversum quæ nulla gēs possit, suasit contra Græcos guerram, potentiam exiguam habentes: quorum mænijs machinis collidendis exercitus innumerofitate & diutina fatigatione, qui nec ex Italis expectassent præsidium, faciliter expugnandos. Nec voce illa revocandum esse regis animum, quæ conficta fuisset: Genuenses scissi, Veneti oppressi ab duce Mediolani, nullum daturi sunt præsidium. Thuracan Thracialis militiæ princeps, Calilbasciæ commendare propositum non audens, ad guerram regem animavit. Eunuchus Tertius consularis Baro dicta confirmat. Iuniores igitur belli duces: ô rex, inquit, quis peremptor, gentilitatis nostræ timiditatem nobis incutit? Decet invictissimum principem nostrum res magnas & cogitare, & aggredi, & quemcunque eventum permagnifice ferre. Zaganus proinde ut vidit multitudinē bene dispositam: Da, inquit, bellum, Rex: quoniam dijs faventibus, victoria gloriam consequeris. His itaque verbis animosior factus Rex, Fortunam (inquit) tentare licebit. An Macedonis potentia, mea maior fuit, cui orbis minore cum exercitu paruit? Quis aut genitor meus, aut avus, aut proavus, tanta potestate, tantis machinis, ut ego, urbem hanc oppressit? Constitue Zagane diem belli, compone exercitum: Peram, ne subsidium hostibus conferat, circumvalla: & quæ ad militiam spectant, omni cum maturitate dispone.

Itaque ut Calilbascia senior consularis complacuisse regi Zagani æmulatoris sui consilium intellexit, diffinitumque esse certamen, clam internuncijs admodum fidiſſimis, ut amicus, Imperatori cuncta denunciat: hortaturque ut non expaveſcat temulentissimi adoleſcentis insaniam; nec terreiminis eorum qui magis timuiſſent: nec indoctiore multitudine commoveri: custodes sint vigiles & pugnam perſeverantes expectet. Frequentes enim Epistolæ ad Imperatorem ex Calilbascia portabantur. Ergo proclamatum est in caſtris edicto, ut quarto Kalendis Maij, die videlicet



delicet Martis, prævijs diebus tribus, quibus luminaria DEO accendant, DEVM invocent; integra die abstineant, parati sint omnes ad prælium: daturi Christianis generale certamen: altissimaque voce præcones voluntate regis urbem triduo ad saccum esse bellatoribus donatam. Iuratque Rex per immortalem Deum, perque quatuor millia prophetarum, per Mahometum, per animam patris, per liberos, perque ensen quo cingitur omnem depopulationem, omneque hominum utriusque sexus genus, omnemque pariter urbis thesaurum atque substantiam, libere bellatoribus donatam: nulloque pacto, quæ iurat, violare. O si audivisses voces ad cælum elatas (*Illala, illala, Mahomet Russolalla, scilicet quod DEVS est & semper eris, & Mahometus est seruum eius*) vehementer obstupuisses. Sicque factum est triduo: luminaria DEO accendant; ieiunant die nihil usque ad noctem gustantes: invicem congaudentes, invicem convivantes, se ipsos quasi ad inferos die certaminis abituri, osculis resalutant: Nos tantam religionem admirati, DEVM propitiatorē, p̄fusus lahrymis precabamur, sacras imagines, processionaliter compuncti, per vallum urbemque transferentes, nudis pedibus: mulierum virorumque turbis consequentibus deprecabamur, cum pœnitudine cordis: ne hæreditatem suam Dominus demoliri permetteret: & quod dignaretur fidelibus nostris in tanto certamine porrigere dextram: qui solus DEVS, & non alius pro Christianis pugnare potuisset. Itaque nostram spem totam in DEO ponentes, constitutum certaminis diem confortati vigorosius expectabamus: propter quod ascitis Senatu, Baronibus, belli capitaneis & commilitonibus ab Imperatore universis, sermo talis habitus est: Quoniam, viri nobiles, militum illustres duces, vosque commilitones Christianissimi; appropinquantem certaminis horam conspiciamus, constituēdos vos hoc in loco proposui: ut plane si quidem intelligatis constantiam vestram magis ac magis firmandam, ut pote qui gloriose semper adversus hostes Christi dimicastis: iam patriam urbemque toto orbe perinclitam quam infidus Turcus duos & quinquaginta dies coangustavit, vestris altis spiritibus commissam habeatis. Neque vos muri, mole ingentis lapidis ab hoste contriti exterream: quoniam tota vis in Dei præsidio, in lacertisque vestris vibratis excussisque gladijs in hostes exercenda est. Scio indoctam illam multitudinem ex more magnis congressuram ululatibus, infinitisque à longe sagittis: non personas nostras, quas iam strenue armatas conspicio, sed murum, thoraces ac scuta nostra impetere. Neque enim more equorum quos Pœni dum Romanos adversus decertarēt, per Elephantorum invisam horribilitatem deterrere voluerunt, ululatibus eorundem, hac in pugna consternandi estis, aut fugandi, quin potius animandi hercule constantius. Bestiæ enim si fugantur a bestiis; vos qui homines estis magnanimi, bestias illas viriliter su-

ter sustinentes, in eosq; veluti agrestes apros lanceas mucroneq;ue vestros transfigetis, vt intelligant, cum animalium dominis, non cum animalibus, eos bellaturos. Cognoscitis, quod impius & infidus hostis pacem nostram iniuste perturbavit: iusiurandum & fœdus inter nos exactum violavit: colonos nostros messis tempore interfecit; Coloniam depopulavit: Castrum, quod quasi ad vorandum Christianos sit, Propontide ædificavit: Galatamq; simulatione pacis circumdedit. Minatur nunc Constantinum Magni urbem, patriam vestram, profugum Christianorum auxilium, & omnium Græcorum tutamentum capere: & sacra Dei templa equinis stabulis profanare.

O Barones mei, ô fratres, ô filij, Christianorum æternum decus defendere curetis. Vosque Genuenses, viri quidem magni cordis, & inclyti, qui infinitis victorijs triumphatis, qui urbem hanc matrem vestram multis adversus Turcos certaminibus semper protexistis, eia agite, robur vestrum animositatemq; contra eos viriliter ostendatis. Veneti, viri quidem potentissimi, quorum gladio sæpenumero Turcorum sanguis effunditur, quique diebus nostris per Plordano excellentissimum classis nostræ præfectum, tot galeas, tot infidorum animas ad inferos crebro destinatis, quique vti vestram hanc urbem ingenuis & magnis viris decorastis: extollatis nunc celsos animos ad certamen: Vosque commilitones vestris præfectis omnem obedientiam exhibentes, intelligite, quod hic dies est gloriæ vestræ: in quo si sanguinis guttam fuderitis: coronam vobis martyrij & gloriam parabitis immortalem. Itaque finito sermone omnis Christianorum cætus cōstantem se animum habere spondit. Repetit Imperator: Estote igitur omnes in actu virtute parati in crastinum quo DEO favente, vti speramus, victoriam consequemur. Confortati posthac Græci qui primum quasi pavidum bellum declinabant, virtuteque confirmati, privatis post terga dimissis rebus ad certamen, communis salutis eventum, constanter alacriterque conspirant: suisque per Capitaneos, duces, tribunos, cæturiones, decarios, propugnaculis ordinatis, nocte ea quæ Martem præcedebat, maximis excubijs infra vallum, valvis urbis. ne quisquam retro cederet, clausis, pernoctarunt. Audiunt igitur parari machinas, vehi castratas bigas: Vallis scalas rotatas ad moveri. Classis inter hæc, vt circumdet portum & urbem, disponitur. Pons iuxta urbis ripam applicatur: omniaq; machinamenta instantius præparantur: præpositisque minus robustis minus doctis, vt dum lux venerit robustiores milites sint recentes. Certamen inchoant: nostri magna cum animositate resistunt: hostes machinis & balistis repellunt: & ex vtraque parte proportionabiliter occiduntur. Tenebrosa nox in lucem trahitur, nostris vincentibus. Et dum astra cedunt, dum Phæbi præcedit Lucifer ortum; buccinis ex vtraque crepantibus.

S

bus-

bus parte, tympanis perstreptentibus, altissimis clamoribus missis, Illala, Illala, in Martem conclamans, conglobatus in gyrum confurgit exercitus. Vna ergo hora omnem terra & mari urbem invadunt. Machinas primum excutiunt: sagittas cælum obscurantes immittunt. Contra nostri missilia invisa demittunt: Spingardas in globum jaciunt. Scinditur exercitus horribili Christianorum resistentia. Tunc fiunt clamores in cælum: vexilla alacrius expanduntur: O mirandas bestias! consumitur exercitus, & immensurata audacia vallum intrare præsumit. Cadunt lapidibus obruti Turci, morti multi succumbunt: Et se inuicem conculcantes tentant per ruinam muros scandere. A nostris quidem strenue repelluntur: sed vulnerati nostri multi, pugnam declinant. Stat Capitaneus Iohannes: stant cæteri in suis propugnaculis. Duces succurrunt urbis Capitanæo deputati.

Imperator eia, inquit, viri fortes! iam laxatur exercitus hostium: corona victoriæ nobis utique datur. DEVS nobiscum est; agite constantem pugnam. Inter hæc malo urbis fato (heu!) Iohannes Iustinianus sagitta sub axilla configitur: qui mox inexpertus iuvenis, sui sanguinis effusione pavidus, perdendæ vitæ metu concutitur: & ne pugnatores, qui vulneratum ignorabant, virtute frangantur, clam medicum quæsiturus ab acie discessit.

Qui si alium suo loco surrogasset, salus patriæ non periisset. pugnam inter hæc arduam committunt. Imperator, ut vi sit decesse Capitanæum, ingemiscens, quò scilicet ierit, percunctatur. Nostri ut se vident sine duce, resilire à locis incipiunt. Turci convalescunt: horror nostris incutitur. Desiderio enim cuncti desiderabant ex periculoso illo loco scire quid contigisset. Quod præfectorum, qui singula quæ sinistra, vel prospera evenissent, nunciare debebant, negligentia prætermisum est: Terrebaturnq; acerbum illud bellum, magno cum silentio his qui longè stetissent. Fatigabantur igitur nostri plurimum: & quem reparaverunt Bachatu cum murum: hostium compressione paulisper deserunt. Quo inspecto (Dij iudicant) Turci propter repletionem, quam ruina collapsa fecerat, equo calle posse transire: irruendum igitur est, inquit: & veluti impetuofus turbo, vno impulsu muros ascendunt; mox manibus vexilla figentes hilaritate pleni clamant victoriam, gladio pugnant: & quo ad possunt, omni cum virtute nostros vel exterminare, vel subijcere moliantur. At Imperator infelix, ut vidit Capitanæum desperatum: Heu memiserum inquit: peritne urbs? O infortunatam sortem! siste precor Capitanæe. Nam tua fuga alios incitat ad fugiendum. Non est mortale vulnus: patere dolorem; & siste viriliter, ut spondidisti.

At ille salutis, gloriæ, sui que oblitus, uti altam quidem primò magna-

gnanimitatem ita posthac pusillanimitatem ostēdit. Debuisset enim, si poterat vulnere dolore sufferre, non recedere: si vir erat à seipso: vel saltem alium, qui stetisset, loco sui surrogare.

Franguntur ex hoc omnium commilitonum animi, hebetantur vires, & Capitaneum fugientem, ne pereant, insequuntur. Da clientulo, inquit Capitaneus, clavem portæ: quam mox referatam satagunt magnam cum compressione trāsire: Refugit Capitaneus in Peram, qui post Chium navigans, ex vulnere vel tristitia inglorium transitum fecit. Imperator insuper, ne ab hostibus capiatur: O quispiam, inquit, valens Tyro propter DEVM, ne Maiestas vasis viris succumbat, meo gladio me transfigat. Inter hæc Theophilus Palæologus vir catholicus, iā p̄dita vrbe me (inquit) vivere non licet: Turcorumque pondus aliquandiu sustinens, & decertans, securi discinditur. Ita Iohannes Sclavus Illyricus, veluti Hercules se opponens, multos prius mactat: deinde gladio finivit vitam hostili. Se invicem post nostri, vt portam ingrediantur, vita oppressi pereunt. Quibus innixus Imperator cadens atque resurgens, relabitur: & compressione princeps patriæ à vita demigrat. Perierunt igitur ex nostris & Latinis & Græcis se invicem conculcantibus in portæ exitu circiter octingenti. Inde Turci altum murum decurrentes, ex alto, quos possunt lapidant: Cuneusque vnus vocibus per antemurale descendens, in fugam omnes nostros compellit. Rumorem iacturamque ex fugientibus audientes Paulus Troilusque Bochiardi, viri Latini, vr̄bis cives cum aliquot Græcis strenuis Latinisque equis insidentes, ob invidos evadunt hostes: forte maiorem numerum, quam essent, autumantes, terga vertunt. Paulus in Turcum vr̄get equum: lanceaque vnum transfodiens, ceteros in fugam vertit: Et ne ex alto lapidibus obruantur, ad Troilum: Heu! periit inquit, civitas, nosque facile ab hostium multitudine circumdati, spem vitæ perdemus. Et sicut securi Paulus in vertice, fuso cruore cum fratre post redemptionem ad Galatam confugit. O rem mirabilem! ô stuporem! Necdum Phæbus orbis perlustrat hemisphærium: & tota vr̄bs à paganis in prædam occupatur. Concite igitur omnes pedites decurrunt, quosque resistentes gladio feriunt, imbecilles, decrepitos, leprosos atque infirmos trucidant: Obloquentibus vitam parcunt. Sanctissime Sophiæ admirandum templum quod nec Salomonis æquat, profani atq; intidi ingredienti, nullam sacris aris reverentiam neque sanctis imaginibus habent: quin potius exterminant: oculos sanctorum suffodiunt: Sanctorum quoque reliquias vel dilacerant, vel dispergunt sacrilegæ manus, mox sancta Dei vasa vsurpant, argentum aurumq; tā sanctorum imaginum, quam mulierum, sacculis infarciunt. Fit clamor & ululatus ad cælum: & omnis sexus, homo omnis, omne aurum, omne æs, omnis supellex, omnisq; vr̄bis substantia in prædā vertitur.

S 2. Securi.

Securibus scrinia scindunt: fundos fodiunt pro thesauris: qui reperiuntur, & novi, & veteres: ut nulla sit urbs seculo qui tantis affluat: & omnes absconditi in manus eorum pervenerunt. O Græci iam miseri & miserabiles, qui inopiam fingebatis! Ecce iam in lucem venerunt thesauri, quos pro urbis subsidio denegastis. Triduo igitur in prædam decursam civitatem depopulatamque regis Turcorum ditioni dicati ad modum relinquunt. Traducitur ad papiliones omnis substantia & præda: vinctique omnes ad sexaginta millia funibus Christiani captivantur: Cruces ex templorum apicibus parietibusque evulsæ pedibus conculcantur: violantur mulieres: virgines deflorantur: mares iuvenes in turpitudinem maculantur: Sanctimonialia reliquæ, etiam quæ apparentes fuerunt, luxu fædantur. O Deus meus, quam iratus videris! quam immisericorditer facies à fidelibus avertisti! Quid dicam? Silebo aut narrabo in Salvatorem & sanctas imagines illatas contumelias? parce mihi Domine, si tam fædum scelus enarro. ô confusionem Christianorum, si Christi Dei iniurias vindicare retardent! Sacras Dei scilicet sanctorum effigies humo prosternunt: quibus super, non modo erapulam, sed luxuriam complent. Crucifixum posthac per castra prævijs tympanis deludendo deportant: sputis, blasphemijs, opprobrijs iterum processionam liter crucifigunt: pileum Turcicum quod Zarchula vocant, capiti superponentes, deridendo: Hic est D<sup>e</sup>us Christianorum. O Dei patientiam! bene videris iratus bone Iesu: ut pro peccatis nostris tantas iniurias iterum toleres indignissimus. Parta autem victoria, Turci Bacchanalia festosque dies celebrant: quibus Rex forte temulentior factus sanguinem Bacho misceri voluit humanum. Vocatis igitur ad se Chirluca cæterisque Baronibus consularibus reprehensis, quod non fuassent Imperatori, vel pacem petendam, vel dandam suæ ditioni urbem: Chirluca, qui cogitaverat eius gratiam captare, adversus Perenses Venetosque quæ arma, milites consiliumque dedissent, culpam retorquere curavit: quorum gratia Imperator resistentiam fecisset: volensque ille miser, qui semper gloriam mendacijs & schismate captare concupiuit, Calibasciam vetustiore, loco & prudentia primum Turci Baronem amicum admodum Græcis, quod erebris literis ad Imperatorem missus animus detraxit: utque fortis stare, accusavit: epistolasque servatas in fide Regi præsentavit. Quibus oppidum commotum, nocturnam terram Peræ, nescio nisi Deo revocante, & demoliri & trucidare disposuit. Calibasciam ex hoc primum vinctum mancipari turri: deinde omni auro & substantia privari: posthac in Adrianopolim translatum, vita privari iussit: Cuius mortem lamento flebili ægrè totus exercitus tulit. At Chirluca malitia pœnam non evasit: qui protinus perditis, primum in bello duobus liberis maioribus, alio impubere, luxui regali reservato, coramque oculis tertio filio cæso, cum

so cum cæteris Baronibus decollatur. Bailum itidem Venetorum, reliquosque delectos nobiles, & filium gladio extingui iubet: Consulemque Caracensem, cum duobus: pariter etiam Catharinum Contarenũ, virum humanissimum, cum sex nobilibus Venetis, iam primum redemptis contra omnium fidem, nisi septem milibus aureorum vitam emissent, morte utique affecisset. Expletis autem Bacchanalibus, concessa licentia, traditis in captivitatem Græcis, fortè patriam non visuris, in suas regiones Turci revertuntur. O miseros & miserabiles Græcos, qui Latinos prohibere, ne sacra contrectarent, vel aris libarent suis quas iam profanis & collimosis dederint: & qui vnionem fidei contemperunt, iam quoque dispersi in vnum peccati pœna conuenire non possunt. Hæc præcogita, Pater beatissime: qui vices Christi geris in terris: cuius interest tantas Christi iniurias & fidelium vlcersci. Igitur moveat te divina pietas: & miserere Christianitatis tuæ: qui scis & potes: cui ad nutum omnes Christiani principes vindicaturi Christianorum iniurias faciliè obtemperabunt. Alias scito in tantam iam superlatum Pompam: vt non erubescat dicere, sinum Adriaticum penetrare, Romamque se venire velle. Moveat igitur te iterum, Pater beatissime, fides Petri. moveat Christi inconfutis amicus, sponsa, & mucro perdati, delaceratæ Sanctorum reliquæ, ædes sacræ eversæ, & profanata Perquilinij Dei templa.

Sed vide connexam pariter iacturæ tempestatem: vt Perenses dum urbem captam vident, in fugam quasi amentes vertantur. Fiunt ex ipsis qui nondum naves ascenderant Turcorum ad ripam incurstantibus, fustis in prædam: captiuantur matres liberis relictis & econtra. Alij quoque compressi merguntur: gemmæ sparguntur: & in vicem se ipsos sine pietate prædantur: vt verum sit, quod fugit impius, nemine persequente. Quid dicam? ô potestas Perz! ô prauum & insulsum tuorum Consilium.

Oratores terrore concussi à Perensibus Regi vt claves offerant, mittuntur. Ille periucundè intelligens, quod potestatem non habeant, suscipit, in seruosque fæderatos acceptat. Constituit Turcum rectorem: proscribit fisco omnium perfugorum substantiam: Turres murumque civitatis dirui iubet: obtemperant, & se, vt salvi sint, ei, neglecto Genuz mandato, mancipant: Turremq;, in cuius acumine Christi signũ crucis, à quo & denominabatur, vsque ad fundamenta evertit: Sicque qui liberierant, pacemque tenebant, iam servi sunt non sine pœnitundine: à qua vix vnquam liberari poterunt, nisi à te Pontifice summo: Quem vt DEVS animet ad vindictam, oramus fidentius, supplicesque precesur. Datum ex Chio. XVI Augusti, MCDLIII.

ALPHONSVS REX ARAGONVM *Sacro Cardinalium Collegio.*

**R**everendissimi in Christo Patres & Domini, amici singulares: Post memoriam nostram nihil profecto cecidisse recordamur; quod nos ad eò commoverit, aut tantam indignationem animo iniecerit; quantam Constantinopolitanæ urbis casus, & Græcorum miserranda atque inaudita calamitas. Neque vero ob id solum indignamur: quòd Græciam, quæ magna pars est Christianæ gentis, amissa libertate oppressam, ac in manum & servitutem infidelium per Christianorum negligentiam redactam, & Christiano corpore distra tam atq; discissum videmus. (Quamquam est id gravissimum, quod & omnium mentes atque animos magnopere commovere atque excitare in ultionem debet) sed etiam quia turpissimam & indignissimam notam nomini Christiano ob eam rem inultam cognoscimus; & quæ vix unquam ullis consilijs, periculis aut laboribus aboleri posse videatur. Quid enim tam indecens, tam turpe, tam pudendum Christianis, quàm pati Christianos à barbaris opprimi, & acerbissimo servitutis iugo subijci, fidem quæ nostram labefactari atq; funditus everti? Pro qua tuenda atque conservanda dubitare debet nemo, qui Christianus sit, mortem impigrè oppetere. Sed hæc communis culpa sit. Dum enim alij alios intuemur, ante Constantinopolis calamitatem; si quis in eius defensionem arma capiat, & obistere inturix conetur; illa civitas interim capta est; & illa omnis Græcia concidit. Capite enim confracto, & cætera membra cassata sunt. Cum autem quotidie intelligamus ex multorum sermonibus ac literis; ipsum Turcum principem in eam insolentiam ac furorem proVectum esse, ob res secundas, quæ solent animos extollere, atque inflammare; eumque non contentum Græciæ captivitate, cæteris Christianis arma inferre: atque è Græciæ claustris in Italiam velle erumpere, Imperium orbis terrarum sibi promittentem, & Christianam fidem evertere molientem; Institui mus animo, illius furori pro virtutibus nostris obistere; conatusque eius nefarios, quantum in nobis fuerit, reprimere atque refringere: Sperantes, Christo Deo nostro autore & fauore, pro cuius fide defendenda hanc expeditionem gloriosam suscepturi sumus, ut & alij principes ac populi Christiani una nobiscum ad salutem sacrosanctæ Romanæ Ecclesiæ exemplo nostro excitentur; ac fore ut illum atrocissimum fidei hostem non solum vlciscamur, & intra Græciæ terminos cohibeamus; sed etiam recuperata omni Græcia ipsum è tota Europa depellamus; ac ne in Asia quidè sua quietum esse sinamus. Quæ cum ita sint, Reverendis. Patern. vestrâ oratam esse volumus; primum ut vos ipsi, qui fidei Christianæ duces estis, in eam tuendâ & conservandam omnes vires ac studia vestra conferatis; nec eam ruere patiamini, cuius protectores accerrimi meritò esse debeatis; ut alijs exemplo sitis qui ad vos oculos referunt, & quicquid agitis, intuentur,

cum

cū ad vos primum, qui estis religionis capita, acceptam iniuriam & cladem hanc pertinere existiment. Deinde vt cunctos populos principes & reges Christianos per Legatos & literas, quoad fieri possit, exhortemini atq; excitetis, vt & ipsi vestro nostroq; nomine hoc & necessariū & gloriosum bellū suscipiant, & p eo gerendo, quas possint, copias, classes, arma & comeat<sup>us</sup> parēt. Si pro fide nostra tuēda, in qua est salus nostra repōita, nō depugnemus, pro qua dimicare sustinebimus? Si feramus iniurias Christo Deo nostro factas, cuius ille imagines delevit: sanctorū ac martyrum statuis everfis, reliquijs luto provolutis; sacris virginib<sup>us</sup> incestatis: filiabus ē cōplexu parentū ad stuprū raptis: parentibus ipsis crudelissimē necatis: si has (inquā) feramus, cui<sup>us</sup> tandē iniurias vlciscemur? si religionē nostrā per negligentia ruerē patimur, vt omittam<sup>us</sup> ignominias, vincula, cēdes, quę Christianis impendēt, quidnā sperare ampli<sup>us</sup> de animarū salute possumus? Multis sanē ac summis principibus (vt Constantinū & Iustinianū omittamus) tū domus nostrę, quę barbarorū semp oppugnatrice fuit, tum aliarū nationū ac gentium, maximo honori ac glorię fuisse scimus, Christianū nomen auxisse ac diffudisse. Quandō igitur nobis omnibus honestius & gloriosius fiet, illud à ruina & manifesto interitu vindicasse? Quod si nulli nobis adiutores fuerint ad tantā iniuriā vindicandā, malūq; propulsandū: q̄ existimare non possumus: nos tamen propositū nostrū exequi contēdemus, sperātes in Christo Deo nostro rē prospere succēssurā: In qua etsi mori cōtigerit, læto & cōstātī animo moriemur. Datum in castro nostro Neapolis, 1. Aprilis. Anno LIIII.

ANONYMVS M. GOTSCHALCO DE Mēschede Theologo.

**C**Vpis à me, vir insignis, & vt verius multorum iudicio dicam, doctissime, ruinam Constantinopolitanę vrbis, quę ab alijs longiusculē descripta est, brevi sermone lucidaq; oratione perstringi. Quod etsi recusare statuerā, ppositūq; mihi esset, ob ieiunas ingenij vires calamū nō movere, malui tñ de mea sentētia deijci, q̄ amicitia vestrę iacturā in me fieri; cū pro iure tuo in me quiduis impetrare possis. Gerā igitur tibi morē, atq; volūtati<sup>us</sup> obsequar: tu nūc quod cupis, accipe. Excit<sup>us</sup> in furorē De<sup>us</sup>, peccatis nostris exigētib<sup>us</sup>, misit Turcorū Regē potētissimū, q̄ merito Flagellū Ecclesię sanctę Catholice, atq; Christianorū oīū, appellari poterit. Hic cū sit adolescēs audax, ambitiosus, turbulēt<sup>us</sup>, Chresticolarūq; hostis severissim<sup>us</sup>; in Christianos toto mētis ardore furere cepit, neq; finib. regni sui cōtēt<sup>us</sup>, finitima & circūvicina loca Christianorū occupare n̄sus est. Hic itaq; Turcorū Rex Christiani nominis capitalis hostis, Cōstātinopolin urbē potētissimā in suam ditionē subiugare satagebat: quod quia fraudib. dolis, insidijs & proditiōnib. vt antea tētauerat, nō poterat explere: cepit occupare eā vi armatorū atq; potētia militū. Aggressus igitur Cōstātinopolin cū trecētis & ultra millibus pugnatorū, p militię magistros circūquaq; dispositi sūt in castra & pāssiones, vt tutius & commodius se servarent.

Horum



Horum maior numerus equestris erat: pedites alij, qui magis pugnabant. Horum multi Christiani quondam, & Christianorum filij fuerunt; sed religione mutata, retrorsum conversi sunt. Primum itaque ut urbem aggressi sunt; captatur per eos urbis situs; disponuntur machinæ, locantur bombardæ, prout congruebat; virgulta contextuntur ad modum craticularum; quibus pugnantes tegerentur, & in quæ tuto se recipere. In his struendis tanta eis promittitudo fuit & alacritas; ut quisque belli dux admiratus fuisset, tantam in rebus bellicis apud eos esse providentiam. Cum verò primò urbem bombardis peterent: ea quæ maior erat, confRACTA est; quam vix centum quinquaginta iuga bouum vehabant. Inde statim multo maiorem Rex consilari iussit; quæ tamen ad perfectionem non est perdirecta: alijs verò mediocribus multisq; & innumeris machinis collidere urbem, & confringere muros tentabant. At contra nostri, qui urbem tuebantur, non minus alacres contra hostes machinamenta paraverunt: miseruntque in hostes tela, quæ tamen parè lædebant: hostes enim tuti in suis latibulis vix tangi poterant. Interdum bombardæ, ex urbis muro turribusque emissæ, tam tentoria, quàm ipsos homines, conterendo exterminabant. Sic vicissim cadunt tam nostri, quàm Turci. Aliquando etiam congregiendi ad manus concertabant; sicque in dubio certamine nostri & vincunt, & vincuntur: maior tamen victoriæ gloria nostris dabatur: eo quòd intrepidi egrediebantur, quasi mortem optassent: Turci verò pauidi & metu concussi visi sunt decertare. Interea muri urbis ictibus bombardarum machinarumque collisi & disrupti sunt. Sed ingenio cuiusdam Iohannis Longi Ianuensis, de Iustinianorum prosapia, qui cum CCC. armatis mare decursitans, in subsidium urbi venit, mira strenuitate reparati sunt: nam vasa vinaria humo repleta in eam partem, qua murus erat confRACTUS, reponebant. Quare Turcus videns se deludi, parumque sic proficere: iubet minerarum fossores atque magistros accersi: qui subterraneos meatus & vias occultas clàm pararent, sicque urbem furari cogitabat. Actum est per fossores, ut lignea instrumenta adveherent: atque solertia tentant fundamenta suffodere. Sed opus hoc detectum est industria & sagacitate Alemanni cuiusdam Iohannis Grandis ingeniosi militis, & rerum bellicarum doctissimi, qui & Centurio à Iohanne Iustiniano, militiæ duce, conductus erat. Sicque repulsi igne & sulphure hostes è latebris & vijs subterraneis, spe & opinione sua sunt frustrati. componebant proinde tures lignearum humo plenas, pellibus bouum circumtectas; ex quibus in fossata urbis terram & quisquilias immittebant, ut fossatis repletis, facilis pateret ingressus. Contextebant præterea crates innumeras ex virgulis, quibus se tegerent; struebant carros oblongos, scalas rotatas, currus castellatos, multaque alia machinamenta, quæ vix Romani adversus Pæ-

nos construxissent. Postquam verò Rex murum reparatum vidit, ad alium locum dimoveri bombardam iubet, vt peteret turrim, quæ Baſtatinea vocatur, iuxta S. Romani portam. Lapis ex ea miſſus, qui æſtimatione erat mille trecentarum librarum, turrim hanc collidit; collisam concutit; concuſſam exterminat, ita vt rurna eius foſſatum repletet, æquaretque; & quaſi via hoſtibus, qua decurrere poſſent, parata eſſet. Sed hic eodem ingenio, quo priùs, reparatio facta. Quod niſi actum fuiſſet, ſine dubio hoſtes impetu urbem intraiſſent. Itaque poſtquam Turcus iterum reſtauratum murum vidit, qui prius ita demolitus erat: Non Græcorum (inquit) hoc ſed Francorum ingenium eſt: vt tanta reſiſtentia fiat, quos nec ſagittæ innumeræ, nec machinæ deterrent. Interea fatigati noſtri de præſidio diffidebant. Nam non ex Ianua, neque ex Venetijs ſubſidium mittebatur: ſed ſola ſpes ex Deo erat; quem contra Græcos infidelitas, irreligio, magnæque crimina potiùs irritabant. Continuatur itaque obſidionis tempeſtas; venit interea contra urbem diſpoſita claiſis ex diuerſis Aſiæ, Thraciæ, Ponti; littoribus, in qua triremes ſedecim, biremes ſexaginta & reliquæ cymbæ & barculæ, plenæ ſagittarijs, vehabantur: quæ tamen portum ingredi non valebant. Cinctus enim erat catena, atque munitus navibus roſtratis Ianueniſum ſeptem & Creteniſum tribus: & cum proximare non audent, longè à portu ad ſtadia centum anchoras figunt: Interdum mare ſulcantes, ligna, lapides, aliaque machinamenta caſtris opportuna deferabant. Cumque iam Turcus tribus in locis muros diſcuſſiſſet, ſed aditus ad portum impoſſibilis ſibi eſſet; cogitavit rem miræ novitatis, ſuggeſtione cuiuſdam Chriſtiani; vt videlicet naves quinquaginta, quas biremes vocant, ex ripa ad terram traherentur; poſt ex colle in ſummitatem, de qua ruſus in declive inter mare vehabantur. Sicque mirabili ingenio & incredibili artificio trahebant naves per terram ad ſtadia LXX. Ita noſtri magis terriſti, cogitabant eos igne aut lapidibus exterminare. Sed nec hoc profuit: nam machinis fuerant vndique tutatæ. Sic iam quaſi perduto portu, neceſſe fuit, vt noſtri maritimos cuſtodirent muros. Aliud etiam evenit, quod magis noſtros terruit. Conſtruxit pontem longitudinis ſtadiorum circiter triginta, ex ripa vrbi oppoſita, ex valis vinarijs colligatis, ſub conſtructis connexisque lignis, quo exercitus ad murum decurreret. Nihil ergo noſtris agendum reſtabat; niſi vt catenam navesque in portu tuerentur; quæ tranſitum & ingreſſum claiſis prohibebant. Interea ex Chio in Chriſtianorum ſubſidium tres Ianueniſes naves, armis, militibus frumentoque reſertæ, mare decurrebant; item alia navis Imperatoris, quæ frumento onuſta ex Sicilia veniebat. Quas cum Turci vidiffent, qui in claſſe excubabant, ſtatim tympanis ſtrepentibus, tubisque ſonantibus, invadunt; ſingentes primum Imperatoris navem ſeſe aggredi velle.

T Turco

Turcorum Rex ab alia parte in colle expectans eventum, prospicit. Fiunt tunc celsi clamores, triremes maiores navibus hærent, invadunt imperialem, sed protectio à nostris audacius aggreditur: certamen incunt; ignem machinis iniiciunt, sagittas emittunt: sic atrox pugna committitur. Naves aliæ tres, quæ Ianuensium erant, gubernatore eorum imperante, repugnant, atque arduam pugnam persequuntur. In qua in Turcorum classem à summitate navium infiniti lapides demittuntur. Tuetur se egregiè Imperatoris navis: bombardæ perstrepunt: fit ululatus in cælum: confranguntur Galearum remi: Turci sine intermissione lauciantur. Rex Turcus, qui ex colle circumspicit, classi blasphematur: urget equum in saltum, vestimenta cum furore conscindit: Ingemiscunt pagani, & totus exercitus afflicatur.

Quid vstra bellum recenseatur? invalescit pugna: tantis classis telis lapidibusque obruitur: ut omnino Turci succumberent. Exploratorum relatu didicimus, decem propè millia ex eis cecidisse. Alij gladijs perempti & sagittis & machinis: alij vulneribus confossi, miseras animas efflarunt. Nostræ verò naves non læsæ, nec vno homine perdito: aliquot tamen vulneratis, noctu cum iucunditate portum intrant. Interea crescente timore & angustia, consultum est, tentandum esse, si aliquo modo intromissas hostium naves vrere nostri possint. Quod attentatum clanculo vna dierum ante lucem. Nam dispositæ sunt naves duæ per Iohannem Iustinianum Capitaneum cum aliquot cymbis & biremibus; in quibus machinæ, quibus ignis iaceretur, positæ fuerant. Sed heu gravem sortem! Mox ut ab hostibus cernuntur, bombardas Turci emittunt, navis vna statim lapide per medium penetratur; atque cum armatis omnibus absorbetur: cæteræ verò, quia res patefacta est, cum confusione retrocedunt. Ita dum nostri percutere voverunt, percussi ipsi sunt. Aliqui ex merfis supernatantes ad littus, capiuntur ab hostibus: quos impius Rex ante oculos die crastina decollari iussit. Nostri è converso vice versa exacerbati, quos habent captivos, trucidant supra muros in hostium conspectu. Sicque impietas crudelitati commixta bellum atrocius facit. Simulavit post hoc Turcus, se pacem facere velle: atque fictè referebat, pœnituisse eum, quod guerram, quasi stimulatam ab Ungaris, excitasset. Sed omnia hæc ficta erant. Nam ea, quæ contra urbem struxerat, demoliri non proposuit, neque ea, quæ vastaverat, restaurare. Sed ideo finxit se optare pacem, ut Deum in generali certamine petita pace sibi faceret propitium: quem alij non petita pace sentirent iracundum. Istum ei morem fuisse intellexi. Nostri verò anxij omnem salutem suam Deo commiserunt: dies denumerantes in amaritudine cordis: statueruntque Deum placare, letanijs, sacrificio, thure, prece, ieiunijsque supplicantes, ut solus pro eis pugnare dignaretur.

Sed

Sed quid profunt ad Deum preces missæ, si ex puro corde non sint? si pollutz manus habentur? si impia & infidelia consistunt? Itaque quem propitium sperabant habere Deum, habuerunt scelerum suorum ultorem. Interea Dominus Cardinalis omne studium habuit in ferenda ope, & in formandis turribus & muro: Imperator verò quid agat, perplexus ignorat. Nam ei & sumtuum penuria & expensarum inopia fuit; deficiebatque pecunia, quam militibus alijsque laborantibus structoribus erogaret: qui rem suam, non publicam, attendentes; ad opus ire recusabant, nisi ex denario convenisset. Consulit ergo Barones & Consulares suos: qui suadent, ad sacra recurrendum esse: neq; exactionibus molestandos ciues præ temporis angustia. Conflata igitur ex sacris temphis sancta Dei vasa, ex quibus moneta signatur, atque pro necessarijs erogatur. O Græcorum impietatem! ô patriæ direptores! ô avaros! quos cum sæpe Imperator rogasset lachrymis, vt pro militibus conducendis pecuniam vel mutuarent, vel contribuerent, gravabantur vt inopes & exhausti: qui postea repertis eorum thesauris ab hoste, ditissimi inventi sunt. Pugnant rursus inter se: aliqui ex Græcis imbelles necessitate magis, quam arte militabant: alij doctiores galea tecti, lorica induti, gladio cincti, lanceis decertabant: multi arcu & sagitta docti erant, quibus tela mittebantur. Sicque cadebant Turci, qui audacius accedebant. Sed quid si centum in die cecidissent? Nam quantum plures cadebant, tantò plures resurgere videbantur. Græci verò ad sex millia bellatorum non excedebant: reliqui verò vel Veneti, vel Ianuenses alijsque, qui in subsidium convenerant, vix numerum trium millium attingebant. Sed quid agnus in ore lupi? quid vnus contra mille infideles? illi enim quasi innumerabiles videbantur. Afflictus est ergo Imperator angustia: cogitans, quod amodò satis esset, si vallum vrbis ætemurale tutaretur: reponens spem suam omnem in Iohanne Iustiniano, belli duce, atque generali Capitaneo: qui cum Imperatore in ea parte, qua magis vrgebat pugna, cum trecentis commilitonibus Ianuensibus stetit. Alij verò duces, milites, tirones, qui in defensione vrbis armati fuerant, circumquaque per distincta murorum loca ordinati sunt, viriliterque bellum sustinent. Monachi & sacerdotes supra murum collocati, pro salute patriæ vigilabant. Aliqui tamen ex Græcis territi ex vrbe recesserunt: alij ad agros colendos aut vineas: alij voluptatibus laxati: alij inopiam suam accusantes: fingentesque rei familiaris curam se habere, vrhem declinabant. Qui cum ab aliquibus arguerentur, respondebant: Quid nobis de vrbe, si periculum sive penuriam sustinent domus nostræ? Labor itaq; magnus erat reducere homines ad muri custodiam. Hoc videntes hostes, tentant aggredi murum atque devastare: detrahunt vncis vasa, quæ in reparationem muri composita fuerant. Non aderant, qui eo tempore prohiberent,

T 2 vel

vel repellerent. O quàm magnum prælagium ruinæ futuræ, quādo velut Tigris torrens, totus irruet in urbem exercitus. Ordinatur præterea in urbe, ut æqualis fiat distinctio panis per familias; ne illius gratia se quisquā subtraheret: atque famem potius, quàm gladium, expectaret. Erant aliqui è Græcis, qui vel occultare frumentum, vel precium eius augere prætendebant. Sed hæc iniquitas non fuit causa mali, sed ordinis confusio. Severitas non fuit in Principe; neque compescebantur gladio aut alijs tormentis hi, qui obedientiam neglexissent; sed iratum Imperatoris animum blandimentis demulcebant. Sicque bonus Imperator delusus à suis, dissimulabat iniurias. Interea Capitaneus generalis Ioannes Iustinianus, quia clamorem Turcorum præsentit: curavit omnia, præsertim reparationem murorum, quos machina contriverat: petivitque sibi præsentari à quodam magno Consulari, Cyrluca nomine, bombardas urbis omnes, quas contra hostes affigeret. Has cum primò superbè denegasset: indignatus Capitaneus, exinde rei bellicæ providentiam remissius gerebat. Multi etiam Græci odiosè ferebant, quòd gloria saluandæ urbis fuit data Latinis: atque de hoc, licet secretius, murmurabant. Consultu tamen & iussu aliorum primorum Græcorum Iohannes Iustinianus curam rei bellicæ suscepit: acies munitionesque refecit: & in his tantam providentiam gessit, ut ipse Turcus eius industriam commendaret. Dicebat enim, o quam vellem, penes me esse Iohannem Iustinianum, illum præfectam honorandum. Post hoc tentavit Turcus eum donis auroque corrumpere, cuius tamen flectere animum non potuit. Tota postremo cura nostris fuit, ut vallum fossatum & antemurale protegerent. Nam alto muro se non confidebant: qui ab imbribus scissus & ruptus fuerat, & ob negligentiam propugnaculis carebat: qui utinam à primo, dum propositum guerræ supervenit, reparatus fuisset repertus: quia & manu teneri poterat; nisi eorum negligentia fecisset, qui ex officio muros reficere debuissent: qui non conservatores reipub. sed prædones dicebantur. Nam quæ in testamentis bona relicta muris adscribi debebant: ea ipsi privatis, potius commodis impdebant. Idcirco urbs sub tantis prædonibus neglecta periit. Quam si postea reparare & reservare voluissent, duo defuerunt, scilicet res & tempus. Omnem ergo spem suam in fossatis & antemurali posuerunt: à quibus si tandem pellerentur; non fuit eis facultas, altum murum aggredi; ob angustationem hostium irruentium. Inter hæc fit vox in castris Turci quòd naves aliquot ab Italia in subsidium Christianis mitterentur, & Iohannes, Pannonum dux, contra Turcum egressus exercitum duceret. Quare timidi hostes effecti sunt; exercitus eorum discinditur, contra Regem Turci clamant, frustra eos muros aggredi, exercitum omnem stare in periculo, & quamquam maximus eorum numerus esset, de victoria tamen diffidebant, vercebanturque urbem.

urbem aggredi. Consuluit ergo suos Turcorum Rex. Vetustior Consularis suus, Calisbascia nomine, gravitate, cōsilio & rerum bellicarum experientia pollens, atque favens Christianis, Regi dissuadet, cō quòd munita sit fortitudine situs: & rerum copia, & fertilitate, atque optimè provisa & gubernata, non solum providentia Græcorum, sed etiam Latinorum. Etiam patris tui (inquit) atque proavorum guerras iam multis annis toleravit, qui in vanum multa conantes, urbem capere non poterant. Idem timorem incutiens, ait, Christianorum Reges & populos faciliè ad eam tuendam recuperandamque provocari. Tu ergo Rex, inquit, pacem da tuis: noli Januenses & Venetos vicinos hostes reddere: atque iram Christianorum omnium adversus te gentemque tuam provocare. Maxima est potentia: hanc tamen pace maiorem reddes, quàm guerra. Finis enim belli varius est: quem sæpè numero magis adversitas, quàm prosperitas comitatur.

Hic surgens secundus Consularis, Baro minor, Sagan nomine, orationem suam incipit: atque, ut hostis Christianorum bellum suadens, maximamque dicens sui regis potentiam, adversus quam nulla gens posset: consulit bellum sumi contra Græcos, potentiam nullam habentes: neque concitari debere Regis animum de emēntita voce, quæ de subsidij Græcorum in castris conficta est: Nullum, inquit, ab Italia expectant præsidium. Januenses inter se scissi sunt: Veneti à Duce Mediolani oppressi sunt: nullum missuri subsidium: ob id nos faciliè, si aggrediamur, urbem obtinebimus. Eunuchus, tertius Consularis Baro, hæc dicta confirmat. Teuratom, trajalis militiæ princeps, non audens commendare propositum Calibasti, ad guerram Regem animavit. Iuniores verò belli duces: O rex, inquit, valcat, quisquis nobis timiditatem incutit. Decet invictissimum Principem nostrum res magnas & cogitare & aggredi, & quemcunque eventum magnificè ferre. Sagan interum, ut vidit, multitudinem insententiam suam convenire: Fac (inquit) bellum, ô Rex: quia Dijs faventibus, victoriæ gloriam indubitatò consequēris. His verbis factus Rex animosior: Fortunam, inquit, tentare licebit. Nullus unquam aut genitor meus, aut avus, aut proavus tanta potestate, tantis machinis, tanta vi armorum, ut ego, urbem hanc oppressit. Alexander Macedo totum sibi cum minore exercitu subiugabat orbem: mihi hanc urbem cum maiore militia aggredi licebit. O Sagan, inquit Rex, constitue diem belli: compone exercitum: circumvalla Perenses: ne subsidium ferant hostibus: & omnia ad militiam necessaria cum maturitate dispone. Hoc dicto cum generale certamen definitum esset: proclamatum est in castris, ut 4. Cal. Maij videlicet Martis, prævijs diebus trib. luminaria Dijs accendant, Deos invocent, orent, deprecantur, parati sint omnes ad prælium: quia Rex

T 3. daturus

daturus est Christianis generale certamen. Iurat præterea Rex per immortalem Deum, per quatuor millia Prophetarum, per Machumetum, per animam patris, per libros & per ensen, quo cingitur: omnem prædam, & omnem depopulationem, & omnem urbis thesaurum, & utrunque hominum genus bellatoribus deberi: atque eis libere donare: neque villo pacto, quæ iuraverit, violare. Clamant Turci in cælum horridè elatis vocibus: Illola Illola Machumet rufalcilla, h. e. Deus est, & semper erit, & Machumetus est servus eius. Factum igitur per eos, uti imperatum erat: accenduntur Deo luminaria: orant, ieiunant, per diem nihil usque ad noctem gustantes: ad invicem se salutant, osculantur, brachijs amplexantur: sibi invicem valedicunt, quasi ad inferos die certaminis simulituri essent. Nostri verò religionem infidelium admirati, Deum nostrum, profusis lachrymis ut propitius sit, precantur. Reliquias igitur & sacras imagines processionaliter per urbem deferunt: turbæ virorum mulierumque nudis pedibus sequuntur: cum cordis compunctione Deum orantes: ne hæreditatem suam demoliri permittat: & ut fidelibus suis in tanto certamine dignetur porrigere dextram auxilij salutaris: spemque totam in Deo ponentes, constitutum certaminis diem expectant. Ab Imperatore & à belli ducibus confortatur populus: atque eorum dictis incitantur pugnatore; ne trepident, aut timore concutiantur: hortantur eos ad defendendam patriam adversus hostes Christi: ut qui constantes & magnanimi sint pro eorum urbe tuenda: quam invidus Turcus duos & quadraginta dies coangustavit. Hic sermo multus habetur; quo inflammatus Christianorum cœtus, constantem se habere animum responderunt. Confortati post hoc Græci sunt, qui primum quasi pauidi bellum declinabant: disponunt propugnacula? ordinantur singuli ad resistendum: atque in nocte præcedente certamen intra vallum vigilantes pernoctant: clauduntur valvæ urbis, ne quisquam retrocederet. Audiunt tunc ab hostibus parari machinas, vehi castratas bigas, atque scalas admoueri vallo & antemurali. Ab alia parte disponitur classis: circumdant portum & urbem omnem: pons, quem de vase construxerant, applicatur: omnia machinamenta instantius præparantur. In aggrediendo dant ordinem, ut minus robusti minusque ad bellum docti præcedant: ut, dum lux diei veniret, robustiores milites sint recentes. Certamen inchoant: Turcis nostri cum magna animositate resistunt: atque repellunt hostes machinis & balistis: ex utraque parte proportionaliter occiduntur. Abscedit nox, dies oritur. Consurgit totus exercitus in gyrum conglobatus: fiunt in cælum terribiles clamores. Sic una hora totam urbem terra marique inuadunt: excutiunt primum machinas: emittunt sagittas in tanta multitudine, ut cælum obscuretur resistunt Christiani horribili pugna.

Sed

Sed Turcorum exercitus iterum resumunt vires & conglobantur: præsuntque maxima audacia vallum intrare. Cadunt multi, qui lapidibus obruuntur, & quam plurimi moriuntur, quos cæteri conculcantes tentant muros scandere: sed à nostris strenuè repelluntur. Multi post ex nostris vulnerati, declinant: multi confortant populum, dicentes: O viri fortes, iam laxatur exercitus hostium: corona victoriæ nobis dabitur: Deus nobiscum est: agite constantem pugnam. Inter hæc malo fato Iohannes Iustinianus, generalis Capitaneus, sub axilla sagitta configitur: qui mox iuuenis, & inexpertus vulnerum, perterritus est: & vitam perdere metuens medicum quæsiturus, clam ab acie discessit. Qui si alium in locum suum surrogasset, salus patriæ non periisset. Imperator sentiens Capitaneum deesse, ingemiscens percontatur, quò pervenerit? Populus verò postquam vidit, se sine duce & gubernatore esse: fugere è locis incipit: Turci inualescunt: horror nostris incutitur. Tandem veluti impetuusus turbo vno impulsu muros ascendunt: mox ad mœnia vexilla figunt: clamantes victoriam; & quantum possunt, conantur nostros vel subijcere, vel exterminare. At Imperator infelix videns Capitaneum desperatum: O memiserum, inquit, peritne vrbs? Mane, mane precor Capitaneæ: nam tua fuga incitat alios ad fugiendum: non est mortale vulnus tuum, patere paulisper dolorem: & sta viriliter, vt spondidisti. Et iste factus pusillanimis, vecors & pavidus ex ictu sagittæ, refugit in Peram: qui postea nauigans, ex vulnere vel tristitia inglorius moritur. Franguntur ex hoc omnium commilitonum animi: insequuntur Capitaneum fugientem: reseratur porta: quam omnes cum maxima pressura transire nituntur. Imperator videns populum dare terga, atque hostes irruere in eos, clamat ad proximos: Estne aliquis, qui me meo gladio transfodiât: ne maiestas Imperatoria istis nequissimis hominibus succumbat.

In porta igitur, in quam fugientes procurrebant, multi ex compressione maxima è nostris vitam finiunt: inter quos Imperator oppressus, è vita demigravit. Pereunt itaque è nostris, id est ex Latinis & Græcis, numero circiter octingenti. Inde Turci altum murum decurrunt: lapides ex alto demittunt: tandemque in vnum globati, omnes nostros cum magnis clamoribus in fugam compellunt. O rem mirabilem & stupendam! Tota vrbs ab hostibus in prædam commutatur: nondum Sole orbis hemisphærium perlustrante, omnes per urbem decurrunt: quosunque resistentes gladio perimunt: iuuenes, decrepitos, leprosos, infirmos. Admirandum templum S. Sophiæ, quod Salomonis templum præciositate sua superat, ingreditur: Deo & sanctis blasphemant: omnes cõtumelias in sanctas imagines exercent: oculos sanctorum effodiunt: sacras reliquias vel dilacerant,



rant, vel dispergunt: sancta Dei vasa sibi usurpant; omne aurum & argentum sanctorum imaginumque suis sarculis inferunt: fit clamor & ululatus in cœlum. Omnis denique sexus, omnis homo, omne aurum, omne æs, omnis supellex, omnis substantia in prædam vertitur: thesauri omnes absconditi in manus perfidorum deveniunt: qui tanti reperiuntur & novi & veteres: ut nulla urbs sit, quæ tantis abundet & affluat. O Græci iam miseri & miserabiles, qui inopiam fingebatis! ecce iam in lucem veniunt thesauri, quos pro urbis subsidio denegastis. Traducitur ad castra omnis substantia & præda: atque omnes Christiani vinciti funibus ad sexaginta milia deducuntur. Cruces ex templis evulsæ pedibus conculcantur: violantur mulieres: virgines deflorantur: mares iuvenes in turpitudinem maculantur: sanctimoniales turpiter fœdantur. O Deus meus, quam iratus, quam immisericorditer faciem tuam à fidelibus tuis avertisti! Tantam contumeliam in sacras Dei & sanctorum effigies exercent: ut neque narrare sine rubore quis possit: Parce Deus, si enarro. Ad terram eas posternunt: & non solum super eis crapulam, sed & luxuriam complent. Post hoc Crucifixum in castris suis deludendo deportant: & ut in passionibus præcedentibus iterum sputis, blasphemijs & opprobrijs eum crucifigunt. Habita autem victoria, dies festos & Bacchanalia Turci celebrant. In his temulentior factus Rex, sanguinem humanum Baccho misceri voluit. Vocatur ad se præter Cyrlucam, consiliarium Imperatoris, atque alios Barones consulares (quos reprehendit, eo quod non suassent Imperatori, pacem petendam, vel dedendam urbem) Venetos & Perenses: nam illos dixit arma, milites & consilium præstitisse: quorum gratia Imperator resistenciam fecit.

Etiā accusavit Calilbasciam Baronem Turcus. Hic amicus maxime fuit Græcis: & crebas literas ad Imperatorem occultè destinabat, quibus secreta nunciauit. Has literas Cyrluca observaverat: atque in testimonium Regi præsentavit. Quare intensè commotus Rex, Calilbasciam vinciri iubet, atque turri mancipari. Deinde omnibus bonis priuatus, ductus est Adrianopolin: ubi eum priuari vita iussit: Huius mortem lamento flebili totus ferebat exercitus. Cyrluca verò malitiæ suæ pœnam non evasit, nam primò in bello liberos duos maiores perdidit: tertium, verò filium cum cæteris Baronibus Imperatoris ante oculos vidit decollari. Alij præterea Veneti & reliqui nobiles multi gladio extinguuntur. Expletis verò festis, traducuntur in captivitatem Græci, amplius fortè patriam non visuri. Turci verò relictis gubernatoribus & officialibus, qui urbem manutenerent, in suas regiones revertuntur: in tantam elati superbiam atque audaciam: ut non vereantur dicere, se Romam venire, & mare Adriaticum penetrare velle. Quod Deus suorum misertus avertat: atque capitā inimico-

Inimicorum confringat : qui solus scit & potest : quem oremus fidentius, supplicesque precemur : vt incitatus ad vindictam, Christiani nominis iniurias vlciscatur.

*ÆNEAS SYLVIVS EPISCOPVS SENENSIS, SBIGNEO S.*

*Rom. Ecclesia Cardinali, ac Pontifici Cracouensi.*

**L**Egi partem vltimam Epistolæ tuæ, & libentissimè legi, Reverendissime Pater: in qua pro rege Vladislao facis Apologeticum. Multa in laudem tanti principis scribis : quæ dicta sunt aduersus eum, non minus ornatè, quàm cautè refellens. Cogitavi & ego futurum hoc, cum librum Epistolarum ad te direxi : neque inutile reputavi, aduersus scripta meae dicere : quæ ipse non tanquam visa, sed tanquam audita retulissim. Sic enim veritas facilius invenitur. Tu ergo modo, quāvis & prudētissimè & fundatissimè Regis causam tueris, das tamen mihi causam, nonnulla vt rememorem, tecūq; paulisper contendam : non quia te velim impugnare, sed quia magis instrui cupiam. Nam etsi magni viri fuerunt, quibus aures præbui, & quorum dictis historiam struxi meam : plus tamen tuo nomini tribuo : tum quia rebus, de quibus locutus sum, interfuisti : tum quia & naturæ, & dignitati, & ætati tuæ mentiri alienum est. Sed audi pauca, quæ me obistere tuis dictis impellunt. Dixi prioribus meis literis, nobilissimum adolescentem Vladislauum Poloniæ Regem, suorum concilio victum, regnum Vngariæ occupasse.

Hoc durum & à vero remotum tua dignatio esse contendit : assertque rationes, quæ iustum illum Vngariæ Regem possint ostendere. Quorum maxima illa est ; quia defuncto Alberto, Regina & vniuersi regni accolæ Vladislauum Regem accersiverint : cuius ope & auspicio Catholica fides & regni populus ab infestatione Turcorum defendi possit : qui tunc Vngariæ vicini, clades quamplurimas inferebant. Adde & Oratoribus, qui ob eam causam missi fuerant, apertum dictum apertè extitisse, quia Regina prægnans ex Alberto remansisset, non licere Regem exterminium regnum transire, illosque confutasse, quicquid petitionibus rerum obijceretur victis : Insuper & decreti copiam, quo regni Prælati & Proceres, quæcunque aduersus coronationem Vladislai dici possent, inania esse definiunt. Fateor omnia ista ita gesta esse, vt scribis : neque de tuis dictis adimo quicquam. Sed audi, quid me moveat. Dicis Albertum Vngariæ Regem fuisse, mortemque relicta vxore obijisse, natumque Ladislauum eius filium : addo ego & coronatum Regem, priusquam Vladislauus eius Vngariam ingrederetur.

Quid hic dicimus? Nunquid Regum filij solium paternum tenere debent? Quis excluso Regis filio, regnum possidens, non dicitur occu-

V pator?

pator? Aut successioni locus est, apud Vngaros: aut electioni, cum Rege mortuo filius in promptu est. Si patri succedit filius; non video, quid iuris in Vladislaum popularis electio transfuderit: Si Regem electio facit: attribuo tuz parti victoriam: Mihi tamen, qui regni se more affirmant succedere patribus, apud Vngaros in regno filios iniussu populi dicunt: idemque Romanum pontificem definivisse, Apostolicis demonstratur apicibus.

Neque menti meæ satisfacit, quod de Turcis in medium proponis; tanquam necesse fuerit pro regni salute, pro CHRISTI nomine tuendo, Regem habere qui regeret. Namque si hæc permittimus, rarus patri in dominatu succedet filius. Poterat Vladislaus, si zelo fidei succensus erat, si vicinorum saluti consulere volebat, si tanta cum Charitas movebat, & Vngaris succurrere, & pupillo infanti regnum conservare, ac veluti tutor vicini Regis regnum administrare. Sed vteris tu mecum ea purgatione, qua Trogus Philippum Macedonem defendit, cum regnum nepotis usurpavisset. Itaque, inquit ille, Philippus diu non se Regem, sed tutorem pupilli egit: ac ubi graviora bella imminebant, servumque auxilium in expectatione infantis erat, compulsus à populo regnum suscepit. Melius tamen Lycurgus, qui cum fratri suo Polyde-cti Spartanorum Regi successisset, regnumque sibi vindicare potuisset: Charilao filio eius, qui natus posthumus fuit, cum ad adultam ætatem venisset, regnum summa fide restituit. Sed pauci sunt, quos dominandi non frangit cupiditas. Placet cunctis proverbium Cæsaris: Si violandum ius est, regni causa violandum est. Non videtur aut mater, aut populus aut instans belli metus, ius infanti auferre, atq; alteri concedere potuisse: nisi tua sapientia novis me rationibus instruxerit. Scio illud, quod dicis, Regnum Poloniz longè lateque florentissimum esse: neque vires illi, neque opes deesse.

Constat inter omnes, qui terram circumierunt, Polonos & fortes homines esse: quibusqui dominatur, inter Christianos & clarissimum nomen habet, & abundat divitijs, & potentissimus creditur: & satis illi superque satis honoris est: si quicquam mortale pectus satis existimat. At dives Asia Xerxi non sufficit: Græciam imperio cupit adiungere. Alexander victo Dario, Babylonia capta, Ægypto subacta, superatis Indis, *Aestuat infelix angusto limine mundi, Vt Gyro clausus scapulis, parvaque scapha.* Annibalem non capit Africa: addit imperio Hispaniam: Pyreneum transiit: superat Alpes: ingreditur Italiam: nihilque actum à se putat, nisi vexillum in Capitolio ponat. Atila Rex Hunnorum, totius Scythicæ gentis solus imperium tenens; invasor Germaniz: Galliarum populator: vastator Italiz: inopem miserumque se iudicat: nisi primas mundi *gêntes,*

gentes, Romanos Vesogetasque sibi subijciat. Sed quid miramur viros. Conditrix Babyloniz Semiramis, non contenta quæ sitos regni terminos tueri, Aethiopiam imperio adiecit: Indisque bellum intulit: quod, præter illam, Dionysum, Herculem, & Alexandrum, armatus intravit nemo. Insatiabilis est dominandi cupiditas: nulli satis ampla sua potestas videtur: semper in alieno melior seges agro: vicini formosior coniux; pinguius apud alios pecus apparet.

Nimirum si Vladisslaus adolescens, alto sanguine natus, spiritu fretus nobili, gloriæ cupidus, Vngariæ regnum affectavit: humanus est hic morbus, adeoque communis, ut iam vitio detur animus paterna hereditate contentus. Si quis est, cui sua placent, inter principes otiosus, paci deditus, nulli molestus, belli execrator: En (inquiunt) desce homo est, meticulosus, pusilli animi, ventris semique servus: Monachum esse, non regem, oportuit: mulieri, non viro, servimus. Huiusmodi sæpe voces regum atria implent: inde commoti, quibus fervet animus, iuvenes iniusta bella suscipiunt. Quod si Vladislaus hac re ductus in Vngariam venit: secutus est, (ut Philosophi volunt) erroneam viam; ut populi sentiant, laudabilem & gloriosam: dignus qui fortibus umbris animum meretur.

Hæc placuit ad tua scripta referre: non quia impugnare illa velim: sed ut solutionem eorum à te suscipiam, quæ mihi dubia superant. Nam etsi multæ sint & maximæ laudes, quæ Vladislao Regi, suisque Prælatiis vel Proceribus, attribui possint: cupio & hoc illis ascribere præconium sine controversia posse, quod Vngariam non humano solum, sed etiam divino iure sibi subegerint. Quod verò præsentē Rege victos & etiam prostratos à Polonis Turcus astruis, sequor testimonium tuum: quamvis Iulianus Cardinalis S. Angeli, qui tunc in Vngariam legatum Apostolicum agebat, suis literis omnem belli victoriam in Ioannem transtulerit: quem ego ad Pontificem Pataviensem scribens, habui testem.

Cætera, quæ de Vladislao refers, nullo apud me in dubio sunt. Cognovi ex omnibus, qui eum noverē: fuisse illo in adolescente vastum animum, singularem prudentiam, summam liberalitatem, ingenium perspicax, admirandæ iustitiæ grandem curam: nullam in eo desideratam ex his, quæ regiæ virtutes appellantur: ob quam rem optarem, si fas esset, cum tua dignatione, in hunc usque diem vixisse illum: melius, ut arbitror, regno Vngariæ, melius Christiano sanguini successisset.

Neque fortassis memorabilis illa civitas Bizantina, Orientalis

V 2 Eccle-

Ecclesiæ caput, Græciæ columen, in potestatem Turci redacta, cum tam magna Christianorum clade fuisset: quæ per Constantium primum instar Romanæ vrbis amplificata, fatali quodam decreto, sub vltimo Constantino devicta, & spurciciei Saracenorum tradita est: quam vivo Vladislao nec intueri Imperator audebat. Sed obiit ille (vt ais) Rex clarissimus, cum maiori quam credidimus, non Poloniæ solùm, sed Vngariæ totius & Ecclesiæ damno: Verumque illud ostendit, quod ad sororem scribere Methodorum Anneus Seneca tradit; *Mortale esse mortaliū omnium bonum*. Vale. Ex Nova civitate Austriæ, VI. Cal. Nouemb. anno MCCCC LXIII.

IACOBVS REX CYPRI SOLDANO ÆGYPTI AC  
*totius Arabia Imperatori. Aleffirapho Asnali.*

**S**Vpplex ad te confugio, Regum maxime atque potentissime. Tu mihi Dominus es: & vt clementia tua spondet adiutor & tutor eris. Ioannes pater meus qui tibi quorannis tributum pendebat, superioribus diebus è vita discessit: nec præter me virilem sobolem reliquit.

Soror mea virum sibi ex Gallis accersivit, eum Cypri regem suscepit: me posthabito, quem regnare par fuerat. Sed tuum est regnum Cypri: tuum est definire, quem regnare oporteat. Natura masculis, non fœminis, imperium dedit: nec æquitas permittit regum filios extraneis cedere. Respice oro fortunam meam: nec me regem natum, regno privari sinas. Paternam hæreditatem à te postulo, qui meus iudex es: Nisi causam meam suscipis; exul à patria, regius sanguis mendicabo panem. Indigna hæc tuo nomini inuretur nota: qui subditorum iustas causas non defendetis: nec è re tua fuerit, me repulso, cuius maiores tibi servire didicerunt, Gallicum hominem Cypriorum regno præfesse. Nosti superbiam gentis: & quanta Ægyptiorum imperio attulerint Gallorum classes incommoda. Nunquam Alexandria aut aliæ maritimæ vrbes pacem habebunt, tenentibus Cyprium Occidentalibus regibus.

Quod si me foveas, tam tua Cyprus, quam Ægyptus, erit. Nec tu difficilem rem credideris, paternum atque avitum regnum mihi restituere. Multi sunt, qui rebus meis student: nec aliud optant, quàm tuo favore præditum me redeuntem cernere. Parva me classis in solium paternum collocabit: satis amicis meis fuerit tua signa vidisse: & tuis auspicijs bellum gerit: cætera ipsi expedient. Nec dubita: breui me servum tuum Cypri regem videbis: Tantum facito, vt te velle intelligam.

SOLDANVS ÆGYPTI ET TOTIVS ARABIE

*Imperator Ludovico Sabaudia Duci.*

**V**enisti ab occiduis partibus; vt alienum regnum in Oriente invaderes: & paterna hæreditate filium exueres. Vana est cogitatio tua: Cyprus mihi vestigalis est: & meum est de rege iudicare. Nisi quàmprimum

inimicaberis, Ægyptio peribis gladio. Si vxor tibi cordi est, potestatem facio, vt eam tecum auferas: si tamen prius decesseris, quam secundo moriaris. Cairi.

## STATVS ET ORDINES REGNI CYPRII, SOLDANO

*Ægypti & Arabia Regi.*

**F**ALSO ad te perlatum est, Rex maxime, Ludovicum Sabaudia ducem de iure tuo aliquid ablaturum, in Orientem venisse. Iohannes Cypri rex Carlotam filiam vnicam suscepit ex matrimonio: quam secundum leges Christianas reliquit heredem. Iacobo ex concubina nato regnum neutiquam debetur: Maritus pro coniuge coronæ iura fortitur. Itaque ne regni consuetudines confundas, neve Christianis Christiana inter se iura neget, sedulo hortamur. Promittimus Ludovicum tibi in omne tempus amicum futurum, tributumque suis temporibus præstiturum: ac præterea Iacobo decem millia aureorum singulis annis, quoad vixerit, traditurum.

## MAHVMETES TVRCORVM IMPERATOR

*Soldano Regi Ægypti.*

**A**Ccepit amicus tuus Turcarum Imperator Mahumetes: te Iacobum Cypri regem appellasse: cumque in patrium regnum statuisset restituere. Dignares, quæ de tuo solio manaret: & nostræ religioni accommoda. Sed renunciatum postea est, te mutato consilio pacem cum rege Gallo pacisci: & quem iuuare cœpisti, velle deserere. Quasi verò ignores, quanto persequatur odio gentem nostram Gallicus sanguis. Neque Gotfridi Balduinive aut aliorum eiusce gentis facta mente teneas: qui sæpe maiores nostros magnis cladibus affligerunt. Vide, quid agas. Si pax tibi cum Gallico genere cordi est: cum nostro bellum exspecta. Nec tibi cum solis Turcis inimicitias futuras putes: Ægyptij, Syrij & Arabes, quibus præes, summo te odio prosequuntur: nec tuus tibi filius hærebit: qui religionem nostram Gallicano sanguini prodideris. Quod si promissam fidem Iacobo servaveris, classemque pararis in Cyprios: Mahumetes quoque alteram parabit in Rhodios: & vtriusque insulæ spolia tuæ erunt: solum tantum Insulæ Rhodi Mahumetes sibi servatum cupit.

## IVRAMENTVM IACOBI

*Regis Cypri.*

**P**ER Deum magnum & altum, misericordem ac benignum, formatorem cœli & terræ, & omnium quæ in eis sunt, & per sancta hæc Evangelia, per sanctum baptisma, per S. Ioannem Baptistam atque omnes san-

ctos, & per fidem Christianorum promitto & juro quod omnia, quæ nunc, aperta erunt Domino meo altissimo Soldano Ægypti, & totius Arabiæ Imperatori, Alereffapho Asnali: cuius regnum Deus fortificet. Ero amicus amicorum suorum, & inimicorum inimicus. Nihil enim celabo, neque piratas in regno meo patiar: neque his victum aut auxilium dabo: Ægyptios, qui regno meo serviunt, emam: & libertate donabo: auri quinque millia nummum Cal. Septembris aut Octobris, tributi nomine, in templis altissimis Hierusalem & Lamech, singulis annis offeram. Collossarios prohibebo, ne piratis arma ministrēt: quæcunque digna cognitu noviter emerferint, Soldano renuntiabo: in iustitia & veritate Pædami nihil in mea partem fraudulentum erit. Quod si aliquid horum neglexerim: ero Apostata, & mandatorum sancti Evangelij Christianæque fidei prævaricator: dicam, Evangelium falsum esse: negabo Christum vivere: & matrem eius Mariam virginem fuisse: super fonte baptismatis Camelum interficiam: & altaris presbyteros maledicam: divinitatem negabo: & illud nuntium humanitatem adorabo: super altari cum Iudæa fornicabor: & sanctorum patrum maledictiones omnes in me recipiam.

FRANCISCVS PHILELPHVS IOACHIMO

*Ambrosiæ, Theologi.*

**E**Rant fortasse, qui mirentur: quid ego vos veniam in summis vestris laboribus adeo hortaturus: quæ nondum à quôquam vel tentata sunt, vel scripta: ut quoniam satis superque omnis Iudæorum de Christo Iesu pervicacia, obdurataque insania, inexpugnabilibus tam multis illisq; verissimis & argumentis & rationibus; quas viri penè innumerabiles, ingenio, doctrina, sanctimonia excellentes in medium attulerūt, prostrata iam pridem atq; convicta iacet: incipiat iam tandē, cum docetis, in populū convertere orationis gladios in sceleratum illum & impium Mahometum: quæ figura & immanitate truculentissimæ bestię, Ioannis Apocalypsis nobis denunciavit. Nonne videtis, Patres sapientissimi, iam vniversum propè terrarum orbem patēre per omnem intemperantiam nefarij illius abominalisque latronis spurcissimis satellitibus? Nonne Africa tota servit Mahometistis? Nonne idem patitur Asia? Nam Orientalis Æthiopia quantula est ad Asiam vniversam? At Europa, quam ab Asia dividit Tanais, per multa iam regna cum Scythiis & Turcis, tum etiam Afris subiecta intuetur: eoq; adducta est calamitatis, ut de Italia sibi nunc metuendum sentiat. Mirentur ergo imprudentes, ut lubet. Ego enim ita sentio, longe maiore vos fructum splendidiorēque gloriam ex his pugnantis, atque infestis Mahometistis reportaturos: quam ex Iudæis, non modo non repugnantibus, sed latē iam diu fuis humique iacentibus. Quod secundo loco vos hortor, id totū est de Græcis. Satis hi magnas dederunt pēnas, si quid errarunt: q̃ patrio

trio solo exterminati sunt: quòd parètes, filios, vxores, bona omnia amiserant: quod mendicant: quod seruiunt: verum & homines certè sunt, & Christiani. At schismatici, at hæretici: Hæretica Constantinopolitana Ecclesia nunquam fuit: ætate nostra Schismatica fortassis aliquando: non tamen scissa ea à Turcis capta est: sed publicè coniuncta cum Romana Ecclesia, nam alieni cordis arcana temere iudicare peccatum est: nec item minus per sæpe Deus bonos, quam malos, affligere consuevit. Nam ob peccata quæ ipsi perpetrassent, tantas acerbitates passi sunt martyres: passi Apostoli: passus Christus Opt. Maximus. Præterea sanus pastor relinquit vniuersum gregem in solitudine: vt requirat amissam ovem. An minus aduertitis, neminem in hac vrbe vñ charitatis munere in hos Græcos: qui optimo genere nati mendicant stipem: vt se ac suos à Turcis redimant? Hæc certè inhumanitas magna est: cuius ne vos filis in causa, providete. Quin hortemini, per Deum immortalem, populum vniuersum: vt & afflictiis, & Christianis benefaciant: ne indignetur Christus læsus eos contemnit: qui suo nomine opem quærun. Valete, Patres optimi. Mediolani ex ædibus nostris. V. Idus Martias. MCCCCLIV.

FRANCISCVS PHILELPHVS *Ioachimo Theologo.*

**T**Vum istud doctrinæ genus, quo ad Christianam veritatem in populum vteris, mihi certè probatur plurimum. Sum enim aliqui hebeti adeò obtrusoque ingenio: vt nihil ex sese invenire audeant: ijs contenti duntaxat, quæ prisci scriptores sapientissimè excogitarunt. At hi quidem omnes, etsi doctrinæ ac diligentiz cuiuspiam iure laudari possunt: quod acute ab alijs subtiliterque inventa, & copiosè ipsi, & memoriter in medium proferant: nullam mihi tamen ingenij sui præstantiam declarant: cum ad cumulatum omni virtute virum ingenium in primis requiri soleat. Tu verò nova permulta, eaq; salutifera, ex te eruis. Nam signa cœlestia, quibus videmus circulum, què Zodiacum vocant, insignitum ab astronomis, trāsferrere in Christianā fidē ppulchrū est. Sed de hoc plura alias. Quæ adversus Turcos & Mahometistas sapienter aggressus es: vt omni studio & industria persequaris: te vehementer & hortor, & rogo. Nam quantum videre video: nisi funestæ huic teterrimæque pesti propediem occurratur: ita brevi invalescet incrudescetque: vt nullum sit remedium exceptura. Græcis autem his nobilibus assiste, vt cœpisti: iacentes tolle ac fove: vel in hisce incōstantiam atq; mutabilitatem rerū humanarum tecū animo voluta. Omnis huius mundi fastus, omnis honos, omnis gloria, vanitas: sol⁹ mihi videtur felix, qui in virtute & Deo suum omne bonum collocavit. Misere scendū est humanæ fragilitatis: quod miseriz in alijs intuemur: id nobis quoque meruimus necesse est.

Mendicantē opulenti: humiliantur excelsi: seruiunt Principes.  
Facoro



Fac oro, vt, quoniam hos pudet conditionis suæ, aliqui boni viri eam sibi provinciam suscipiant, petendi viritum charitatis munus. Vale. Mediolani. Kal. April. MCDLIV.

CHRISTIERNVS REX DACIÆ NORVEGIÆ

& Gothia, Friderico Rom. Imp. semper Augusto.

**P**erlectis novissimis Imperialibus literis nobis directis, mœrore mentis & cordis anxietate indicibili vrgebamur: Cùm videamus tandem virus pestiferum in Christianam fidem dudum congestum, viperam illam Halyamech Turcorum tyrannum feraliter euomuisse: & quod in suæ impietatis contentaculis fabricavit, incentivum suæ jam crudelitatis detexisse. Hunc non ambigimus imaginem bestię illius gestare; quam Iohannes Evangelicus vates ascendente de mari prævidit; tertiam partem stellarum ad ima trahentem. Imo Asiam & Affricam, & iam suis execrabilibus spurcitijs Europæ terminos defædantem videre videmur, serenissime Imperator, & frater charissime; quod cum singulari mœstitia referimus: statum omnium & sexuum omnium, religionem, fidem & vrbanos mores in populo Christiano adeo à iustitiæ tramite declinasse; quod divinam non cessent irritare & provocare vindictam, illos præcipuè, qui aliorum vitæ & exemplo deberent merito esse ductores; vnde ultione condigna hoc nostro tempore, quo peccata magis & vitia subrepunt, flagellis & plagis gravioribus excribrantur. Nullos enim Christianorum fines per vniuersi orbis machinam à peste, cladibus vel incursionibus hostium eximi videre aut cognoscere valemus: omne quoque solum, vbi Christi nomen colitur, crebris agitari & oppugnari contrarijs: neque propterea vllam divinæ miserationis & pietatis recuperandæ maiorem adesse fiduciam: quam quod incipientes à caputibus, divinis institutis & bonis moribus secundum Evangelicam legem resumtis, priorem culpam & noxas emendemus in melius: quatenus placata divinitus suorum cultorum felicibus propitia non desit optatibus.

Hæc sunt, invictissime Cæsar, arma fortissima, propugnacula munitissima, & sacra præsidia: quib. aptius & facilius, imò felicius & fructuosius hostium vires & frontem superbiz demoliri conveniat, quam militaribus cuneis, quam bellicis munimentis. Hoc quoque exemplariter Phycis traditionibus comparatur, quod medici sat agentes nòxiales à corporibus chymos repellere, per prius antidotis & cataplasmate congruentibus præparatas, ad exitum superfluitates deinde formato expellunt. Sic ergo imperialis Maiestas erga DEVM cæli devota superioribus & inferioribus suggerat melioris vitæ fervorem. Interioris enim conscientiz pœnitentia, cilicio, sacco, & cinere, non auro vel argento, non exquisitis monilibus, nec in arcu fortium, aut robore potentatus, Nini vitæ divinum contra se conci-

concitatum placavere furorem : tunc Augustalis maiestas superno adiutorio comite, cum exercitibus Christianis, hostium castra penetrabit securâ; omnesque barbarorum constringet conatus : ausus armis & potentia vindicabit. Eruntque hostium vires, angelo Domini cohortante, sicut stipula ante faciem venti : & titubabunt pavore, & timore sordescunt. O Saluberrimum & iucundissimum omen si fata præstassent, quod regnorum nostrorum rebus compositis, quæ varijs in præsentiarum contrariorum detinentur anfractibus, cum proceribus nostris, quos numero & solertia militari ornatissimos obtinemus, cum vestræ serenitatis contubernio, pro fide Catholica, pro gloria immortalis, pro illius nomine, qui nos suo sacro cruore redemit, pro fidelium ibidem à Turcis oppressorum tutela, in Cæsarea comitina adesse possemus ! Testamur Deum nihil nobis gratius, nihilque optabilius ; quam quod in tam sancto opere adesse liceret : Condolentes ex ipsis cordis visceribus Imperiali Constantinopolitanensium urbi, & venerandæ Patriarchali Ecclesiæ, quam Constantinum Magnum primum post Philippum Orthodoxum Cæsarem prædecessorem vestrum fortissimis mœnibus obfirmatam, suo nomine, quæ prius Bizantium dicta est, & præsentia legitur decorasse, ubi summa Ecclesiasticæ & imperialis Maiestatis viguit sanctio : Vbi fuit Legum Sacrarium : fidei viguit norma, & religionis specimen institutis & observantijs religiosissimis præornata. Licet & tibi quandoque Sathan non absuit, qui Arium, Sabellium, Manichæos, Nestorium, Macedonium, Dipstorum, Eutichem & cæteros excitavit hæreticos : qui in agro Domini, in tritico fidei zizania seminavit verumque impedimentum huic nostro sincero proposito præstitit, quod vestras imperiales literas, duntaxat decem diebus festum Sancti Gregorij præcedentibus, præsentato recepimus baiulo. Cum verò regnum nostrum Daciæ, ubi residemus, ad præsens insulis intersecetur, diversis vadis Ponti à se distantibus in vicem ; & primo tempore Parlamentum regni nostri prædicti, cuius consultatione in rebus gravioribus affectari solemus, absque prolixo temporis intervallis congregare minimè potuerimus. tum etiam quia sumus in procinctu ad regnum nostrum navigandi Norvegiæ cum expeditione, contra hostium nostrorum incursum, quos frequentius sustinemus : eapropter Cæsarijs vestris desiderijs & hortatibus pro nunc satisfacere minimè potuimus.

Si verò in præfata diçta pro sancto isto & pio opere celebranda, aliqua salubria atque vitia concludentur : de quibus nos cerciorari duxeritis, quantum nobis possibile fuerit, salvis regnorum nostrorum negotijs, animo gratissimo faciemus. Cæterum in causa ordinis Prutenorum beatæ Mariæ Hierosolymitanæ, ex literis vestræ Serenitatis plenius intelleximus. Cum verò talis inter ordinem, militiam & patriam sit exorta di-

X scordia :

scordia: ut peiora magis indies nocitura verisimiliter formidemus: ac præterea tractatus concordia magis quotidie difficultari metuemus: in quo ordini & patriæ ex intimis medullis condolemus: si tamen fuerimus requisiti obtentu vestrarum Imperialium literarum, omnem ad ordinis profectum, & patriæ concordiam, & pacem efficacem libentissimo animo operam conferemus. Vale Serenissime Princeps, & frater charissime in illo, qui in cœlis habitat & imperat, cuncta ordinatione sua gubernans feliciter & longæve: cui nos afferimus animo: præparatos: petentes à Celsitudine fraternaue charitate vestra, hanc præsentem excusationem nostram coram Illustribus Principibus & Sereniss. Regum oratoribus, & Legatis Apostolicæ sedis, qui dietæ constitutæ præsentibus exstiterint, legatque recitari. Datum in Civitate nostrâ Roschildæ, die Dominica Palmarum, MCDLIV.

MAONENSES CIVITATIS ET INSULÆ CHII,

*Rom. Pontifici.*

ET si videmus, Beatissime Pater, maximis nostris periculis nos obiectos furori Mahomeri Turcarum Regis: qui in omnes Christianos promiscuè arma sumpsit: huc usque; tamen quadam animi alacritate sævas illius minas, & illata plurima mala idcirco perferebamus: quia certam conceperamus spem Christianos, clade tam nefaria accepta, pia arma sumpturos: & summo consensu ac facilliore eventu hostem infidelem atque nimis insolentem oppressuros: cumque in dies graviora ab ipso capiti nostro imminerent: non aliter eadem soliti eramus pendere: quam ut quoddam commune Christianorum incitamentum ad vindictam acceleraremus. Quibus rebus spem nostram foventes, omnibus artibus & præsidij contra eius vim nos muniebamus. Sed (heu ô nimis longam spem!) Christianorum arma nimis delata: siquidem omnibus quiescentibus iam oppugnamur: iam ingens vis & rabidus furor in nos conversus est. Non erimus nunc in eo occupati, Sanctissime Pater: ut vestræ Sanctitati explicemus, emissam nuper in nos classem, & damna plurima illata. Illud potius est præsentis terroris: illud instantis & maximi discriminis: quod inspecta loci opportunitate, primo proximo vere, eadem classis auctis viribus, & comparatis bellicis operibus, quæque ad oppugnationem pertinent, in nos est reditura: quod ita fore, non vano rumore, sed certis auctoribus comperimus: Contra quos impetus ut perstare possimus fidelis quidem & constans animus non desperat.

Sed

Sed quantæ sunt vires nostræ ? quonam se pacto sine communi Christianorum auxilio tam modica colonia defendet ? Quæ licet parva, quanti tamen sit momenti, omnibus Christianis transmarinis haud ignotum putamus: cuius ruina plurimos in eandem secum trahet calamitatem.

In tantis igitur nostris & aliorum Christianorum periculis ad Sanctitatem vestram sapientissimam confugimus : quam non dubitamus divina providentia hoc potissimum tempore ad Apostolicam sedem assumptam : ut suo impullu & auctoritate vniuersalis fides & Christianum decus instauraretur.

Apud eandem, quas præsens necessitas exprimit, preces fundimus: obsecrantes, causam nostram & Christianorum foveat : & cœptum ne deserat Christiani concitentur : sumantur arma : quæ si non ita statim inferri terra marique possunt : at illud saltem maritimi auxilij non denegetur : quò tantisper hanc paratam vim ferus hostis contineat : & nos salvi esse possimus. Hæc ita fieri non maximi laboris esse putamus : & Apostolicæ auctoritati non difficile. Conservantur autem non Græci : non schismatici : Sed Italici generis antiquissimi Christiani : qui semper sacrosanctæ Romanæ Ecclesiæ pro affectu & dediti & obsequentissimi fuerunt : & quorum tutela aliorum pericula propulsantur. Quòd si ea infelicitas esset ut, tam iustæ preces apud Christianos deperirent : IESVM CHRISTVM DOMINVM nostrum iudicem invocamus : vestram Sanctitatem testantes : nos impiè à socijs Christianis destitutos, pro fide tamen vsque ad extrema pericula pugnaturos : paratissimi semper omnibus obsequijs Beatiudini vestræ : cuius pedes humiliter exosculamur. Ex Chio. XIV. Augusti. MCCCCLV.

PETRVS FREGOSIVS DVX IANVENSIVM, REGI  
*Aragonum & vtriusque Sicilia.*

**C**ogitationes, quod bella adversus nos sæpenumero, Serenissime ac Excellentissime Rex, iniuste suscepisti, magnitudinem animi tui, etiam si plura forsitan cupit, quam capere possit, admirari & extollere aliquando potuimus.

Sed ubi aperte deprehendimus, nullam inter nos belli causam esse: nisi si tuos movet prædæ aviditas: id indignum tanto Rege, nemo est qui ne sciat.

Non admirari tamen non possumus sapientiam tuam : cum

X 2 per

per ætatem, tum rerum gravissimarum usu, tum periculis edoctum; toties adversus nos malè expertam fortunam tuam rursus velle tentare: eo magis, quod vos tot veteribus totque recentibus iniurijs, quot tua Maiestas nobis intulit prorsus abiectis: summique Pontificis tui consilio & precibus moti: superiore anno ad inducias semestres pervenimus. In quò etsi pro fidentium numinis, & pro nostra animi æquitate, ac in tuam Amplitudinem devotione, iam animum tuum ad tranquillitatem pacemque confirmatum credidimus: existimavimus pericula Turcorum, quibus sine tua & nostra pace tutò satis occurrere non poterat, non modò servandæ paci, sed augere: & internos benevolentia prodesse posse. Nam cum sciremus hanc animi tui esse magnitudinem: ut ingerendis bellis vera gloria constituta esset: oblatum tuæ Maiestati hostem esse videbamus: cum quo non humanam modò, sed cælestem gloriam posses adipisci: in quo gerendo etsi per te potentissimus videbare: nos propitios ac omnino obsequentes tibi habere potuisses.

Quæ igitur, sapientissime Rex, causa excitare te aut compellere potuit: ut rursus & tam repentinè bellum adversus nos in tot calamitatibus orbis Christiani susciperes: ubi nihil à nobis non modò agi, sed nec cogitari videres, quod tuæ Amplitudini, tuæque dignitati obesset? At saltem si tanta nobiscum pugnandi cupiditas te movet: quæ cerè movere non deberet: quomodo fœderis percussis inter nos oblitus es: ut prius triremes ad nostram damna præmiseris: quam id modo aliquo denunciatum nobis fore volueris? Estne hæc fidentium Regis: ut triremes tuæ, quas paulò antè amicas hospitesq; & omni commeatu ac humanitate plenas à nobis dimiseramus, vix portu nostro egressæ, ad nostram damna discurrere non erubuerint? Quis est inter Christianos Principes, qui tam iniuste, tam repentinè bellum suscepisset? Rex es, qui multa per ætatem tuam expertus es: ita ut per felicitatem tuam, qui te diligunt, & qui te non norant, plerumque possint extollere: quive nullius consilio indigere videre. Sed memento tamen, nihil tam firmum ac stabile esse, cui periculum non sit ab invalido. Hæc iam laborum vitæ tuorum pars superest: ut quam pugnando gloriam adeptus es, pace demum & ocio magis, quam diuturnis laboribus servare possis.

Plura reges pactis artibus iustitiaque, quam armis adepti sunt: & plures fuere, qui iniuriam inferentes plerumque sunt ab impari hoste superati. Si tamen ullam Maiestas tua querelam deferre velit: habes Pontificem, sunt Reges: sunt alij Principes: quorum consilio omnis nostra controversia dirimi possit. Quod si fugis: ipsemet, iuste an iniuste facias, facile iudicabis: Sin nos, ut cœpisti, laceessere non desines: Deum fidei & causæ nostræ testem iudicemque obtestantes, salutem nostram ita consulimus: ut  
huius.

huius suscepti consilij Maiestatem tuam aliquando pœniteat. Ianuæ.  
XVII. Iulij. MCDLV.

PAPHAEL DVX ET CONSILIVM IANVÆ. PHILIPPO.

*Duci Burgundia.*

**S**Cimus non oportere, Illustrissime & præclarissime Princeps, vt hoc loco dicamus, quo studio ac observantia omni tempore coluerimus clarissimos parentes, avos, cæterosque maiores vestros, ac deinde Sublimitatem tuam: quoniam si hæc, vt sunt, Excell. vestræ nota sunt, non est, cur hæc ipsa nunc recenscamus. Hoc vnum dicimus, cum primum innotuit nobis, triremas vestras contra Imperatorem Turcarum Hellepontum petere: mandata dedimus, non modò Prætori nostro Perz: sed cæteris insuper Rectoribus nostris transmarinarum urbium: vt earum præfectos trierarchasque omni humanitate ac benevolentia foverent: portasque illis urbium patefacerent: & portus commeatusque præberent: ac demum nullum prætermitterent benignitatis officium: quo non in illos vterentur. Hæc illis à nostris an præstita sint, Excell. vestra curiosius exquirat: nobis à Præfectis nostris illarum urbium renunciatum est, fuisse à se præceptis nostris enixè obtemperatum: vestrosque non secus omni commoditate earum urbium usos fuisse: quam si civitates illæ sub nomine Amplitudinis vestræ gererentur.

Nam præter portus commeatusq; amicè præstitos, præter fores confidentissime patefactas, & se vestris convivis præbuisse: & sua omnia liberaliter detulisse: inter quæ nec illud obscurum est, magnificum D. Gotosfredum Præfectum triremium, cum non longe à Phalide fluvio in regione Colchorum in terram armatus descendisset, captusque ac victus fuisset: opera viri nobilis Hieronymi de Nigro civis nostri servatum, & vinculis solutum. Hæc autem à nobis ita contexta sunt: vt Amplitudo vestra intelligat: quam indignè ab iisdem triremibus nostri postea læsi sint. Nuper nobis à Rectoribus nostris Caphæ redditæ sunt literæ: quibus nunciant, has vestras triremes, sub auspicijs D. Gotosfredi mare Ponticum ingressas, multas cepisse nostrorum naves: qui licet vel infideles, vel schismatici forent subditi, tamen nostri sunt, & si cum infidelibus bellum geritur, non adversus illos saltē geratur, qui in Christianorum oppidis habitant: quique se, vitam & opes fidei nostræ commiserunt. Est præterea hæc iniuria maior: quod vniuersum mare Ponticum tutelæ defensioniq; Ianuensium supra annos centum commendatum est: quibus seculis ita est à nobis custoditum: vt vel nunquam, vel rarò admodum piratæ vlli illò usque penetrare ausi fuerint.

Si quis in eo mari iniuria afficitur: nostrum est subvenire laesos & eum ab iniuria tueri. Cum autem ij nostri direpti ac spoliati ad nostros Præsides querelas detulissent: & ipsi apud D. Godefredum pro reddendis ablatis agerent: respondisse dicitur, esse sibi bellum cum omnibus infidelibus. Nec profuit memorasse, tutelam nos illius maris gerere: & quod efficaci-  
us est; illos esse subditos nostros: & intra mœnia oppidorum nostrorum habitare: quoniam perpauca admodum fuere, quæ reddita illis sunt: & quod etiam auget iniuriam, quidam levi parte ablatorum accepta, coacti sunt chirographo aut alio scripto fateri sibi cumulatissimè satisfactum. Quæ omnia adacti necessitate, sublimitati vestræ nunciamus: non tam, ut contra D. Godefredum querelas deferamus (id enim perquam inviti facimus: & alioqui virtutes eius admiramur) quam ut sublimitas atque Excellentia vestra, recognita, iubeat, quæ iniquè ablata sunt, reddi: & si qui captivi ex nostris detinentur; siue infideles, siue alio errore impliciti sunt; protinus exsolvi.

Nam si contra Regem Turcarum arma capta sunt: quid meruit Persa? quid Armentus, aut Sarmata? qui maluit in nostris urbibus habitare, cur diripiatur aut capiuntur? Oramus præterea iustitiam vestram: vi si-  
ve hæc vel aliæ triremes trans maria rediturae forent, vel ullæ ibi remansurae: dignetur ea illis dare præcepta; quibus sese à damnis nostrorum abstineant. Ianuæ XXIV. Septemb. M C DXLV.

IANVENSES PAPÆ CALISTO.

**N**emo propè est, Beatissime Pater, & Dominenobis colende; qui nesciat; quantus terror & animi consternatio populos invaserit Pontici maris tunc, cum capta Constantinopoli Mahometus Turcarum Rex Thraciam Bosphorum ita clausisse visus est, ut Pontum inaccessibilem fecisse putaretur.

Nam cum illic Europam ab Asia angustum dirimat fretum; Rexque in utroque litore immania tormenta disposuisset; claustra iniiecisse mari, non sine ratione dictus est: tantusque pavor in omnes, qui mari negotiantur, effusus est; ut intra annum nemo introrsum penetrare ausus sit. Paravimus autem nos ingenti quidem mercede naves duas, in quibus arma, viri, tela, & reliqua necessaria Capham mittebantur.

Sed navium magistri, cum pervenere Peram, falsis pollicitationibus decepti, descendentes in urbem, capti & in vincula coniecti sunt: atque ita conatum nostrum perfidia regis irritum fecit. Interim terre-  
stri

stri via frequentes ad nos afferebantur literæ; quibus miserabiles illi populiopem orabant. Horum cum nos pericula lachrymæque flexissent; alias iterum naves maiori stipendio conductas, omnia portantes quæ desiderabantur, Capham penetrare iussimus; quæ Aprili superiore saluæ cœpervenerunt; tantumq; spei trepidis populis iniecerunt, ut qui de deserenda patria consilia sæpius agitaverant, non modo in fiduciam erecti sint; sed alij quoque invalida oppida relinquentes, Capham migraverunt: arbitantes eiusmodi auxilia sibi nunquam defutura esse.

Verum cum redeuntibus navibus ipsis, earum altera tormentis icta, mox obruta mari sit; certum videtur, civitates illas in priorem desperationem collapsuras esse: nec facile inveniri posse navem, quæ audeat, etiam geminata mercede, tam certo discrimini sese obijcere. Hæc dum cogitamus sanctissime pater; facile prævidemus, populos istos desperata salute animum abiekturos esse; nisi vel navis auxilijs, vel spe certa foveantur. Et ne quis forsitan putet nos pro vili plebecula verba facere: habet Ponticus ille angulus Imperium Trapezontanum, claris vrbibus frequens: habet Capham, non ambitu quidem mœnium, sed populorum multitudine, Constantinopoli facile præferendam: Habet Soldaiar; habet Simbolum, haud contemnenda oppida: habet denique Amastram, urbem quondam celebrem, sed sanctorum Episcoporum fama celebriorem. Præter quos in super populos extenditur latè ora maritima; quam Hostiam vulgò nominamus; quam soli incolunt Christiani.

Cum igitur, ut perspicuum est nobilissimarum vrbium ac maximorum populorum salus aperto in discrimine versetur; qui sine ope sanctitatis vestræ salvi esse nequeunt: orandam duximus benignitatem vestram, velit ad eorum calamitatem animum oculosque convertere: eamque illis opem ferre, quæ pro rerum ac temporum conditione præberi potest.

Super quibus omnibus venerabilis sacrarum professor Deodotus à nobis pridem missus ad Beatitudinem vestram si quid opus fuerit, particularius verba faciet.

Quem ut audire & exaudire dignetur, eam iterum atque iterum precamur; cui nos & nostra omnia supplices commendamus. Ianuz M CCCC LV. die  
V. Novemb.

PETRVS.



**L**egimus, Beatissime Pater, & Domine nobis colendissime, literas Sanctitatis vestræ XXII. die Maij superioris datas. Legimus item exempla literarum Reverendissimi Domini Cardinalis Sancti Angeli, quas ex Vngaria XVII. die mensis Aprilis misisse videtur. Ex his cognovimus, quanta sit serenissimo illi Regi spes reposita in classe sanctitatis vestræ, quamque cupiat, eam littora terrasque Turcarum mox incurfare. Nobis multa cogitantibus, verba profectò defunt; quibus studium ardoremque vestræ Sanctitatis ad fidei defensionem dignè extollere satisque laudare valeamus. Quid enim addi posse dicemus tanto animi feruori: qui rogatis auro, argento, gemmis, se ipsum cupiat pro suo grege in captivitatem dare. Verum quoniam hæc pia animi vestri conscientia, in DEO requiescens, humanas laudes aspernatur: missa hæc facimus. Quod nos respicit, Sanctissime Pater: non est ignotum sapientiæ vestræ, hanc Remp. etiam priusquam Mahometus Constantinopoli potiretur, non exiguum Turcici belli pondus subiisse. Ex eo omni tempore navibus, viris, armis, tritico, vrbibus Pontici maris succurrere cepimus: vixq; vnquam postea eiusmodi sumptus cessavit.

Postquam autem à conspectu vestræ Beatitudinis redierunt Legati nostri: cum Rhodus, Chius, Lesbus, aliæque vrbes & insulæ manifestis periculis obiectæ viderentur, præter Ponticarum vrbium curam, ad has quoque terras consilia convertere necessarium fuit. Itaque naves duas cum viris circiter quingentis, armisque & instrumentis bellicis, Chium misimus, vnam Mitilenas cum ducentis, & omni telorum armorumque genere: tritici autem tantum conveximus Chium: vt si vel Rhodus, vel alij vicini populi esuriant, indefami eorum succurri possit. Capham autem, & ad alias Ponticas vrbes, duas item misimus alias naves, magnam frumentorum vim ferentes: quarum altera omnium maxima quæ Mediterraneo mari navigavit, fulmine icta malo, & antennis ambustis, facta inutilis est; ingruitque necessitas aliam loco eius quærere, quæ in pontum penetret; & onus incensæ, non sine novo & gravi sumptu, illuc perferat. Hæc quicumque rectè cogitare voluerit: licet gens aliqua, & hosti formidabilis classis à nobis comparata non sit: inveniet tamen nos hoc longo & assiduo bello tot naves, tot viros armasse, tantum pecuniarum profudisse; vt longè minore sumptu prævalida classis parari potuerit. Lætatur classem sanctitatis vestræ nunc solui, & Orientem petere: quæ vtinam Calendis Maijs (vt fama erat) in Asiam pervenisset. Fovisset enim bona spe Christianorum populorum animos: quorum quidam perterriti, abiecta spe Occidentalium præsi-

præsidiorum, pacem cum Rege Turcarum agitare feruntur. Nos, Beatissime pater, quanquam diuturni belli mole defessi, non desinemus tamen terris & Insulis, quas nominamus, opem ferre, quandiu vires patientur: Et si reges ac populos Christianos Beatitudo vestra in vnum consensum adducet, præclaram aliquam magnificamque expeditionem adversus Turcas parare annitemur: profecto spei, quam de nobis Sanctitas vestra concepit, respondere: nec promptitudine, vel ardore cuiquam cedere conabimur: quinos nostraque omnia Benignitati vestræ propèsius cõmendamus. Ianuæ die XI. Iulij. M. C. DLVI.

## PETRVS DFX, ET CONSIL. GENVENSIVM SACRÆ

*Regiæ Maiestati Angliæ.*

ET si nobilessimum illud regnum Angliæ, Serenissime & præcellentissime Princeps, remotum est admodum ab Imperio Turcarum: arbitramur tamen, non esse ignotum Maiestati vestræ: quanto in periculo versentur vrbes illæ insulæque Christianorum, quæ Turcis propiores sunt. Chius certè, Lesbos aliæque his vicinæ insulæ, & Amastrata præterea, ac Simbolum, Caphaque & aliæ Pontici maris civitates, aded attonitæ & tremefactæ sunt; vt, nisi præsidij nostris servarentur, vix in diem vsque præsentem perdurare potuissent; Nos, annus iam tertius elabitur, ex quo his populis adversus Regem Turcarum naves, viros, arma, triticum assidue propè subministramus: tanto quidem sumptu, vt defessi & inexhausti vix spiritum trahamus. Non ignoramus, præclarissime Princeps, ex ijs quæ rerum gestarum scriptores prodiderunt, perrarè vñquam adversus infideles bella esse suscepta: in quibus inclyti quondam Reges Angliæ, viri Christianissimi, & divini cultus zelantissimi, magnam laborum ac periculorum portionem non subierint.

Quæ nos movent Maiestatem vestram orare; vt ad reprimendam insolitam hanc Turcarum ferociam, velit iam oculos & cogitationes suas convertere; ita quidem vt Christiani populi in Oriente ac Septentrione positi tanti Regis auxilia sentiant; & rex ipse Turcarum, apud quem omnes Reges nostri irrisui sunt, sciat esse sublimitati vestræ vires; quæ sibi terrori ac formidini esse possint. Cæterum injecta nobis suspicio est; quosdam tentare, vt cives nostri Londini negotiantes, contra ius fasque contraque fædus & colligationem, quæ multis iam annis est cum Maiestate vestra, subijciantur novis gravaminibus: de quibus aliquando suscitata cum fuissent, virtute eius fæderis libere ab ijs absoluti fuere. Non arbitramur, æquissime Princeps, humanitatem vestram expectare à nobis hoc loco preces exaggerari. Nam quo excelsiore loco sublimata est serenitas vestra; eò magis decet promissorum suorum curam habere. Ex quo, vt duosum saltem meminerit, summa sit precumstrarum, primi, nostros: vt

Y diximus,

diximus, in reverentiam eius fæderis iam dudum absolutos fuisse: reliqui, quod cum celeberrimæ memoriæ Domino quondam parente vestro Heinricho, gloriosissimo Rege fædus contractum est, quod ob memoriam eius decet, Maiestatem vestram, longè maiore studio observare, actueri: in cuius gloriam sumus omni tempore cupide parati. Ianuz Anno M. CCCCLVI. die VII. Aprilis.

FRANCISCVS PHILELPHVS SVMMO EC-  
clesiæ Romanæ Pontifici Calixto III.

ET si nonnullos existimabam fore, Beatissime Pater: qui meam erga te observantiam audaciæ nomine depraverant: malui tamén honestatis & officij mei, quam aliorum, adversus me calumniæ habere rationem. Nam qui pluris facit commodum, quam virtutem: is mihi videtur totus ex fortuna pendere: quæ ut instabilis est & fallax: ita omni virtuti maxime adversa atque inimica.

Quare non quid imperiti sentiant: sed quid sentiendum sit, mihi fuit considerandum. Itaque ijs omissis omninoque reiectis ita mihi agendum est cum tua Sanctitate: ut intelligant omnes, nihil mihi fuisse potius quam favere laudibus: quam qui de se negligit: is ut Apostolo Paulo repugnat: ita se hominem esse obliviscitur. Quid enim magis est hominis, quam omni studio atque diligentia sequi amplexarique virtutem? At laudem quid aliud esse dicimus, quam orationem eam, qua virtutis magnitudo amplitudoque demonstratur. Itaque absurdum est, qui bonis actionibus delectatur, eas pati in obscuro esse: quasi, quod invidorum est proprium, alios nolit sui imitatores. Ut igitur dignitatis gradu cæteris omnibus mortalibus præstas: ita operam te dare oportet, ut amplitudine præstantiaque virtutis & sapientiæ cunctis hominibus superior iudiceris. Etenim, ut graviter ac recte Cyrus ille superior dicere solitus perhibetur) neminem deest imperare, qui subitis sit deterior. Et Bias ille Prienësis, qui vnus est inter septem sapientes numeratus, pulcherrime monebat, Imperium virum demonstrare.

Quod si morum similitudine benevolentia generatur natura: dissimilitudine verò odium: quis ambigat eundem esse & bonum & doctum virum; qui bonorum doctorumque virorum consuetudine ac familiaritate utitur? Quantam sibi gloriam comparavit Nicolaus V. qui te modo antecessit in Pontificatu: cum ad cæteras virtutes suas vitæque sanctimoniam, tanta eruditione, tanta sapientia, tanta eloquentia polluit: ut omnibus beneficeret: omnes ad se accerferet: quos vlla vel ingenij, vel doctrinæ præstantia insignes esse audiret. Videmus vnus illius optimi sanctissimi-  
que Pontificis, vel diligentia, vel munificencia esse factum: infinita pe-

re

ne Græcæ volumina, quæ nostris hominibus erant ignota, de rebus maximis atque clarissimis à Græcis Philosophis, historicis, oratoribus eleganter scripta, in Latinum esse traducta sermonem. Idemque factum est de libris Theologicis atque Mathematicis: adeo ut non multum iam invidendum sit Græcis auctoribus: cum ita multos apud Latinos legere liceat.

Quod si diutius aliquanto fuisset in vivis: cum reliqui rerum aut optimarum aut admirabilium scriptores: tum Poëtæ ipsi, maximeque nobilissima illa duo divini Homeri carmina, quibus hominum vita in omnem partem instituitur atque ornatur, Latinitatem induisset. Quid? quod post urbis Constantinopolitanæ captivitatem, atque miseram illam & infortunatam depopulationem, nuncios suos & negociatores clam misit per universam illam & Europam & Asiam, quæ Turcis paret: conquirendos emendosque Græcos codices: nulli neque labori parcens, neque impensæ? Neque id negocij frustra susceptum est.

Nam innumerabilia propè volumina ingenti etiam precio advecta sunt in Italiam. Itaque iure optimo dici potest, non periisse Græciam: sed in Italiam, quæ olim Magna Græcia dicta est, vnius illius Nicolai Pontificis clementia, commigrasse.

Et ne omnino se Græcum dici, quam Latinum haberi mallet: & nuncios & negociatores misit quam plurimos per universam Europam cum grandi pecunia: qui diligenter ubique odbrarentur; si quid Latinæ gravitatis & elegantiz usquam lateret: idque nullius precij habentes rationem omnino ad se devehendum curarent.

Scio vnum ex ijs fuisse Enochum Æsculanum: qui quondam fuit Florentiz auditor noster, una cum Ænea isto Sylvio: qui nunc Senæ gerit Episcopatum. Is enim Enochus in Daciam usque profectus est: &, ut referunt aliqui, in Scandinaviam usque: quæ quàm longissimè ultra reliquas omnes insulas, de quibus extat memoria apud priscos rerum scriptores, posita est in mari Oceano è regione Germaniz ad Septentrionem. Itaque eò tibi maior cura iniecta est, Pater beatissime: quod ei in Pontificatu successisti: cui nihil potius fuit; quam consulere communi omnium bono: quam prospicere publicæ Christianorum omnium utilitati & gloriæ: quam ea sequi atque complecti, quæ Romano Pontificatui & ornameto & splendori futura essent.

Non suos ille curabat aut locupletare, aut magnos reddere: qui sciret iam sibi nullam esse sui potestatem: intelligeretque turpissimum duci viro gravi & sapienti, mentē cū ore non cōvenire. Nā quid absurdius dici queat, quā cū agere quicquā imperiosius, & pro animi impotentia: qui se in omnibus suis literis scribat Servum Servorū Dei? Rectè igitur Nicolaus V.

in omnibus suis actionibus assidue Deum pro se ferebat: suorumque omnium oblitus commodorum; referebat omnia ad dignitatem & amplitudinem Romani Pontificatus. Et ne ullam sapientiae partem neglexisse videretur: intelligeretque non solum duo vivendi esse genera: alterum contemplativum, alterum activum: sed rursus actionum alias esse bellicas, alias urbanas: quicquid temporis ab intelligentia rerum admirabilem atque divinarum supererat: id omne ita ad virtutes bellicas transferebat, ut urbanas nunquam à se rejiceret: & hæc tamen omnia ad Dei & Christianæ religionis dignitatem & gloriam. Parabat magno conatu & viribus bellum adversus Turcas: quos animadverteret quotidie magis magisque invalescere: nec aliud animo volutare, quam perniciem & exitium nominis Christiani. Itaque belli nervos, hoc est, pecunias, & ab alijs comparabat: & sibi ipse non parcebat. Intelligebat enim omnia oportere esse communia pro Christo Iesu: classem adornabat ingentem & validam: copias undique accersebat: nihil denique præmittebat, quod ad belli gerendi, quod ad consequendæ victoriæ rationem attineret. Neque tamen, hæc dum ageret, literarum & humanitatis studia à quotidiana sua consuetudine aliena faciebat: sed cum sciret eum se virum esse, qui divinum in terris solium regeret atque gubernaret: omnem in sese hominis excellentiam repræsentabat: ut non minus in omni vitæ actione, quam in universæ intelligentiæ studio, reliquis mortalibus præstaret. Itaque viros doctos & eloquentes assidue apud se habebat: neque vllum omnino negligebat: in quo præclaram ingenij vim aliquam intueretur. Quanta verò in omnes huiusmodi viros munificentia vteretur: nemo omnium melius novit, quàm ipse tu, Pater Beatissime. Faciebat autem & prudenter & rectè: cùm osset, nihil esse ad excitanda ingenia, alendaque disciplinas accommodatius, honoratione ac beneficentia. Quo quidem consilio atque benignitate id effectum iam videbamus: ut non Latini modò, sed cæteræ etiam nationis in omni orationes & doctrinæ cultu expolirentur. Revocavit illum ad se Deus omnipotens: qui agit omnia semper pro summa infinitaque providentia: & ei in Pontificatu succedere te vnum idcirco, ut mihi persuadeo, voluit: quoniam prudentissimum innocentissimumque cognosceret.

Quid enim tibi deesse ad prudentiam possit, qui & extremum senium vivis: & in negocijs semper maximis, varijs, difficilimis, summa cum laude tua es versatus? Videmus te illam actionis partem, quam ille temporum calamitate coactus inierat, quam diligentissimè persequi. nam tui quæstores ubique ex populis Christianis pecunias exigunt ad conflandum per continentem in Turcas exercitum: Classis quoque exædificata est, rebus omnibus ornatissima & maxima: virtuti bellicæ, quantum in te est, perpulchrè

pulehrè consulitur : sed reliquum est, ne vrbane fiat iniuria. nam si viris eruditis & eloquentibus à nobilissimo illo & sanctissimo Pontifice Nicolao V. prudentissimè constituta præmia sustulcris : quid de te vno relinquatur desiderandum, non obscurè suspicari potes. Noli obsecrò, qui scientissimus sis, à quoquam insimulari inscitia. Quod eò facilius accidet : quod accusant nonnulli, non tuam, qui innocentissimus sis, sed tuorum quorundam, non tam subreptionem, quam incuriam istius Bibliothecæ : quæ tanto nuper labore tantaque impensa ex vniverſo prope terrarum orbe comparata est. Huic igitur crimini, quod nulla tua culpa conflatum est, vt & quam primum, & quam accuratissimè occurras, oportet. Nam confictis etiam rumoribus prospiciendum est : ne quam tibi tanta probitate Pontifici famæ notam, vbi neglecti fuerint, possint inurere. Animadverrimus enim fieri malo hominum more : vt flagitiosorum famulorū errata in iustos etiam integerrimosque dominos nonnunquam referantur. Itaque tibi providendum arbitror : dum bellum paras in Turcas : ne domi prædam ipse patiare. Frustra enim fors iusti existimetur : si domi iustitiam non seruamus : in his præsertim rebus, quæ nostræ non sunt ; sed Reipublicæ : sed Ecclesiæ Romanæ : sed Christi Iesu. Quare cum diligens librorum ratio est habenda, ne pereant : tum, quæ eos & exercent & norunt, honorificè simul & commodè retinendi. Cui enim vsui sint futura, tot & tam præclara in omni genere disciplinæ Latina Græcæque volumina, sine his viris, qui & Græcè & Latina sunt eruditissimi ? Neque arma bellica sine militibus ad ducem vtilia sunt : neque triremes sine remigibus & gubernatore. Sed hæc tu, Pater Beatissime, longè prudentius & melius dignoscis : quàm ipse norim exprimere. Libuit tamen, quæ mihi veniebant in mentem, pro mea erga te pietate, non præterire silentio : vt intelligeres, mihi splendidissimum tuum nomen curæ esse non mediocri. Quod si qua fortassis in re tuas aures offenderim, id imprudentiæ ascribe non voluntati. Vale, Pater clementissime, & me commendatum habe. Ex Mediolano IX. Kalen. Martias. M. CCCC. LVI.

ALPHONSVS REX ARAGONVM ET VTRIVSQUE Sicilia, Principi ac Senatui Gennensi.

QVivos fortasse non norunt, ò Dux Balis que Præsides : si modo aliqui in terra vitam agunt, qui vos non nōrint : poterunt hi quidem ex literis vestris metu aut admiratione aliqua affici. Ego vero, qui toties instantiam vestram, toties levitatem atque perfidiam expertus sum : non solum, quod scribitis, non magnifacio, neque formido : sed is potius sum, cui facere videamini, quod impudica mulier solet : quæ si semel animo pudorem abiecerit ; in castas probasque obiectare adulteria non desinat.

Y 3.

EUG

Etsi vobiscum verbis contendere consilium non sit : respondebo tamen abunde satis pro tempore literis vestris : quo mortales atque immortales omnes intelligant , me nequaquam bellum contra nationem Genuensium in praesentia suscitasse : cum qua & amicè , & benevolè vivere perpetuò , nisi nobis publicè fiat iniuria , decrevimus . Immo verò pro civitate Genuensi , id est , pro optimatibus summisque viris , ac civitatis flore , qui vestra vi atque opera extorres degunt , nos contra foedifragos triremes nostras immisisse : pro his inquam , quos multis antehac experimentis inspectos , sciremus firmos & constantes publice & privatim in proposito perstitisse : humanitatè atque iustitiam colere consuetos : quosque haud dubiè speremus , si nostris auspicijs , nostraque ope in urbem restitueret , Rempub. capeffant , melius fidem , gratitudinem , foedus , pacem & decus omne nobiscum servaturos .

Ac primum omnium , si qua vobis rerum praeteritarum memoria exstat , primam atque secundam inter nos pacem vestra avaritia atque perfidia violatam invenietis .

Sed ut nimis vetera omittamus : & ad haec recentiora , de quibus querela & controversia est , veniamus : precibus vestris demum factum est : ut Calixtus Pontifex nos ad inducias , seu ( ut vulgò dicitur ) ad treugam vobiscum ineundam compulerit .

Quæ res tametsi parum duratura pro moribus vestris mihi videbatur : tamen Pontifici Domino nostro potius parere volui : quam de fide vestra parum confisus videri .

Sed neque illud praesertim Gothardo dictante , iactare debuistis : pacem scilicet inter nos factam consilio & precibus Pontificis mei . Aderat quidem Gothardus ipse tunc Legatus vester : cum Episcopus Atrebatensis , communi omnium Legatorum nomine , diserta quidem oratione me oraret : ut Genuenses quoque in universalem pacem susceperem : cumque ego responderem , Genuenses pro sua perfidia , poena potius , quam pace , dignos videri : exclamasse Gothardum gonibus provolutum ? Tua nos saltem clementia , ô Rex humanissime , communi hac pace dignos efficiat .

Facta igitur precibus Gothardi , sed interventu Pontificis , induciæ : foedus ictum : cum id Pontificis saltem auctoritate aliquandiu sustentari posse existimarem : praesidium , quod in terra Corsica habebam , revocavi .

Vos interim occasione oblata , oppida , quæ illic Regia domus nostra possederat , ut erant propugnatorum vacua , occupastis ; praefectos & populares nostros foedissimè trucidastis : pacem de Pontificis sinu ad-  
huc

huc calentem extinxistis : fœdera , iusiurandum , fidem , pietatem , religionem pro nihilo existimantes : inter hæc etiam naves nonnullas subditorum nostrorum nihil hostile metuentium cepistis, diripuistis, abduxistis.

Quibus de rebus cum ego per Franciscum Castelletum Legatum nostrum & item Bernardum præfectum classis nostræ, apud vos sæpius quererem, nec non apud Pontificem, per Solerium, nobilem Theologum, ita ubique super eare negligentes extitistis: ut lætari atque exultare potius malo, quam illud corrigere velle videremini. Nam quas frivolas & ineptas excusationes, aut rectius præstigias adfertis : Magistratum ( quem vos Divi Georgij cognomento appellatis ) huiusmodi facinus patrasse, non vos: quasi caput ad ventrem culpam reijciat, venter ad caput. Facitis sanè, ut sacerdos ille Herculis apud D. Augustinum: qui solus utraque manu alterante, dextra quidem pro se, læva velut pro adversario, tesseris ludebat.

Num itaque nos temerè aut repentè ( ut dicitis ) contra vos triremes immiserimus: qui toties per Solerium, toties per Præfectum nostrum, toties per Legatum, qui apud vos adhuc agit, damna illata à vobis frustra repetiverimus, studentes, quantum in nobis esset, amicitiam cum improbis etiam servare: si modò compillationum aut errorum illos aliquando pigeret pœniteretque? Illud autem admirari satis non possumus, quemodo Turcarum pericula nominare vos non pudeat: quippe qui probè scire debeatis, quo de genere Christianorum sint, qui prius ex Asia in Europam onerarijs navibus, precio & singulari avaritia ducti, devexerunt: quamve ubique terrarum conatus omnes Regum Ducumque Christianorum pro virili subverterint, subvertantque quotidie: Mahumetanis arma, tela, commeatum contra ius fasque subministrando. Rursum & hos nosse debetis: qui nunc cum Turca contra Christum perpetuò ferè coniurantes, expeditionem nostram, quantum in ipsis est, impedire conentur.

Nam, ( per Deum immortalem ) quid aliud est, pacem inter nostram frangere: quam Turcarum causam agere? quam Christum abiurare? quam Christianorum omnium exitium optare? Viderit Christus ipse, cuius causa agitur, nos semel atque iterum pacem Italiæ summa diligentia procurasse, atque firmasse: cum ob alias causas: tum vel maxime, quod Christianorum in Turcas faciliores essent conatus, atque animi alacriores? Quod quoniam per vos nunc, ô Dux Octoque viri Genuenses, disturbatum iri palam est: in vos merito conatus nostri, veluti in novos Turcas exortos, in Italiam convertantur oportebat: nec prius ab incepto destituri sumus; quam vos, Christo ipso bene adiuvante, suppli-

ccs



cēs nobis reddamus. Nec minus, Christo duce, in Turcas Asiaticos expeditionem, quam semel suscepimus, vobis invitis executuri sumus: palamque facturi, nos ea tantum cupere, quæ assequi aut capere facile valeamus. Postremo nos haudquaquam prærit: victoriam alternam rem esse: nec hominum potentia, sed Dei Opt. Max. arbitrio constare: idcirco accidisse aliquando, ut ab invalidis fortiores vincerentur, plures à paucioribus: Vos contra latere non debet: fortiores ut plurimum victores evadere solere: si iustam præsertim Deoque acceptam causam sustinent.

Quod si victoriæ alicuius recordatio vos subjicit: memineritis simul & in ea fœderis violati: ut quantum ex victoria lætitiæ, tantum ex perfidia mœstitiæ contrahatis. Posthac verò vobis persuasum sit; non dolo aut perfidia amplius, sed armis & iustitia vincendum esse. Datum in Castello Novo nostro Neapoli, X. Augusti. MCCCCLVI.

PETRVS FREGOSIVS DVX GENVENSIS ALPHON-

*so Regi Aragonum.*

**I**nfinitas propè à te, præclarissime Rex, pacis bellicque temporibus nos accepisse literas meminimus: eam quidem verborum moderationem habentes: ut liquido appareret, eas & à Rege, & à moderatissimo Rege perfectas esse. Hæc verò, quas X. Augusti die datas nuper legimus, ad eò ab illis omnibus degenerant: ut, si tuum nomen tollas, asseverandum sit: eas neque tuæ Maiestatis esse, neque civilis alicuius viri. Tanto enim studio hic eius operis architectus vœcordis in maledicendo facundiæ gloriam affectasse videtur: ut quid quomodoque loqui Regem deceat, oblitus sit. Nos verò quos falsas admodum obiectiones diluere cogis, ita causam nostram agemus: ut quemadmodum veritate ac iustitia, ita sermonis quoque modestia maledicentem superemus. Obijcitur ante omnia priorem secundamque pacem à nobis fuisse violatam. Cuius criminis quoniam nequerationem, neque argumenta vlla in medium adferuntur, hoc dixisse sit satis, nos assiduas temporibus illis ad Maiest. Tuam querelas detulisse: cum triremestruæ in spoliandis amicis & hostibus nullum discrimen haberent: & orasse, ad alicuius communis amici arbitrium controversias mutuas deferri: idque nunquam à te impetrari potuisse. Transis post hæc ad has inducias, opera Pontificis Rom. contractas: quas vter nostrum religiosius custodierit: testes sunt cœlum ac mare, & tot infelices ex nostris mortales: qui triremibus tuis vincti continentur: qui fiduciâ renovati fœderis, securi capti, ac spoliati, remoque addicti, crudelius à tuis, quam à Barbaris, habentur.

Verum quoniam direptionum & prædaram facinus in tuis credibilis

Yius est: ad res Corsicanas statim converteris: obijciens, cum ea, quæ Cor-  
ficæ habueras, præsidia inde abduxisses: nos in oppida defensoribus va-  
cua fecisse impetum: ipsque captis quosdam à superioribus quondam Re-  
gibus Aragonum possessos fœdè trucidasse. Nolumus hoc loco, præcel-  
lentissime Princeps, durius aliquid eloqui: ne, quam spondimus, mo-  
destiam abieciſſe videamur: hoc tantum dicimus, sublimitatem tuam in  
ordine rerum gestarum maximè falli. Nam discessisse tunc Corsica vl-  
lum præsidij tui, quem ibi tenuisses, fieri nequit: & longè ante contractas  
inducias miserat illic Magistratus S. Georgij copias ad prædomandos  
rebelles, qui imperium exuerant. Sed ne videamur ex hac verborum bre-  
vitate nolle intelligi: Ranucius Leocanus longo antè tempore seque ac  
filios & terras suas tutelæ nostræ commiserat: in qua fide adèò constanter  
perseveravit: vt pro Repub. pugnans armatus in acie cæsus sit. Cum suc-  
cedentes filij vellent & ipsi fidei suæ pignus aliquod dare: Genuam ve-  
nere: seque iureiurando obstrinxere ad fidelitatem & obedientiam Magi-  
stratus S. Georgij.

Nec his contentus, Raphaël è fratribus se in Auriam familiam ad-  
scisci petijt, & impetravit. Hic quieta consilia perosus, cum senten-  
tiam mutasset: & paterni propriique promissi immemor, seque ac suos in  
rebellionem præcipitasset: misso exercitu captus est: & quas meruerat  
perfidie pœnas luit. Hunc si tua Mæstas virum in suos transferre velit:  
iam nunc palam conventa franguntur. Cautum est enim ex secunda  
pace: neutri partium licere, vrbes, terras ac subditos partis alterius, se et-  
iam spontè dedentes admittère: Ex quo fateare oportet, aut liquisse no-  
bis in eum & suos animadvertere: aut, si illos à te receptos non diffiteris,  
contra pacem fidemque ac iusiurandum receptos fateare necesse est. Fa-  
bulam autem illam, quæ adfertur, nos in excusationem causæ nostræ ad-  
ducere solitos, Magistratū S. Georgij, non nos, hæc iussisse: velut ex eodem  
corpore membrum, in membrum aliud culpam regerat, quicumque con-  
finxit: vanè, non solum astutè, vt creditur, continxit. Nos profectò  
nihil vnquam tale, vel scripsimus, vel diximus. Quod si quid tale lo-  
quantur literæ nostræ: proferantur in lucem: sintque testimonio con-  
tra nos: id nisi fiat, palam fiet, Epistolam tuam, cum vera in nos crimi-  
na congeri non possent, vanitate & commentis fuisse refertam: neque re-  
ligionem Christi que vicarium, ipsumque fœderis testem, & ultorè Deum te  
veritum fallere.

Nos quidem, quæ Magistratus ille, nobilissimum Reipub. nostræ  
membrum, vel decrevit aliquando, vel gessit, laudamus omnia: & velu-  
ti à nobis iussa, in nos referri facilè passi sumus. Sed respondeat, si potest,  
Sublimitas tua: si prohibebant induciæ, animadvertere nos in Corsos tan-

Z tumaces

tumaces nostros: cur non saltem ad Pontificem Rom. earum auctorem ita querelas detulisti: vt vocaremur, & admissi nostri rationem redderemus? Cur semestris intervalli, quod fœderi adiectum est, moram proferre nequivisti? Nimirum fecit nimia felicitas: vt fœdere ac religione Deique vicario contemptis, omnia tibi licere arbitrareris.

Sed iam ad Turcarum pericula veniendum est: quorum nos causam agere prædicas: nec pudet Christianum populum, cuius tu beneficio imperas, Italicos Turcas appellare. Nam vt omitteremus, quantas quamque præclaras res Genuensis populus in Palæstina gesserit; cum, vi & armis Hierosolymitanum regnum CHRISTO restitutum est: quantas deinde, quamque magnificas: cum pactum tueri, & postremò amissum recuperari oportuit: vt prætereamus etiam decennale bellum, quod pro defensione orientalium Christianorum contra Baiasitem, huius Mahumeti proavum suscepit, & strenuissimè administravit: Dertusa certe nobilis civitas, multaque egregia oppida in ripa Iberi fluminis posita, classibus nostris expugnata, cæsis infidelibus, vero cultui colla submiserunt: atque ita in regnis tuis nondum pietatis nostræ vestigia deleta sunt. Nam quod in nos referre conatur Sublimitas tua primum Turcarum ex Asia in Europam transitum: apud doctos eius historiarum ridiculum est. Liquet enim, cum duo Græcorum Principes de imperio contenderent, alterum Constantinopoli eiectum, ad Turcarum opem confugisse: pactaque mercede Callipolim arcemque eius, conventorum pignus Turcæ tradidisse: atque ita multa eorum millia ex Bithynia in Thraciam fuisse traiecta. Sed mavult, scimus, Excellentia tua de ea expeditione, quam in Turcas te moliri tamdiu prædicasti, sermonem haberi. Quocirca non nos fugit, iam propè triennio circumactò, pollicitam esse Sublimitatem tuam, classes exercitusque: quibus eorum ferociæ occurreres: per facile id ita fore nobis persuasum est. Nam quis est Christianorum Regum, quem propter vicinitatem ea magis pericula movere debuerint? Classem ab Hydrunte manè solventem, excipiunt vespere Turcarum littora clamoribus resonantia: astruebat promissæ expeditionis fidem, quod videbamus Siciliam & Sardiniam exactiōibus assiduis exauriri; reliquos populos insolitis tributis oppressos: in sacerdotes adèd æcerbè sæviri: vt in comparationem reliquarum extorsionum, levis videretur decimarum præstatio: fama que fuerit, tantum pecuniarum undique corrasum esse: quantum ipsam Charybdiā explere potuisset. Nos interim certa spe tuæ classis confirmati: singulis annis naves, viros, arma, triticum Christianis Orientalibus suppeditare: vtque forti animo calamitates suas ferrent, literis ac legationibus exhortari: brevi affuturas vires opulentissimi Regis, quæ Turcas trans Caucasum trepidos fugent. Sed lenta fuit ad id hæc toties iactata expeditio: vt nisi nos, non vna, sed pluribus

ribus classibus, discrimini eorum subuenissemus, deserti ac perditī Turcarum fauces non effugissent. Circumspiciat omnia nunc Prudentia, tua, ac iudicet: vter Turcas foveat: nosne, per quos multā insalz, multi adhuc populi Christum colunt? an is, qui tot florentibus regnis subnixus, collecto auro, quod in multas expeditiones satis esset, eos sāvissimis hostibus prodit, pro quorum salute collatum est? De civibus nostris, quorum te charitate moveri dicittas, hæc sibi persuadeat Maiestas tua: illi quidem, cum sanam mentem resumpserint, redibunt in patriam, non suis viribus, sed mansuetudine nostra: præoptabuntque æquo iure cum suis agere: quam fidem tuam rursus experiri. Bellum autem & minas tuas eo accepimus animo: quo & reliqua gessimus tecum bella: eoque maiore in Deum fiducia: quod is novit, vter nostrum ius, fas, religionem, iusiurandum, Christi vicarium, ipsumque Deum, emissa in nos classe, superbè contempserit. Reliqua Epistolarum tuarum capita prætermittere, & modus Epistolæ monet: & illud simul, ne quod diluendi criminis facere necessitas iussit, maledicendi animo, fecisse videamur. Genuz, XV. Septemb. MCCCCLVI.

PETRVS FREGOSIVS DVX ET CONSILIVM GENVENSIVM

*Sac. Maiestati Portugallie.*

**O**bletaverunt nos, Serenissime & præclarissime Princeps, magnaque spe simul & voluptate affecerunt literæ Maiestatis vestræ, Pridie KL. Maias datæ, sed hodie demum nobis redditæ: quibus cognovimus, eam statuisse susceptum adversus immanissimum Christiani nominis hostem Mahometum, Regem Turcarum, bellum pie ac strenuè iuvare. Qui certè ardor vestræ Sublimitatis est admirabilior, & maioribus laudum præconijs extollendus; quod in tam longa navigatione multo plus laboris ac sumptus ei subeundum est. Discedentibus enim è regno vestro, quod in extremo prope Europæ positum est, Thraciamque & Constantinopolim petituris, pars maxima longitudinis terræ habitabilis metienda est. Quo fit, ut longè præclarius sit, hoc fidei vestræ propositum, & omni commendationis genere prædicandum. Accedunt, ( ut literæ vestræ pulcrè loquuntur ) curæ ac labores tuendæ Cæsareæ, quæ in littoribus Mauritaniz sita, & infidelibus populis vndique cincta, armis ac insidijs barbarorum peropportuna est. Sed has difficultates ac labores contempsisse videtur generositas animi vestri, probè sciens hanc illi militiam præstari, cui debemus omnia: per quem sumus ac spiramus: apud quem meritorum præmia, ut immensa, ita perpetua sunt. Quod autem Excell. vestra nosse cupit, quidnam & nos in id bellum moliamur, quæ qualiaque paremus: libenter cupiditati vestræ morem gerimus.

Nos, cum primum Mahometus iste Murathi patri successit, suspectū

Z 2 habere

habere cepimus ingeniū eius: quod & sœuus ac sanguinis avidus ferebatur, & in omnes omnis generis Christianos odium profitebatur: propter quæ naves, arma, propugnatores ex tunc fidelibus populis in Orientem misimus. Postea verò quam Constantinopoli positus, reliquas vrbes terrore ac formidine complevit: tum demum, velut suscepto bello necesse fuit, Chium, Lesbum, Capham, Simbolum, Amastram, aliaque oppida Pontici maris, aut præsidia mittere, aut infelices illos populos in exitium corporum & animarum sœvissimis hostibus proderet. Itaque quartus annus circum agitur, ex quo naves, viros, arma, tela, triticum his, alijsque vrbi- bus suppeditamus. Qui tam assidui sumptus quanquam nos plurimum exhauserint; cum tamen Reges ac populi Christiani ingentem aliquam expeditionem parare ceperint: annitemur & nos, nec dignitati nostræ deesse, nec ad divini cultus amplitudinem inter postremos haberi. Nunc autem neque numerum, neque reliqua satis explicare possumus: eoque minus, quod serenissimus Rex Arragonum, fractis indignè inducijs, nuper cepit nos mari terraque vexare. Conatus verò vestros Excellentissime Rex, ut maximi habendi sunt, ita nos plurimi facimus, eoque plaris, quod plerique Reges ac principes, cum viderint Maiestatem vestram in altero propè orbe positam, tam multa moliri, dedecori sibi fore ducēt, si ipsi propinquiore in communi omnium Christianorum bello cessarent. Siquid autem est, aut erit rerum nostrarum, quod huic expeditioni vestræ conducere possit: id quicquid est, & nos ipsos paratos semper deferimus in omnem gloriam vestram. Ianuz. die III. Septemb. M. CCCCLVI.

PETRVS DVX ET CONSILIVM SACRÆ REGIÆ MAIE-  
stati Aragonum & vtriusq; Sicilia.

**A**dmonuerunt nos nuper, Serenissime Princeps, ex transmarinis regionibus ad nos missi Legati duo. Pera: pauidi adhuc recordatione periculorum, quæ ætate superiore ægrè deuitarunt, pauidiores novi terrore belli, quod adversus Constantinopolim & Peram Mahometus, Turcarum Dux in ver proximum summa vi molitur. Namque hic præcipitis consilij iuuenis, recenti Imperio ferox, eò conatus omnes obstinatissimo proposito vertisse videtur: ut has, quas diximus, vrbes ferro excindat, & Christiani nominis memoriam in tota regione illa penitus deleat: eo forsitan consilio, ut quemadmodum prior Mahometus accepta Asia, & Africa inter clarissimos viros colitur: ita hic secūd' subacta haud ignobili Europæ parte ingens sibi nomen comparet. Dumq; implorantibus Legatis ipsis properè ad se præsidium mitti, omnia diligentius percunctamur: renuciaverunt nobis, Oratorem ab Imperatore Græcorum ad Maiestatem vestram mox esse venturum: qui oret imperio illi iam senescenti ac defesso o-  
cyus succurri.

Nos

Nos Imperatoris Consilium & laudavimus sæpe, & iterum iterumq; laudamus: quod post Romanum Pontificem spes omnes suas in Maiestate vestra collocaverit. Nam quem sperare potuit Christianorū Regum & quē velle ac posse sibi adversus hunc Mahometū opem ferre: quā in sublimitate vestra & sperare & certo sperare debuit? Ab his. n. Regibus ortum ducit clarissima domus vestra: qui multis iam seculis occupantes Bæticā, Mauros vi ac ferro domitos, ex ijs sedibus eiecerunt: plurimasq; vrbes, & quidem nobilissimas Christiano cultui restituentes, vix vnquam positis armis à persecutione infidelium quieverunt. Ac sic succedente temporum serie, eo parente genita est Maiestas vestra, qui suscepro adversus Granatanum Regem bello, multas illi terras, multa parvo tempore oppida eripuit: nec infidèles modo populos Hispaniam involantes, sed ipsam quoque summotam freto Mauritaniam, velut fulmen quoddam belli solo nomine plerunque terruit.

His accedit, quod vestra Sublimitas mari ac terra latissimè imperans, sex & quidem opulentia regna, in ditione habet longa pace florentia: nullo hostis incussu, nullis minis exagitata: quorum quædam adeo Græcorum imperio vicina sunt: vt, Cypro excepta, cætera Christianorum regna in eorum comparatione alio propè in orbe posita videantur. Quæ cum ita sint, iure optimo exigere creditur Deus, cuius est regna dare, atque eripere, ne patiatur Excell. vestra hanc Christiano nomini maculam inferri, vt Orientale Imperium, totque fideles populi, Occidentalibus auxilijs destituti, calcandi aut dilacessandi pollutis gentibus relinquuntur. Nos, quibus solis Peram tueri necesse est, vt precibus etiam salutem illius Imperatoris adiuuemus, Maiestatem vestram orandam duximus: vt hæc, quæ diximus, cogitans, velit cum pro gloria, tum (quod maius certiusque præmium est) pro causa DEI, infelicibus populis illis ocyus succurrere: neque expectare, vt Reges in longinquo positi, & gravibus præterea bellis impliciti, dum serò auxilia moliuntur: interim ferro Christianorum Imperium eruat.

Nos autem ne quis ociosos putet, arma, viros, tela, naves magnæ festinatione paramus, vt, si faverit Deus, illuc præsidia nostra verisinitio perveniant: pro vi semper in omnem gloriam vestram parati. Ianuæ.

PETRVS FREGOSIVS DVX GENVENSIS,

*Calisto Pont. Max.*

**Q**uid rei esse dicemus, Beatissime pater, & Domine nobis colendissime, quod capta iam biennio ab Rege Turcarum Constantinopoli, & nunc perdomita, aut vastata ea parte Mysiæ, quam Serviam vocamus, exterritis aut in ditionem redactis omnibus propè Ægei maris insulis, omnes

Z 3 sopi

sopiti esse videamur? Accipimus frequenter ex Lesbo, Chio, Rhodo, Cypro, alijsque insulis literas, quibus certi reddimur, infelicibus illis populis exitium suum oculis aspicientibus, omnem esse salutis spem in subsidij Regum Christianorum repositam; qua si destituantur, reliquum est, ut aut desperatione celebrentur: aut abnegato Christi nomine Mahometicarum cœno spurcitiarum sese immergant. Hæc si ætas nostra spectatura est, sanctissime Pater; si hæc malorū omnium suprema in zvū nostrum eruptura sunt; quanto satius esset non vixisse: & ex vtero, ut flens ille cecinit, ad tumulum esse translatos? Ad hos precipue questus nos nūc movet; quod fama est, eius Regis classem, & quidem prævalidam Chium infestam pervenisse; qua si potiatur insula; frustra Cypro alijsque Insulis succurratur. Ex quibus orare statuimus sanctitatem vestram; dignetur primum, si quæ in Italia reliquæ sunt contentionū aut bellorum, vel Iacobi Piccinini, aut aliorum, eas utcunque tollere, quod supremæ quidem sapientiæ vestræ pronum ac facile fuerit. Deinde cogitationes, consilia, totum denique animum ad defensionem fidei vertere. Pacatis enim civitatibus ac populis Italiæ; inveniet profectò Beatitudo vestra cætera vel prona, vel non admodum difficilia. In his si ut confidimus, versentur consilia vestra: præter laudes humanas, quæ virtuti debetur, expectet sanctitas vestra immortales illas quæ fidei servo promissæ sunt. Nos denique & omnia nostra benignitati vestræ peculiariter commissa esse, precipue votū nobis est. Ianuæ. XXVI. Aug.

ÆNEAS CARDINALIS SENENSIS, IOHANNI Cardinali S. Angeli. S. P. D.

**P**ersuaues & (ut optavi) perlongas Epistolas tuas redditas nostris XI. Ianuarij die cognovi; quas conscribis de conflictu Turcorum; illum scilicet non sine cura & diligentia tua divinitus datum. Nec ego secus quid arbitrabar; quamvis scripserim, dignationem tuam mea opinione ægrè ferre; quod, ubi gesta res est, non interfuisti. Non est quod his addam aliquid. Doleo obiisse illum Christiani exercitus ducem Vuaiuodam, sive, ut aiunt, Huniadem. Nam morte illius spes quoque nostra interijisse videtur. Nihil enim reliqui Christianorum principes cogitare videntur: nemo opponit pro nostra salute manum. Pontifex Maximus clamat, & non timetur: & quod sua Beatitudo potest, non sufficit tantæ bellorum moli. Rex Portugalliæ adventurus fertur: Sed timeo ne aliorum desidia illius diligentiam impediat. Quid. n. solus agat, ex ultimis terrarum & Occidentis finibus in Græciā Asiāque profecturus, nisi data opera ut Teutones, Bohemi, Hungari communi animo copias parent, non intelligo, quid alij acturi sint. Hæc dixi Patri Optimo: Papiensis Cardinalis ex Alemania decretaq; sibi provincia reversus, ait Teutones ad expeditionem inclinatos esse sua opera, si modo conventus agere permittantur: sine conventibus nihil putat

putat eos acturos. Cardinalis Neapolitanus propediem ingressurus creditur cum rege Aragonum: Non est ea sinceritas, quam negocia nostra requirerent. Ex Francia multa referuntur, quæ mihi pro nugis sunt. Rex vester Castellæ in Granatum ducturus copias dicitur: Patitur & decimas & indulgentias in suis regnis prædicari; medietatem pecuniarum inde provenientem sibi in id bellum recipit; alteram medietatem contra Turcos Papæ largitur. Domino S. Marci Cardinali commissum est, ut de vacatione Ecclesiæ Pragensis se informet; ut ille præficiatur in Archiepiscopum datarius Papæ. Hæc habet ex nobis, & dilige tuum Æncam ut soles. Tum omnem familiam cum dignatione tua optimè cupio valere. Ex vrbe. VII. die Martij. Anno M CCCC LVII.

*ÆNEAS CARDINALIS SENENSIS ALPHONSO*

*Regi Aragonum S. P. D.*

**S**I Maiestati tuæ rarius scribo, nihil obsecro vel negligentię vel adversæ voluntati ascribatur. Cupio siquidem frequentes literas meas in manus tuas dari, Nam sic potentissimè memoriā mei tua mansuetudo tenacius apud se haberet. Verum materia, quā ego scribere vellē, nō occurrit: quę occurrit, hāc scribere nolo. Neq; n. tutū est, omnia mandare literis; & hoc præsertim tēpore, quo nec qui via recta incedunt, suspicione carent. Ceterū quę hac in Curia geruntur, sunt quā plures, qui tuę Sublimitati ea conscribunt: & nonnulli quidē multo plura & secretiora, quā ego, noverunt. De Germania tantū est, sic arbitror, quod emulante nullo significare possum. Curabo igitur, quoties ex illis regionib. aliqua ad me perferuntur notu digna, ne per me tuā Maiestatem lateant: nūc vero quæ habet, paucis explicabo. Vtricum Ciliz comitē apud Albam Græcam, occisum iamdū accepisti: hoc oppidum nostri Belgradū vocitant: apud veteres Taurinū dictum invenio qui Sauū flumen inferi Danubio apud Taurinū tradunt: in quo loco nunc Belgradū iacere constat. Occisorē Comitē non est ambiguū Laidislaū fuisse filiū Ioan. Huniadis: eius qui sæpe Turcos debellavit: & hoc anno superbiam Mahometis apud eundē locum confregit. Creditū est non minus filium profuisse Reip. Christianę in occisione Comitē; quā patrem in profligatione Mahometis; cum Mahometes & Comes hostes religionis essent: Ille externus, iste domesticus. Memorabilis hic annus est, quo Turci debellati sunt; & magnus Comes, magni Regis gubernator, obtruncatus est. Cometes qui visus hoc anno est, opinioni quę de se fuit, abūdē satisfecit. Apud Taurinū namq; quę dicta sunt patravit: Terrā in regno tuo supra auditum antea sic horribiliter movit, in plerisq; civitatib. seditiones excitavit: maximè apud Senā urbē; vnde nō parva civiū pars exclusa est. Pestis multis in locis debacchata, magnā populi partē, & præsertim in Vngaria deleuit. Caritas annonę non Italiā modo, sed Germaniā, Græciā, & Orientis plurimas regiones afflixit: sed maiora sunt, quę astrorū periti vel vates timenda prædicant: quos ut Deus ipse mendaces arguat optandum est.

Sed,



Sed, vt ad Germaniam redeam, morte Comitissæ apud Austriam cognita, non parua de hæreditate eius controversia suborta est. Quæ fuerunt illi bona sub corona Vngariæ, ad Regem Ladislaum sine contentione pertinent, quæ sub Imperio jacent, multi ad se pertinere asserunt: alij ab intestato, alij ex testamento hæredes se dicentes; vt Albertus & Sigismundus Austriæ duces: tum Michael comes Magdeburgensis: & Vlricus Comitissæ Goritiæ filius; sed potissimum ius ad imperatorem spectare visum est. Concilium Prælatorum Baronumque & Civitatum Stiriz, Carinthiæ, & Marchiæ, Sclavonicæ haberi placuit apud Grezium Bajoracum. In eo auditi sunt omnes, qui Comitissæ Ciliensis hæreditatem dixerunt ad se pertinere: Denique definitum est, oppida, castella, arcesque quæ Comitissæ Ciliæ sub imperio fuissent, in manu Imperatoris tradi: Tum si quis ius in illis sibi competere dixerit, ab eo petendum esse: atque hoc pacto Præfecti urbium locorumque possessionem Imperatori tradidere. Ita multo melior hodie Cæsaris conditio est, quam pridem fuit; quando non solum ab hoste liberatus est pessimo; sed & quæ fuerunt illi vires, sibi accesserunt. Hæc volui scribere serenitati tuæ; haud ignarus, cuncta ei esse gratissima, quæ ad gloriâ Cæsaris maiestatis cedunt: Imperatrix ipsa Augusta optimè valet: De apparatu contra Turcos in Vngariam cum nihil certi habeam, nihil scribo. Sanctissimus tamen Dominus noster, & Germanos, & Vngaros nunc literis, nunc nuncijs excitare atque urgere conatur. Mihi non magna spes fuerit; nisi viderim Celsitudinem tuam classe instructa in magnæ illius memorandæ navis puppe armatam, signum protectionis contra Turcos dare: Nam reliquis orbis principibus, etsi voluntas est, non adest facultas, qua Græciam invadere possint. Tuæ sublimitati si voluntas adfuerit, nihil deerit. Ex Roma, VI. Kal. Aprilis. Anno M. CCCC. LVII.

*ÆNEAS CARDINALIS SENENSIS DIVO*

*Friderico Imperatori.*

**Q**Uæ nunc scribam, pauca sunt; Fama hæc est, Despotum Rasciæ seniores obiisse mortem: filios eius ad Turcos defecisse; iamque Christianis insidiari: quod an ita sit, credimus non latere Maiestatem tuam. Accipio illorum sortem esse in castro Ciliæ, quæ fuit vxor Comitissæ. Cavendum est, ne mulier fraternam labem sequatur: At puto Sublimitatem tuam id non negligere. Quia, tamen aliqui iusserunt me hoc scribere, non fuit consilium, vt reticerem.

In partibus motus est futuri belli, & multa eius rei signa sunt: Deus melius consulat. Civitas Senensis discordijs civilibus agitur. Rex Aragonum suo more venationibus operam dat; fuitque (vt aiunt) in periculo proximis diebus, ne per aprum interficeretur; cum cecidisset, in quo sedebat,

debat, equus. Rex Portugalliz venturus cum classe affirmatur mense proximo; quod mihi non fit verisimile: cum nec terrestris per Vngariam pareretur exercitus; nec ex Italia classis alia paranda putetur, nisi Apostolica. Indigemus Dei auxilio: si bene optamus nostras res dirigi. Commendo me tuæ Sublimitati ad eius mandata promptissimum. Ex Roma, die IV. Aprilis. Anno M. CCCC LVII.

*ÆNEAS CARDINALIS SENENSIS IOANNI*

*Cardinali S. Angeli.*

**B**Reves more tuo scripsisti ad me nuper epistolas: Legi eas libenter: quia significabant te ex Bosna reversum, propè Vngariam degere, ac bene valere: quod præ cæteris mihi iucundissimum fuit. Spero has literas te in Austria reperturas inter mitiores gentes: utinam ita fiat. nam præsentia tua futurum opinor: ut Principes illarum partium profus componantur. Ait Cardinalis Papiensis, se, cum anno superiore in Austria ægeret, omnes lites inter Imperatorem & Regem Vngariæ ad eò attenuasse: ut parum superfuerit ad integram concordiam. Composuisset omnino partes ipsas; ut est opinio: nisi coactus fuisset Nurenbergam ascendere. Existimo igitur te haud dubiè fide debita terminaturum, quod ille infectum reliquit: si tamen ita est, ut compositioni huic tam parva, ut referunt, res defuerit. Vt cunque sit, elaborandum est de eo negotio: nec minus erit, composuisse Imperatorem & Regem, quàm Turcum delevisse: & ego quidem hanc coronam tuæ Dignationi auguror & opto. Rex Aragonum maximam habet in mari classem Galearum supra XXX. magnarum onerariarum VII. minorum navigiorum complurium: in Cathaloniam se iturum dicit: ut inde fortior redeat contra Turcos: inde factum, ut Rex Portugalliz adventum suum suspenderit. Genuenses hanc Regis classem contra se armatam putant: simulque cum eis Florentini & Senenses timeant: certitudo nulla est, quid tandem Rex intendat.

Dominus noster sanctissimus iterum duas Galeas cum pecunia ad Legatum mittit in Orientem: facit pius Pater, quod potest: sed relinquitur à Principibus: nec solus potest tanti belli molem sufferre. Imperator Turcorum contra Mytilenam missurus classem fertur non modicam: sed Dominus Insulæ spe Legati fretus, & auxilio Genuensium, navale bellum instupidus manet. In Albania scribunt Scanderbeium magnalia perpetrasse contra Turcos: quod si verum est, melius tua Paternitas Reverendissima, quæ per id temporis propè fuit, exploratum habuit. Cupio tandem, ut redeas: nec velis triennium complere: nisi Principes contra Turcos excitari posse confidis. Ex Roma die XI. Septemb. M. CCCCLVII.

A a ÆNE.

ENEAS CARDINALIS SENENSIS, ALPHONSO AR-  
*ragum Siciliaque, Regi.*

**H**Ac ipsa die Rex inclyte ac potentissime, allata sunt literæ ex Vngaria summo Pontifici, omnemque curiam conturbant. Reserunt enim Mahometem Turcorum Dominum cum Soldano Ægypti, cum Caramano Ciliciz, cum Tartaro Scythiz inito fœdere, coactis ingentibus copijs rursus ad Vngariam properare. Albam (quod alij castrum Belgradum vocant) summis viribus obsessurum: iamque iter accepisse: nec dubium est, quin diebus quindecim cum toto exercitu ante oppidum sese collocet. Ferunt quoque iurasse eum, etiamsi Asia maiorem partem amissam audierit, non sese retro abiturum. Hæc Albenfes legato Apostolico scribunt, pleni metu, quippe quibus sola spes de cælo est: neque enim tam securi homines Dei, quin humanum expectent auxilium. Incredulum est mortale genus, neque illud ponderat quod scriptum est in sacris eloquijs, Maledictus homo qui confidit in homine. Sed miserandum illis est, si semel divinitus liberati, rursus pietatem divinam tentare verentur. Percussit de cælo Deus hoc anno Turcos: neque enim humana victoria fuit, quæ apud Albam parta est. Voluit experiri Deus quidnam Reges agerent, ceterique Christiani populi rectores: profligavit hostes: occidit, qui ferociore videbantur: Abtulit innumerabiles machinas, spacium dedit, quo, si vellent Christiani sese accingerent, Turco armati occurrerent. Sed quanto magis indulget Deus, tanto negligentiores sumus, abutentes ocio. Ecce redit hostis, & nemo est qui laboranti Vngariæ opem ferat, & vereor, ne Vngaria pessum eat, & nobile illud regnum hostilis gladius evertat. Quod si Deus tulerit: cadit murus nostræ religionis, & itinere plano per Carnos & Forum Iulij in Italiam Turcorum turmæ decurrent. Ad hæc accedit filiorum olim gubernatoria Vngariæ captura: qui per Regem in arce Budensi deprehensi custodiuntur. Cumque his non parvi nominis Prælatus interceptus est Ioannes Varadiensis Episcopus: feruntque & alijs plerisque nobilibus inclyta vincula. Incomperta est adhuc causa: sed verosimile est, necem Comitis Cilez hoc peperisse. Infelices Christiani, quos tanta cæcitas exagitat, ut nec premittibus hostibus domestica deponant odia. Surgat igitur tua serenitas & quod potuerit, huic periculo remediū adhibeat. Ceteri Principes in Tuam Sublimitatem cuncti ferè contorquent oculos: eam ipsam quidquid egerit secuturi. Neque enim Rex est in orbe Christiano: apud quem plus auctoritatis, quam apud te, sit, qui regnorum potentia, rei militaris peritia, experientia rerum multarum, & incredibili sapientia ceteros Europæ principes antecellit. Hæc per me ad Tuam Mansuetudinem fide dicta sint. Datum Romæ die septima Aprilis, Anno MCCCCLVII.

EPISTO-

EPISTOLARVM TVR  
CICARVM

## LIBER V.

FERDINANDVS ALPHONSO REGI

*Aragonum patri.*

Qvod vnum semper optavi, Rex triumphator ac mi pater, vt pro summo Pontifice, ac matre Ecclesia, contra ipsius hostes pugnare posses, & virtutem tuam ostendere: id planè Dei numine consecutus es: effecisti que brevi tempore; quod nemo alius maiori tempore, pluribus copijs, gravioribus laboribus potuisset efficere. Desperata enim iam erat Marchia summo Pontifici: ad quam recuperandam nec vis Ecclesiæ, nec Papalis auctoritas, nec vlla alia potentia suppetebat: eam tu tamen tum scientia rei militaris, tum admiratione victoriarum, tum fama virtutum recepisti: ereptamque tyranno, summo Pontifici reddidisti. Qua gloria nulla est, nec novorum, nec veterum Principum maior. Itaque & mihi videris solus tu Hannibalem atque Hasdrubalem superasse: siquidem prius expulso ex hac parte Italiæ hoste tuo, certe Hannibalem expuleras. Nam vt ille multis commoratus annis, ita hostis tuus hinc exire coactus est. Nunc alter hostis, qui supererat, ex eadem regione abste fugatus est: ex qua Hasdrubal cum suo exercitu fuit eiectus, atque vi extractus. Quare vt iterum dicam, tu vnus Hannibal & Hasdrubal victores.

Ex quibus rebus licet ego summam præter omnes, te excepto, voluptatem capiam, vt debeo: tamen summo opere optatem, vt me participem huius gloriæ faceres: sicut fecisti & regni. Forem autem mi Pater, tuæ gloriæ particeps: si tecum militarem: Si laboris aliquid, imò voluptatis, in re bellica sentirem. Hoc namque modo aliqua pars laudis & victoriæ ad me redundaret.

Et quod maius est, obsecro summe Rex & optime Pater, quod mihi discendum est, scientia rei militaris: sine qua nullus rex qualem tua benignitas me futurum esse vult, verè rex dici potest.

Hanc scientiâ sub quo Imperatore melius discere queam, quâ sub te summo Imperatore aut quo tempore melius, quàm in eunte ætate? Quanquam, optime Pater, non solum meâ causa hoc flagito: sed etiam tuâ: videlicet, vt possim pro te nonnunquam in rebus levioribus subire labores, gerere negotia, suscipere curas. Quamobrem, summe Rex ac

A 2 2 sacro-

sacrofancte Pater, vt maturè possis ex me aliquem fructum capere: te quæso, vt melius maturè mihi procuracionem rei militaris iniungere. Quod si facies, vt opto & spero: maturius spe tua, prout confido, ex me gaudium fructumque recipies. Vale.

ALPHONSVS REX ARAGONVM

*Ferdinando filio.*

**C**ompullus tandem Florentinorum iniurijs, quas nobis ac Venetis socijs & amicis nostris quotidie inferre pergunt: constitui animo, te, quo nihil habeo in vita charius, aduersus eos cum exercitu mittere: sperans Dei ope, qui iustitiæ favet, & tua militumque virtute, fore, vt acceptas iniurias vlciscamur: simul vt cognoscant, iniuste se fecisse qui cum hostibus nostris fœdus atque amicitiam iunxerint: seque in eo errasse: neque satis recte Reipub. consuluisse.

Et quò id alacriore animo suscipias agasq;: hosce veteranos, commilitones meos, mihi charissimos; quos tibi magnæ gloriæ, si eorum vel consilio noveris, futuros reor; trado tuæque fidei commendo: quorum virtus ac fides multis meis magnis laboribus ac periculis, superioribus bellis mihi nota & spectata est: Quorum etiam opera omnes ad hunc diem victorias, & Neapolitanum hoc regnum triumphumq; adeptus sum: quibus denique adiutoribus bellatoribusque magnam Italiæ partem maiorum nostrorum imperio & gloriæ adiecimus.

Hos velim vt in primis ames charosque habeas: putesque nihil, ne vitam quidem ipsam, à me tibi commendari posse diligentius: Quod cum feceris, meam à te gloriam amari & expeti tum denique existimabo: Hos vide, ne temerè in discrimen mittas.

Nec verò multum à te cohortandi, aut oratione incitandi erunt: si quid periculi subeundum erit: magis à te reprimendus moderandusque quàm verbis accendendum animus erit. Tales tibi viros ad necessarios casus reserves facito: in quibus scilicet de dignitate tua agatur, aut fama. Nec verò apud me dubium relinquitur: cum eos ita habiturus sis: quin Imperatorem eundem habere se sentiant.

Id autem te ante omnia monitum velim: ne tantum tuæ aut tuorum militum fortitudini fidas: vt arbitreris absque divina ope à te hostes superandos esse. Victoria etenim non ex hominum consilijs, sed ex summi Dei voluntate ac potestate profisciscitur. Tum denique tibi militares artes profuturos scito: cum Deum tibi pietate ac iustis factis propitium reddideris.

Eum.

Rum igitur, si vincere expetis, pura mente colito: spemque omnem victoriæ in eo reponito. Et si quando (quod solet in bello contingere) tibi quicquam adversi acciderit: quo existimare poteris, ipsum Deum tibi subratum esse: vide ne ab eo per impatientiam atque animi perturbationem discedas: sed potius satisfaciendo, ei reconciliari stude. Solet enim Deus, quos diligit, interdum malis afficere: & quos constantes in adversis videt, rursus in meliorem fortunam restituere. Existimationis tuę diligentissima tibi ratio habenda erit: putandumq; nihil eare in rebus humanis pluris esse, aut fieri debere. Quippe cum victoria nonnunquam magis existimatione & famâ quam militum robore ac virtute comparetur. Et victoria quidem sæpe cladibus mutatur: at fama, si cum probitate ac fide coniuncta fuerit, & permanet, & cum omni ævo perdurat. Honestati itaque à te incumbendum erit: qua detracta, nec principi illi Deo placere, nec apud mortales auctoritatem ullam stabilem aut gloriam consequi possumus.

Venetorum verò amicorum ac sociorum nostrorum Rempub. nostram esse existimato: eamque non minore studio ac diligentia, quam regnum nostrum, defendito: pro qua quidem conservanda, nec sumptui, nec militum labori parcas, iubeo. Cum ijs eo animo societatem iunxis ut, quandiu nobis vita contigerit, omnia eorum prospera & adversa mihi communia habiturus sim. Nec te ab hoc proposito deterreat, aut pecuniæ, aut alius cuiusdam rei indigentia. Namque omnia, quæ bello usus fuerint, tibi à nobis abundè suppeditabuntur. Et, ut vno verbo agam, non magis tibi, quam mihi, ipse defuturus sum: ut scias si modò ubi ipse nō defueris, nihil tibi per nos de fore. Illud postremò observato, ac mandato memoriz: in quo tua laus & gloria elucescet: si qui ex hostibus, antequam oppugnentur, in ditionem veniant: eos benignè in fidem tuam recipias. Ac si qui fortasse obstinatoribus animis diuturnam obsidionem pertulerint: cum in potestatem tuam venerint: clementiam tuam potius, quam illorum pertinaciam, respicias: magisque, quid te ac gente nostra, quæ semper crudelitatem odio habuit, quam quid illis dignum fuerit, cogites. Quæ si observaveris (observare autem omnino debes) & nobis lætitiā, & tibi gloriam paries. Vale.

CALIXTVS EPISCOPVS SERVVS SERVORVM DEI

Ioanni Cardinali S. Angeli.

**E**X literis tuis Duaci XVII. Iulij datis intelleximus: te in partibus illis commoraturum per aliquod tempus: ut quid Turci agant, quidve parent, facilius cognoscas: ac nobis & filio charissimo nostro Regi Vngariæ quam celerrimè significes. Intelleximus & antea, quæ gesseris in regno Bosnz.

Aa 3 Lauda-

Laudamus opera tua, & omnia per te gesta prudenter & accuratè recognoscimus: commendamus quoque circumspeditionem tuam & animi constantiam ac bonitatem: quæ dum Christi Dei nostri negotium agit, nec labore frangitur: nec timore dei ceditur: nec periculo vllò à sancto proposito deterreretur. Multa tibi debet sedes Apostolica: & quidem pro singulari virtute tua, proque gravibus laboribus, quos perpessus es, scimus nos plurimum tibi obligatos: conabimurque vita comite pro tuis meritis personam tuam honorare. Nunctamē vel maximè necesse est, vt perseveres in sancto hoc opere: personamque tuam à labore cœpto non retrahas: sed pro tua excellenti prudentia in his continues: quæ salus Ecclesiæ à te deposcit. Cumque ad res fidei contra Turcos prospectū dirigendas maximè necessarium sit: vt charissimi in Christo filij nostri Fridericus. Imperator Romanorum, & Vladislaus Vngariæ Boëmizque rex, inter se conciliati arma in Turcos convertant: sitque modò quædam dicta inter eos indicta ad pacem tractandam: in qua dilectus filius Ludovicus Bavariz Dux tanquam mediator futurus asseritur: vtile nobis videtur & quodammodò necessarium; vt tu, quoque eò te conferas, in tam sancto opere partes tuas nostro nomine adhibiturus. Ea propter mandamus tibi, vt, nisi alia causa necessaria magis in Vngaria te retineat, ad Imperatorem & Regem præfatos, quantò ocyus gressus tuos dirigas: eos ad pacem ducere coneris: & omnia facias, quæ tibi videbuntur ad reconciliationem ipsorum Principum necessaria. Exenim videtur rebus agendis omnino conducere, quod tu Principes hos ipse adeas: sive ipsum Ducem arbitrum ante tuum adventum pax concludatur, sive non. Namque si pacem factam inveneris: id quod Deus pro sua misericordia largiatur habebis expeditam viam, qua Principes ipsos ad ducendum contra Turcos exercitum efficaciter invitare possis: & alia multa sunt in Alemania gerenda, quæ tuam præsentiam exposcunt. Sin verò, quod absit, concordiam nondum factam inveneris: laborandum tibi erit totis viribus, vt eam perficere possis. Nisi enim Principes ipsi depositis inter se discordijs ad commune bonum vnanimes fiant: non videmus, quid per Vngariam contra Turcos patrari possit leude aut existimatione dignum. Datum Romæ, XVI. Octobris. MCDLVII.

CALIXTVS PAPA VLADISLAV

Regi Vngariæ. S.

**I**ntelleximus non sine gravi displicentia mentis nostræ & amaritudine cordis, quod adhuc inter charissimum in Christo filium nostrum Fridericum Romanorum Imperatorem Augustum, & tuam Serenitatem, non solum discordia, sed apertum bellum perduret: & hinc inde subditi vestri vexentur & lacerentur. Quæ res tanto molestior nobis est, quanto magis exinde Reipub. Christianæ detrimentum resultat.

Est.

Est profectores detestabilis, quod vos, qui vna ex familia nati estis, proximi sanguine, fratresque patruels, tantis ad invicem odijs fervetis, ut etiam armis deceretis. Dolendum est, quod opulentam & nobilem patriam vestram, nunc seuto, nunc igne, dissensio vestra devastat, & quod illas vires inter nos consumitis, quas deberetis in hostes fidei pro tutela Christianæ religionis effundere. Et quamvis Imperatori præfato, tanquam primo inter seculi principes advocato Ecclesiæ, & protectori fidei Catholicæ, potissimè incumbat: pace in suo imperio procurata, totis conatibus in commilitaria signa transferre; qui nomini Christiano insultare nituntur: tibi tamen non minus cura esse debet, ad hostes fidei propulsandos, & maximè Turcos: qui regno tuo Vngariæ latissimo & quondam florentissimo non solum vicini sunt, illique molestias indies inferunt: sed etiam non parvas eius provincias sibi usurpaverunt. Dolemus certè, & angimur vehementer: cum indies ex illo regno Christianos capi, & in barbaricam deduci captivitatem accipimus: miramurque te non maiori studio teneri pro defensione ipsius Regni, quam videmus: qui dum in Austriâ cum Patruelle tuo contendis: præfati regni curam postposuisse videris: tanquam plus doleas, vnam tibi per Christianos villam auferri: quam si per Turcos vna provincia surripiatur.

Certè illud palam est, quod cum tu & Imperator invicem discordes estis, & domestico bello impliciti: non solum Vngaria, sed tota fere Christianitas in periculo ponitur. Nam quomodo Galli & Hispani vel Angli contra Turcos exercitum ducere curabunt in remotijs agentes: quando vos, qui propè estis, & quorum potissimè res agitur, inter vos dissidentes, nihil cogitare videmini super his, quæ Turcorum perfida gens adversus Christianos indies molitur. Est igitur, supra quam dicere possumus, periculosa hæc vestra discordia, nec aliud videmus, quin mala infinita prorumpant, nisi quam celerrimè tu & Imperator simul conciliemini. Audivimus tamen vnum, quod nobis consolationi est: dilectum filium, nobilem virum, Ludovicum Bavarie ducem in Austriam descendisse, concordiam inter vos, tanquam communem amicum, facturum. Nos autem dilectio filio nostro Ioanni Cardinali S. Angeli, Apostolicæ sedis Legato, qui iam dudum pro salute regni tui Vngariæ, proque communi Christianorum utilitate non sine magnis laboribus & expensis ibidem commoratus est, litteras dedimus: ut ad Imperatorem & tuam Serenitatem confectum se confectens, omne studium suum ad id convertat, ut tandem lites vestræ tollantur, & penitus sopiantur: redeatque ea inter vos benevolentia, quam propinquitas vestra requirit, & nos desideramus. Interea dilectus filius Laurentius Rovallera S. Theologiæ professor, nuncius & subdiaconus noster, simul cum dilecto Duce ad eam pacem pro viribus se agitabit.

Velit



Velit igitur tua serenitas ad ea, qui pacis sunt, animum inclinando, ita se habere: ut iam denique finis imponatur domesticæ dissensionis vestræ: nec velis audire eos, qui fomenta suggerunt discordiarum: sed modos quoslibet idoneos perquire: ut in Austria cæterisque tuis Dominijs pacificatus, ad defensionem vngariæ prædictorumque Turcorum exitum insurgere possis: & ita efficias, ut Imperator tuam erga se charitatem intelligens, una tecum, vocatis ex Alemania subsidij, exercitum pro tutela fidei & regni tui salutē ducere invitetur. Insuper quia nonnullos per Germaniam rumores esse audivimus: tanquam nos nationem ipsam diversis modis aggravemus: mittimus copiam literarum nostrarum, quas Imperatori dirigimus, tam super pace tecum habenda, quam super rumoribus huiusmodi, ut si fortē ad aures tuas oblocutiones eiusmodi pervenerint, habeas ex nobis, unde sinceritatem & innocentiam nostram tueri atque ostendere possis: Hæc scripsimus tibi pro ea charitate, qua personam tuam prosequimur: qui postquam te hic Romæ in minoribus constituti vidimus: & tuam indolem adhuc in ætate tenera consideravimus; ab illo tempore personam tuam singulari quodam affectu dileximus: & existimantes te pro magno aliquo Christianitatis bono ad maxima reservari: de bona valetudine tua ac felici statu semper curiosi fuimus. Tuam nunc est, quæ à nobis scribuntur, bona mente recipere: & spem, quam de tua bonitate concepimus, adimplere. Datum Romæ. Anno M. CCCCLVII

CALIXTVS PAPA FRIDERICO ROMANORVM Imperatori.

**Q**uamvis Apostolicæ sedis, sicut placuit altissimo, præsidentes, ea nos semper cura tenuerit: ut in clatæ nationi Germanicæ pro nostra possibilitate placeremus, & omnibus illis ad nos concurrentibus faciles & benignas præberemus aures: nuper tamen (sicut nobis relatum est) nonnulli ex venerabilibus fratribus nostris ac dilectis filiis, nobilibus viris, Romani Imperij Electoribus, & alij plerique Principes & Prælati nationis ipsiusdem, dicta quadam sive conventu inter se celebrato, Oratores suos ad nos miserunt: qui de nobis deque Curia nostra non parvam querelam facientes, inter cætera exposuisse feruntur: quod nos diversis modis nationem ipsam aggravantes; quæ inter te nomine nationis & antecessorem nostrum, felicis recordationis, Nicolaum Papam V. concordata fuerunt, minimè adimplere, aut observare curemus. Quibus ex rebus etsi non dubitemus Serenitatem tuam, pro sua erga Romanam Ecclesiam eximia devotione, illorum querelas acriter ac debitè refutasse, dignum tamen putavimus, super his, quæ nobis obijciuntur, sinceritatem & innocentiam

nocentiam nostram tuæ sublimitati perspicuam ac manifestam efficere, ut si quando posthac similes querimonix ad tuas aures deferantur, habeas ex nostris literis, quod murmurantibus atque detrahentibus hominibus respondere atque obijcere possis. Equidem cum nos omnes Christiani orbis nationes benigne, quantum cum Deo possumus, tractare curemus: præcipuè tamen Germanicos Principes ac Prælatos singulari quadam charitate & præcipuo profecuti sumus affectu. Neque enim nos latet, quo favore amplectendi sint Ecclesiariû Præsules, & seculi Principes quo honore præveniendi: ut illos fratrum, & istos filiorum loco, sua cuique dignitate servata, habere debeamus. Sunt Euangelica sacra semper ante oculos mentis nostræ: sanctorumque patrum decreta sedulo in animo volvimus.

Novimus quid Episcopis liceat, quid principes deceat: quid officii summi sacerdotis incumbat. Neque cordi nostro quicquam tenacius hæret: quam ita sacros Canones observare: ut idonei mysteriorum Christi dispensatores inveniamur. Nota est omnibus Apostolicæ sedis auctoritas: manifesta cuique Primæ sedis dignitas: vulgata per orbem Vicarij Dei potestas: cui dictum est à Domino: *Pasce oves meas; & quodcunque ligaveris super terram, erit ligatum & in calis*, & reliqua: quibus in Euangelio Romani præsulis eminentia divinitus declaratur. Quibus ex rebus enim est, cur aliquis opera nostra criminari possit, tanquam, latius evagemur, quam nobis liceat, aut tanquam in alienam messem falcem mittere videamur: cum non huius & illius provinciæ, sed vniuersi orbis præsulatum, in Apostolicæ sedis specula consecuti sumus. Quæ cum ita sint, scimus tamen eos, qui vocati sunt in partem sollicitudinis, non esse turbandos: suamque cuique iurisdictionem, nisi forsitan abutantur, servandam esse non ignoramus. Ea propter ita nos gerere in hunc usque diem curavimus: ne de nobis cuius homini querela competere possit: nec putamus aliquos esse, qui se læsos aut spretos à nobis dicant: nisi fortasse aliqui fuerint, qui desideria nostra non rectè metientes: tunc se contemtos ac gravatos arbitrantur: cum petitionibus eorum iniustis non annuimus. Sed audivimus, tanquam nos aurum ex natione tua, supra quam deceat, extorqueamus.

Iniuriantur profectò nobis, & à vero longè recedunt, qui talia dicunt, nihil unquam nostro nomine ab his extortum est, quibus beneficia contulimus, ut illi garriunt: nihil exactum, nihil petatum, præter annatam vectusto iure debitam. At si qui contra Turcos pecuniaria nobis subsidia obtulerunt, non recusavimus: nec recusare quidem debemus, pro tanta Christianæ religionis necessitate. Pecunias autem huiusmodi & alias undecunque venientes, non usurpamus nobis, non recondimus in arca: non

Bb exponi-

exponimus in iocalibus; non consumimus in delicijs, sed in defensionem fidei convertimus, & in oppressionem perfidæ Turcorum gentis, ad nostrum exterminium semper intentæ. Innumerabiles nobis, & intolerabiles sunt, quas indies subimus, expensæ: nunc in Orientem Legato classis nostræ: nunc in Albaniam Scanderbego fortissimo Christi athletæ, indessetque bellatori: nunc Legatis & Oratoribus in diversas mundi partes emissis: nunc iſkis, nunc illis per Græciam & Asiam laborantibus, ne destituti periclitarentur, pecunias mittimus. Nec fuerunt inanes huiusmodi sumptus. Licet enim nobis in Domino gloriari; qui per ministros suos, torpentibus ac pene dormientibus cunctis fermè Christianis principibus, nobis tantummodo instantibus atq; urgentibus Turcorum superbissima cornua, & insolentissimas acies apud Vngariam confregit: magnumq; illum & potentissimum exercitum prostravit: qui sibi non Vngariam modò, sed Germaniam totam, Galliam atque Italiam proterere, legemque Christi funditus evertere promittebat. Itaque liberavit Dominus populum suum Præsulatu nostro, plebemque suam ex ipsis quodammodo faucibus crudelissimi & immanissimi draconis eripuit. Nunc quoque classis nostra tuetur Rhodum, Cyprum, Mitylenè, Chium, & omnes in Oriente Christiani nominis insulas: quæ sine tali præsidio haudquaquã Turcarû navibus indies incurſantibus resistere potuissent; quodq; laudabilius est, ac divino nobis munere cõcessum: non tantû, quas diximus, insulas Legatus noster sua prudentia & animorû robore tutatus est, sed alias pleraq; Turcorum Domino servientes, ad Apostolicæ sedis devotionē obedienciamq; redegit: novissimeq; non pauca eorundē Turcorû navigia, ad oppugnandas Christianorû Insulas exeuntia, potēter invasit, debellavit, in potestatē redegit. Nec Albania ingruentes Barbarorum impetus inclinare potuisset: nisi nostrarû intervenissent pecuniarû auxilia quæ Scanderbego misimus. In his nos rebus pecunias consumimus: in his profundimus: quicquid vndequaq; corraderē possumus auri vel argenti: Honorē Dei, non nostrû quærimus: pro salute populi nobis cõmissi laboramus, non pro privata utilitate nostra: Curamus, ne nostro tempore Christianorû nomen spurissimi Turcorum pedes cõculcare possint. Sed non sunt hæc eiusmodi onera, quæ nos soli portare queamus: vel quæ sedes Apostolica valeat per se ipsam tolerare: facimus tamē q̃ possumus: & qui scētibus alijs, qui nobis auxilio esse deberent, instamus; nihil omittimus ex his quæ facultates nostrę permittūt: necessaria nobis detrahimus, ut incubenti necessitati pro parte nobis possibili subveniamus. Quæ cū ita sint, audent tamen nonnulli, parû quidē religiosè, & ad cõmune bonû minus intenti, nos redarguere; quod ab his pecunias recipim⁹, qui promoventur, quāvis sponte oblatas in classem cõtra Turcos emissam: quod quam iniquè agant, iā plane perspicis. Sed agunt pleriq; concordata,

(de qui-

(de quibus mentionem supra fecimus) per nos minime observari: affirmantes Electionem Episcoporum, aliorumq; Prælatorum nos parvipendere, aut prorsus abijcere. Quod pari modo neq; vere, neq; iuste nobis obijcitur. neque. n. electiones Prælatorum in Germania factas quovis pacto contemnimus, neq; ex cōcordatis omnes passim electiones confirmare tenemur, sed illas tantummodo, quæ Canonice reperiuntur: quod quidē à nobis diligenter custoditum est. Nunquam. n. aliquam electionem reperimus esse Canonicam: viros autem complures illis Ecclesijs præficimus, in quibus electiones etiam minus Canonice prætendebantur. Quod si aliqui sunt, qui confirmationē petentes non obtinuerint (sunt autem paucissimi) sciant, se idcirco ex sua petitione cecidisse: quia nec Canonica fuerat eorū electio: nec promotio Ecclesijs, ad quas vocabantur, fuisset utilis. Potestate autem illa, quæ nobis ex divino & humano iure simulq; concordatis ex prædictis competit, providendis Ecclesijs de persona magis idonea, etiam si Canonica in illis facta electio reperiatur, adhuc nō sumus vti, nec vti proponimus nisi ex magna & vrgentissima causa. Super reservationibus autē, cæterisque beneficiorū provisionibus, de quibus similiter accepimus querelas coram tua serenitate fuisse propositas, nō sumus memores aliquid à nobis esse cōcessum cōtra cōcordata prædicta. Quod si quid tale factū est: vt sepe in multitudinem literarū ac negotiorū aliqua transeunt, neq; bene gesta, neq; bene revisa; non est intentionis nostræ, aut ordinariorū mensibus derogare, aut concordatis ipsis contravenire. Quin immo quamvis liberrima sit Apostolicæ sedis autoritas, nullisq; debeat pactionū vinculis coërteri, ex mera tamen liberalitate nostra, ex zelo quem gerimus ad pacē, ex charitate, qua te tuamq; nationē prosequimur, concordatis ipsis locū esse volumus: nec patiemur ea temerē violari, dum Romanæ sedis gubernacula retinebimus. Si quid præterea est, quod ipsi nationi molestū videatur ex his, quæ prodeunt ex nostro solio, idq; fortasse dignum emendatione censetur (Possumus. n. & nos, vt homines, aliquando labi atque errare) in his maxime, quæ fati sunt, non decet Episcopos, aut alios quosvis mortales super Apostolicam sedem autoritatē sibi vindicare: aut illos imitari quoquo modo, qui pessimo more detestabiliq; exemplo, in perniciē Ecclesiasticæ hierarchiæ, in confusione mystici corporis Christi, in animarū suarum ruinam leges sibi constituunt: per quas licitum sibi esse arbitrantur, Apostolicę sedis mandata contemnere: ac pro suę voluntatis arbitrio Ecclesiastica spiritaliaq; negotia disponere. Nam qui talia præsumunt, alieni sunt: Deum patrem suū appellare non possunt, qui matrē Ecclesiam recognoscere nolunt, sed tanquā mēbra vel putrida, vel arida à reliquo corpore rescindi debent. Nulli. n. permissa facultas est, vt contra Romanam Ecclesiam, omnium fidelium matrem ac magistram, recalcitrare possit, vel se ab illius imperio subtrahere.

Bb 2 Come-

Comedendus est vna in domo paschalis agnus: manere oportet in aca, regnante diluuió: cui cura est, ne pereat. Vnus DEVS: vna fides: vnum Baptisma: vnus Christi vicarius in terris est: qui cælos bene merentibus aperit, claudit malignantibus. Si quis autem arbitratur secum non bene agere Apostolicam sedem: recurrere ad eam debet, gravamen suum exponere: remedium petere: Nunquam pia mater filiorum desiderio decrit, quod viderit ad salutem eorum pertinere. Et tu ergo, serenissime Imperator, si quid arbitraris tuæ nationis Prælatos habere, quod per nos emendari debeat: admone eos, hortare, & vrge: vt ad nos venientes suas nobis necessitates exponant: gravamina referant: desideria proferant. Nam votis eorum, quæ à rationis tramite non discordent, tanto libentius annuemus, quanto confidentius eos ad nos recursum habere videbimus. Caterum quia charissimum filium nostrum Ladislaum Vngariæ & Boëmiae Regem illustrem, tibi nondum reconciliatum esse percepimus, sed adhuc inter te & ipsum lites esse feruntur peringentes; quamvis non dubitamus, pro tua te sapientia ea duntaxat seu quærere, seu velle, quæ sunt æquitati aut iustitiæ consona: quia tamen discordia vestra tanto magis nos angit: quanto magis Christianæ Reip. damnum resultat: serenitatem tuam rogamus: vt ante tuos oculos ponas primū, cū quo cōtendis; & vbi cōtendis: quia cū carne tua, cum sanguine tuo, cū fratre tuo, & in domo tua, in agris paternis, in hæreditate avita bellum geris: in quo nec perdere, nec vincere tutū est. Considera quæ so, quod tu Imperator es: advocatus Ecclesiæ, protector fidei Catholicæ, primus inter seculi principes: primus qui arma pro defensione religionis nostræ induere debeas. Considera, quod tu ille es, in quem omnium Christianorum oculi coniecti sunt: qui si (quemadmodum tibi ex officio incumbit) adversus impiam Turcorum gentem, arma promoveris, vniuersos ferme reges ac principes, vt te sequantur, provocabis: labentemque rem Christianam magnifice sublevabis: sin verò domi manseris, alijs occupatus curis: nemo erit, qui bellum Christi gerere velit, erisq; tu ipse causa, cur nostro tempore fides Catholica negligatur. Intellexisti, quæ fecerint Turci superioribus annis: vt Constantinopolim, Orientalis Imperij caput, ac totius Græciæ columnen, invaserint: vt vrbes quā plurimas incenderint, vt Christianū sanguinē effuderint, vt altaria everterint, vt sanctorum reliquias pro canib⁹ obiecerint, vt imagines Dei nostri, gloriosq; matris ei⁹ aut lanceis effoderint; aut spultis lutoq; deturparint. Scis quæ nunc cogitant, quæ parant, quæ moliantur: Nullū illis studiū ardenti⁹ nulla cura, ppenrior est, quam vt ea agant, per quæ possint Christianā gentē fundit⁹ perdere; vincula, verbera, necesse, fidelibus omnib⁹ cōmanantur. Prope est eorū gladius, & adesse festinant tempora, & tu interim & Patruelis tuus arma, quæ merito in hostes fidei verterentur, contra subditos ac vassallos vestros exercentis.

Dicca

Dices fortasse, quievissem, nisi me magna necessitas impulisset; sed paratæ fuerunt insidiæ mihi: hæreditas mea in periculo posita est; coactus sum arma pro defensione capeßere; invitus pugno cum sanguine meo. Possibile est, quod ais, nihil inficiamur: age sint vera, quæ refers, omnia: sit iustissima tua causa: At iustius est pro Christo pugnare & maior necessitas, hæreditatem Christi, quam tuam defendere. Si tua perit; est adhuc ubi salveris: si perit Christi hæreditas, (quod tamen nullo pacto futurum putamus) & tuam hæreditatem perire oportet: & Christianæ reip. fundamenta corruere. Cogita igitur de communi periculo prius; & maiora minoribus antepone: Exquirito omnes vias, quibus cum patrule tuo, quantum sanguine iungeris, tantum dilectione & affectu sincero copuleris, nec illi imputes quodquomodo, quæ per alios ætati teneræ subgeruntur. Audivimus dilectum filium, nobilem virum Ludovicum Bavariz ducem, inter te & ipsum patruelem de pace acturum, in Austriam descendisse. Credimus & dilectum filium nostrum Iohannem Cardinalem S. Angeli, Apostolicæ sedis Legatum, quemadmodum & scripsimus, iisdem tractatibus interfuturum. Age flecte animum: & amplectere bonâ mente concordiam: noli omnia, quæ tibi debentur, exquirere: esto contentus his, quæ potes obtinere: nec graveris pro bono pacis de tuo iure paucâ dimittere. Deus, pro cuius causa pacem accipies, maiora tibi retribuet: Commendabunt omnes tuam sapientiam; qui furori temperantiam, arrogantiam humilitatem, duriciæ mansuetudinem, tenacitatem largitatem obiecerint. Sit finis aliquando civilis & intestinæ discordiæ; ut tandem cum patrule tuo reconciliatus, & tu, & ipse, cæterique Germanicæ terræ proceres, quorum consuevit in armis esse invicta virtus, vnitis iam viribus, ac concordibus animis, in Turcos militaria signa feratis; infelices Christianos, qui per Graciam captivi merentur, à iugis servitutis eximatis: ac regiam civitatem, quæ de Constantino Cæsare nomen habet, quàm turpiter pridem amissa fuit, tam gloriosè recuperetis. Hæc scripsimus tuæ serenitati, non sine fiducia singulari; pro ea qua tibi & inclytæ nationi tuæ, ingenti charitate sumus affecti. Tuum est, ut hæc tam bono animo recipias, quàm sunt à nobis optima corde prolata. Datum Romæ apud S. Petrum, pridie Calend. Septem. Anno M CCCC LVII.

PIVS. II. PAPA, PHILIPPO DVCI

*Burgundia. S. D.*

**I**Nvalescente magno Turco fidei Christianæ adversario; & infinitos pene Christianos Salvatoris nostri Iesu Christi sanguine in crucis patibulo abunde effuso liberatos in suam servitutem redigente: felicitis recordationis prædecessores nostri, maxime Nicolaus V. & Calixtus III. curam as-

Bb 3 sum

sumpserunt, ne Turcus iste prævaleret, pro viribus providendi; & quia sperabant in Europa possit tantum efficere, quod Reges & Principes Christiani se voluntarios & fideles Christi milites in hoc necessario tempore ostenderent; quisquis eorum ad Asiam & Orientis partes misit dilectum filium Ludovicum de Bononia, fratrem Ordinis minorum de observantia regulari; ut is pro sua prudentia, rerum, locorum, hominumque noticia, Christianos Orientis, & alios Christianorum amicos excitaret ad ferendum similiter arma contra Turcum.

Nos autem cum in prædecessorum dictorum labores divina ordinatione successimus; Mantuam accedentes, simili spe ibidem Christianorum exercitum adiuvandi, eundem fratrem Ludovicum misimus cum instructionibus oportunis, Christianos & Christianorum amicos concordandi, & ut in Turcos vires coniungerent, eos incitandi; data ei spe nos in Europa nullatenus defuturos. Accedens frater Ludovicus omnia sibi per nos commissa diligentissimè & prudentissimè est executus: qui, ut optimam illorum Regum ac principum obedientiam & devotionem, quam habent ad sedem Apostolicam, intelligere possemus, curavit secum advenire dilectos filios, Michaellem Imperatoris Trevesundarum, Nicolaum Regis Persarum, Costopam Ducis Georgiani, Manpethem Assenbech Soldani Mesopotamiz, Murathem Verbrecht Armeniz Dominum, Oratores & nuncios; qui nobis literas obtulerunt, suorum dominorum exprimentes favorem, ad præsumtuosissimi Turci destructionem, & simul motivam nostrorum desideriorum executionem.

Quoniam verò talium Regum & principum conclusiones ad honorem Dei & fidei nostræ tuitionem tendunt; ideo volumus tuam Serenitatem participem fieri; ipsisque iniunximus, ut cum præfato fratre Ludovico nuntio & Oratore nostro ad tuam veniant Celsitudinem; & singula, quæ nobis verbo & scriptis responderunt, planè referant. Desideramus itaque à tua excellentia, ut tam ipsum Ludovicum, quàm ipsos Orientalium Oratores, etiam nostra cōtemplatione ad tuam admittas audientiam; & suorum dominorum ad ea quæ Christi sunt, devotionem attentè consideres; attendatque tua nobilitas, quod non minus, quam Orientis reges, obligatur ad similia & maiora in communis hostis destructionem pro viribus impendenda; & de hoc nos simul ac ipsos & totam Ecclesiam ratam & consolatam reddas; eosque quantocyus ad nos remittas votivè expeditos. Commisimus autem dicto fratri Ludovico, ut nostro nomine Celsitudinem tuam reddat certiore; nos in omnibus Mantuæ ordinatis pronos ac paratos sine defectu futuros, quantum ad nos atinet recipimus, quin etiam ultra ea quæ ibi conclusa sunt, & nos concernunt, omnia nobis possibilia in

in Dei laudem adiiciemus. Datum Romæ apud S. Petrum, Anno, M CCCC LX. Idib. Januarij, Pontificatus nostri anno III.

DAVID IMPERATOR TRAPESSVNDARVM.

*Philippo Duci Burgundia.*

**I**llustrissime Dux Burgundia, Ego David Imperator Trapeßundarum post plurimam salutem, libenter ad te scribo de his, quæ hic apud nos occurrunt; ut cum certior factus, pro tua religione & amore erga fidem nostram, possis deliberare quid tibi agendum sit. Nuper enim ego & reliqui Christiani Principes, qui in istis sumus regionibus, fœdus atque ligam injecimus inter nos bellum gerendi contra Turcos; & ego filiam Caloianis, fratris & prædecessoris mei, uxorem dedi Assembech, qui filius fuit Carailuch potentissimi Principis: & hoc feci ut ipse firmus sit, & fidelis nobis in Liga, quam nobiscum fecit; & ut perseveret in bello gerendo contra Turcam, qui tenet Constantinopolim; cum quo iam bellum gerere incæpit; multasque illi regiones & oppida pugnando cepit, quæ prope confinia sua erant; nunc verò reversus est in patriam suam. Itaque nos ipsi parati sumus: & expectamus adventum vestrum contra infideles; quemadmodum Dominus Papa ad nos scripsit; & per Oratorem suum nobis significavit; quod vos Latini principes debeatis inire consilium in civitate Mantuanæ: ut faceretis exercitum contra infideles.

Quod si facietis, nos parati sumus: Ego cum triginta biremibus & cum viginti millibus hominum: Asambech promptus est exire ad bellum istud cum quinquaginta millibus hominum ad debellandam & subigendam Bursiam & totam Natoliam. Quapropter rogo illuminatissimam dominationem tuam, ut placeat tibi dare aliquod principium huic bello ex partibus Ungariæ. Nam si vos aliquod impedimentum etiam parvum Turco inferetis; ut ipse ad diversas partes distrahatur; nos ad eò ipsum urgebimus ex latere nostro; ut facile destrui & debellari possit.

Et si dominatio tua deliberat ad hoc intendere & venire, & aliquem tuorum mittere; nos omnes Orientales Principes promittimus tibi præstare auxilium, opem, & quicquid in nobis erit ad recuperandam Hierusalem; & te illius Regem constituemus; & ut scias, qui simus, qui confederati sumus, & hoc tibi promittimus: Ego in primis, qui paratus sum, ut dixi, cum XXX. biremibus & XX. millibus hominum: Georgius Rex Persarum promptus est cum LX. millibus hominum; Gorgora Dux Georgianæ paratus est cum XX. millibus equitum: Bendiam Rex Mirigraliz cum suo filio promptus est cum sexaginta millibus hominum, quod illi facile erit: Rabia, cum suo fratre & suis Baronibus cum XXX. millibus hominum: Natio Githorum & Aronorum promittunt milita-



militare sub vexillo Georgij Regis Persarum: Dardebech, Dominus Armeniæ minoris cum X. millibus hominum: Asambeck affinis meus, ut dixi, infidelis promisit nobis dare transitum, & personaliter venire cum quinquaginta millibus hominum. Sunt etiam nobiscum confœderati duo alij infideles domini, Caromanus & dominus Sinoppi: qui continuè quærunt, quomodo se possint vindicare de Turco Constantinopolitano, & terras suas recuperare. Aliud impræsentiarum ad dominationem tuam non scribo: nisi quod commendo tibi Michaelē de Algeory Baronem & Oratorem meum, quem ad te mitto; cui fidem plenam super istis rebus adhibeas: qui verbis omnem intentionem & deliberationem nostram exponet. Iterum te oro, ut ne permittas hoc nostrum pium negotium & inceptum frustra fieri, quoniam à Deo factum credimus. Ex illo tempore, quo amicitiam contraxi cum hominibus tuis, qui ad has partes pervenerunt, semper mihi agnitus es: tuique honoris & dignitatis favor semper fui eroque. Vale in Christo. Trapeſundæ in Palatio nostræ residentiz. Anno Domini M CCCC LIX. die XXII. Aprilis.

GORGORA DVX GEORGIANÆ PHILIPPO  
Duci Burgundiz.

**Q**Voniam intellexi, te esse fidelissimum Christianum: & desiderasse semper aliquid agere, quod honori & amplitudini esset sanctæ fidei nostræ: sicut tui fecerunt antecessores; ideo multum desidero tuam habere amicitiam. Nam ego Christianus sum: & pro defensione & amplitudine illius sanctissimæ fidei mori cupio; nec quicquam libentius facio, quam bellum cum infidelibus gerere, maiorum meorum vestigia & consuetudinem imitando.

Etenim post obitum parentis mei multa cum illis bella gessi; & sæpissime gratia Dei de illis victoriam habui; multas civitates ipsorum debellando cepi; & nisi his superioribus annis bella quædam inter me & aliquos Christianos finitimos meos orta fuissent, maiora profecto contra infideles gessissem. Sed impræsentiarum quoniam mandato Domini Ludovici nostri patriarchæ pacem feci cum omnibus Christianis finitimis meis; omnino decreui omnem meam facultatem & vires omnes adhibere contra Turcos; & quemadmodum promisi domino patriarchæ nostro, ego personaliter cum XX. millibus equitum ad hoc bellum contra infideles aggrediar; quod ut facilius fieri possit, non solum pacem, sed fœdus, & ligam feci cum omnibus principibus Christianis, qui in istis sunt regionibus: ut communibus copijs Turcum qui tenet Constantinopolim, inuadamus. Confœderati enim sumus ego & Georgius Rex Persarum, David Imperator

tor Trapeſſundæ, Bendian Rex Miregreliz, Rabi dux Anocaſiz, Bedebeth Dominus Armeniz minoris, & alij Domini orientales: habemus etiam nobiſcum in noſtra confederatione tres potentes principes infideles, qui Turci Conſtantinopolitani ſunt inimici; Caramanum ſcilicet & Aſmail-bech, filium quondam ſtipendiarij, & Aſambeck filium quondam Carailuci: qui Aſſembeck cum confiniis habeat ex iſta noſtra parte cum Turco, promiſit nobis dare aditum ad invadendum Natoliã, & nobiſcum perſonaliter venire cum omni ſua potentia; & in primis capere civitatem Buſſiz, ut illam poſſideat pro ſe, & potiatur: omnes nos capitulis & paſſionibus concluſimus, cum hac ſcilicet conditione, ut ipſe ſit inſuper amiſſiſſimus Chriſtianorum. Et ſi vos Latini Principes & populi venietis ad recuperandam domum ſanctam Hieruſalem, ipſe debeat præſtare vobis omne, quod potuerit, auxilium & favorem. Quamobrem nos pacem & ligam ex parte noſtra fecimus, quæ à quingentis annis in his regionibus non ſunt audita: idque fecimus perſuaſi, tum autoritate patriarchæ noſtri, tum literis Domini Papæ, quibus ad nos ſcripſit, ſe & omnes principes Latinos in civitate Mantua debere convenire, & ibi congregato Concilio exercitum præparare contra Turcoſ. Nos verò, quia id vehementer cupimus, ut poſſitis vos vna nobiſcum venire ad hanc rem perſiciendam, mitimus noſtros Oratores cum Domino Patriarcha noſtro ad vos principes Latinos, & præſertim ad te, quoniam accepimus te, & omnes de domo tua diu multumque deſideraſſe, Terram Sanctam recuperare: & ut poſſitis ex ipſiſ noſtris Oratoribus intelligere, quem animum habeamus omnes ad hoc negotium fidei, & quid per nos actum ſit hoc tempore: Cupimus etiam atque etiam & rogamus, ut noſtros Oratores certiores faciatis: ut ipſi poſtea referre poſſint, an parati ſitis & prompti ſumere hoc opus iuſtiſſimum: ut ſciamus quò tempore ad arma progredi debeamus. Hoc vnum vobis pollicemur, in vna æſtate debellare & auferre totam Natoliã, & quicquid Dominus Othomanorum, id eſt, ipſe Turcus Conſtantinopolitanus, poſſidet ex noſtro latere. Alteram vero partem dominij ſui, quæ Græcia eſt, quam mare Euxinum dividit, nobis expugnandam relinquimus, quod vobis facile erit. Nam ipſe Turcus in medio poſitus duorum exercituum, cum reſiſtere minime poterit, cito ſuccumbet: & nomen ſuum è terra delebimus. Quas ob res te ante omnes alios Latinos principes oro: ut ſuper hoc velis cogitationem & curam ſuſcipere: & non ſinas hanc commoditatem, quam vobis offerimus, præterire: nec dedigneris nos imitari, qui omnibus rebus poſtpoſitis fidei utilitati intēdimus & vacamus. Quod ſi hanc rem (quod abſit) neglexeris: nihil à nobis actum eſſet, nam hac conditione nos obligati ſumus ad hoc bellum, ſi vos domini Latini vna nobiſcum eritis: alioqui ſoluti ſumus ab iſta Liga & confederatione.

C c

Omnia

Omnia enim nostra consilia & rationes dependent à literis Domini Papæ, per Dominum Patriarcham ad nos allatis, quas veras esse præposuimus. Et finaliter hoc vno considerato: quod si hoc tempore, cum à nobis sitis adiuti, nihil facietis; hic iniquissimus Turcus interim tantas vires & animos sumet; vt quando ipsi resistere volueritis, nullo modo possitis: & omnes nostri conatus, si vos non respondeatis, inanes forent: eritque fere impossibile, iterum nos in istis regionibus tam pronis voluntatibus venire, vt nunc sumus. Multa essent dicenda, quæ per meum Oratorem poteris cognoscere: cui fidem indubitatam præstare poteris: habeasque eum oro commendatum. Vale in Christo. Data in Carceche An. M. CCCC LIX. Mense Nouembri.

GEORGIVS REX PERSARVM PHILIPPO

*Duci Burgundia.*

**I**llustrissime Dux Burgundiæ, Ego Georgius Rex Persarum te plurimum saluto: & vt intelligas, quæ res gestæ sunt in præsentiarum in Oriente, istas literas ad te scribo. Scias igitur, me & omnes Principes Christianos, qui moramur in istis regionibus, fecisse inter nos pacem, & fædus, ac ligam: & coniurasse, invadere cum omni nostro conatu & potentia Turcos; sed præsertim illos qui sunt in Constantinopoli: quoniam sunt Christianorum hostes inimicissimi: in qua quidem liga nos singuli apparatus & copias nostras obtulimus. Ego promisi personaliter exire cum XL. millibus hominum: David imperator Trapeßundarum obtulit & paratas habet XXX. biremes cum XX. millibus hominum. Bendian Rex Mirigrelæ omnem suam potentiam exhibuit: Gorgara Dux Georgianæ personaliter veniet cum XX. millibus equitum: Rabia Dux Anocazæ cum suis fratribus & Baronibus nobiscum ire promisit: & ipse veniet cum omni sua potentia: Berdebech Dominus in Armenia Minori pollicitus est ad hanc nostram expeditionem XX. millia hominum. Sunt etiam in hac liga & alij populi Githiarani, & Sasoni, & tres Domini potentes, qui promptissimi sunt mouere bellum domui Othomaniorum, hoc est, Turco Domino Constantinopolis: quorum est vnus Caranianus: alter Ismailbech filius quondam stipendiarij; tertius Aliembech Rex Melopotamiz, filius quondam Carailuci, qui & potens & capitalis inimicus Turci Constantinopolitani est, paratissimus ad implere omnia quæ promisit. Quæ quidem omnia supradicta inter nos capitulis, pænis & alijs vinculis promissimus, rataque fecimus: hac scilicet conditione adiecta, si vos Latini Principes vos mouebitis, & vna nobiscum eritis, ex vestris partibus bellum Turcis inferendo: alioquin si vos non intenditis hoc bellum suscipere, nos ad exoluenda ea, quæ promissimus, nullo modo sumus obligati.

Quam-

Quamobrem rogo, vt omnibus rebus postpositis, velis ad bellum hoc intendere: nec te distrahant, aut avertant à tam sancto proposito alia, quæcunque sint, obstacula: quemadmodum ego feci: qui si difficultatibus, quæ mihi occurrebant, intendere voluissem, nunquam Domino Patriarchæ nostro paruisssem: cuius opera & mandato hæc nostra liga & concordia inter nos facta est.

Nunc verò licet in quibusdam rebus temporalibus mihi damno hæc concordia fuit: tamen contentus sum illud peregrisse: cum spirituale à Deo præmium propter hoc expectem. In præsentiarum aliud à te non scribo: quoniam mitto ad te Oratorem meum; vna cum Domino Patriarcha nostro: cuius verbis fidem adhibeas: quoniam ex ipso omnia poteris cognoscere: habeasque eum commendatum: & vt des illi tuas literas responsionis, te oro, vt possim intelligere tuam sententiam & opinionem. Vale in CHRISTO. Data in castris nostris prope tentorium. Anno M.CCCCLIX. 5. Nouembris.

PIVS SECVNDVS PONTIFEX MAX: PHILIPPO

*Duci Burgundia.*

**R**Vmor ad nos delatus est, nobilitatem tuam, quæ magno & alto animo Italiam petere cum valida classe, ac deinde in expeditionem contra Turcos, immanemque beluam Mahometem, Christianum sanguinem sine fine sitientem, nobiscum proficisci promiserat, mutato consilio domi remanere: certumque bellatorum numerum, qui tuam vicem suppleant, mittere. Dubia res nobis est, nòdum veritate comperta: nescimus an, quod refertur, credere debeamus, fidem exposcit scribentis autoritas: de quo & timor exoritur: qui magnus est, & habere se gravia testimonia dicit. Concresecat constantia tua, & votum, & promissio, & honor, & ipsa rerum necessitas. Novimus te constantem ac perseverantem esse in proposito: diu deliberare soles ac meditari, antequam aliquod magni decernas: decretum semel inconcussum servare. Non est verisimile, quod de profectione tua iam pridem consulto statuisti, nunc mutatum iri. Scimus autem multos & magnos viros, postquam audire te venturum, conatos fuisse tuam profectionem impedire: multasque tibi vel rationes vel causas exposuisse, cur non esset veniendum. Inter quos & soror tua nobilissima & charissima, & amantissimus filius (vt relatum est) dissuadentes iter: verba fecere vehementibus precibus: teneras lacrymas ac suspiria miscentes: nec te tamen flectere potuerunt: Mansisti penes tuam sententiam solidus & immutabilis, Sicut annosa quercus Borealibus frustra concutitur spiritibus: aut aspera cautes assiduus incassum agitur procellis, nec loco suo dimovetur: ita & constans animus tuus, eo principe dignus, suasionibus quibuscunque relictis, usque in hanc diem propositum suum tenuit.

Cc 1 Non

Non est credibile perseverantiam tuam nunc perijsse. Accedit votum publicè factum: quod sua natura inviolabile est, tanquam Deo debitum. Vovete (inquit scriptura) & reddite. Non est fallendum numen Dei; si servanda est hominù fides, quanto magis Deo p̄solvere vota impunè nō cedit. Ipse Deus Dominus est & iudex, neque despici potest. Tua nobilitas nō consuevit homines fallere, verax & dicti sui tenax. Non est, quod curemus, te modo in voto tam solenni, tam publico, tam sancto, à tua bonitate recedere, ac mutare naturam. Obstant & promissa tua Ferrariensi Episcopo, nominè nostro ad te missa, facta. Tenes memoria, quæ illi dixisti, cum te lectulo decumbentem, & ægritudine laborantem invenit: Affirmasti sanitatē cum illo ad te missam, & omnia facturam tuam nobilitatem pro defensione fidei: missuramque in brevi Legatos cum potestate concludendi, tam de transitu tuo, quam de rebus alijs ad expeditionem necessarijs. Venere Legati tui, viri præstantes, & in illo consilio tuo primarij; qui nos Tybure convenientes, inter prima colloquia percunctati sunt à nobis, an adhuc profecturi essemus: quod tibi per Ferrariensem Episcopum fuerat significatum: hoc est, an personaliter in bellum contra Turcos profecturi essemus. Respondimus, nihil nos esse mutatos, venturoque tibi procul dubio futuros comites. Quo dicto subintulere Legati, se habere in mandatis, ut afferrent nobis, Excellentiam tuam aut ad nos venturam, & in sancta profectioe ituram, aut in itinere morituram. Credidimus Orationibus tuis, & adhuc credimus. Secuta est promissio in Consistorio publico facta: asseruerunt Oratores tui in magno conventu Romæ coram nobis, te prorsus venturum: nec vlllo pacto remansurum domi: nisi tale impedimentum interveniat, quod toto mundo iudice legitimum æstimeretur.

Vulgata est per orbem fama, nobilissimum in ac potentissimum Burgundiz ducem statuisse vna cum Romano Pontifice bellum Turcis inferre, totisque conatibus defensionem religionis amplecti. Auduit tota Christianitas hanc tuam promissionem: erexere exinde animos Veneti: atque in Turcos multo quam prius audaciores effecti sunt: Vngaris spes pulcherrima injecta est: qui se tandem de immanissimis hostibus vlciscantur, regnūque suum perpetua Turcorum molestia liberent: Græcia tota, omnis Illiricus tractus de libertate cogitare cæpit: Turcorum animos non parvus invasit metus: tanta est nominis tui æstimatio. Quis nunc arbitretur, generositatem animi tui, post tot promissiones, ac spem tantam de re præstanda, velle mutare consilium: tristesque fideles Christi populos reddere, & lætos crucis hostes. Nullum intercessit impedimentum, quod mundus legitimus iudicat, imò nec tu ipse excusationem vllam iudicasti sufficientem; quippe quod neque senium, neque debilitatem obijceres, atque

idcirco

Idcirco te remorari conatibus assereres. Num te ob has causas & alias remāsurum putet, qui excusatum senferit, non excusante mundo? Vbi honor? vbi æstimatio tua remaneat? Quid dicet populus? Nonne illusos se omnes Christiani censerent? Inclyta Franciæ domus honorem semperceretis rebus anteposit; nec tu Franciæ sanguinis vnquam honoris fuisti prodigus. Nunquid adversus honorem ne faceres, magna sæpe subiisti pericula? aut nunc potissimè, quod hactenus constantissimus, & promissi dictique tenax atque observantissimus fuisti.

Nihil apud te iuvenē honore carius fuit; nō est, quod modō in ætate matura, cū maximè sapis, honoris contemptorē putamus: cuius nobis sola, vel paucis alijs relictā est semper voluptas. Confidimus præterea te pro tua prudentia non ignorare, quam periculosa sit tua domi remansio; quantum rebus gerendis noceat; quantum Christianos debilitet; quantum robur adijciat hostibus. Nam quia audito adventu tuo exterriti erant; cognita remansione, cornua erigent; & in sanctum Evangelium ferocius insultabunt; nobisque profecto amantissime Fili, si verum fuerit, quod arbitrari non possumus, mutati consilij tui fama haud parvam afferet cladem. Nam quod de victoria belli spem propè certam conceperamus; te nobis deficiente, rem dubiam cernimus. Veremur ne tuo exemplo sequentēs socij remissiores efficiantur; atque quærant cum hoste condiciones; ut est natura mortalium, regni, quàm fidei, tenacior.

Nec tua auxilia sine te satis implere tuum officium poterunt. nullus exercitus tuus tantus est, quantus tu ipse: nihil tantum valet in bello, quàm autoritas; & sæpe vim vincit opinio. Tu si nobis desis, cuius nomen est apud formidandos & apud nostros honoratissimum; facite intelligis, quantum rebus gerendis officias. Non est igitur, quod opineris, te consilio mutato velle domi manere; qui sæpe dixisti etsi tibi moriendum esset in hac protectione, omnino te venturum. Tamen si venias (ut confidimus) in Domino vita longior erit, ut validi corporis; & redibis cum gloria domum victor hostium; Christianæ religionis conservator. In domo timenda est ira Dei. Scis, quoties infirmitates quasi monitiones quædam te invaserūt; tu te ipsum monitum dixisti fuisse; vide, quid agas: cave, ne monitiones Domini irritas facias; nec præferas humana mandata divinis. Nos quidem nisi aliud audiamus, expectamus Excellentiam tuam cum desiderio: & te venientem percupidè videbimus & amplexabimur; tecum proficiscemur in hostes; quibus tota Italia comes erit. Decretum enim nostrum de decimis, vicessimis, & tricesimis, & indulgentijs, ab omnibus Italiæ potentibus receptum est; & omnes auxilia pro suis facultatibus promittunt. Nec Florentini desunt, viri prudentia potentes, & opibus; quamvis de his aliquādo fuerit dubitatum: nunc certum est eos egregiè in Turcos de expeditio-

ne laturos opem. Nobilis Franciscus Sfortia Dux Mediolanensis vnus ex filiis suis se nobiscum missurum promittit, & cum eo equitum peditumq; validum exercitum. Successura sunt omnia, te venturo, quemadmodum speramus, ex voto. Quod si, Deo permittente propter peccata nostra, tuus adventus fuerit impeditus; non tamen iter nostrum retardabimus. Et quamvis non fuerit profectio nostra promissa, nisi te veniente; ibimus nihilominus, nec fraudabimus sua spe populum Christianum: Faciemus quod promissimus: & vltra quàm promissum est. Nemo dicturus est: hoc promissit Pius Pontifex, & non fecit: Iturum se dixit, & non iuit: Magnifica verba protulit, & non complevit. Ibimus autore Domino; mare intrabimus: in hostes navigabimus; pro victoria nominis Christiani, pro defensione fidei, totis viribus nitemur. Non gravis ætas nos retinebit; non impedita morbis arthriticis membra; non paupum Ecclesiæ cura: non pericula maris: non mortis metus.

Scimus moriendum nobis esse; nec honestius vnquam finire posse; quam in exercitu pro Christo salvatore, & eius lege decertante. Si Christiani Principes populi que auxilio fuerint; neque pro fide laborantes deseruerint: nihil est, quod de victoria desperemus: Si minus, non deerit, vt confidimus, ipse DEVS & salvator IESVS CHRISTVS, cuius res agitur. Confuevit enim diuina pietas in se sperantes haudquaquam deserere; cui tam facile est cum paucis, quàm cum multis, vincere; & ibi incipite diuinum repetitum præsidium, vbi humanum deficit auxilium. In Deo spem nostram collocabimus; ipse, si vult victoriam nobis elargietur: & si aliter Maiestati suæ placuerit, satis erit nobis pro defensione religionis, quantum facultatis datum fuerit eò processisse. Iustus est Dominus Deus; nec vltra, quam possunt homines, exigit: nobis cavendum est, ne diuinæ voluntati aduersetur; & ne populos illulisse videamur. Cumque vulgata sit nostra profectio; dabimus operam, vt opinionioni hominum satisfaciamus; diuinæque voluntati pro nostris viribus pareamus: Tuam nobilitatem exorantes, ac per viscera misericordiæ Domini nostri Iesu Christi in charitate verâ perfecto corde obsecrantes; vt tui pse idem facias: nec promissis tuis Deo maximè nobisque factis deficias. Memineris Domini Deitui: & quanta susceperis ab eo bona; nec velis ingratus videri; nec verba cuiusquam pluris facias, quam mandata Dei. Consule honori tuo, & animæ tuæ; nec expeditionem frustrare: quam fideles de te populi habent: noli auferre spem, quam nobis præbuit: consolare nos & vniuersam plebem Christianam: vt Deus & pater Domini nostri Iesu Christi, & Deus totius consolationis, consolatur te in omnibus aduersitatibus tuis feliciter. Et quod reliquum est temporis in hoc seculo, Deo offer & consecra; vt tandem in altera vitâ sui regni, participem te faciat. Cupimus super his, vt quàm

quam primum nobis respondeas. Datum Senis VIII. Calendas Aprilis. Anno M. CCC. LXIII. Pontificatus nostri sexto.

## PIVS II. PAPA CAROLO REGI

Francor: m.

**V**T persolueremus omnipotenti Deo & fideli populo, vim ab infidelibus patienti id, cuius causa ad hanc sedem sumus assumi, de venerabili fratrum nostrorum S. Rom. Ecclesie Cardinalium consilio & assensu, per certas nostras literas, quas Celsitudini tue presentes mittimus, omnes Reges & principes Catholicos ad dietam solennem Mantue vel Vini proximis Cal. Iunij celebrandam, Apostolica voce duximus convocandos: statuendo, concedente altissimo, eo loco eodemq; tempore ibidem personaliter adesse: impedimentis posthabitis, quę circumstant nos vndiq;. Quamvis igitur erga me mens tua fuerit semper ad tuendum nomen sanctum Dei & nec Apostolicę sedis, nec cuiusquam alterius exhortatione multum egueris: tamen quia hæc non solum nobis est cordi, sed Dominico gregi in primis necessaria: sublimitatem tuam hortamur in Domino, & per illud sanctū baptismā, in quo Christo renatus es, & nomen Christianum geris, requirimus; vt velis per os nostrum vocatus, abiectis respectibus omnibus, qui pro honore Dei non sunt attendendi, ad eadem loca, & ad diem præscriptū personaliter interesse. Etenim cum Vicarius Iesu Christi in terris hoc agat: quem recte vadentem sequi Christianus populus debet: non debent Principes terrę gravem sibi ducere laborem ab illo susceptum amplecti. Habitus es, charissime Fili, devotissimus Princeps fidei & religionis nostrę præcipuus: nec immerito ob Christianum nomen egregie à progenitoribus tuis defensum nomen Christianissimi ab illis hæreditarium habes. Accedit potentia singularis: quā idē omnipotens Deus insigniri te voluit: vt effectui tempore necessario, quale nunc imminet, illam ad protectionem sui gregis conferret. Erit (vt in Domino cōfidimus) adventus tuus maximę ad hoc salutare opus utilitatis: non eo solum quod sapienti consilio tuo dirigere tantam molem gloriosissime poteris: sed quia gentes & regna audiendo Christianissimum Regem Francorum relictis sedibus suis ad augendam & tuendam communem causam altissimi cum Romano Pontifice convenisse: erubescunt ipsi, exemplum tuum non sectati: vt pene ob hoc ipsum plus momenti ceteris omnibus allaturus appareas. Pro Deo igitur, charissime Flii, pro commendatione æterna nominis tui, pro compassione fidelis populi, continuz feritati Turcorum sanguinem suum fideliter dantis, exaudire clementer velis pias nostras huiusmodi preces, & fletu, & lacrymis oppressorum nobis impositas. Hæc enim vera sunt opera regum



gum; hic campus, in quo honestè decertare, & triumphum veræ salutis reportare cum gloria possunt. Cætera fluxa sunt & caduca: vix solidæ laudis quicquam in se habentia; etiam persæpe ingrata. Quòd si casu aliquo, quod Deo non placeat, carendum nobis erit tua præsentia; & per Oratores complere hoc munus restituas; requirimus eo casu Celsitudinem tuam, vt cum pleno mandato illos transmittere velis; non ad decernenda solùm ea, quorum causa vocatus es; sed ad componendam pacem, vel indicendas treugas cum illis, cum quibus esset tibi forsitan contentio; vt denique placatis vndique fidelibus, concordius cœptum opus proseguere possimus. Speramus tamen concessurum omnipotentem DEVM; vt tua serenitas potius per se ipsum, quam per Oratores suos, sit affutura; attentò quod Mantuanam civitatem tui potissimum causa delegimus: vt vel Serenitas tua, quod primum exoptamus, vel saltem Principes aliqui delatere tuo illuc accedere facilius valeant. Hortamur quoque & requirimus, vt per præsentem nunciam velit Sublimitas tua optatum nobis responsum dare. Datum Romæ apud S. Petrum. Anno, M CCCC LVIII Tertio Idus Octobris. Pontificatus nostri anno primo.

vii

CAROLVS REX FRANCORVM PIO II. 1566. aoi  
Pontifici Maximo. 1772

**B**eatissime Pater, Paucis ab hinc diebus Beatitudinis vestræ literas per latorem præsentium suscepimus, earumque tenorem attentè intelleximus. Et quidem in primis persolvendæ sunt ipsi pietatis fonti gratiarum actiones amplissimæ; qui hoc tempore fortè tristissimo, ad resarciendas Ecclesiæ suæ sponsæ immaculatæ partes labefactas, eandem Beatitudinem vocare dignatus est. Attollendum quoque plurimum propositum eius salutiferum; & piæ exhortationes sincero animo amplectendæ. Verùm cum hæc res, qua nulla est maior, pro se ipsa satis exorare videatur: & Principes Catholicos ad id persuasos nimirum esse credamus matura & salubri deliberatione Concilij: etsi non parum ægrè conspiciatur convocationem solennem Prælatorum, Principum, & aliorum virorum Ecclesiasticorum & secularium Regni nostri intra dictam assignatam facere: tamen & nos tunc quæ deliberata conclusaq; extiterint, per nostros solennes Oratores, debita potestate suffultos, eidem Beatitudini patefacere plane decrevimus. Porro etsi in rebus humanis fluxis quidem & caducis persæpe soleanturbationes accidere; in illius tamen misericordia & pietate sperandum est; qui nescit abesse piè sperantibus in se: quique tantam Ecclesiæ suæ dedit potestatem; vt quantò gravissimis persecutionibus impiorum sævius impugnatur; tantò postmodum, ipsius miseratione adiuta, potentior consurgat in adversis. Beatitudinem vestram, cui hoc sanctum propositum piè

crevimus.

credimus cœlitus fore inspiratum, ad Ecclesiæ suæ felix ministerium dirigat & conservetis, cuius vices in terris geris, pius & misericors Dominus.

*Antea Antioch. Cylindri*

PIVS PAPA LVDOVICO REGI

*Francia.*

**A**ccepimus ex literis venerabilis fratris nostri Ioannis Episcopi Attrebatensis, quanta cum charitate complexus sis: & quam pium erga nos & Romanam Ecclesiam geras affectum; & quam ad tollendum in regno tuo constitutionem illam, quæ Pragmatica dicta est, volente & erecto sis animo. Laudamus DEVM & suæ maiestati benedicimus, qui talem tibi mentem dedit. Nam quid aliud dicere possumus: nisi quod Dei beneficio ex maximis periculis liberatus es, & in hæc tēpora reservatus, vt esses, qui suscepto regno paterno, sublatis erroribus, libertatem S. Rom. Ecclesiæ instaurares atque restitueres: & maiorum tuorum æquata gloria, Christiano nomini quietem fundares. Benedictus Dominus, qui tuæ personæ custos fuit, & spiritum tuum erexit; vt cogitares, quæ pia, & omni laude digna sunt. Sic Magnus Constantinus, sic duo Theodosij, sic Carolus Magnus & plures ex tuis progenitoribus, immortale nomen & inextinguibilem consecuti sunt gloriam: quia Rom. Ecclesiam matrem suam debito honore sunt prosecuti: quorum te vestigijs inhærentem, & diligimus totis præcordijs, & laudamus: & omnis te posteritas celebrabit. Illud autem inter cætera commendamus, quod absque conventu & consultatione multorum, Pragmaticam auferre constituisti: quemadmodum idem Episcopus nobis significavit.

*Pragmatica  
Sanctio*

Sapis certè, & Regem te magnum ostendis: qui non regaris, sed regas, Optimus enim princeps est, qui per se recta cognoscit & operatur, qualem te esse confidimus; Nec scriptura cum ait, *Vbi multa consilia, ibi salus multorum*, multitudinem requirit, sed consiliorum maturitatem & digestionem quæ res in paucis magis, quam in multis, reperiuntur. Neque enim aut honestas aut iustitia multitudini facillè suadetur, quæ varijs affectibus agitata, ad prona frequenter inclinat confusio: subita est consulentium multitudo: neque bene res habet, vbi suffragia numerantur, non ponderantur. Szpe enim fit, vt maior pars meliorem vincat. Facis, quæ te decent: qui sciens Pragmaticam esse absque Deo, eam de regno tuo eliminare decrevisti. Nec vis in disceptationem adducere, an fieri debeant, quæ tu ipse facienda novisti. Hoc est regem esse, & bonum Regem: & quem boni ament, mali timeant. Nam qui per alios reguntur, nec per se intelligunt, quæ sint agenda, contemptui sunt. Probamus igitur & commendamus admodum, quæ de tua liberatione circa Pragmaticam Episcopus Attre-

Dd batensis

batensis scribit; hortamurque vt quæ proposuisti in animo, cito effecta facias; neque cum possis hodie benefacere, oras faciam dicas. Hilarē datorem diligit Deus: quæ iusta & honesta sunt, nolunt moras. Factuam sapientiam, sicut nos cognoscimus, ita & mūdus omnis quamprimum cognoscat: neque aliquis dicere possit: diu noluit, quia diu deliberavit. Quod si prælati tui & vniuersitas aliquid ex nobis desiderante mediatore ad nos recurrant.

Nam si quis vnquam pontifex fuit Gallicæ nationi affectus: vt multi fuerunt; nos certè inter primos reperiemur: qui nomen & gentem huiusmodi honoremus & diligamus: nec vnquam postulatis honestis aduersabimur, scimusque dignum esse, vt fratribus nostris Episcopis in multis studium nostrum deferamus eosque honoremus, pariterque virtis doctis, & qui docti esse cupiunt, in Vniuersitatibus literarum studia sectantibus, subueniendum esse non ignoramus. Ab his enim Catholica fides defenditur, & doctrinæ lumen propagatur. Age igitur, Fili, perfee quod in animo geris, & confide nos tibi & regno tuo omnia concessuros, quæ ratio & honestas suadebit.

Cæterum quia regina Cypriad nos ex regno suo deiecta, & ex terris profecta est, & ad tuam (vti credimus) serenitatem proficiscetur, consilium & auxilium petens (nam Regnum eius Soldani Egyptij gente occupatum est) & quia, sicut accepimus, Mahometes Turcorum Dominus Gropin & Trapefuntem, & multas alias in Asia civitates ac provincias, de novo sibi subiecit: & in Europam victor ac tumens eo proposito revertitur: vt Christianitatem proterat atque conculcet: serenitatem tuam rogamus, & flentes petimus: vt respicias, in quo statu sit Catholica fides: quomodo ex vnolatere Turci, ex altero Saraceni vrgeant. Pone ante oculos lamentabiles Christianorum voces: qui per Asiam & Græciam in medio nationis peruersæ constituti, miserabilibus modis affliguntur. Cogita, in quo loco est sacrum Domini sepulchrum: quod inspicere absque Mahometorum voluntate non possumus. Sancta terra, quæ nobis lucem fidei præbuit, nunc in tenebris est: totus Oriens plenus est spurcitia Mahometica: quæ etiam in Europam suum virus effudit: inde Græciæ, hinc Hispaniæ parte occupata: nec dies est, in qua non mille Christianorum animæ pereant. Rhodus in periculo, & nobilis insula maris, quondam dicta Peloponnesus, in potestate Turcorum est: paucis exceptis locis: Epirus tota ad eos confluit: Bulgaria, VValachia, & Rasciani ex parte Turcis parent: Vngaria vulnus expectat: quia multis afflicta cladibus non potest tantos belli motus sustinere: nec est, qui consoletur eam: timet victorem Mahometem iam spolijs Orientis & Aliæ viribus auctum. Timemus sanè illi genti: timemus & alijs, qui sunt in hostium circuitu: nec nos sumus, qui succurrere possumus: Voluimus oculos

oculos nostros modo huc modo illuc; & lustratis omnibus Christianorum provincijs, nemo regum, nemo principum nobis occurrit: qui tantæ rei subvenire possit, nisi tu solus: quem pius Deus sui populi salvatorem (vt confidimus) huc vsque salvavit incolumem: nec permisit in manus te persequentium incidere. Tu Dei ope hæreditarium regnum in pace consecutus es mortuo patre. Philippus Burgundiæ dux clarus & potens tibi obsequentiissimus est: & cæteri Duces & Comites regni gloriantur, & tibi sine controversia parent. Ex Anglia, si volueris, nihil tibi adversabitur: Hispaniam habes amicam: Omnes per circuitum te venerantur & colunt: & legationes ex longinquis partibus, ac ex ipsa Italia te honoratum & salutatum veniunt.

Magna est gloria tua: magnū est Dei donum: Intellexit divina pietas meditationes tuas: & multa cognovit in animo tuo proposita esse ad commune bonū: nec dubitamus, quin, cum esses exul quodammodo à regno tuo, tecum sæpe dixeris: ô si paterno in solio aliquando sedeam, quanta tibi faciam Deus grata! Certè non patiar tuam hæreditatem Turcorum infamia laniari. Audivit te Deus, & omnia tibi adversa repulit; planavit iter tuum, & te in aucto regno collocavit excelsum præ regibus terræ: omnia tibi tranquilla dedit: liquid aliquando intra te promissisti, id servato: si non promissisti (quod non est verisimile) recognosce beneficia, quæ accepisti à Domino Deo tuo, qui te filium Regem creavit: & regnum, quandiu ex terris fuisti, summa cum gloria restituit: ostende te gratum divinæ pietati: & pro tantis beneficijs vicem repende, tolle, vt facturum Oratori nostro spondidisti, Pragmaticam constitutionem: & hoc facto, quod non est difficile, erige te totum in exilium Christianæ religionis contra Turcos. Stude, vt expeditio adversus hostes Christi fiat. Exhibe te huius rei ducem & caput: nec dubita, cuncta erunt tibi prospera: hoc est negotium te dignum: tibi hæc gloria servata est: nihil est in quo te laudabilius exercere possis: hæc tibi provincia est.

Nam pugnare contra Turcos, & vincere, & terram sanctam recuperare, & fidem salvare, & Rom. Ecclesiam honestare, Francorum Regum proprium est: & hæc tu commodissime præstare potes vera Francorum soboles: sapientia & rerum experientia præditus: in opulento & pacifico & potentissimo regno sublimatus. Omnium oculi in te respiciunt: omnes afflicti te invocant: & nos præter te non videmus, qui hæc præstare possit: Ideo ad te vnum recurrimus Christianæ fidei defensorem.

Tu ergo & à nobis, & à toto Christiano populo rogatus, & in primis à Deo cōmonitus, præpara te huic provinciz: ad quam feliciter dirigendam

Dd 2 omnia

omnia obtinebis à nobis, quæ à iusto, & pro Christi vicario, & beati Petri successore obtineri debeant. Datum Romæ, XXVI. Octob. A. M. CCCC LXI. Pontif. nostri Anno IV.

LVDOVICVS FRANCORVM REX PIO II.

*Pontifici Max.*

**D**EVM solum scientes esse cuius providètia benè consulitur rebus humanis: meliusque regna & vrbes religione cingi, quam armis & membris: te Vicarium Dei viventis ea veneratione prosequimur: ut sacra præsertim in Ecclesiasticis rebus tua monita veluti vocem pastoris audire illisque parere promptamente velimus. Quapropter Beatissime Pater, etsi constitutio in regno nostro, quam Pragmaticam vocant, magno Prælatorum conventu, magna temporis deliberatione conclusa fuerit, & iam callum obducta quietum prope fixerit statum: tu tamen tuis literis illam à regno nostro auferri, explodi, abrogarique flagitas. Nobis quoque dilectus & fidelis consiliarius noster Ioannes Episcopus Autretatenis, quem cum potestate Legati de Latere ad hoc nostrum regnum misisti, commemoravit ea: ad quæ per ipsum tibi nomine nostro pollicenda, vovenda, & promittenda nos, antequam regnum suscepissemus, religionis instinctus quidam deduxerat. Nos nostra promissa exequi, accedente moderatrice rerum Ecclesiasticarum tua auctoritate, studemus ac volumus: & id quidem tanto volumus animo propensiore: quanto nobis magis regnum Franciæ florens & bello vacuum tuetur Deus & protegit. Omnibus itaque victimis potiolem obedientiam intelligentes, assensum sumus his, quæ tuo nomine nobis aperta sunt: ipsam scilicet Pragmaticam sanctionem tibi tuæque sedi esse infensam: utpote quæ in seditione & Schismatis tempore, atque per seditionem sectionisque à tua sede figuram nata sit: & quæ, dum tibi à quo sacra leges oriuntur & manant, quantamlibet eripit auctoritatem, omne ius & omnem legem dissolvit.

Illud enim exoritur, quod idem consiliarius noster nomine tuæ Sanctitatis astruxit: ut dum per Pragmaticam ipsam summæ in Ecclesia tuæ sedis auctoritas minuitur: dum Prælatis in regno nostro quoddam licentiæ templum per illam perstruitur: dum congruens vnitas ad alia regna conformitasque tolli videtur: abroganda sit ipsa Pragmatica, pellendaque à nostro regno: quippe quæ adversus tuam sedem, omnium Ecclesiarum matrem ab inferioribus Prælatis lata sit, tanquam, ut scriptura loquitur, si cleverit virga contra levantem se, aut baculus, qui utique lignum est: Quæ quidem, Beatissime Pater, licet plerique docti homines confutare niterentur atque diluere: multaque nos dehortarentur abrogare sanctionem ipsam: tamen principem totius Ecclesiæ, te Antistitem sacrorum,

sacrorum, te Dominici gregis pastorem profitemur & scimus, teque iubentem sequimur: Tibi & beatissimi Petri Cathedræ consentimus & iungimur. Itaque sicut mandasti, Pragmaticam ipsam à nostro regno, nostroque Viennensi Delphinatu, & omni ditione nostra, per præsentem pellimus, deijcimus, penitusque abrogamus: & quam qualemve ante Pragmaticæ ipsius editionem, circa Ecclesiarum, beneficiorum, aliarumque rerum spiritualium dispositionem, cæsuram, moderationem, in regno nostro omni-que ditione nostra, tui prædecessores Martinus V. & Eugenius IV. Romani Pontifices habebant & exercebant; talem eandemque nostro adiutori beatissimo Petro, tibi; ipsius successor, reddimus, præstamus & restituimus: cum summo imperio, cum iudicio libero, cum potestate non coarctata. Tu enim cum scias, quid autoritate divinitus tibi tradita possis; quas per regni nostri & Ecclesiarum in eo tranquillitate postulabimus, non negliges res necessarias; poterisque semper, quod optimum fuerit, iudicare. Vtere igitur deinceps in regno nostro potestate tua, ut voles, atque illam exerce. Nam ut hominum membra, nulla contentione, vno capite atque vna mente ducuntur: sic tuis sacris decretis Ecclesiæ Prælati in regno nostro & Delphinatu consonantiam & obedientiam plenam refundent. Quod si fortè obnitentur aliqui, aut reclamabunt; nos in verbo regio pollicemur tuæ Beatitudini, atque promittimus exequi facere tua mandata: omnium appellationum aut appellationis obstaculo prorsus excluso; eosque qui tibi contumaces fuerint, pro tuo iussu comprimemus & refrenabimus. Datum Turonis sub magno sigillo nostro, die XXV II. Mensis Novembris, Anno M CCCC LXI. & regni nostri anno primo.

## PIVS II. FRANCISCO SFORTIÆ

*Duci Mediolanensium.*

**B**Ene cognitum putamus esse tuæ nobilitati, pium sanctumque propositum nostrum succurrendi fidei Catholicæ, & populi Christiani tutelæ consulendi. Id vnum opus mente agimus; id totis sensibus sumus complexi; & quod antea inauditum est, proprium corpus pro salute ovium nobis commissarum, exponere decrevimus. Invitavimus Christi fideles, ex toto Christiano orbe; misimus literas cum plenissimis indulgentijs, præmia vitæ æternæ propoluiimus sequentibus nos ad hoc certamen divinum; quod sit, ut confidamus de benignitate Dei, cum plures Christianos undique conveniatur; qui Præfulem Romanum, pastorem orbis, patemque animarum, in bella pro defensione sancti Evangelij vadentem, sequentur. Decet nos ad hanc partem pietatis respicere & curam gerere; ut, qui crucem gerentes, iuxta præceptum Domini, vias nostras secuturi sunt, humaniter & benignè recipiantur; & ut ipsi bene susceptos se videant;

Dd 3 &amp;c.

& cæteri ad id auxilium veniendum animentur. Hortamur itaque nobilitatem tuam; cui non dubitamus hoc sanctum opus cordi esse; ut in terris & dominijs suis has faciat ordinationes: mandetque diligentissimè observari; Primo, ut peregrini omnes, siue cruce signati fuerint, siue non, qui ad hanc expeditionem venturi sunt, in omnibus terris & locis tuis, omni humanitate & gratia tractentur; & sub gravibus & formidabilibus pœnis nemo præsumat eos dicto vel facto lzdere seu molestarè. Monetæ eorum venientium tam aureæ quam argenteæ & æræ expendantur & recipiantur; videlicet pro valore & præcio & pondere earum: nec à quoquam possint vel debeant recusari. Victualia cuiuscunque generis, ac panni, & alia utensilia, humano vsui necessaria vendantur solito præcio; nec carius æstimentur, quam hætenus consueverunt. Vectigalia & gabellæ non exigantur ab eisdem; nec passus fluminum aut portarum seu portuum & scapharumolvere compellentur. Denique omni gratia, humanitate & beneficentia eos tractari facias. Decet enim fideles ad tam necessarium bellum pro Christo vadentes, omni auxilio, ope & favore prosequi. Datum Petrioli Diocesis Senensis, Pontificatus nostri anno VI.

## FRANCISCVS SFORTIA DVX MEDIO-

diolan. Pio II.

**L**iteras tuas, Beatissime Pater, ut gravissimas & ornatissimas, ita ardentissimi desiderij plenæ, Christianæque Reipublicæ studiosas, non minori delectatione, quàm dolore, summatamen cum reverentia, atque par est, legi, atque accuratissimè perlegi. In quibus cum tam piè atque elegantèr Christianæ religionis fideique Catholicæ calamitatem, non modò ut literis faterat, narratam, verum sculptam effigiatamque adverterem; non potui non vehementer dolere & angere. Nam ô temporum nostrorum ignominiam singularem! ô perpetuam ætatis nostræ infamiam! ô execrabile apud posteros nomen eorum, qui vivunt! Hi populi, quos Cyrus universa Asia subacta in citeriorem Scythiam primus ducere ausus est: qui verè à Thamari vidua fusi, prostrati, & ad interemptionem deleti sunt: Regis capite in virem sanguinis misso, cum exprobratione ista; *Satis te humano sanguine, quem sisisti*: quos inde post temporum spacia à Xerxe maiori cum apparatu maiorque exercitu, terra marique in Græciam ductos, quam quisquam alius suarum ante se & post se ætatum, nationum, gentium duxerit: quos Themistocles parva manu vicit, sudit & in Asiam redire coegit; quos Alexander Macedo subegit: & qui non modò à Romanis olim rerum Dominis, verum etiam à quibusvis alijs Imperatoribus, non secus ac fœminæ fugati, in potestatem acti, & pecorum more domiti sunt; eosdem populos esse

esse dixi. Nam etsi Turci illi priscis his se populis immiscuerunt: eorum mollities, & vetus patriæ consuetudo, atque habitus desides illos effeminatosque reddiderunt; ita ut nomen duntaxat Turcorum apud eos manserit: virtus mox etiam in secunda generatione extincta est.

Quoties enim postea tempora à finitimis victi sunt? Et ne longa exempla petamus, cum patrum nostrorum memoria, eius, quid hac ætate Turcis imperat, auus, sæpius à Tamberlano fusus, tandem captus & cathenis nudus iniectus est: Nunc tandem (proh dolor) non tantum in Europam transire ausi sunt, verum nobilissimam illius partem, & apud quam imperium olim fuisse ferunt, cum plerisque alijs non ignobilibus nationibus, occuparunt: diripuerunt ferro, igneque vastarunt: templa DEI sanctissima, & vetustissima profanarunt: cum maxima non populorum modo, verum etiam procerum, & ipsorum quoque principum immanissima strage: cum gravissima & ignominiosa nominis Domini nostri IESU CHRISTI iniuria: velut sanctitas tua distinctius, copiosius, serius scribit.

Errata dehinc mea ex illis cum facile recognoverim: & quod multis me Deus Optimus maximus donis, gratijs, beneficijs auxerit: nullo eum grato studio fuerim profectus: & (quod mihi gravius succensendum fore existimo) cum contumax illi (vt ais) rebellisque fuerim: multaque in legem suam superbè deliquerim: quod neque negare possum & facillè fateor: nullo saltem digno opere satisfecerim: dolui quidem atque vehementer ingemui.

Cum tamen quibus procellis, quibusque periculis Petri navicula agitetur, literæ tuæ me attentum reddiderint: etsi pleraque alia, hoc vnum vel maximè, lenito dolore in spem pariter delectationemque me vertit: quod intelligam, te quasi cælo ad hanc rem dimisso rectore, ad salutis portum, & quidem incolumem eam reducemque fore. Accedit ad hoc potentissimi illius principis Philippi ducis Burgundiæ votum insuperabile, laudeque immortalis dignissimum: cuius virtus, potentia, autoritas ad spem ipsam plurimum conferunt. Verum, ne Epistolæ modum excedam, ad eam partem me conferam, vnde omnis literarum tuarum videtur oriri intentio. Hortatur me Sanctitas tua: ac multis & quidem robustissimis, teque ipso dignissimis argumentis suadet: pia atque iusta arma pro salute publicæ in Mahometem, monstrum spurcissimum, capere: magnanimitq; Philippi imitari exemplum: & vel in primis supremam Marcitatem tuam sequi: quæ & æternam filij Dei repræsentat & vices illius gerit in terris.

Fateor, Beatissime pater, nullam esse ad felicitatem, aut expeditiorem, aut certio rem viam, aut fama & gloria digniorem: quam, quod superest mihi vitæ, pro nomine & gloria illius exponere: qui humanam induit carnem; & mori



& mori elegit, quo genus humanum non mortale modò pro peccato, sed mortuum factum, ad vitam reduceret. Fateor me Philippo maiorem natu non esse: verum rei militaris scientia, virtute, autoritate, felicitate, proprijsq; necessarijs Imperatorisque muneribus, non mihi modò, sed omnibus multarum & statum Imperatoribus præferendum esse. Numera clarissimas eius victorias, gentes domitas, nationes subactas, populos sub imperium missos; & tandem rerum ab eo gestarum gloriam ante oculos pone; quarum testis est Germania; testis Gallia; testis Britannia; quanquam sanctitati tuæ longe notiores esse quam mihi, certior sim: & facile inde intelliges, cum dignum esse, in quem molestanti & tam amplissimi Imperij deferatur; & cuius auspicijs Christiana arma & signa militaria moveantur.

Humanissimum eum atque modestissimum principem, & dignitatem tuam clementissimam & sapientissimam scio: sed vereor, ne vires meae (pace vtriusque dixerim) supra modum existimantes opinione fallamini. Nolim tamen Beatitudo tua dictum hoc opinetur; quò æquum humeris meis fugiam onus imponi; quoque pareretibi fortassis recusem. Parebo enim; ibo quò iusseris; & omnia peragam, quæ Christianum hominem, & tuæ Sanctitatis studiosissimum decet; tum ob reverentiam clavium, timorem Dei & pietatem in proximum; tum quod tanta quadam indignatione afficeor, quod ætas nostra tanta & tam insigni ignominia notata sit. Opinaris ne, Beatissime Pater, quicquam vel naturæ meæ commodius, vel consuetudini aptius; quàm exercitium castrense: Præsertim in quo ab adolescentia mea educatus sum, & vsque ad hanc ætatem versatus. Pax mihi, fateor, & in primis Italica placet; pro qua edificanda, conservanda, amplificanda nullam operam, nullum studium, nullam industriam aut prætermisi, aut prætermisurus sum. Verum ocium tanquam naturæ meæ inimicum abhorrendum semper fugiendumque institui; quo, (velut scribis, testanturque Medici) in hanc novissimam, quæ me ad exitium prope invaluit, valetudinem incidi. Neque uxoris igitur, aut natorum blandimenta, neque delectatio principatus, neque deliciarum mollesces in ocium me compellunt; neque labores & pericula, quibus assuetus sum, à capeffendo bello hoc abhorrebunt; neque necessariorum aut amicorum consilia mentem ab instituto divertent: quin Christi crucem sequar; quin facultates omnes meas, & ipsam quoque vitam pro Christiana religione tuenda exponam; sed super omnia pro æterna felicitate adipiscenda; quam per Prophetas primum Deus, deinde per filium, nunc per te his omnibus proponit; qui caput suum contra blasphematores & inimicos fidei Catholicæ devoverint. Consuevi, Beatissime Pater, ab annis etiam minus gravibus fidelia amicorum & necessariorum consilia, & quidem attentè, studiosè diligenter audire;

audire, idque pro privatis aut publicis negotijs : quod melius arbitratus sum eligere, deliberare, disponere, facere. Nunquam satis apud me probata est eorum conditio, qui cum apud eos summa imperij atque regiminis sit, regi malunt, quam regere. Existimatne tua clementia, apud me esse quenquam, qui in eum furorem vel dementiam vergeret: qui dignitatis meæ curam, qui salutis publicæ studium, qui felicitatis desiderium dissuadere auderet, aut me tantæ fortassis ignaviæ, vecordix, desidix, vt tam facîle in falforum suorum sententiam traheret? DEVS à me pius hanc mentis stupiditatem avertat.

Neque status etiam mei iacturam formido. Est mihi ( vt tu dicis ) vxor, virtute ac rerû expèriètia prædita: non minus dilecta, quam desiderata à populis. Est & Gaiacius primogenitus meus iam grandis, & supra ætatem prudens. Sunt & Veneti non fædere solum mihi, sed amicitia singulari benevolentiaque coniuncti. Florentinos eo loco habeo, quo tu ipse dicis. A Christianissimo Francorum Rege in omnem casum, favorem rebus meis, auxilia, subsidia, præsidia præstolor. Cum cæteris verò finitimis nullæ mihi contentiones, nullæ similtates, nullæ inimicitix sunt. Et super omnia Dei mihi filium spero, pro cuius gloria & nomine pugnaturus sum, optimum defensorem. Itaque neque ætas, neque mollium deliciarum cupiditas, neque domi rerum mearum metus, neque pecuniarum defectus, quibus te inveniendis optimam operam navaturum existimo, à sanctissimo me desiderio tuo, atque ab instituto meo divertent. Vereor tamen Beatissime pater, ne circa duo nos brevitatis temporis vrgeat, & quo ad tantum apparatus terra marique disponendum, quantus huic maximæ expeditionis moli necessarius est, parum ad ver vsque primum spacij datum esse existimem: & quod à plerisque malis pristinx ægrotudinis reliquijs teneor : quæ nisi quotidie magno studio & diligentia curarentur, in maximum me periculum traherent. Instituerunt Medici, adhibito magni examinis Consilio, balneis illas curare atque consumere : pollicenturque illis ad salubrem & integram valetudinem restituere: quod si factum, vt spero, fuerit, aliaque (quod Deus avertat) legitima causa non advenerit : institui, quantum superest mihi vitæ, pro defendenda Christianorum religione, pro fide Catholica amplianda, pro Dei Evangelio conservando, pro Mahometis idolatria ex sanctissimis Dei templis, iam non solum profanatis, sed adulteratis, pussundatis, dirutis expellenda deducere. Nam si Decius pater, & Decij filius, pro senatus populique sui victoria, si plerique alij Romani pro patria, si innumerabiles penè omnium ætatum, gentium, nationum heroes, pro mortali duntaxat gloria sese devoverunt: quid nobis faciendum, quibus cælestis gloria ac beatitudo æterna proponitur? Ibi mus profectò in expeditionem hanc: & partem nostram, pro incorrupti-

Ec bili,

hili, corruptibilem, pro cælesti terrestrem, pro æterna mortalem, pro perpetua caducam exponemus. Et quanquam pro tua singulari prudentia, magnæ rerum experientia, opportunè te desiderasse existimem, quæ ad hæc maximam expeditionem necessaria sunt: tua tamen singulari bonitate & clementia fretus, velut qui rei bellicæ studiosissimus fui, dicam quod sentio. Primum quod in bellis suscipiendis considerandum est, & magno consilio explorandum, quanta sit inimicorum potentia: quantus & qualis exercitus: quæ sit eorum militandi disciplina atque industria: qui locorum situs: quibus vel se valeat exteris præsidij auxilijsque tueri, vel impugnare hostem atque repellere. Dehinc ita se ad bellum parare, ut optima spes de victoria habeatur. Turcorum quidem potentiam adeo spernendam, ut quæ ad victoriam necessaria sunt, negligamus, non censeo: neque ut ab inferendo bello desistamus, timendam. Vidi, quid capitula isthinc ad me transmissa, dehinc alia eadem diligentius ac maiore studio à viris, ut par est credere, inimicarum virium & facultatum expertis, examinata atque digesta ostendant. Trecenta millia militum Turcorum Imperatorem ducturum fore affirmant; plerosque deinde alios Mahometicæ sectæ reges, tum ob eorum perfidiam, tum quod sibi ac rebus suis, gentibus, populis, regnis timebunt, Turcorum ruinam desolationemque passuros non rectè existimans: atque literæ tuæ eos populos inermes, effæminatos, imbelles esse respondet: fateor quoque, Beatissime Pater maximam eorum partem huiusmodi esse. Verùm in armis bellicisque expeditionibus (vix facile meminisse possumus) multis ætatis nostræ annis, cum maxima strage Christianorum versati sunt: arma habent ad eminus cominusque pugnandum: pro eorum lege atque Imperatore, non modo parere imperio, sed mori quoque, docti atque parati sunt: habent præterea & ad invadendum & ad fugiendum equos agiles, corporaque eorum agilia. Adde etiam castris sexdecim, ut plures affirmant, pugnatorum millia; quos Zancarios vocant; robur firmamentumque militiæ, phalangis instar: armis assuetos: rei bellicæ expertos: diversarum nationum diversarumque gentium mercede conductos. Huic sicut non timendo, ita non spernendo exercitui, quales pro adipiscenda victoria vires opponendæ sint: qualesque exercitus conducendi: etsi cum Philippo, cæterisque in tuis literis nominatis, satis erit gentium Italicarum: earum scilicet, quæ in hanc expeditionem ducuntur, ad monstrum hoc virulentum & fetidum conculcandum: te non prævidisse modo, sed providisse certior sum. Novi. n. sicut acumen ingenij, ita & maximarum rerum experientiam, & singularem ac prope divinam sapientiam tuam. Itaque aliarum te nationum Christianarum Principes potentatusque ad supplendas exercitus tui vires, aut vocasse, aut vocaturum non dubito. Et quanquam commonitiones has præsumptione certè non carere, quod Minervam instrui velim, plane cognosco: fideliter tamen benignitati tuæ dictas, pie atque humane suscipias oro.

Si

Si igitur, vt soles cætera omnia, ita hæc quoque rectè instituiti: non modo Europa Mahometicam Idolatriam depellemus: verum Christiana signa in Asiam traducemus: Hierusalem Dei sacrarium recuperabimus: Iesu nomen fidemque Catholicam, sanctumque Euangelium, in ea loca restituemus: in quibus per Apostolos tradita olim atque propagata fuerat, desideratum triumphum Romam ad sedem tuam reportaturi. Capitolum quoque oblitterata laurea barbaricis Orientalium populorum spolijs cingemus: quibus tandem Lateranam Petriq; Basilicam exornabimus. Verum quoniam huic expeditioni præsentiam tuam præstiturum affirmas: cogitanti mihi, atq; hoc ipsum accurate pensanti, quid utilitatis ad hanc rem gerendam, quidue detrimenti ea ipsa afferre valeat: multis hinc atque inde argumentis & quidem firmissimis agitata, mens nequit non trahi in varias diuersasque sententias. Hoc vnum quietem mihi ipsam speique optimæ plenam reddit, quod intelligam rem hanc à te maturè (vt eius mos exposcit) graviter, studiose, diligenter consideratam. Itaque quicquid à te excogitatum deliberatumve fuerit, id mihi non humano, sed divino consilio factum esse persuadebo. Datum Mediolani, VIII. Calend. Novembris. Anno. M. CCCC. LXVIII.

PIVS II. PAPA, BLANCÆ MEDIO-  
lani Ducissæ.

**V**irum tuum adversus impios Turcos arma sumere iubet DEVS: hoc enim ei scribimus: vide ne obstes. Periculosum est divinæ voluntati resistere. Periclitatur Christiana religio: in foribus hostes assunt: propè ad radicem posita est securis: nisi vigilamus: nisi animo forti resistimus hosti: actum est de nomine Christiano. Spes magna salutis in tuo viro sita est, si sumpsit arma & scutum: ductoremque se Christianis præbuerit: liberabit Dominus in manu eius populum suum: & immanissimum draconem conteret. Quod si provinciam hanc recusaverit: nec divinæ vocationi paruerit, cæteri quoq; se subtrahēt: impediaturq; sua culpa Christianæ fidei expectata defensio, quod de sua magnanimitate haudquaquam putamus: cui magna semper & præclara cordi fuerunt. Te ipsam veremur: ne viri proposito ad verferis: & ne retentes ire volentē: obijciasq; more mulierū mille pericula. Amantis est ab amato nō posse revelli: Cōcedimus ista coniugio, nec miramur acerbam tibi futuram eius absentiam: sic maritalis exposcit affectio: sed maior est Christi charitas. Si plus virum, quam Deum, diligis: non es Deo digna. In Evangelio hoc legisti: Deo nihil negari potest. Cave ne tui amoris causa virum à Deo seiungas. Odisse hoc esset, non amare. Noli esse impedimento his, quæ divina Maiestas ordinat. Recordare, quod accepisti à DEO bona: nec velis ingrata videi, DEVS hunc tibi, quem Ecce 2 diligis,

diligis, virum dedit: audebisne pro parvo tempore reposcenti negare? Concellum in multos annos, in paucos menses concedenti non permittes? Caue ne caelestem Maiestatem offendas, in cuius manu est filium tuum auferre, cum velit. Nihil ei negandum est, qui potest cogere. Sive veniat coniux tuus, vt ea faciat, qui iubetur, sive deleat peccata sua hoc itinere, & suæ salutis cõsulat: eris tu quoque meriti sui particeps, si pro servitio Dei, mariti absentiam æquo animo tuleris.

Propone tibi & coniugi moriendum esse aliquando: & quod ætate prouecti ambo, diu simul in hoc seculo esse non possitis. Fugit vita mortalis, & quasi fumus cito evanescit: quærenda est altera, quæ neque molestias habet, neque finem. Illic thesaurizandum est: illuc aspirandum. Si virum tuum in provinciam sibi decretam iusseris ire, aut ire volentem non impediveris: & illi, & tibi optime consules: ambo post hanc vitam cum Christo regnabitis: alioquin & illi, & tibi timemus. Hortamur igitur, ne viam viri impedias: ne absentiam parvi temporis inuita sustineas. Redibit, ne dubita, cito ad te gloriosus: gaudebisque & tui, & sui causâ. Ambo in hoc opere caelestis vitæ præmia consequemini: & qui fuistis in mundo felices, in æterno eritis beati. Pius & misericors DEVS in animo tuo ponat, quæ suæ sunt beneplacita voluntati. Romæ.

MAHV METES BEGV S, AMIRÆ SOLTANVS, OMNIVM MVNDI  
partium Orientis atq; Occidentis Dominus & Imperator, Scanderbege Albano-  
rum & Epirotarum Principi.

**N**Vllam puto, Scanderbege mi, arctiorem necessitudinem esse, nullam firmiorem amicitiam; quam quæ à longa consuetudine invicem & assiduo victu emanavit: præsertim si ea sit à puerili & tenella ætate inita; vt nobis vtrisque contigisse non ignoras, qui ambo à teneris (vt aiunt) vnguiculis, in regia patris mei, cum obses apud eum esses, diu vna vitam traduximus, incredibilique amore & benevolentia, vel omni temporis momento, tenebamur. Cum igitur, Scanderbege mi, hæc omnia & alia, quibus illa ætas nostra delectabatur, in memoriam revocem: præter hæc ego omnium memor, quæ tu pro imperij nostri, ac Ottomanicæ familiz, & regni gloria amplitudineq; semper gesseris, non equidem non summopere te & amore & affectu quodam ardentissimo prosequi debeo. Testor enim DEOS, nihil mihi gratius, nihil in vita iucundius accidere posse: quam te apud me habere, tuoq; aliquântulum frui conspectu. Nec de adventu ad me tuo quicquâ pertimescas. Quod paulo ante milites mei in regnum tuum irruperint illudq; depredati sint: iniussu id & extra imperiû nostrû fecere. Itaq; sicut debui maximè molestè tuli. Neq; displicuit nullatenus illos ab exercitu tuo cæsos & profligatos, scelorum suorû pænas soluisse: remque tibi, qui iustam fovebas causam, ex animi sententia cessisse.

Verum

Verum his omiſſis, revocata in medium priſtina amicitia & benevolentia noſtra, facile in hanc ſententiam ſum adductus; vt invicem rem cōponamus, & perpetuo inter nos cōföderemus; quo perverſus amicitia & neceſſitudo illa noſtra, quæ propter diutinam utriuſque abſentiam penè oblita, reviviſcat, augeatur, confirmetur.

Si non iniqua videntur omnino: hæ ſint pacis noſtræ conditiones (ſcio enim eius qui non petit eſſe, leges dicere pacis.) Primum eſt, quod à te petimus, vt exercitum noſtrum per agrum & regnum tuum ad Venetorum vrbes infeſtandas & agrorum depopulationes liberè & impunè trāſire permittas: vt Iohannem filium tuum nobis in obſidem tradas) quem vt vnum ſemper ex filiis habebimus: Vt mercatores & negociatores noſtri regnum tuum cum mercimonijs ſuis vbique permeent atque percurrant, & ſecuri atque immunes negotiari valeant: Præterea vt tu ipſe ad nos ſecurus & intrepidus accedas. Quibus rebus ſi ad nutum noſtrum obſecutus fueris: regia fide tibi regnoque tuo veram pacem perpetuamque tranquillitatem obſervare pollicemur; neminemque apud nos vel fideiuſſorē vel chariorem te vnquam futurum: regnumque tuum ab vllis vel meorum vel alijs hoſtilibus armis, pro viribus noſtris, vexari nunquam permittemus. Quæ verò ex ore nunciij huius noſtri & Oratoris Muſtaphæ recognoveris, plenam his adhibeto fidem. Ex Conſtantinopoli Regia noſtra. V. Non. Maij. M CCCC LXI. à generatione Ieſu.

*ATHLETACHRISTI GEORGIUS CASTRIOTVS,*

*Albanorum Epirotarumque Princeps, Mahometi*

*Turcarum principi,*

**R**editæ ſunt nobis literæ tuæ, Princeps illuſtriſſime; quibus ſcribis, te maximo in me amore, miraſque animi benevolentia affectum; quod teſtimonio antiquæ illius conſuetudinis noſtræ comprobari dicis; quæ longo inter nos uſu coalita, & radicitus nixa, & in naturam converſa, vim ſemper & robur obtinebit.

Verū quia ppter longam diutinamq; abſentiam inter nos veluti conſopitā à ſuſmo excitare viſum; vt quoddā pacis vinculū & novā ſcēderis cōpoſitionē iniremus; cuius hæ cōditiones propoſuiſti: vt exercitus tuus libere per regnum meum iter ad Venetorum agrum depopulandum habeat: Cui quidem petitioni tuæ, Mahumetes Princeps, conſentire me, neque ex æquitate foret, neque ex dignitate mea; cū Veneti, & cōföderati mihi, & neceſſitudinis vinculo valdè ſint aſtriſti. Illud verò quod Iohannem filium meum pro obſide apud te habere deſideras, quo pax inter nos firmior permaneret: facerem id fortasſe, neque in invitum, Princeps Mahumetus ſi paternus pateretur affectus. Sed cum vnicus ſit nobis & ætate tenellus; hunc à parentum abduci complexibus, cum muniri noſtrisq; moribus imbui

Ec 3 de-

debeat, neque illi, neque nobis conducibile videri potest. De mercatoribus tuis, quod exigis à me, ut quacunque voluerint libere possint, & immunes per regnum meum negotiari. Istud ipsum & Duces & Præfecti mei omnes comprobant & admittunt: Egoque vnum maxime desidero, ut merces & negotia vtriusque nostrum libere possint hinc inde prouchi atque expediri. Adhuc hortaris me summo opere, ut adeam te; idque & intrepidus & securus: quo multo aspectu consuetudineque tam diutius absentis nostræ desiderium repleatur. Laudo in hoc, optime Princeps, ingenij tui bonitatem; laudo naturæ liberalitatem. Amplecterer itaque audacter consilium tuum; si id per negotia mea, & regni gubernationem, integrum nunc mihi esset. Sed quid faciam? Est (ut iam dixi) Iohannes filius paruulus admodum, & ad imperij gubernacula minime idoneus: Est gens mea (ut scis) otij impatiens, & populi feroces & indomiti: quos regere vel ipsi mihi perdifficile est omnino. Adibo tamen te, ut iubes, commodiori dumtaxat veniendi tempore captato. Vale, meque ama. Ex castris nostris III. Cal. Iulias. M. CCCCLXI

MAHV METES BEGV S AMIRÆ SOLTANVS O-  
*mnium mundi partium Imperator, Scanderbergo Albanorum*  
*Epirotarumq; Principi.*

**D**edisti Mustaphæ nuncio & oratori nostro literas tuas ad nos, quibus scribis, nullam ex pacis nostræ conditionibus, quas proposueramus tibi, præter unicam tantum de mercatoribus & negotiatoribus placuisse; ut libere scilicet hinc inde & ex arbitrio merces ac negotia sua deuchere & expedire possent: Hacque tantum pacem polliceris mihi: idque ex voluntate dicis & mente tuorum esse. Amplector ipse voluntatem istam tuam. Excusationes cæteras æquo animo admisi. Polliceor itaque tibi, Scanderbege mihi, in meque recipio omnia quæ petis: & menti tuæ tuorumque inhæreo: Pacem sanctam, inuiolabilem perpetuo tibi, (quoad nobis vita supererit) seruaturum polliceor: ni prior tu rumpendæ violandæque causam præstiteris. Idcirco has nostras, quas Mustaphæ nuncio & oratori nostro ad te dedimus, signo meo Imperiali & consueto obsignauimus; quo pacem istam perpetuo duraturam confirmemus. Ea propter tu quoque (si placet) te subscribas: & sigillo tuo solito illas munias; quo mentem & voluntatem tuam similiter habeamus. Iubeas præterea, ut ubique per regnum tuum iussiones & edicta fiant: quod & ipsum per vniuersa imperij mei loca fieri præcipiam. Scias præterea me, quo amor iste in te meus clare omnibus innotescat, propria motum liberalitate, omnia quæ in Albania & Epiro à parente meo vi abstulisti, legitima tibi facere; ut ita illa possideas ac si tua tuorumque semper fuissent. In te igitur tuosque omne ius omneque potestatem, quæ mihi prius

hi prius erat transfero, vobisque trado, concedo atque confirmo; Teque deinceps in principem Albanorum Epirotarumque semper habeo, atque id ipsum appellabo. Nunquam in posterum (vt fide regia promisi tibi) armis te tuaque vexabo nisi tu causa extiteris. Itaque his sigillo tuo appposito eas Mustaphæ nostro haud dubiæ fidei nuncio ad nos perferendas dato: cui quicquid ipse retulerit, dixeritue, plenam inuiolabilemque fidem adhibeto. Vale, & in amore responde. Ex Constantinopoli Regia vrbe nostra. X. Cal. Iulias. à generatione IESV, M. CCCCLXI.

MAHVMETES AMIRÆ SOLTANVS ORIENTIS

*atq; Occidentis Imperator Scanderbegò Principi Albanorum & Epirotarum.*

**F**idem tuam & probitatem, Scanderbege Princeps nobilissime, semper admiratus sum. Propterea non plane credibile mihi fuit, te magnanimum & generosum principem fidem & pacem, quam mecum iam pridem inieras, tam facile & temere soluisse. Nam (vt audio) maxima manu fines meos transgressus; omnia igni ferroque deuastans; maximam inde tecum prædam pecorum abegisti; cuius quidem rei causam Venetos fuisse, mihi certum exploratumque est: quorum consilio & suasu ad hoc faciendum impulsus es.

Nam eorum ipsorum illecebris, calliditate & astu seductus mihi bellum intulisti: ruptor fœderis, violatorque iuris gentium factus. Idcirco exiguo aut nullo potius vitio tibi dandum censeo: causam magis ignominia intuens, quam ignominiam ipsam; sed omnem in eos culpam reijcio, qui mihi semper hostes & infensi fuerunt. Sed quid hæc mihi, Scanderbege, qui tot & tanta possideo; adeone graui quadam iactura imperium nostrum afficere putasti? dum prædonis magis cuiusdam, quam hostis, more, in agris nostris depopulandis & abigendis pecoribus tam insolens es factus; quod ego tamen neque iniuriæ loco duco. Sed perge age, si ita æquum videtur tibi.

Pluris namque ipse facio amicitiam & benevolentiam tuam; quam omnia, quæ mihi sunt chara: quod te (vt scis) semper vnice dilexi, & eximio quodam amore sum prosecutus. Nam quoties tenellam ætatem illam nostram & consuetudinem, dum vna in regia patris mei Adrianopoli commorabamur, in memoriam reuoco; non possum equidem non omne officij genus tibi debere. Propterea, Scanderbege mi, te etiam atque etiam rogo & hortor; vt priores pacis nostræ condiciones renouantes, eam iurciurando ex integro confirmemus.

Nam



Nam si illa prius iuramento hinc inde vallata fuisset; nequaquam à Venetis te seduci aut circumveniri permisisses. Quamobrem opus est, ut nunc denuo fœdus inter nos & pacem iureiurando, sacris hinc inde adactis, perpetuò muniamus atque confirmemus. Quod si feceris, ut spero, & me audieris; procul dubio tu cum posteris tuis semper regnabis; & tua omnia tibi salva erunt: Sin secus, pœnitebit te (mihi crede) quàm ocysimè: Nosti iam vires meas; quibus an possis resistere, tute consule. Non Regulitui vicini, non Veneti seductores te poterunt à vi & furore meo eripere. Nonne Græcos ferè omnes exterminatos vides? Trapezuntium Imperatorem à nobis imperio deiectum? Rascianos principes & Triballos everfos: Illyricos prostratos? totiusq; Asiæ regna, aliosque Reges ac Principes perdomitos ac subiectos mihi? Sequere igitur, Scanderbege, consilium meum; promissis statò. Non enim falleris mehercule: Mustaphæ servo & nuncio nostro, qui ad te venit, de ijs mandavimus; cui indubitatam fidem adhibeto. Vale. Ex Constantinopoli vrbe nostra Regia. Nonis Maij, à generatione Iesu. M CCCC LXIII.

ATHLETA CHRISTI GEORGIUS CASTRIOTVS

*alias Scanderbegus Albanorum Epirotarumq; Princeps, Mahumeti illustrissimo Turcorum principi.*

**A**Dmiraris, Mahumetes Princeps, quod milites mei, (ut inquis) contra fœdera, ruptis pacis nostræ conditionibus, ingressi fines tuos, maximam inde prædam abstulerunt. Cuius rei auctores Venetos asseris; quos hostes tibi acerrimos dicis; subdisque, quod ista parum offendunt te, tum principem potentissimum: tum quia propter maximam in me benevolentiam omnia æquo fers animo; & maximè quòd aliorum consilio seductus id ediderim, facili negotio omnia remittis mihi; dummodò fœdus, quod prius inter nos iactum fuerat, eisdem tecum conditionibus iuramento confirmem: impellisque ad id maximè, admones & hortaris; & ut consilium istud tuum amplectar, mihi & posteris meis mirum in modum profuturum; nisi fortè, dum Venetis obsequi studeo, malim tuam indignationem subire. Adhæc, ut magis deterreas me, enumeras longo ordine gentes, populos, reges, Principes à te devictos & tibi subiectos. Sed quidnam novi (rogote per Deum immortalem) quid tantum admiraris, Mahumetes princeps? Et illud primum, quod milites mei in agrum tuum fecerint, quod à tuis identidem militibus prius in rebus eorum commissum magnoperè (ut debuerant) dolebant, ac de me conquerebantur. Proinde si ipsi quoque militari quadam lascivia (vttuus est dicendi mos) vlciscentes illatam, non novam inferentes iniuriam prospexerint sibi: & damnum damno cōpensarint; nihil est quod admireris, aut me accuses. Cohibuissem ipse  
(verum

(verum ingenuè fateor) homines, licet acerrime laesos: sed assem animum tantopere ad omne ultionis genus provocatum: si vel cuncta tu eis, quæ amiserant, reddenda curasses, Princeps vnus omnium opulentissimus & liberalissimus: vel hanc tuorum licentiam, quam lascivix velamento tegis (vix pueris dignas ambages) vt par erat, castigasses. Quamvis enim delicta vbique gravia existunt, in rebus tamen militaribus gravissima censeri debent.

Quid quæso? visne me istam tuorum lasciviam interpretari, tanta præsertim accepta iactura, quos & cohibere prius, & punire post factum potuisti? Accipe igitur, Mahumetes sapientissime, tu quoque verba isthæc nostra: quæ nobis hucusque pulcerrimè & dare & vendere consuevisti: dum semper fraudi excusationem & speciem aliquam iuris imponis. Illud tamen quod, dum me obtentu pristinx consuetudinis & benevolentix nostræ excusas, in Venetos inveheris, iniuria meherculè facis. Non enim erant principes optimi, iustissimi, sanctissimi à te tanquam seductores calumniandi. Quid præterea opus Venetæ Reipublicæ Consilij mecum agere, illecebris me allicere, vt tibi sim iratus; te vt hostem persequar: qui soli, soli inquam, quando ita res ferat, & apertè tecum possunt contendere, & facili negotio te superare. Nam quod suades mihi, vt eorum consuetudine abstineam, frustra agis, mi Princeps. Quis enim mortalium ita perditus est, ita suis ipsis invisus: qui non malit vel maximè errare cum senatu illo, quam tecum optimè sentire? Ego præsertim, qui & confederatus illis iam pridem sum; & vnus omnium amicus: quod tu tamen (quæ tua est perfidia) nihil curasti: agrum eorum in Peloponneso, iruptis pacis fœderibus, quotidie infestando, ac diripiendo. Sic nec minæ tuæ hoc loco deterrebunt me, Ottomanæ Princeps: quas barbaro more effundis, in me ingeris, evomis: ni consilium tuum fuerim secutus: Nam & pati, quando ita res ferat, & facere fortia, Albanum est. Non timorem incuties mihi pusillo Regulo cum Venetis meis. Quis tantus (vt ipse te appellas) Orientis, Occidentis & omnium mundi partium Imperator? Risum profecto hoc loco excitasti mihi: Rident te alij quoque Christiani principes.

Quomodo ita impudenter, ne dicam imprudenter, totius orbis imperium falso vocabulo vsurpasti tibi? Quid in Maiore Asia possides? nihil certe: An omnia, quæ in minori Asia continentur, tua sunt? minime. In Europa quid habes, præter Thraciam Mysiam, partem Græciæ atque Peloponnesi, Mytilenem, & Tauricam regionem? Africam nunquam pes tuus calcavit. Hicne vniversi orbis est principatus? Sed finge, finge inquam, Mahumetes Princeps, omnia ab ipso vsque Oceano servire tibi: neque tamen idcirco insurgendum est adeo tibi, vt alios contemnas omnes.

Ff Desine

Define, define gloriari: & discere iam (si potes) humanæ inconstantia singulari documentum. Nam ubi sunt Assyrij, qui orbis terrarum quandoque imperium tenuerunt? Vbi Medi? Vbi Persæ? Vbi Græci? ubi denique Romani rerum Domini? Mator certè fuit Tamberlanus ille Scythiarum rex, terror (ut scribitur) gentium, quam tui qui avum tuum Baiazerem illum, qui armis tot & tanta gesserat, cum ducentis millibus in finibus Armeniæ profligatum, & in fugam conversum, captum, vinctumque catenis, triumphantis more, ante currum suum traxit: in cuius exercitu duodecies centena millia hominum fuisse traduntur: Xerxe atque Dario maior: quorum exercitus maria contrata, siccata flumina prodiderunt antiqui. Exterminati tamen sunt omnes ab exterminatore gentium. Mahumet Princeps: digitus Dei omnes extinxit. Discere proinde te quoque hominem esse cognoscere: noli tantopere copiarum & exercituum multitudini confidere. Sæpe namque maiores exercitus minoribus cecisse testantur historia. Quare non immerito receptum est illud: Nec laudaveris ducis virtutem: nisi cum ductus fuerit ad triumphum. Deum quoque ipsum meliorem causam fovere, an dubitandum videtur, Mahumet? Scis tamen tu bene, scis, ad totam imperij, ut te quicquam præter Deum habere: omnia violenta esse: omnia perperam à te & iniuste possideri. Propterea non deest animus mihi, Ottomanæ Imperator, tibi tanto rerum Domino venienti modo resistere: sed vel prior te intrepide & audacter in campum provocare: insignemque de te (Deo propitio) & sperare, & referre victoriam. Sunt & nobis milites, qui & ipsi tela tractare, procedere ante signa, versari media in mole pugne sciunt. Quæ igitur de pace iterum firmanda agis mecum? Frustra iam huiusmodi delinquentis me circumvenire queris: ita est mihi & fides tua suspecta, & benevolentia usquequaque invita. Quippe cum fiste semper & dolose, maiorum tuorum mores secutus, quicquid agis, quicquid polliceris mihi, facis omnia: quo facilius evertas me regnoque exuas. Evasi tamen ipse huc usque, Deo auctore, insidias tuas omnes, dolos, & fraudes omnes. Sed brevi, brevi, ut spero his omnibus finem dabis: cum non artes istæ, nec insidiae ullæ leuabunt te: non Ottomannicum ingenium: non tumor iste barbarus proderit tibi. Neque tamen vnus ego in te hos animos gero: Longus post me ordo est Christianorum Principum. Ecce namque armatur in te, totisque viribus contendit, quicquid est vnquam Christiani nominis & spendoris. Coniurarunt in te, vna cum nostro summo Pontifice Pio, Reges & Duces omnes, & ad evertendum te regnoque spoliandum iam aderunt. Quamobrem ego, obtentu pristinae consuetudinis nostræ, quavis tu cam graviter læseris, penitusque violaveris: admonendum tamen de his te duxi, mi Princeps: quo diligentiori aliqua consultatione cogitatus omnes colligeres: tibi que ac regno tuo consulares. Vides impetus atque vi-

fca

restantorum Principum: quas an sic facile possis evadere non satis scio. Poteris tamen, si me audies: poteris & imperium nomenque tuum ex magno maximum, ex felici felicissimum, ex celebri reddere efficereque celeberrimum, si perfidia ista, & Mahumetanz sectæ erroribus depositis, ad Christi fidem & veritatem te convertere volueris, animæque tuæ tandem habere rationem: Neque tu quoque, qui altiori spiritu & ingenij magnitudine maiores tuos omnes longe antecellis, ceu hereditario quodam iure, in errore & pertinacia ista te tuosque versari amplius patiaris, faciasque iam sponte tua (ut sapientissimum Principem decet) quod es propediem necessitate facturus. Turpissimum habitum semper est, ex ore Imperatoris audire: *Non putaram*. Relispice aliquando: tecum habita. En! offert materiam tibi Deus Opt. Max. quomodo & rerum tuarum statum omnem tranquillum reddas: & omnes te Reges & Imperatores nostri amant, venerentur, obferunt: neque hac in re te regnandi cupido, ac bonorū istorum, quæ possides, sollicitudo excruciet.

Quicquid enim iniuste: quicquid illicite vsurpasti: omnia profecto Christiani Principes, velut propria & hereditaria, licite & iuste te habere concedent, confirmabunt, sancient: eris verus princeps, legitimusque dominaberis: dum modo fidem hanc & verum Dei cultum amplectaris: quam ut primum senties, dolebis (per Deum immortalem) te non maturius cognovisse: dolebis amissi temporis dispendium: exterminabis ultro atque eliminabis, quicquid mendacij, quicquid fœderis apud vos reliquit spurcissimus pseudopropheta ille Mahumetes. Ex castris nostris. VII. KL. Iun. MCCCCLXIII.

## PIVS II. EPISCOPVS SERVVS SERVORVM DEI, PAVLO

*Fulgensio Archiepiscopo Genuensi.*

**D**Vcatum patriæ tuæ ex libero civium decreto te affecutum scribis: eumque per nostram benedictionem fraternitati tuæ flagitans confirmari. Admirati sumus consilium tuum: qui eius civitatis temporale regimen acceperis: quæ super omnes Italos novitate gaudens, semper nutat: semper in motu est: nec ullum diu rectorem ducemque patitur: & tu anno superiore, quanta sit tuorum civium constantia, in te ipso didicisti: qui cū ab eis ad hunc ipsum principatum fuisses assumptus: non tam cito magistratus inivisti, quam deponere coactus fuisti. Nobis quidem eodem fere tempore, & assumptio tua, & depositio nunciata fuit: quid nunc futurum sit, ignoramus. Huc accedit rei novitas. Nā cū potest idē homo & Ducis & Archiepiscopi personam gerere: sanguinis modo absit effusio: nescimus tamē, an Archiepiscopus Genuensis ante te alius Ducatū inierit: maximā esse causā oportet, quæ hanc novitatem induxit. Forsitan experti Genuenses iniusta esse regimina secularia: atque inde tot mutationes oriri putantes: ad te cō-

Ff 2 fugerunt

fugerunt: & fastidio quodam secularis imperij, experiri aliquando sacerdotale decreverunt: si forsitan iustius ac mitius gubernentur. Magna est tibi benè agendi necessitas imposita: nisi vim prohibueris: nisi paci & quo consulueris: nisi modum pravis cupidinibus imposueris: nisi teipsum & tuos stipatores in honestatis frenâ redegeris: non stabit potestas tua: brevè dominaberis: cito regnum amittes: eijcieris non sine tuo & Sacerdotalis eminentiâ, magno dedecore: si tamen eijciar, & non peiora tibi acciderint: ut sunt ante oculos exempla domestica: vide quid agas. Non enim eadem est sacerdotalis & imperij norma: paternam & omni clementia plenam esse Pontificalem administrationem oportet; non tyrannicam. Multa in seculari Principe ferunt homines: quæ abhorrent in Ecclesiastico. Quæ in laico pusilla & levia æstimantur delicta: in clerico maxima & gravissima iudicantur. Sacerdotes, quorum vita velut speculum est inferioribus, non solum à malis operibus abstinere: sed omnia declinare convenit: quæ quomodo speciem mali præ se ferunt. Vide quem gradum ascenderis. Si potis es piè ac iustè imperare: ac non subditos solum, sed teipsum coërcere: si vales virtute irrumperè iniquitatem: si pro communi utilitate quærenda, non pro tua libidine explenda Ducatum accepisti: si ad tuendam religionem Christianam adversus impios Turcas animum geris: & in eam rem corpus tuum devovere proponis: & iniuriam proximo non quæris: confidentes rite & secundum leges tuæ civitatis Principatum hunc ad te delatum esse: & quod, vè polliceris, utiliter populo tuo præris: illum tibi, & tuis civibus, & vniuersæ Reipub. Christianæ in nomine Sanctæ Trinitatis benedicimus. Datum Romæ apud S. Petrum sub annulo Piscatoris. Prid. KL. Febr. M. CCCCXIII. Pontificatus nostri anno V.

PIVS II. PONT. MAX. CHRISTOPHORO MAVRO.

*Duci Venet.*

**Q**Uod iam pridem occulto concepimus animo: nunc in lucem venit, & omnibus patet. Æstate proxima bellum contra Turcas movemus: & Apostolicus sacer senatus comes erit: nec deerunt robustæ militū cohortes quæ nobis oratione pugnantis, ferre dimicent. Decretum nostrum publice lectum est XI. KL. Novembris. Quod promissimus, favente Deo Opt. Max. perficiemus: neque irrita fient verba nostra: quantum pro viribus poterimus, tanto fortiores ad bellum proficiscemur. Comitabitur & nos dilectus, filius Philippus, Burgundiæ Dux, & claro Francorum sanguine natus: quem validas & veteranas legiones adducturum non dubitamus. De huius exercitu maximè speramus: nec minus de classe vestra, quam paulo ante Peloponnesum navigare iussistis: cuius egregia facinora, & prisca æquanda factis, multa cū gloria referuntur: hanc perseveraturam in bello contra Turcas nobiscum & cum Philippo Duce confidimus, nam & ita cum Oratore vestro statutum est.

Nec

Nec dubium nos habet, quin totis viribus vestris bello huic faveatis: quod pro amplitudine fidei nostræ suscipitur. Hæc quamvis magna sint; felicissimos cursus mihi tamen polliceri videbuntur, ac certiora & maiora victoriæ signa: si tu bello interfueris, teque nobis adiunges Reipub. ductor & Princeps. Multum in bellicis rebus auctoritas valet, & splendor, & gloria Principum: terrentque sæpe magnis nominibus hostes: & fama magis, quàm re ipsa, dissipantur. Multum (crede nobis) terroris affert inimicis nostris magni Ducis Burgundiæ auctoritas: nos quoque per Apostolicæ sedis dignitatem non nihil metum hostilem augebimus. Quod si tu pariter accesseris buccinatoria navis, & ducalibus sublimis insignibus: non Græcia solum, sed Asia & omnis terrebitur Oriens. Nec dubites, quin simul iuncti pro sancto Evangelio, proque gloria nostri Dei, auctore ipso, res clarissimas gerere valeamus. Hortamur itaque te præstantem virum: ut nostro in hac parte desiderio morem geras. Te igitur accingas huic bello: atque ita res tuas disponas: ut nobis mare ingredientibus apud Anconam adlis copias iuncturus. Erit hoc rei Venetæ maximè gloriosum: & Christianæ Reipub. maximè salutare: tu vero beatæ vitæ præmio donaberis. Scimus apud Venetos non esse novum, urbis Principem classem ascendere, ac bellum gerere. Quod si vnquam licuit, nunc in primis decet: cum pro religione dimicamus: & cum Christi Salvatoris nostræ causa bellum geritur. Veni igitur fili: neque labore graveris: quem nos sponte etiam subimus. Neque senem te dixeris, tanquam per ætatem debeas excusari. Philippus quoque senex est: & longioris, quam tu, viæ incommodo properat: & nos senectus inuasit annos duos de sexaginta natos: accedunt morbi, qui nos dies & noctes torquent: nec tamen propterea laborem detrectamus. Noli tanquam senem aut imbecillum huic tam sancto & iusto bello te subtrahere. Consilium tuum & auctoritatem quarimus: non lacerorum robur, aut corporis vires. Quod Philippus bello præstabit, hoc abs te petimus. Cura, ut venias. Tres erimus bello senes: ternario numero in primis Deus Opt. Max. gaudet: Triadem nostram ipsa cælestis Trias adiuuabit: & coram nobis hostium cohortes conteret. Veni igitur, ac mecum bene spera. Romæ apud S. Petrum II X. XL. I X B R. Anno Incar. Domini 1463. Pontificatus nostri, anno sexto.

*FRANCISCVS DUX.*

DV CES MEDIOLANI FERDINANDVS  
nando Regi Aragonum.

Si iusto animo fortunam tuam metitus fuisses, Rex Ferdinande: ad quietem potius, quam ad arma, consilium deduxisses. Verum & si bellandi cupiditas prævaluit, saltem iustam causam sequi debebas: & in aliud tempus

Ff 3

differret

deferre: ne de vindicandi animi libidine, dum Italas opes inter se conficiari facis, Turcus, qui legationibus muneribusque sollicitatus; ingenti pene exercitu in Epeiro confedit; veluti hanc contentionem speculaturus; omnes de Italiz possessione mox deturbet. Ex eo enim fit, vt tibi ac cæteris periculum pares ingenti dolore tuorum: quibus publica pax & gloria tua semper cordi fuerunt. Verum hac communi temporum atrocitate, priuatam ad expostulandum tecum causam habemus: vt à quo, si quando aliquid grauius incidisset, plurimum præsidij expectabamus: ab eo nunc, rupto fœdere, & aspernato omni affinitatis iure, laceessimur. In animum siquidem nostrum descendere nunquam potuisset: vt tu, quem loco parentis coluimus, nocere nobis sustinuisses. Atque cum iam diu multa de te deferrentur, moniti, vt rebus Ianuensibus cauèremus: irritos habuimus omnes nuncios tanquam falsos & inanes: confirmati ab Oratore tuo, te in fide permansurum: quia nulla illata tibi prius iniuria: nihil ex te metuendum coniiciebamus. Sed hæc opinio nos fefellit. Nam Prosper Adurnus, Præses nostrorum Ianuensium, studio tuo modo rebellauit: misisti ei Prosperi subsidium triremes tuas, addita pecunia. Ardet itaque nunc ea ciuitas infestina discordia per te conflata: & tu auctor huius mali: ex tua Neapoli quasi alienum incendium exportare credis. Quod te compulerit, nihil est: nisi quod in periculo suo Florentinos socios nostros iuauamus. Quamquam ijs ipsis ex fœdere mutuo tu quoque auxiliare debes: & si à nobis minus recte fieri opinaris, minus recte sentis: quoniam perire potius, quam fidem fallere, ducimus. Si vero ob periculum nostrum efficere credis: vt subsidia nostra ab Hetruria retrahamus: eodem voveris errore. Nam de superum auxilijs non dubitamus: quibus hanc iniuriam tuam propulsemus: & socios nostros non deseramus. Quod etiam si in contrarium cederet in populos nostros; quam Florentinorum ruinam fortiori animo laturi simus: tamen interest inter nos, & fidem tuam: qui vltimo capeffis arma in eos, qui operibus suis te iuuerunt: & pro iusta causa stare semper consuevit Deus. Ille nouit Alphonso Regi patri tuo, per Philippum Mariam proauum nostrum, inopi & captiuo, libertatem & regnum fuisse restitutum. Ille idem Deus scit, clementia primum sua, deinde Francisci Sfortizæ & fœderis nostri beneficio te regnare. Hæc tibi obliterari non debebant: Quæ si auditu molesta sunt: accepta quidem fuerunt iucundissima. At meritum omnium oblitus, cum pupillo & viduæ arma inferes: non multum studes gloriæ tuæ: quæ apud omnes nationes interitura est, nisi serues fidem. Neque satis fortunam agnoscis: cuius est, in eodem vestigio nunquam stare. Itaque nisi fallimur, non multo post sese aliorum conuertet. De beneficijs quidem tecum certare cupiebamus animo liberali: vt, si quando ita occasio tulisset; non exigere auita & vetera auxilia,

*1. Mariam  
2. Maria f. Alphonsi  
3. v.*

auxilia, sed præstare noua parati essemus, ad confirmandum regnum liberis tuis; contra accidit, quam volebamus. Parem itaque dolorem tibi reddere compellimur: quoad mouere lacertos poterimus. Mortalis es: & superfuturos, nisi casus abrupas, æstimatione iusta nos putare debes. Quid opus relinquis hæredi tuo in regno, quos prouocasti, iam nunc potes cogitare.

At hoc fortasse tanquam alienum iudicabis: quasi longam vitam tibi fata sponderint. Illud certe præsens referre debes: quod rupto per te fœdere, nobis omnia licebunt: quæ te viuentem perturbare possunt: neque te fore quietum spera, ubi nos perturbasti. Perturbasti enim inclytos quoque Venetos & Florentinos: quibus cum nos fœdus habemus: neque in quenquam nostrum insurgere potes; quin simul omnes prouoces: quibus, si recte vires tuas consideras, par neque opibus eris, neque iustitia: spiritus fortasse vero æquales geres: vti nam eos non temere sumperis! Sed nos eo propensius ad dirumpenda hæc tua studia cogimur: quod arma nostra laus secutura est pro iniuria propulsata: bellum vero à te susceptum sequetur infamia: quia fœdus & affinitatē vltro sis aduersatus. Itaq; nisi consiliū mutes, cogita nihil nos prætermitturos: vt incendiū nostrū mox regnū quoq; tuū apprehendat: cum, etiamsi id nolumus, metuere debeas, quos terrores iustos sis Ianuæ habiturus: si quando eam urbē retinere nō possumus. Sed omnia potius experturi sumus: vt vel integram ciuitatem recipiamus: quod ubi non licebit: eam diu conflictatam ad postremum ijs tradituri sumus, quos seniper offensissimos habuisti: vt discas, nullius grauiores esse morsus, quam pereuntium: & tandem suscepti consilij te quoq; pœniteat, Vale. Mediolani XI. Iulij. MCDLXXVIII.

EBERHARDVS DE BREYDENBACH EQVES ET CANONICUS, Berchtoldo Archiepiscopo Moguntino, Sacri Rom. Imperij Electori.

**F**idelis quidem & præpotens vrbs Nigroponti, Christiani nominis titulo fideque insignis, olim Venetianæ ditioni & potestati subiecta: Ciuitas profecto admodum populosa & negotiosa; sed & rerum omnium opulentissima, ciuibusque optimis refertissima: Terra præterea & mari munatissima: portu præsertim tutissimo de mari gaudens: denique muris ac mœnibus & turribus firmissimis vndique cincta & circumsepta: ita vt prorsus inexpugnabilis omnium opinione crederetur. Quæ etiam ciuitas Chalcidis alio nomine cognominata dignoscitur, sita in Insula Eubœa: Insula (inquam) in frumento, vino & oleo, cunctisque terræ nascentib; maiore in modū fertilis ac fœcunda: potissimū autem aptis pro nauium galearumque fabri-



fabricalignis abundans: Hoc modo sub Turcorum venit potestatem & direptionem. capta & expugnata anno Domin. incarnationis MCDLXXI. vertente. Clarissimis quidem Venetis semper olim Turcos oppidò fuisse infestos, tum ob eorum in Christum fidem sinceram; tum etiam ob maximam eorum, cui inuidebant, potentiam: nemo qui grauissima inter eos hinc inde habita dissidia, & bella vltro citroque fortiter gesta, & guerrarum strepitus ac cruentos sæpe congressus legit vel audit, dubitare potest. Hinc itaque & hostili animo in ipsos Venetos Turcus infestus: & nobilis atque prædiuitis Chalcidis Eubœæ situs opportunitate, opibus quoque & celebritatis gloria allectus: anno, quo supra, Omarium Begum Principem Bassam cognominatum, Tyrannus ipse Mahometh cum exercitu copioso nauali & terrestri ad expugnandum ciuitatem ipsam Nigroponti destinauit. Tandem post longam vrbs obfidionem ipsemet cum exercitu longe copiosiore ex Byzantio admouit: ponteque factò ex nauibus trans aquam profundam satis & latam, quæ vrbs præterfluit, militem in littus traiecit: & ex ea parte, qua non putabatur, muros aggreditur, machinis quatit, oppugnat, iactuque plurimorum lapidum sphæricorum diruere festinat. Nam & proditor quidam omnium nequissimus & pessimus, machinarum scilicet omnium, quæ in ciuitate, in mœnibus, in turribus atque propugnaculis erant, magister & præfectus, Thomas Liburni cognominatus, signum Turcis dedit, vt in loco suæ stationis muros, vbi debiliores erant, bombardarum ictibus verberarent, facile ruituros: quod & factum est. Sicque proditione res acta est: non æquo Marte pugnatum. Interea classis Venetiana in subsidium & tutelam vrbs & ciuium obsessorum missa, negligentius agens, vagabatur per mare, capiendis Ianuensium & Cataloniorum aliorumque Christianorum nauibus intenta magis: quibus ad suam firmandam classem ratibus adiunctis, Venetianus Capitaneus, cuius rei gratia aduenerat, non satis probe est profecutus. Cum enim præpotentem nimis iam haberet classem; quæ rem conficere prospere Deo propitio potuisset: ad Insulam quidem Eubœæ properauit: seque ostendens maximam obsessis iam vndique ciuius ex vrbe spectantibus lætitiâ suo aduentu infudit: ita vt manus vtrâq; præ animi & cordis exultatione & iucunditate expanderent in cælum: sed frustra eos iniquus ille Capitaneus spe suâ; opinione fefellit: turbauit exitu infasto: tristitia affecit ingenti: haud dubie quin longè maiori, quàm ante gaudio lætificaret. Nam cum tanta classe fretus esset: ipse formidolosus inter inimicorum morsus, mortisque horrendæ cruciatus, ciues fideles dereliquit: & præclaræ vrbs miserandam direptionem prospiciens, nihil prorsus effecti: neque propius voluit applicare; cum tamen omnes pontes, quos Turci fecerât, facile sua classe armatissima irrumperere potuisset. Cumque omnes singularum patroni nauium per classem passim cōtra eum con-

clama-

clamarent, graviterque omnino suam negligentiam ferrent: crebrò ingeminantes, curtrepidaret: cur non accederet: cur de industria tam insignem, tam fidelem, tam opulentam civitatem, perditum iri permetteret: ille surda hæc aure hauriens, in eodem loco immobilis inutilisque permanfit.

Itaque dum in mari nihil agitur, & classis in vanum perseverat fixa, atque defensionis signum obsessis civibus nullum prorsus datur: quin potius tutationis fiducia sub oculis eripitur: Turcorum princeps animosior agens, res bellicas faventibus fatis prospere votiveque prosequitur: ad mœnia properat intrepidus: assultum parat: ordinat conflictum: & quod in talibus conducit plurimum, accitis militibus, accurata eos oratione corroborat: præmia etiam magna pollicens his, qui primi muros conscenderent, atque ita universonum animos adeo reddidit in prælium avidos & accensos: ut per duos dies noctesque continuas cum ingenti fragore, summo studio vique maxima urbem oppugnarent. Quanquam enim à civibus deintus machinis gravissimè vulnerarentur: repellerenturq; eminus nonnunquam omnium generum missilibus: suorum tamen inter necem & stragem innumeram, plurimamque mortis imaginem, tanto cum impetu & conatu Turci irruptos occuparunt muros: imo tanta alacritate alter alteri succedere contendebat: ut eorum nemò pedem referre, stare nemo conspectus sit: cuncti vero animosissimè assilire visi, quanquam frequentissime interirent. Bis eos muros avolasse ferunt: bis inde fuisse præcipitatos nostrorum audacia: tandem verò ubi nostri auxilio classis, quam sub oculis cernebant, penitus destituti, longaue fatigati oppugnatione, & exhausti laboribus, rem eam perditam vident, fracti animis in urbis forum pariter conveniunt: & confortati divi sacramenti Eucharistiæ vel conspectione, vel sumptione, irrumpentibus iam Turcis, manus enixissime cum eis conferunt: trucidant, quotquot possunt, necique dant innumeros, & Orcis infernalibus immittunt: donec tandem & ipsi pro Christi fide constantissime agonisantes, mortem subeunt haud dubie beatam. Et quod fœmineo sexui maximopere gloriosum extitit: hanc inter cædem miserabilem, plurimas egregia forma fideque fœminas, tum nuptas, tum virgines armis indutas ferunt, more Amazonum, pugnavisse: sicque inter reliqua mortuorum cadavera fuisse repertas: quasi non antea voluissent occumbere: quam perfidissimorum Turcorum suis tenellis animis effudissent cruorem: quo vel sic inimicum nobis sanguinem libassent: & præstitissent obsequium DEO in ipso suæ mortis articulo. Verum viri illi civesque clarissimi proditorem illum nefarium Liburnum superius memoratum superstitem habere nolentes, dignis prius supplicijs pro reatu de co sumptis, crudeliter interemerunt.

Gg Hæc

Hæc inter agendum vrbis duntaxat Prator Paulus Ericus in arcem confugit: adhærentibus sibi paucis quibusdam primoribus civitatis, paucis aliunde evadentibus. Capta itaque Turcus vrbe, victoriaque adepta, omnes Italici generis puberes palis acutissimis fecit affigi: alios saxis elisit: alios secus per medium divisit: alios varijs pœnis atque horrendis affectos cruciatibus, ad supera (haud dubium) transmisit: Græcanam tamen gentem sub hasta vendi præcepit. Vnde factum est, ut omnes Chalcididis plateæ & viz cruore occisorum repleretur. Interea Pratoris filia unica, virgo castissima, puella decora facie & venusto aspectu, Turco ob suam pulchritudinem ingentem adducta, cum turpitudini & fœdæ commixtioni consentire prorsus renueret, protinus iugulata: proque fide castitatis martyrio proculdubio coronata: sponso virginum Christo sponsa ipsa in ævum est in cœlis coniuncta. Porro qui in arce erant, data sibi à Turco fide de vita servanda, pactoque firmato, quod salvi evaderent, si arcem libere in deditionem traderent: exinde confidenter exierunt. Sed mox egressos ipse fœdis fragus Tyrannus arce potitus, omnes ad vnum iussit extemplo trucidari.

Hunc in modum profecto miserandum civitate perditâ, occisis incolis, cæde expleta; Venetorum Capitaneus, classe soluta, qua omnium arbitrato, sola omnipotentis voluntate excepta, facile tantam defensusset urbem, si vir fidus & fortis fuisset, cum parvo honore, fructu nullo, opprobrio sempiterno, rebus infectis, imo turpissime neglectis, Venetias remeavit: moxque apud Senatum accusatus, defensionis quidem locum accepit: sed post multas in vanum adductas falsas rationes & excusationes in peccatis, tandem non satis dignam pro meritis accepit ultionem: exilio relegatus, atque perpetuo profligatus cum omnibus suis à civitate Venetiarum in oppidum, cui nomen est Vtinum. Ita res hæc finem accepit tristem prorsus & infelicem. Anno MCDLXXI.

*BASSA PALÆOLOGVS PRÆFECTVS CLASSIS TYRCICÆ,*

*Petro EQV. Rhodiorum Principi & Magistro.*

**E**Quidem non parum ac imo potius vehementer admiror, quod tam præpotenti Turcorum Principi resistere audeatis: qui duo imperia, tot regna, tot vrbes, tot provincias, totque potentatus subiugavit. Proinde suadeo & hortor, ut vestræ vrbi & agris indoleatis: nec tam crudele facinus perpetrare, nec urbem diripi, & ad iugulationem viros ac mulieres ad raptum & ignominiam duci patiamini. Bellum an pax præstet, dicite. Polliceor quippe brevi forma & compendio pacem, si libuerit me præstiturum, & vos possessores vrbs & agros permansturos: sin vero minus, sane

sane propediem urbem in nostram potestatem transituram, meque eam direptioni præbituram, & omne genus crudelitatis executurum denuncio. Ex castris.

FERDINANDVS REX ARAGONVM, PROSPERO ADVRNO  
Gubernatori Iannensi. & XII. Capitaneis populi.

**M**agnifici viri, amici charissimi: Legimus literas vestras per Magnificum Simonetum de Belprato nobis redditas: ipsumque Belpratum audivimus: quem cum intra quatridentum remittere ad vos constituerimus: pluribus nunc non vtimur. Mittimus in præsentia hanc triremem cum ijs rebus: quas, cum isthuc appulerit, intelligetis: & ipsum Belpratum cum ijs rebus mittemus: ut facile singularem nostram in vos voluntatem & præcipium studium perspiciatis: intelligatisque, quam nobis gratissima acciderint: quæ publicæ utilitatis civitatis istius gratia à vobis acta sunt: & quâtopere eas ob res nos vobis debere iudicemus, Satisfaciemus cumulatissime spei opinionique vestræ. Interim hortamur, ut concordia accuratissime studeatis: efficiatisque, ut omnes in officio ac fide permaneant. De ipso Belprando fuerunt, quæ scripsistis, nobis iucundissima: & si se, qualem scribitis, gesserit, fecit quod maxime cupiebamus: quodque à nobis ei inunctum fuerat. Bene valete. Datz in castello Novo Neapolis. XXVII Augusti. MCDLXXIIX.

DVX MEDIOLANI IANVEN-  
sibus.

**D**ilectissimi nostri, Longiori sane epistola nos uti oporteret ad ea verissimis rationibus refellenda quæ literis nostris respondentes in medium adducitis: quibus ostendere nitimini, suscepta merito à vobis arma fuisse. Verum omisso refutandi argumenta rationibus, consilia convertimus ad id, quod vobis salubrius: istique inclytæ civitati conducturum magis, & quietem restitutum putamus: ac finem facturum gravissimis laboribus, impensis ac damnis, quibus oppressi estis. De quo certe ob summam in vos charitatem nostram plurimum auguramur. Ut igitur rei vestræ bene consuli possit: & adeas condiciones deveniri: quibus quiescere tandem, & eiusmodi incommodis ac imminētibus nobis periculis liberari valeatis: videtur nobis, vosque iterum atque iterum hortamur, ut pro rebus componendis ad nos Oratores destinetis: credatis quoque nos, ut pacis studiosos, ac optimo erga vos animo esse interventuros: facturosque, quæ non ingrata vobis fore non ambigimus.

Gg 2 Nec

Nec vos vnquam eosdem Legatos misisse pœnitebit: quibus per has nostras liberum & amplum, saluum conductum esse volumus, tuto & impune accedendi, morandi, & redeundi. Ex Mediolano, XIV. Septembr. MDCLXXIIX.

PETRVS DANBYSSON MAGISTER, ET MILITES RHODII,

*Præfecto classis Iuvæna.*

**N**on possumus satis admirari, vos qui cū classe & impetuosis machinis castorumq; copijs vrbeim nostram circumdatis, nos ad pacem hortari: cum id à militantium officio alienum videatur. Verum figmento agere videmini, vt animos tentetis. Sciatis, nec pollicitationes, nec munera vestra nos movere, aut ad aliquid indecens conficiendum allicere posse. Nec profecto minz vestrz nos terrent. Sumus enim vnanimes: nec discrimen est inter Græcum & Latinum. Christum namque colimus vna fide & firmamente: pro quo pugnare parati sumus: & mortem potius optetere, quam Mahometo coniungi. Facebant ergo promissa & minz, quibus nos movere conamini. Cum vestra classis domesticos lares reuiderit, si oratores de pace tractaturos mittetis, hac de re consultabimus: iam verò, dum armati & exercitu præcincti estis, officium bellantium perficite: & vobis Deo propitio constanti animo respondebimus. Cognoscetis quoque vos non cum Asiaticis & effœminatis viris contendere: sed cum Catholicis fortissimis manus conferere. Ex vrbe, IV. KL. Iunij, Anno Christi MCDLXXX.

EBERHARDVS DE BREITENBACH CANONICVS ET EQVES.

*Bertholdo Archiepiscopo Moguntino.*

**P**ostquam Rhodus insula divino potius miraculo, quam alias, muris illius pro magna parte solo æquatis, à Turcorum obsidione & furore fuit liberata atque ita ipsi Turci spe sua & conatu impijssimo frustrati fuerunt: indigne admodum opprobrium illud ferentes, atque plurimis, quas eis Christianorum negligentia parauit, elati victorijs, tantis stragibus & calamitatum generibus, quibus regna, provincias, civitates & loca plurima Christianorum hæcenus affecere, nequaquam contenti: neque sparsi sanguinis fideiū multitudinem fatiati: arbitrabantur facile se ignominia, quam à Rhodijs acceperant, in ceteros Christicolas posse relinquere. Proinde classem denuo instaurant validissimam, & copiosum exercitum parant: partes Italiz, maximè mari Adriatico vicinas, terra marique invadere, & in diram miserabilemque redigere servitutem animose contendunt.

Nimirum cum tempore Turcorum Tyrannus crudelissimus, auro & hominibus abundans, & dominandi mira cupiditate inflammatus, optimè intelligeret, gentes sibi vicinas bellis frequentibus per

per eum attritas arma sumere non audere: & solos fideles Vngaros murilo-  
co ad Orientem remanuisse, in Italos tunc scire decreuit. Ergo post cate-  
ras cruentissimas iacturas & strages, quas Christianis populis ipsi nefandissi-  
mi hostes fidei Turci in alijs terris intulerant, post horrendam tot ciuita-  
tum euersionem, tam miserabile excidium tot lamentabiles atque vniuerso  
pene orbis terrarum notissimos conatus, Rhodizque vrbis postremo cum  
ingenti multitudine gentium terra marique obsidionem, in Apuliam regni  
Siciliz prouinciam cum magno exercitu & classe ex Velona applicuere. Est  
in ea prouincia ciuitas quædam Archiepiscopali sede insignis, atque popu-  
lorum multitudine & rerum omnium opulencia præstans, Hydruntum ap-  
pellata: ynius noctis navigatione à prædicta ciuitate Velona, quæ sub Tur-  
corum potestate est, distans. Hanc ipsi immanissimi Turci post aliquot die-  
rum obsidionem, & murorum eiusdem machinarum impetu euersionem,  
tandem (heu rem miseram & afflictam) cruentissimo bello vi & armis ce-  
perunt, expugnauerunt, spoliauerunt: viris partim caesis, partim acerbissi-  
ma feruitutis iugo subiectis; matronis stupratis: virginibus raptis: Sancti-  
monialibus scædatis: adolescentibus immaniter trucidatis: senibus & ho-  
minum & equorum calcibus conculcatis: Sacerdotibus etiam intra Eccle-  
siam pro defensione fidei humiles preces instanter Altissimo porrigentibus,  
ferarum more iugulatis; & ipso Archiepiscopo Hydruntino sene & anno-  
so, Pontificalibus induto, sacratissimam crucem manibus tremulis tenente,  
ferra lignea crudeliter in frustra diuiso: prægnantibus quoque cum semru-  
inis corpusculis inaudita crudelitate dilaniatis atque dilaceratis: demum ci-  
uitatem ipsam Hydruntinam in suam ditionem redactam, hominibus &  
numero copioso, muris, victualibus, vallo, machinis, armis, & alijs ad de-  
fensionem necessarijs, mirum in modum muniuerunt.

## FERDINANDVS REX ARAGONVM, RAPHAELI FREGOSIO

*Duci ac Capitaneis lanuensib.*

**R** Euerendissime & Illustrissime Dux, ac Magnifici viri, amici charissimi:  
Vnum restabat, quo effrenis Venetorum dominandi libido palam om-  
nibus foret: vt scilicet etiam nobis & regno nostro bellum inferrent. Sed  
id nunc contingit, & omnibus in aperto factum est: Siquidem (vt arbitra-  
mur vos non ignorare) Veneti ipsi irati, regni nostri prouinciam, quæ Hy-  
druntina vocatur, nuper irrumpentes classe; quam ingentem compararunt;  
Callipolim, quæ ad mare sita est, & nonnulla alia illius prouinciæ oppida,  
per vim occuparunt. Quod hoc tempore illis non difficile fuit: in ea regio-  
ne præsertim, quæ per superioris Turcici belli incommoda incolis pene de-  
nudata est: multa que alia in nos & statum nostrum iidem hostes nostri o-  
mni eorum scelere moliantur: vt omnibus iam constet, eos de subigenda

G g 3

sib

sibi Italia iam diu cogitationem inijsse. Huic tam effrenatz cupiditati obuiam esse eundem existimantes: robustissimam equitum & peditum multitudinem illuc quamprimum misimus: aliosque pene in horas singulas mittimus. Classem quoque validam & numerosam instruximus: quæ propediem educetur: eo consilio: vt pro libertate Italiz hostium conatus infringamus & occupata recuperemus: & illatas nobis ac foederatis nostris iniurias pro viribus vlciscamur. Quod, bene iuvante, qui iustis causis deesse non solet, ita breui futurum confidimus: vt hostes ad pœnitentiam sui consilij compelli posse non dubitemus. Memores autem antiquæ vestrz beneuolentiz, in mandatis dedimus classis ipsius præfecto: vt nauibus vestris, si in quas inciderit, nihil incommodi, nihilque molestiz inferat: Sed Ianuenses omnes omnibus amicitiz officijs prosequatur. Quæ omnia vobis veteribus amicis nostris in primis significanda putauimus: vt, quando nemini dubium est, Venetos de occupanda Italia cogitare; ad idque omnes conatus suos dirigere: expergiscamini iam tandem: & vna nobiscum in eos, quæ vobis, quantum per ipsos licuit, semper sunt aduersati, conspiretis tanquam in communes omnium Itatorum hostes: nec prætermittatis occasionem hanc, quæ vobis diuinitus oblata est: quæ si neglecta fuerit; dolebimus non parum Italiz conditionem. Sed nobis nullo pacto deerimus: qui speramus per hanc terrestrem & maritimam expeditionem rebus nostris & foederatorum nostrorum ac vestris optime iri consultum. Datz in Castello nouæ Neapolis Calen. Iunij. MCDXXCIV.

LEONARDVS MARVFFVS CHII PRÆFECTVS,  
*Clus. Ianuensis.*

**V**irtus nobilissimi viri Guilielmi Henrici Arnelensis nobis merito suadet: vt de illa pertinentes eius laudes in obscuro esse non patiamur. Nam à teneris annis bonis artibus & literarum studijs institutus est: deinde crescente ætate, re militari operam dedit: in eaq; cum laude ætatem exercuit. Nam cum ex ultimis Galliarum finibus, ubi in præclara Holandiz vrbe generosis parentibus ortus est, in Italiam proficisceretur: eo animo, vt in Asiam traiceret; sepulchrumq; Saluatoris nostri, & loca sancta inuiseret: non deterritus ab eo proposito, quod in itinere à latronibus non leui pecunia spoliatus est: primum à magnifico officio S. Georgij Genuensi conductus stipendio, in eo bello, quod Genuenses contra Florentinos gessere: deinde cum à Turcis nobis vrbiq; periculum instare videretur: cum deleta virorum manu, cui ille præpositus erat, ab inclyta Repub. Genuensi ad nos missus est. Postmodum adueniente Regis Turcorum classe; cum factum propositum persequi in animo haberet: pugnandi contra Turcas ardore permotus, protectionem suam remoratus est: donec omnis periculi suspicio

suspicio abesset. Postea vero quam eam classis in Syriam nauigauit: tuti ab hoste facultatem abeundi Guilielmo concessimus: & ita concessimus; vt, si licuisset, talem virum retinere apud nos maluissemus. Ita à nobis ille cum honore & gratia dimissus est: ad loca sancta profecturus: & honestissimum desiderium suum impleturus. De his omnibus igitur conuenire nobis existimamus palam notitiam facere: vt huius virtus non ignoretur: & ceteros eius exemplo ad virtutem accendamus. E Chio. XVII. Iunij. MCD-XXCVII.

BARTHOLOMÆVS PICENVS DE MONTE AR-  
duo, *Ferdinando Regi Aragonia & vtriusq; Sicilia.*

**D**Vm Demetrius Cydonius, vir vtriusque linguarum peritissimus, è Latino in Græcum, opus Richardi Confutationem Legis latæ Saracenis à maledicto Mahumeto continens transtulisset: non abs re mihi visum est, serenissime atque Catholice Rex, illud rursus è Græco in Latinum conuvertere: cumque Maiestati tuæ nominatim dedicare: qui solus inter Christianorum reges hac nostra tempestate Mahometanam sectam maximis cladi- bus affecisti. Nam non minimam tibi laudem comparasti: cum Bæticam provinciam, quæ per octingentos annos Mahometanam fidem coluerat, in Christianorum potestatem redegisti: & nunc vniuersam Africam capere intendas: quam facile assequi poteris: cum gentes illæ hoc tempore imbelles sint: quoniam cum Christianis diu pugnare non consueuerunt. Difficilius. n. tibi fuit Bæticam provinciam expugnare: quam totam Africam in potestatem tuam asserere. Erant enim in Bætica milites illi strenuissimi, cum Hispano milite bellare semper assueu. At hi contra homines signati: ventri & ocio & dediti: cum Christiano nomine præliari iam diu desueti: nec sunt in bello exercitati; quales olim duce Hannibale Hispaniam & Italiam occuparunt: nec eam copiam armorum habent; quam Hispanus miles, in bello strenuissimus & exercitatissimus habere dicitur: nec tibi magnæ sunt opes, quibus militum animi spe prædæ maximæ accenduntur. Omnia tibi prospere succedent, si reliquas incæpti belli prosequaris. Nec est quod vereare, bellum in Hispania tibi à quibusdam moueri: præsertim hoc tempore, nouo tibi ob affinitatem cum Christianissimo Francorum rege foedere inito. Prosequere igitur inchoatum bellum: & omnes vires tuas in Africam transfer: quam facile Deo Duce subiugabis: & ea quidem subacta & in Christianorum potestatem redacta; facile deinde Hierosolymam recuperabis: quæ tam ampla, tam fertilis, tam sancta terra Sultano Babylonis hoc tempore patet. Qui autem nunc eam patriam tutantur; Serui sunt vanales, ex diuersis provincijs empti: & siquidem ad summam XX. millium non ascendunt: qui cum coacti essent à Christiana religione discedere: Maho-



Mahometanam nunc sectam sequuntur. Reliqui vero Saraceni, qui eis subijciuntur, quam molles sint & effæminati; ex hoc coniectare possumus: quod his nunquam licet arma tractare; nec equum ascendere; nec virile quicquam facere: sed vel agriculturam, vel mercaturam, vel alia huiusmodi vilia exercent. Quod cum ita sit; nemini dubium est, quin facillime ex ea expeditione victoriam cum maximo triumpho sis reportaturus: & civitatem sanctam Hierosolymam in qua Saluator noster Dominus Iesus Christus Euangelium prædicavit, & nouum testamentum nobis constituit, ab immanissima Mahometanorum superstitione liberaturus. Quæquam vana sit, quam friuola, quam nullius momenti: in præsentiarum nihil attinet dicere: quoniam eam tunc primum intelliges, cum hanc Richardi confutationem diligenter lectitaueris, Vale.

## ZIZIMVS BALAZETI FRATRI.

**N**ON fidei, non gentis odio, sed tua iniuria subactus, ad Christiani nominis viros confugio: ex his eos maxime aditurus: qui omnium maxime Othománico nomini infesti sunt. Vnam spem in tantis malis mecum fero: vel ut ipse tu iniuriæ auctor, vel ut filij tui quandoque præsentis aduersus me impietatis debitas pœnas exsoluas. Anno Christi, MCDLXXXI.

## ANGELVS POLITIANVS IOVIANO PONTANO.

**E**TSI magnum te dolorem Ferdinandi regis interitu cepisse non dubito: propterea quod in illo & auctoritas & sapientia tanta fuit: quantam vix in rege vnquam alio meminimus: tamen cum mecum ipse considero, quis ei regi Rex succedat: pene esse nefas arbitror; vel te, vel quenquam ex ijs, qui rebus vestris fauent; quorum de numero nos quoque sumus: maiore aliquo in luctu mœstitiaque versari. Nam cum vobis regni hæres (quod felix faustumque sit) Alfonso alter, maximus natu filius obtigerit: cuius excellens ingenium, singularis virtus, incredibilis sapientia bello & pace claruit; ingrati profecto fuerimus: si non quantum relictum, sed quantum sit adeptum, respexerimus: præsertim cum subsidij tot tantisque regnum fulciatur. Dux enim suffectus Calabris Ferdinandus alter, Alfonsi filius: quem & ipsum nobis fama refert omnibus corporis animique dotibus excellere: Sicut multis magnisque rebus non dubium iam regiæ cuiusdam indolis specimen dederit. Accedit eo Fridericus, magna prudentia; magna dexteritate: magno vsu rerum: sed maiore in Regem fratrem beneuolentia, fide, pietate. Mitto necessitudines alias, opes, exercitus, duces, socios, studia, popularium præsidia, munimenta, propugnacula: quæ nullis pene humanis viribus labefactari posse videantur. Opem vero diuinam quis,

• rogo,

rogo, vel sperare, vel polliceri sibi magis potest: quam qui Turcos impios ferro igneque persequens; non tam ab oppido Hydrunte quam (vt mihi videtur) ab Roma ipsa, quam primum petebant, atque adeo à sanctissimis illis altaribus extulerit? Quapropter tametsi magna omnino facta est iactura, Ferdinandi obitu: tamen quoniam vigiliam quasi suam filio tradidit: Regemque pro se, quem potissimum voluit, reliquit in omni genere laudis excellentem: non debetis villo pacto, mi Pontane, quicunque inter officia Regis estis, mœrore vos dedere: sed animo præsentī (quod equidem te facere arbitror) præsto esse: diligentiamque omnem vestram videlicet ad eum quantum quidem fieri potest, cura labore molestiaque leuandum conferre. Te vero etiam seorsum gratias agere Deo maximo conuenit: quod eum, quem in hanc spem à tenero educaſti; quem disciplinis ornaſti: quem præceptis instituisti; Regem iam vides, atque ita regem: non modo vt regno pulcherrimo isto quidem atque opulentissimo, sed vt etiam orbis terrarum imperio dignissimus habeatur. Hæc ego, vt ad te scriberem, præcipuus quidam meus erga te Princepsque, tuos amor impulit: sed & multum quoque adhortatus est alumnus hic meus, idemque patronus, nostræque Reipublicæ columen, Petrus Medices, excellenti iuuenis & animo, & ingenio: quo nihil fieri potest, mi Pontane, tui amantius. Nam Regi ipsi tuo, cui sese idem totum penitusque tradiderit, nihil attinet scribere; præsertim ad te, cui nota sunt omnia: Sed tamen ita de illo semper & honorifice loquitur, & amanter: vt cæters pene nihil reliqui faciat. Atque hæc hætenus. Quod autem superioribus diebus excusaſti diligenter occupationes tuas: propterea quod epistolæ cuidam nostræ non responderas: nimis officiosus homo es, vt video; nimis humanus. Me enim, quauis omnino equidem literas tuas gratissimas haberem, nihil delectare potest: quod cum tua vlla molestia tribuatur. Tantum illud ignoscas velim: quod, dum studio in te meo & amori obsequor, non sum veritus, semel iterumque tuis occupationibus obstrepere. Licet autem per me tibi dummodo amare non desinas, non solum non respondere ad literas meas: sed ne legere eas quidem, si ita sit commodum, Vale.

## CHAM ERCOLTHAY PRINCEPS TARTARUM,

*Ludouico Regi Francorum.*

**P**Er potentiam Dei excelsi, missi à rege terræ Cham verba Ercalthay, Regi magno, prouinciarum multarum propugnatori strenuo, orbis gladio, Christianitatis victori, religionis Apostolicæ defensori, Legis Euangelicæ filio, Regi Francorum. Augeat Deus dominium suum: & conseruet ei regnum suum annis plurimis; & impleat voluntates suas in lege, & in mundo nunc & in futurum, per veritatem diuinæ conductricis homi-

H h num,

num, & omnium Prophetarum & Apostolorum, Amen. Centum millia salutum & benedictionum. Ex hoc rogo, aut accipiat salutationes istas; & sint grandes apud ipsum. Faciat autem Deus, vt videam hunc regem magnificum qui applicuit. Creator autem excelsus faciat occursum vestrum in charitate: & facere faciat, vt congregemur in vnum. Post hanc autem salutationem nouerit, quod in hac epistola non est intentio nostras: nisi utilitas Christi unitatis, & corroboratio manus Regum Christianorum, Domino concedente. Et peto à Deo, vt det victoriam exercitibus regum Christianitatis, & triumphet eos de aduersarijs suis, contemnentibus crucem. Ex parte autem Regis sublimis sublimet eum Deus videlicet de præsencia Kyokay.

Venimus cum potestate & mandato; vt omnes Christiani sint liberi à seruitute, & tributo, & angaria & pedagijs, & consimilibus; & sint in honore & reuerentia: & nullus tangat possessiones eorum; & Ecclesiæ destruatæ reedificentur; & pulsentur tabulæ; & non audeat aliquis prohibere; vt orent corde quieto & libenti pro regno vestro. Ista autem hora adhuc venimus pro utilitate Christianorum & custodia, dante Deo excelsa. Misimus autem huc per fidelem nostrum virum venerabilem Sabeldinî Daid, & per Marcum; vt annuncient bonos rumores; & quæ sunt circa nos, dicent ore ad os. Filius autem recipiat verba eorum, & credat eis & in literis suis: Rex terræ augeatur. Magnificentia sua ita præcipit, quod in lege Dei non sit differentia inter Latinum & Græcum & Armenium, Nestorinum & Iacobinum, & omnes qui adorent crucem: Omnes enim sint vnum apud nos. Et sic petimus vt rex magnificus non diuidat inter ipsos; sed sit eius pietas super omnes Christianos, duretque eius pias & clementia. Datum in fine Mercharram: Eterit bonum concedente Domino excelsa.

#### BAIOTHNOY PRINCEPS TARTARO-

*rum Papa Romano.*

**D**ispositione diuina ipsius Cham transmissum Baiothnoy verbum. Papa, ita scias: Tui nuncij venerunt: & tuas literas ad nos detulerunt. Tui nuncij magna verba dixerunt: Nescimus, vtrum iniunxeris eis ita loqui, aut à semetipsis dixerint. Et in literis ita scripseras: Homines multos occiditis, interimitis & perditis. Præceptum Dei stabile, & statutum eius qui totius faciem orbis continet, ad nos sic est: Quicumque statutum audierint, super propriam terram, aquam & patrimonium sedeant: & ei, qui faciem totius orbis continet, virtutem tradant. Quicumque autem præceptum & statutum non audierint; sed aliter fecerint; illi deleantur & perdantur.

antur. Nunc super hoc istud statutum & præceptum ad vos transmissimus. Si vultis super terram nostram, aquam & patrimonium sedere: oportet, vt tu, Papa, ipse in propria persona ad nos venias: & ad eum, qui faciem totius terræ continet, non audieris: illud nos nescimus: Deus scit. Oportet, vt, antequam venias, nuncios præmittas: & nobis significes: Si autem non venis; Si velis nobiscum componere, aut inimicus esse: & responsonem præcepti cito ad nos transmittas. Istud præceptum per manus Aybeg & Sargis misimus; mense Iulio, XX. die Lunationis in territorio Siciens castri scripsimus.

## CHAM BAIOTHOY PRINCIPI.

**P**ER præceptum Dei viui, Chingischam filius Dei dulcis & venerabilis dicit: quia Deus excelsus super omnia, ipse Deus immortalis, & super terram Chingischam solus Dominus; Volumus istud ad audientiam omnium in omnem locum peruenire; prouincijs nobis obedientibus, & prouincijs nobis rebellantibus. Oportet igitur ô Baiothnoy, vt excites eos, ijsque notifices: quia hoc est mandatum Dei viui & immortalis. Incessanter quoque innotescas eis super hoc petitionem tuam: & innotescas in omni loco hoc meum mandatum: vbicunque nuncius poterit deuenire. Et quicumque contradixerit tibi, venabitur, & terra ipsius vastabitur. Et certifico te, quod quicumque non audierit hoc meum mandatum, erit surdus: & quicumque viderit hoc meum mandatum, & non fecerit secundum istud meum iudicium, cognoscens pacem, & non fecerit eam, erit claudus.

Hæc mea ordinatio veniat ad notitiam cuiuslibet ignorantis & scientis. Quicumque ergo audierit & obseruare neglexerit; destruetur, perdetur & morietur. Manifestes igitur istud ô Baiothnoy: & quicumque voluerit utilitatem domus suæ, & persecutus istud fuerit, & voluerit nobis seruire; is saluabitur & honorabitur: & quicumque audire istud contradixerit: secundum voluntatem tuam faciens, eos corripere studeas.

## BOHVSLAVS HASISTEINIVS LOBCOVI-

*tius Baro, Ioanni Slechta, Regni Boemia*

*Secretario.*

**B**Inas, postquam è Pannonia recessi, abs te literas accepi: quarum alteris iam pridè respondi: alteris nunc respōdebo. Cum. n. humanissimus sis; minime mirū est te humanissime scribere: & imitari bonū illū patrē familias;

H A 2

qui

qui de bono corde profert ea quæ bona sunt. Gratum id mihi est maiorem in modum: non quod amor; sed quia abste summo viro amor: meque propterea felicem arbitror: neque pigebit tecum beneuolentia certare: quando in hoc certamine non solum vicisse, sed etiam contendisse decorum est. Quæ de Turcorum terra mariq; conatu scribis: ea iam pridem ex quorundam familiarium meorum literis cognoui: sed neq; scio quid dicam: animus certe nihil boni ominari potest. Vellem autem, ut Principes nostri tandem expurgiscantur: & positis seditionibus, voluptatibusq; domesticis, si non abiectis, saltem intermissis, communem hostem communibus viribus propulsent. Vereor enim ne hæc eorum negligentia, ne dicam ignauia, in summam Christianæ religionis perniciem aliquando erumpat. Nam si Cœcyra hostes possidentur: Adriatici sinus fauces perpetuo nostris negotiatoribus occludentur: & superbissimo Tyranno per omnia maria volitare licebit: neq; solum nauigatio, ut tu scribis, parum nobis libera erit: Sed Apulia, Calabria, & omnis illa Italici ora, quam veteres Magnam Græciam vocabant, in summo discrimine constituetur. Equidem et si semper fui ocij & pacis cupidior, atq; studiosior, quam belli: has tamen simulatas hostium inducias minime probor: & apertum bellum, quam dubiam pacem, atq; ex barbara fide pendentem, & tutius, & rei Christianæ utilius arbitror. Neq; tu præter officium feceris: si hæc regis auribus assidue inculcabis, Vale. XIV. Septemb. MCDXC.

## E I D E M.

**L**iteras tuas iam pridem magno expectatas desiderio tandem accepi: mirificeq; his delectatus sum. Continebāt enim pleraq; & iucunda, & memoratu digna: quæq; scire operæ precium esset. Feci autem huius voluptatis meæ multos participes: qui velut ingenio suo omnia accipiunt ita varie affecti sunt. Cupiunt quidem omnes Regem & Rempublicam saluam esse: sed tamen hanc mansuetudinem nulla prorsus seueritate temperatam, in populo tam feroci atq; indomito parum probant: & nihil aliud, quam nutrimentum quoddam popularis insolentiæ atq; temeritatis esse contendunt. Quod si Boiemia etiam Pannoniorum exempla secuta, tumultuari cœperit: vix putant futuros, quorum ope dignitatem Reipub. commodè tueri possimus. De Turcis quoque diuersa sentiunt. Sunt enim qui ea quæ scribis, in peccatis admittunt: & pestem tantam, antequam in viscera nostra altius serpat, totis viribus arcendam censent: alij autem præludium id esse cuiusdam Tragediæ arbitrantur: quæ rursus ad aurum à Prouincialibus eliciendum fingitur. Quid plura? Quot capita sunt, tot sententiæ: ut interdum vix Democritus ad ridendum sufficeret. Quod valetudo nostra tibi curæ est, lator. Facis enim ea, quæ tuis conueniunt moribus: & nostra amicitia digna sunt. Ego vero valeo; & literis, quantum per rem familiarem licet, incumbo. Publica enim vix attingo: id quam recte à me

recte à me fiat, nescio: magnos tamen instituti mei auctores habeo: qui ad Rempub. malis consuetudinibus depravatam prudenti minime accedendum existimant. Quod si item omnia tua fortunata sunt, magnopere gaudeo. Meretur enim id non solum virtus tua, & totius vitæ integritas: sed humanitas quoque & benevolentia: quæ me, dum Budæ essem, excerpisti: cui ego quoniam nulla ex parte refero gratiam, vehementer angor. Cæterum tuum est, metiri me affectu: & imitari Socratem, qui Æschiniam pluris, quam aliorum munera existimavit. Si quid tamen in nobis curæ, laboris, industriæque est: ea omnia tibi quam fidentissime polliceri potes. Rem literariam ut cures, maiorem in modum rogo. In hoc enim diverticulo in primis mens mea conquiescit: & libris, quam gemmis abundare, non tantum utilius, sed etiam honestius arbitror: neque vllas impensas pertimescere velim, sicubi quid saltem nostris studiis dignum sese obtulerit. Regia Bibliotheca mihi Latinum codicem debet: hanc quoque provinciam, quando iam semel frontem perfricui, tibi committo. Quod si Græcum quippiam, situ pulvereque fortassis hoc tempore squalens, in usum nostrum erui poterit: & sublimi feriam sidera vertice: & me ex culice elephantem factum putabo. Vale, optime mi Slechta: & quoties occupationes tuæ patientur, ad me de rebus Pannonicis scribe. Apud nos constans fama est, Turcas in Dalmatiam & agrum Iaderæ longe lateque populari: eam irruptionem ingentem Venetæ Reipub. terrorem attulisse. Iterum vale. Prid. KL. Sextil. MCDXDVIII.

## E I D E M.

**E** Rexisti me, Slechta suavissime, in spem nonnullorum voluminum: cæ à te hæcenus frustra expectavi, neq; tamen id tibi tribuo, sed occupationibus tuis: quibus dum implicitus es, ad nostratia hæc semper declinare vix fortasse potes: neque etiam æquum esset, te à negocijs Reipub. abducere: & literariæ voluptati meæ morem gerere. Cæterum nisi aliquando provinciam, non tam à me iniunctam, quam à te sponte susceptam, diligenter obiveris: putabo Ioannem Slechtam priscam erga Bohuslaum benevolentiam exuisse, aut saltem remisisse.

Tumultus Italiæ, & Insubiû clades apud vos vulgatas arbitror: ego certe his ita afficior, ut vel vno exemplo edoctus mihi videar: quantum terrene felicitati confidendum sit: neque tamen Gallus præsentī fortuna contentus est: sed Flaminia, Æmilia, quin imo totī Italiæ imminet: Regemque Apuliz eo (ut fama est) redegit, ut tributum pendat. Veneti etsi imperium suum maximis classibus exercitibusque muniunt: vix tamen Turcarum vires toleraturi putantur: nisi nostri quoque Reges potentissimum hostem bello implicuerint: Creta Cyprusque in tanto quanto nunquam antea, periculo sunt. Vale. Praga. XV. Iulij. H b 3 MORBA-

MORBASANVS HABERY IESSI CVM FRATRIBVS SVIS CO-  
*vals Iumbaschi, Imperatoris Orchemi collateralis pugiles in partibus Archera,*  
*Pio Papali. Magno Sacerdoti Rom. iuxta merita dilecto.*

**N**Vper auribus nostris intonuit: quod in partibus Italix ad preces po-  
 puli Venetorum in Basilicis vestris publicè fecisses divulgari: quod  
 quicumque contra nos nostrosque arma sumpserit, suorum in hoc seculo  
 remissionem peccatorum, eisque beatam vitam promittitis in futurum:  
 Cuius rei veritatem oculata fide perspeximus per adventum quorundam  
 peditum Cruciferorum: qui nuper in Venetorum navigio transfretarunt.  
 Propter quod admirari cogimur vehementer: quia dato, quod à sum-  
 mo Tonante vobis data sit potestas etiam absolvendi animas, ac ligandi:  
 tamen ad hoc procedere maturius deberetis: neque Christianos, maxi-  
 me Italicos, cruce signatos super nos inducere: cum, secundum quod  
 patres nostri ante dixerunt nobis, populus noster Turcarum innocens  
 fuerit mortis & iniuriæ Christi vestri: & cum terræ ac loca, vbi vestra  
 sanctuaria sunt, minime per nos possideantur: Imo populum Iudzorum  
 semper exosum habuimus habemusq;: quoniã (vt Annalibus & Chronicis  
 nostris ipsi audivimus) proditorie & per invidiam eûdem Christum vestrũ  
 Prophetam Hierosolymis traditum Præsidi Romano, in crucis patibulo  
 mori fecerunt: Ac insuper miramur maximo cum dolore nostro: quod  
 surgant Italici contra nos: cum latens amor nos ad eos amandos alliciat:  
 eo quod ipsi & parentes eorum priscis illis temporibus à Troianorum san-  
 guine oriundi sunt.

Scimus enim Antenorum & Æneam, vel de Priami sanguine geni-  
 tos, vel Troianos saltem, aut Teucros in quorum locum nos etiam ducti  
 sumus: & imperium in partibus Europæ tenemus: & iuxta promissa, quæ  
 à dijs vestris patres nostri habere noscuntur, Troiam magnam instaurare  
 intendimus: & vlcisci sanguinem Nestoris, ac Ilij ruinam, nobis Græ-  
 corum imperium subiugando, pro iniurijs Deæ nostræ Palladi factise-  
 osdem punire in transgressorum hæredes: insuper & intendimus Cretam  
 aliasque maritimas insulas nostro vindicare imperio. Idcirco prudenti-  
 am vestram attente requirimus & rogamus: quatenus diplomatibus ve-  
 stris per Italiam missis, ad instantiam Venetorum, silentium imponatis:  
 non provocantes contra nos amplius sub pietatis specie populum Chri-  
 stianum: cum erga vos & ipsum religionis causa nullum bellum ge-  
 ramus.

Cum enim nihil nobis referat, si ipsum Christum colitis: quia &  
 nos ipsum credidimus Prophetam: neque nos ex lege ipsius, prout au-  
 divimus,

divimus, potestis ad credulitatem compellere. Si autem lis aliqua vel discordia orta est inter nos & populum Venetorum : hoc ideo accidit, quia ipsi indebite pervimus, & nullo iustitiæ colore muniti, sub Cæsaris nomine, vel alterius monarchæ, sua superbia ac temeritate iam quasdam insulas maritimas & alia loca suo imperio subiugarunt : quod diutius perpeti non possumus : cum futurum tempus nostræ repromissionis instet : propter quæ & alia potestis merito ab inceptis desistere : & in primis cum audiverimus ipsum populum Venetorum fore alienum à vitâ, & moribus Romanorum : quia nec secum legibus viuunt : nec moribus convertuntur : sed se solos æstimant cunctis circumstantibus populis meliores : quorum insaniam superbiamq; deorum nostrorum, & summi Iovis auxilio, ad extremum deducemus.

Alioquin si vestra prudentia non desistat ab inceptis : ampliari curabimus vires nostras super eo divini Imperatoris Orgami auxilio, & aliorum Orientalium regum ac Principum : qui simulant se hodie dormire : quorum muniti præsidio trahemus à finibus terræ armatorum acies copiosas : per quas non solum contra pedites vestros Cruciferos resistemus : verum etiam si contra nos Italicam, Germanicam, & Gallicam militiam provocetes, vos omnes hostiliter reprimere intendemus : ac demum favente Mercurio, per mare Ponticum & Dalmatiam cum innumerabili nostro navigio, Euristatibus perducti, perrumpere : & Septentrionalem plagam, præsertim Croaciam & Dalmaciam, visitare contendemus. Datum Anno Mahometi D C X L V. in introitu mensis Calcubij.

PIVS EPISCOPVS SERVORVM DEI, ILLVSTRI MAHOMETE, Principi Turcorum, Timorem diuini numinis,  
& amorem.

Scripturi ad te aliqua pro tua salute & gloria, proque communi multarum gentium consolatione & pace : hortamur, vt benigne audias nostra : nec prius damnes, quam indices : nec prius iudices quam singula diligenter intelligas. Accipe, quæ scribimus, in bonam partem : & vsque ad finem patienter audi. Si bona sunt, quæ suademus, amplectere : si mala, respue, & in ignem mitte. Neque idcirco Epistolam reijcias, quia Christiani hominis est, & eius Christiani, qui cæteris præest. Non enim te odio persequimur : neque tuo insidiamur capiti : quamvis nostræ religionis hostis existas : & armis Christianam vrgeas plebem : Operibus tuis, non tibi, sumus infensi : diligimus, iubente Domino, inimicos nostros : & pro persecutoribus nostris oramus, Sapientibus & insipientibus debitores sumus : & omnes cupimus fieri saluos, Græcos, Latinos,



Latinos, Iudæos, Saracenos: & omnibus his bona optamus: sed scimus vera bona neminem assequi posse, qui extra Evangelium degit, & à Christo Domino nostro alienus est.

Noli autem aures claudere, aut oculos avertere, cum CHRISTUM nominamus: quem Mahometica lex, in qua natus es, & virum sanctum, & Prophetam magnum, & virginis filium, & miraculis clarum dicit. Multa tibi per eum & maxima bona advenient: si ei credideris, & eius sacris initiari volueris. Horresces hæc, cum principium accipies: sed audienda est, tota lex: deinde iudicium promendum. Audi, quo tendimus. Multa tibi & tuis progenitoribus cum Christianis bella fuerunt: multus sanguis effusus est: multæ vrbes deletæ: sacræ ædes incensæ: raptæ virgines: violatæ matronæ: vastati agri: scelera multa perpetrata sunt, quæcunque in mentem venire possunt: dum Turcus & Christianus, vter imperet, gladio contendit. Tibi, ut fama & opera ipsa loquuntur, ingenus desiderium est, Christianos sub iugum mittere: & imperium Latini nominis obtinere.

Et sunt fortasse, qui facile hoc suadent, & omnia tuis armis pervia dicunt: alij tuas vires amplificantes, Christianos attenuant: alij in divisionibus & odijs, quæ gentem nostram excedunt, spem collocant, haud difficile existimantes eos vinci ab exteris posse, qui domi dissident. Nos non ita ignarum te credimus nostrarum rerum: quin scias, quanta sit Christianæ gentis potentia: quam valida Hispania: quam bellicosa Gallia: quam populoſa Germania, quam fortis Britannia: quam audax Polonia: quam strenua Vngaria: quam dives & animosa & bellicarum perita rerum Italia. Sola Vngaria diu progenitores tuos, & te ipsum fatigavit. Octuagesimum iam annū adversus Vngaros Turcorum signa feruntur: & adhuc circa Savū ac Danubium hærent: vna te gens tuaque vires agitat: quid facias, si tibi cum Italis aut Gallis aut Germanis res fuerit, amplissimis & robustissimis populis? fortasse est, qui dicat Iustinianum Imperatorem Constantinopoli sedentem, misso in Italiam Belisario, cum parva manu militum perditam Romam & reliqua loca usque ad Alpes recuperasse: nec te Iustiniano minorem esse! Cave, ne te fallant adulatores, domestica regum & assidua pestis: facilem Principes magna de se loquentibus aurem præstant, atque idcirco sæpe decipiuntur: rarus est, qui non se vero maiorem credat. Iustinianus universæ Græciæ, & Illyrici, & Asiæ, & Libyæ dominus erat: & Italiam non acquisivit, sed recens perditam recuperavit: & à Gothis, gentem barbaram, non ab Italis abstulit: Nondum amor imperij, in mentibus Italis refriguerat: neque ullus erat, qui barbaricum iugum æquo animo ferret: cuncti arma pro imperio & pro patria magnis animis susceperunt: nec tam Belisarius Italis libertatem restituit: quam Itali suum decus vindicarunt. Turci proge-

progenitores nunquam aut possederunt Italiam, aut viderunt: nec tibi in cavillum iusest. Quod si pergas Italiam invadere, senties tibi cum viris bellum esse. Fatemur, res claras tui maiores gesserunt, nec tua minora sunt opera, qui Constantinopolim expugnasti, & Peram è regione, Ianuensium coloniam, & Peloponnesum magna ex parte in deditiorem accepisti: & in Rascia ac VValachia non parum agri adeptus es; & sæpe tuos hostes fudisti: & hoc anno Synopen vetustam urbem Metes, Eupatoris patriam, & eius Tyrannum cepisti: & Trapezunte direpta incolas eius & Imperatorem in captivitatem abduxisti: & Ioannem Cossanum prælio congregi ausum superasti. Magna hæc tibi videntur: nec nos parva dicimus. At Iulius Cæsar cum de victoria Pontica triumpharet, in curru, quo vehebatur, hæc verba iussit inscribi: VENI, VIDI, VICI: imbelles eas gentes & parvi momenti existimans quas Pompeius paulo ante domuerat, & tu hac ætate superasti. Alia est Italorum natura: aliæ vires: alia ingenia: alij animi. Nesciunt subesse, qui soliti sunt præesse: & nunc tota Italia armata est, equis & hominibus plena: nec pecunia caret, quæ nexus belli dicitur. Non pugna-bis contra fœminas, aut Italiam, aut Vngariam, aut aliam in Occidente provinciam ingressus: ferro hic res geritur, non Asiaticis sudibus: chalibz-us thorax pectora tegit: equi simul & homines recti pugnant: ordines servant: nec vano metu pavent: fortior sit necesse est, & manu promptior, & animo præstantior, qui eos loco depellat. Nec Christiana dissidia desiderio tuo conducere putes, aut in his confidas: vniuntur Christiani omnes; si quando te audiant interiora Christianitatis accedere: nec tu melius Christianorum paci consulere potes; quam validis & magnis copijs Christianitatem invadens: cessabunt privata odia, ubi publica senserunt: & coniunctis viribus adversus communem hostem arma sumentur. Nec tu necesse arbitraris ad propulsandas tuas incursiones, ad comprimendum tuum impetum, tuasque vires elidendas, totam Christianitatem vniendam esse: quod fatemur difficile: sed una ex quatuor nationibus satis fuerit superque satis tuas copias profligare. Atque ut de alijs taceamus, quam plures esse in tuo palatio arbitrantur, qui Italiam lustraverunt, & vires ac ingenia noscunt: ipsos audi atque interroga, an æquari tuis viribus Italia possit: an vinci tuis armis, an tuo imperio subijci. Plus negocij Romanis fuit, Italiam acquirere: quam orbi reliquo frena imponere. Dicet aliquis, quod supra tetigimus intestina odia, quæ nostram gentem exagitant, introitum tibi in Italiam posse præbere: & si vnus principum te excludat, alterum inclusurum daturusque aditum! Sūt divisiones sane, & inimicitiz, & simultates inter Italos plures & graves & periculosæ: & ytinam non essent! Sed nullus est qui dominum pati non Christianum velit: omnes in fide orthodoxa mori malunt: nulli animus est à religione recedere. Non hic invenies, quod tui maiores apud Græcos,

li qui

qui contendentibus de imperio duobus, nunc vni, nunc alteri minus potenti auxilio ministrare: donec ambos enervatos atque exhaustos eieceret, & sibi principatum arripueret. Alia sunt Italiz potentia: alij regum oculis alia civitatum consilia. Venetorum Respublica sapientia dives & auro, Christo devota (ut nostra fert opinio) prius everteretur funditus: quam hostem religionis in Italiam patiatur intrare: atque hæc quidem per sese, quando statuerit, nullis adiuta vicinis, opes evertet tuas: tantum terra marique potest. An Florentinæ vrbis magnificentiam, & vires, & opes, & quantus in ea est religionis cultus, quantà erga Iesum reverentia, quantus armor, ignoras? Credis ne fieri posse, ut hæc civitas Italiam diversæ religionis hominibus aperiri sinat. Sunt aliz multæ vrbes insignes: multi Principes clari & magni. Nihil de regno Siciliz dicimus, quod armis hac tempestate concutitur: non possumus multa nobis de illo promittere: licet tamen hoc asserere: quod, quanquam duo reges de ipso litigent, & bello decertent, maluerit tamen uterque regno privari: quam tuis auxilijs victoria potiri: quod si ad te alter confugerit, totius Italiz in se odia concitaverit. In Gallia Cisalpina, quæ & ipsa pars est Italiz, Dux Mediolanensis in armis excellit: & potentia par regibus habetur. Nec parus sunt Ducis Mutinæ vires, aut Ianuensis, qui Liguribus præest, mari: non contemnendus Ducis Sabaudiz, sed opulentus & validus est in Italia principatus: adest Marchio Mantuanus: sunt alij complures vrbium Domini: quibus nihil potest esse molestius, quam nobilem Italiam vanæ superstitionis ritu fœdari. De nobis & Ecclesiæ Romanæ civitatibus ac provincijs tacemus: quando nostram tibi professionem haud ignotam esse confidimus: quibus solaciora est servandæ & ampliandæ fidei Domini nostri Iesu. Hæc si accepisti ab alijs, gaudemus: veritatem enim accepisti: sin minus, hortamur hæc discutias, & verum vestiges: invenies nihil nos esse mentitos: Non solum Sibyllæ, (ut quidam ait) de Evangelij pagina recitamus. Difficile est, atque adeo difficile, ut impossibile dici queat: te tua in lege permanentem, voti compotem fieri: si, ut aiunt, imperium Christianorum desideras. Dices, quam plurimos tibi Christianos subesse, & de reliquis idem speras! Non est par ratio: paucissimi sub tuo imperio Christiani sunt, qui ad veritatem ambulant Evangelij: omnes aliquo sunt errore imbuti. Quamvis Christum colant Armenij, Iacobitæ, Maronci, & alia quædam nomina Græcæ à Romanæ Ecclesiæ unitate aberant, cum tu Constantinopolim invasis: neque adhuc decretum Florentinum acceperant, & in errore stabant: neq; de Sancto spiritu, neque de purgatorio igne consona rectæ fidei sentientes: pauci fortasse inopes, veri Christiani necessitate, non voluntate tibi obediunt. At vrbes Italiz potentissimas non est tuum cogere: validiores sunt quam tuis queant exercitibus superari. Nosti, quæ tibi acciderunt,

cum

tum Taurinum invasisti, quod nostra ætas Belgradum vocant: pauci cruce signati, innumerabiles tuas copias prostraverunt. Non est de Italis speranda victoria, quibus adversa fuit in Vngaris pugna. Quocirca, ut eo tandem veniamus, quo nostra festinat oratio: & id dicamus, quod ad scribendum compulsi: & tuam gloriam tuamque salutem tibi ostendamus: adhibe his paucis animum. Si vis inter Christianos tuum imperium propagare, & nomen tuum quam gloriosum efficere: non auro, non armis, non exercitibus, non classibus opus est: parva res omnium, qui hodie vivunt, maximum & potentissimum & clarissimum te reddere potest. Quæris quæ sit? non est inventu difficilis neque procul quærenda: ubique gentium reperitur: id est, aquæ paucillum, quo baptizeris, & ad Christianorum sacra te conferas, & credas Evangelio.

Hoc si feceris: non erit in orbe princeps, qui te gloria superet, aut æquare potentia valeat. Nos te Græcorum & Orientis Imperatorem appellabimus: & quod modo vi occupas, & cum iniuria tenes, possidebis iure: Christiani te omnes venerabuntur, & suarum litium iudicem facient: oppressi undique ad te, veluti commune patrocinium, confugient: ex toto fere orbe ad te provocabitur: multi sponte sua sese tibi subijcient: tribuna lia tua sequentur, & tributa præstabunt. Licebit tibi surgentes extinguere Tyrannides, iuvare bonos, oppugnare malos: nec Romana Ecclesia te arguet recta via videntem: eadem erit erga te caritas primæ sedis, quæ in cæteros Reges: & tanto maior, quanto eris ipse sublimior. Facile hoc pacto sine sanguine, sine armis multa poteris nancisci regna. Vladislaus Lithuanie Princeps, Vituldi frater, cum aspiraret ad regnum Polonie essetque infidelis, ut voti sui compus fieret, Christianus effectus est, & regnum obtinuit: cuius nunc filius Casimirus regnat: alter filius, qui etiam apud Vngaros regnavit, in bello contra genitorem tuum gesto superatus occubuit. Quid reris de te fiet Christianis initiato sacris? Magnus erit ad te concursus: & felicitatis genus existimabitur, inter subiectos tuos annumerari. Quippe ut arbitramur, si Christianus fuisses, mortuo Ladislao Vngarie ac Bohemie Rege, nemo præter te sua regna fuisset adeptus: sperassent Vngari post diuturna bellorum mala sub tuo regimine pacem: & illos Bohemi secuti fuissent. Sed cum esses nostræ religionis hostis, elegerunt Vngari, viri fortes & fidelissimi, religionem potius cum regno retinere, quam ea perditâ, pacem consequi. Quot sunt in Epiro, in Peloponneso, in Macedonia, in reliqua Græciâ, in Dalmatia, in insulis Egæi, Carpathij, & Ionij maris, quæ tuum imperiû non alia de causa refugiunt, nisi quia alienus es à Christi ritu? & hi modo ad nos, modo ad alios recurrunt, opemque petunt: extrema omnia subituri priusquam te circumcisum & alienigenam dominum ferant: & nos aliquando eos argento, aliquando frumento, aliquando rebus alijs sublevamus.

li 2 Quod

Quod si baptizatus esses, & nobiscum ambulares in domo Domini cum consensu: nec illi tuum Imperium tantopere formidarent: nec nos eis adversus te ferremus opem: sed tuum potius brachiū in eos imploraremus qui iura Ecclesiæ Romanæ nonnunquam vsurpant, & contra matrem suam cornua erigunt. Et sicut nostri antecessores, Stephanus, Hadrianus, Leo, adversus Aistulphum & Desiderium Lōgobardię Reges, Pipinum & Carolum Magnum accersiverunt: & liberati de manu Tyrannica imperium à Græcis ad ipsos liberatores transulerunt: ita & nos in Ecclesiæ necessitatibus tuo patrocínio vteremur: & vicem redderemus accepti beneficii. O quanta esset abundantia pacis! quanta Christianæ plebis exultatio! quanta iubilatio in omni terra! Redirent Augusti tempora: & quæ Poëtæ vocant, aurea secula renovarentur: habitaret pardus cum agno, vitulus cum leone: gladij verterentur in falces, in vomeres ac ligones rediret omne ferrum: excolerentur agri: evelleretur aspera dumus: terra nitesceret: vici repararentur & vrbes; resurgerent templa Deo sacrata, quæ ceciderunt, emergerentq; collapsa monasteria, & plena viris religiosi, divi omnia laudibus personarent. O quanta tibi redundaret felicitas, qui ad æterni pastoris ovile cunctas redigeres oves! quantum te omnes amarent, observarent, extollerent, qui communis omnium pacis & salutis fuisses auctor! Dicit aliquis, hanc pacem, hanc unionem, hanc communem lætitiā haberi posse sub tua lege: Errant, qui hoc censent: multos reges, multos populos vnitos esse oportet; priusquam tuam legem vbique dissemines: nec si vnias corpora, vnies animos.

Sciunt Christiani suam legem sanctam esse, & veram, & salutarem: nec dimoveri ab ea possunt: quamvis aliqui aut libidine ducti, aut avaritia tracti, aut voluptate illecti, aut metu mortis attoniti, aut cruciatu superati, nonnunquam circumcidantur, & in tuos ritus concedant: quorum si corda posses inspicere, intelligeres neminem esse, qui libenter consultoque recesserit ab Evangelio. Ostendimus supra quantum præcellant Christianæ gentis vires: & quam difficile sit, tot nationes CHRISTVM colentes evincere. Non est, quod pacem speres sub lege Mahometea, in qua non est salus: difficultates experimentis ipse vides, qui etsi multis Christianis, hisque non omnino veris, imperas: minimè tamen eis tuam legem persuadere potes: minus persuadebitur veris, quæ non in argumentationibus rationum, sed in solo ferro fundata est: vt quæ vincere disputando non sperat, sed vinci reformidat. Non sunt Christiani, qui vel bello superari possunt, vel disputationibus decipi: quando & armis excellunt, & rationibus munitissimi sunt, non solum divinæ scripturæ, sed etiam Philosophicæ. Impossibile est sub lege Mahometea unionem fieri: sub Christiana facile fieri potest: & id magna ex parte in tua voluntate consistit.

Tu.

Tu vnus si annuas, Turci omnes annuent: nec Syri, aut *Egyptij*, aut Arabes, aut Lybes aduersabuntur: tecum quicquid est intra Hellespontum & Euphratem, & quicquid possides in Europa, conuerteretur. Quid faciat baculus *Egyptiorum* arundineus, quando Christianum te viderit effectum? quid nudus Afer? Omnibus his *Æthiopes* imminent presbytero Ioanni parentes, qui Christianus est: non poterunt & illis & reliquis Christianis obistere: Nili cursum retinere possunt *Æthiopes*; & congregatam aquam dimittere, quæ rumpat aggeres, & totam inundet *Egyptum* atque submergat, cum fidus apparet *Arcturi*; Hispani & Siculi facile *Mauritaniam* inuadunt, & Cathalani cum *Genuensibus*. Scis, quantum valeant occiduarum classes: & quantus est terror vel *Tyrijs*, vel *Alexandrinis*, vel cæteris Orientalibus, quando Christianarum triremes ad eos nauigant. Tua certe auctoritas & animi magnitudo, & in bellis felicitas, apud omnes admirationi est, qui *Mahometæ* sequuntur legem: quod si te nobis adiunxeris, breui totus Oriens reuertetur ad Christum. Vna tantum voluntas pacare orbem potest: & ea tua est, si ad baptismi gratiam se conuertat? In te est crudelibus bellis imponere finem; & tantum præstare mortalibus bonum, quantum effari non possumus. Quæret aliquis, quomodo quiesceret orbis, Turcis ad Christum conuersis, quando nec ipsi Christiani inter se concordēs existunt; & multa per *Italiam*, *Germaniam*, *Galliam*, & reliquas Prouincias defæuiunt bella? Diximus dissidere inter se nostræ gentis homines: non negamus: & pluribus in locis ferro contenditur. Diuino olim consilio sub *Octauiano*, propter reuerentiam *Saluatoris*, qui tunc secundum carnem natus est, ea pax in orbe fuit, quæ nec antea, nec postea visa est. Difficile est, & propemodum impossibile, quiescere in terris omnia, vbi homines sunt affectibus subiecti reprobis: Illum ambitio exagitat: hunc cupiditas trahit: libido alium impellit. Multa est inter mortales belli materia: sed non sunt tam atrocia inter Christianos prælia, quam inter Turcas & Christianos. Christianus cum Christiano de agri possessione, de regno, de imperio, de gloria contendit: cum Turca de religione, de libertate, de vita. Inter Christianos qui bello vincuntur, positis armis, nec vitam, nec libertatem amittunt; & multis etiam patrimonialia dimittuntur; Principes imperio priuantur: inferiores domum mutant, reliqua tenent. In prælijs, quæ geruntur aut cum Turcis aut cum *Saracenis*, qui succumbunt, si vitam non amittunt, in seruitutem rediguntur; & multi etiam religioni renunciare coguntur. Hæc acerbissima sunt & immanissima bella: quæ si tollantur; quod in te situm esse monstrauiamus: pax maxima exoritur, & vniuersalis quies. Nam reliqua bella huic comparata, faciẽm quodammodo pacis habent & otij: nec illa tam multa erunt, quando vnus assit, qui solo nutu compescere possit iniurias: qualiter te futurum non ambigimus, si cum tua potentia Christianus efficiaris. Videsne,

quantum tibi laudis affert baptismi lauacrum? quantum cum Christo sublimis & conspicuus redderis? Quis prohibet aquam? Quid metuis? Voces fortasse aulicorum times tuorum? quorum non dubitamus dicturos tibi aliquos: Quid cogitas? quid agis? quorsum te tua voluntas trahit? vis baptizari? vis Christianus fieri? Nescis quod periculum adis: omnes te Turcæ deferent: & vbi existimas fieri magnus, fies nullus. Ex Turcis natus, Turcas deserens? Inter Turcas creuisti: Turcarum te manus extulit: Turcæ Asiam & Græciam gubernant: Turcæ exercitibus præfunt: qui si vel minimam famam tuæ mutationis acceperint: è vestigio sumtis armis, te deiecto, Imperatorem alium suscipient: tu nudus & expulsus si euaseris, apud Christianos mendicabis panem. Nam quis Turcæ est, quem suæ religionis præniteat? Moriemur omnes, priusquam nostri Prophetæ inguin excutiamus. Non sunt parua, quæ isti obijciunt: adhibenda est huic parti medela: quam nemo te ipso melius inuenerit. Nosti tuos homines, & quibus prouincias commiseris: non ignoras, quanta sit cuique fides; & quis animus, non te latet. Non fit sine periculo magnum facinus atque memorabile: Vilia sunt, quæ paruo emuntur. Diligentia hic & labore opus est: peruestiganda sunt amicorum consilia: noscenda subditorum ingenia: & his vtendum est, quos fidos & prudentes videris. Seruiunt tibi non pauci ex Christianis nati: qui quamuis circumcisi sunt, non tamen Christianum nomen oderunt.

His exercitus, his præfecturas reddere potes; qui tui sint amantissimi; & ita regnum ordinare, vt quando velis, præsto sint omnia. Tui subditi magna ex parte Græci sunt & Armenij (vt diximus) Iacobitz: qui etsi aliquid erroris habent, Christiano tamen nomine censentur: nec aliud magis cupiunt, quam te similem eis esse, & illum Deum colere, quem colunt ipsi. Sperant meliori se loco futuros, qui nunc mancipia quam vilissima sunt; tributa exoluunt graui; iniurijs afficiuntur quotidianis; ad bellum ducuntur inuiti; & inermes cædibus exponuntur; priuantur liberis & vxoribus: Miserrima res est, postquam filios educauerunt, eos perdukt; rapiuntur in palatium; pueri circumciduntur, & Mahumeteis ritibus imbuuntur: Vident infelices parentes non modo corpora liberorum, verum animas etiam ire perditum: & angustati inter tot calamitates, plorare non possunt, maiora malatimentes: nemo horum te diligit, neque enim natura fert, vt eos amemus, à quibus patimur mala.

Quod si te Christianum cernerent: mirum in modum diligerent: felicitatem tuam cuperent: & omnibus studijs tuam gloriam quærent; & filios suos, & seipsum quam libentissimè tibi donarent. Magna est horum multitudo, & pro sua religione constantia: quod si prudenter eos tractaueris: nihil tibi de rebellionè Turcarum verendum erit: qui medios inter Christianos

Rianos sese videntes, tunc potius voluntati consentient; fortunas & dignitates seruaturi, quam mortis periculo se subijciant. Non suademus rem nouam aut insuetam: tutum est iter quod ostendimus: multi hoc & magni reges ingressi sunt. Apud Francos ex gentili & idolatra Christianus effectus est Clodoueus: simul cum eo regni proceres baptizari non recusarunt. Apud Hungaros Stephanus nostris initiatus sacris, omnem illam gentem Christo acquisiuit.

Apud Vefogotos, qui longo tempore in Hispania regnauerunt, & usque in hæc tempora eiusdem gentis sanguis imperat, Richardus, Laxmugildi filius, suadente Leandro Hispalensi Episcopo, Arrianæ renunciauit hæresi; & cum omni gente sua Catholicam fidem complexus est. Apud Longobardos Agilolphus, suasu coniugis Theudelindæ, reliquit idola: & cum omni populo Christianæ sese legi subiecit. Apud Hyberos, qui sunt in Asia, imperante Constantino Maiore, rex gentis cum coniuge, & omni nobilitate atque plebe, ad prædicationem vnus captiuæ mulieris, relicta idolorum infania, baptizatus est. Sed quid moramur, & non exemplum illud adduximus, quod omnium est maximum? Constantinus ipse Imperator ac monarcha viam aperuit: quam tu & tui similes ingredi absque vlla cunctatione possentis. Omnes qui eum præcesserant Imperatores, excepto Philippo, gentiles fuere: Iouem, Mercurium, Apollinem, Herculem, & alia quæ sunt monstruosa nomina, tanquam deos colebant: Senatui & omni populo Romano stultitia Christus erat: proponebantur passim edicta, quæ Christianos comprehendere iubebant: & nisi sacrificarent idolis, crudelibus modis interfici: nihil vilius erat nomine Christiano: infame genus & maleficum habebatur omnium, qui Christo crederent: Sub Nerone, sub Domitiano, sub Diocletiano crudelissima in Christianos desæuijt persecutio. At Constantinus, acceptis Imperij sacris: postquam persuasus est à Syluestro, prædecessore nostro, in simulacris dæmonia coli; & vnum tantum Deum esse cum Patre & Spiritu Sancto Christum Iesum; & in Evangelica tantummodo lege salutem inueniri: non est cunctatus Christi fidem amplecti. Non dixit: Senatus mihi aduersus erit; resistet populus; copiarum, duces alienabuntur; Imperio dei ciar: sed alto animo iactans in Deo spem suam, legem edidit, quæ beati Apostoli Petrus & Paulus Romanis tradidissent: nec propterea sinistri aliquid sibi accidit: sed tunc potissimum excellens & gloriosus euasit, cum in vexillis suis crux dominini Iesu apposita resplicdui. Viderat per quietem in aere signum crucis: & vocem audiuerat dicentem: IN HOC, CONSTANTINE, VINCES. Parauit vexilla crucis: Signa erexit: ciuilib. bellis finem imposuit: superauit hostes: barbaros afflixit: Imperium ampliavit: pacem subditis dedit: Ecclesias aperuit: concilia sacerdotum celebrari hæreses eliminauit: lucem, quæ acceperat ab Evangelio, cunctis gentibus communi-



municauit: magnificus & excelsus super omnes Cæsares inuentus; Græcis & Latinis nostris celebratus: Imperauit annos supra triginta: sedem Imperij apud Byzantium exiit: & ampliatis ciuitatis mœnibus, multisque cum publicis tum priuatis ædificijs magnifice constructis, de suo nomine Constantinopolim appellauit: & plenus dierum, apud Nicomediam edito testamento, quo filios Imperij successores reliquit, vt Christianum decet, sacramentis Ecclesiæ receptis, è vita decessit. Quid erat, quod ille amplius in terra possit optare? Imperio potitus est omnium maximo: vita ei & longa fuit, & paucis obnoxia morbis: inimicos humiliatos vidit: & quod hominibus dulcissimum esse solet, hæredes amplissimæ fortunæ filios dimisit: nec alienum fuerit credere tantum Imperatorem, qui Christianam fidem tantopere ampliauerit, in alio seculorum Christo regnare, cui seruiuit in hoc dum viueret seculo. Quod si omnibus, qui patriam auxerint, iuuerint, defenderint, certum est esse in cælo definitum locum, in quo beati æuo semper fruantur; sicut Philosophi doctissimi tradiderunt: multo id certius de illis sperandum est, qui pro lege Domini, vel seruanda, vel augenda, summis studijs contenderunt: sicut de Constantino ostensum est: quem sicut in terra felicem fuisse dicimus, ita & in cælo beatum credimus. Eadem procul dubio euentura tibi esse confidimus: si nobiscum sapiens Christum colas, & magnum Constantinum imiteris. Quemadmodum Romani cum suo Imperatore Christiani sunt effecti: ita & Turcæ vna tecum baptizabuntur: eritque tuum regnum super omnia, quæ sunt in orbe: & nomen tuum nulla silebit ætas: Latinæ te literæ, & Græcæ, & barbaræ celebrabunt: nemo inter mortales erit, qui te potentia aut gloria præcedat. Magna sunt hæc, quæ promittimus: maiora, quæ sequuntur. De regno, de potentia huius seculi, de gloria humana sumus locuti: caduca hæc & incerta sunt, & fluxa. Omnes morimur: omnia nata occidunt: & omnia orta senescunt: breuis est humanæ prosperitatis cursus: cito regnum deficit: nulla potentia longa est: gloria quoque clari nominis, quamuis de maximis rebus diu perseueret, finitur tamen aliquando, & cum tempore deficit: nihil est inter mortales non mortale: conterit omnia tempus. Esto, duret per multa secula nomen: quæ dulcedo post obitum laudis? aut damnatus est homo in altera vita, & nihil ei prodest fama, quæ remansit: aut saluatus est, & ea non eget, beatitudine donatus æterna, quæ omni ex parte plenissima est. Filios ac nepotes præclara nomina iuant: & nobis quoque, dum viuimus, dulce est talem hæreditatem posse relinquere, quæ sit posteritati solatium. Est id quidem aliquo modo bonum: sed meliora querenda sunt & stabilia bona; quæ vere nostra sint, neque vnquam nos deserant. Philosophi, quos Peripateticos vocauit antiquitas, tria bonorum genera posuerunt: & alia esse animi dixerunt, alia corporis, alia externa. Stoici ea duntaxat bona existimarunt, quæ ani-

mum

num excolerent: hoc facit iustitia, prudentia, moderatio, fortitudo, & quæ sunt aliæ in animo dotes. Egregiam corporis formam, roboris multitudinem, nobilitatem, clientelas, opes, inter bona non acceperunt: quæ neque sunt in potestate nostra, neque possessori felicitatem præstant. Sed neque illæ quatuor virtutes, quæ principales existimantur, tranquillam homini mentem reddunt: nisi adiuniantur aliæ tres, quas Theologicas appellant, & in animo sitæ sunt, Spes, Fides, Charitas. Tristis est, & in anxietate moratur, & torpet, & angitur, & nihil boni operatur, qui spe futuræ vitæ priuatus est. Sine fide impossibile est placere Deo: qui est vltimum hominis bonum, & finis in quem tendimus. Charitas diuino amore feruet; curiosa est animæ nostræ, & proximo consulit; quem iubet lex vt tanquam nos ipsos diligamus. Si ergo animi bona cupimus: & moralibus virtutibus opus est, & Theologicis: neque in his vlla est nobis cum tua lege contentio: alia sunt, in quibus discrepamus. Fatebitur tua lex, & vitam æternam in altero seculo reperiri, & his itineribus ad eam perueniri. Dicit fidem necessariam esse; verum non eam fidem, quam nos recipimus, amplectetur. Laudabit charitatem: sed alia eius officia esse dicet, quam Christianus. Sine spe non posse bene homini esse fatebitur: sed spei finem longe diuersum à nostro recipiet. Pax erit in nominibus, bellum in rebus. Faceat nunc hæc contentio; & quomodo vera & æterna bona ex fide Christi consequi possis, & animæ tuæ consulere, quæ immortalis est, ostendamus. Et si enim huius seculi quæ dicuntur bona concupiscis; & inter mortales magnus videri vis: non tamen animæ tuæ oblitum te credimus; nec ex illorum numero censemus; qui cum Epicuro & alijs quibusdam delirantibus Philosophis, extinguere animam simul cum corpore putauerunt. Nec rursus te sine Deo esse censemus, sicut olim de Gallæcis in Hispania traditum est, qui nullum colebant Deum: & de Pythagora, quem ferunt dicere solitum esse, non liquere sibi, an Deus aliquis esset. Quæ disputatio adeo impia iudicata est: vt ab Atheniensibus auctor eius eiectus sit: & libri, in quibus ea continebantur, exusti. Posidonium scripsit, Epicurum nihil de Deo sensisse: sed ea, quæ de dijs locutus est, inuidiæ depellendæ causa dixisse. Stultorum hæc est assertio, sicut in Prophetâ legimus: Dixit insipiens in corde suo, non est Deus. Haud equidem te adeo rudè existimamus; vt cælum credas rectore carere: & hanc pulcherrimam mundi machinam casu emeruisse: & omnia fieri fortuito: sed arbitramur, te Deum vnum confiteri, & in eum credere, qui cælum creauit & terram, & omnia quæ in eis sunt; & quæ creauit, non negligit. Ne te ignorare censemus, incorruptibiles esse animas hominum: & cum è nostris corporibus migrant, in alias regiones transferri; & bonas læta sortiri loca; malas ad supplicium rapi: quod non solum in Euangelio nostro scriptum est, & in Prophetis; sed tua quoque lex idem docet; quamuis in hoc mundo

temporalia quæ putantur bona, casu quodam fortuito euenire non rectè arbitratur Socrates & Plato & Aristoteles, Philosophorum principes, de mundi regimine, de immortalitate animarum, de Deo eadem crediderunt, quæ Christiani: quamuis aliqua nouæ legis arcana, quæ nondum editæ erant, ignorauerunt. Platonis in Epistolis hæc verba leguntur: Credendum est (inquit) semper veteribus sacrisque sermonibus; nobis asserentibus animam esse immortalem; iudicesque habere, ac pœnas dare maximas, cum à corpore fuerit separata: quod intelligendum, cum male vixerit. Non est hic locus apud te altius examinandus, qui pro tua lege Deum esse intelligis, qui omnia videt, & omnia iudicat: & animas corporea mole solutas, pro suis operibus in alio seculo vel præmia recepturas, vel supplicia, non dubitas.

Quæ cum ita sint: stultum cognoscis terrenis rebus ita aliquem inherere, vt caelestia negligat: & dum corpori studet, animam perdat. Breue est omne, quod viuimus, æuum: etiã si Mathusilæ aut Nestoris annos possimus attingere. Quicquid æternitati comparatur, momentaneum est. Quotusquisque hodie reperitur, qui centesimum videat annum? quotus, qui octogesimum impleat annum? Vita hominis (vt inquit Propheta) in ipse septuaginta annis: in potentatibus aliquando ad octoginta protenditur: vltterius labor & dolor. Quotus iterum ex eis qui nascuntur, ad perfectam peruenit ætatem? quam multi moriuntur infantes? quot pueros extinguunt morbi? Paucissimi iuuentutem superant: angustissima est vita hominis & incerta: mille instant in omnes horas pericula: mille mortis fauces vitæ nostræ insidiantur: minima res cursum nostram interrumpit. Alieno hic arbitrio sumus: vocat nos Deus, quando vult, & vbi vult: & cum minime credimus, tunc citamur: Peremptoria monitio est: nec licet prouocare, aut contrahiti: parendum est altissimo Domino: & villicationis ratio reddenda. Sapiunt, qui ita vitam instituunt: vt vocati, alacri animo abeant: & coram iudice, qui nihil ignorat, impauidi consistant in die illa tremenda & amara valde: in qua nihil amplius mereri licet: & omnis spes ac metus ex his, quæ acta sunt, pendet: nec supplicare iuuat, neque negare. Est igitur de anima curandum: quæ post hanc vitam, aliam habet vitam, in qua vel dolet vel gaudet.

Quid prodest homini, si vniuersum mundum lucretur (inquit in Evangelio Dominus) animæ vero suæ detrimentum patiatur? aut quam commutationem dabit homo pro anima sua? Viuimus, ac sapimus, ac Deo similes sumus: hæc melior pars nostri est rebus omnibus preciosior: dimisso corpore, in alias regiones ingreditur? Corpus in terra iacet: & in puluerem conuertitur; & vsque ad vltimum maximumque iudicium sensu carebit; tunc vero pro meritis, quæ illi cum anima fuere communia, vel ad gloriam vel ad pœnam

penam refurget. Quid Nino prodest late per Afiam imperaffe? quid Semiramidi eius vxori? quid Dionyfio, quid Herculi, ad Indos vsque penetraffe? Quid Idamthirfo, Scythiz atque Afiz iugum impofuiffe? quid Nabuchodonofori, ad Gades vsque perrexiffe? quid Ofiridi, dimiffa Egipto, per Syriam & Afiam in Thraciam duxiffe copias? quid Agamemnoni, Ilium exuffiffe? quid Cyro, Perfaram imperium conftituiffe? quid Alexandro Magno, illud ipfum euertiffe, & vsque ad Hifpalin in Orientem, & ad Laxartem fluiuium, Septentrionem verius, arma tuliffe? quid Hannibali, Italiam vexaffe? quid Scipionibus, Carthaginem deleuiffe? quid Pompeio, Orientales reges debellaffe? quid Iulio Cæfari, fubacta Gallia Romanum Imperium inuafiffe? quid Hunorum Regi Atilæ, Pannonia Germania que protrita, Aquileiam in Italia fubuertiffe? quid Tamerlano, tot Afiz Syrizq; vrbes incendiffe, atq; auum tuum prælio superaffe? quid genitori tuo Amurathi, fæpe de Græcis, fæpe de Hungaris triumphaffe? quid cæteris regibus atque Imperatoribus, res magnas & præclaras geffiffe prodest; fi absq; cognitione veri Dei mortui funt; & nunc eorum animæ apud inferos cruciantur? Laudantur hic, & ardent illic. Quæ famæ voluptas in cruciatu effe potest? quæ dulcedo gloriæ in doloribus? Dura vox eft eorum, qui vel in tauro Phalaridis beatitudinem effe dicunt: non bene cohabitant dolor ac voluptas: nec vllus eft in felicitate mæror. In cælo plena felicitas eft; apud inferos plena miferia: cum eò ventum eft, nihil iuuat gloria, quæ præceffit, & fama feculi. Studendum igitur eft, vt poft obitum, quod per omnes fe horas infert, certas & incertas, animabus noftris bene confulamur. Præueniendus eft pijs operibus dies mortis; & omnes actus noftri ita dirigendi, vt Deo placeamus. Ipfe eft enim finis omnium, & fummu bonum, ad quod afpiramus: & ipfa beatitudo, cuius cupiditas omnibus mortalibus ineft. Quærendum eft iter ad eam: id recta fides oftendit, & operatio iuftitiæ: quia nec iuftitia fine fide, nec fides fine iuftitia fufficit. Iuftus ex fide viuix, vt fcriptum: & fine fide nemo acceptus Deo. Tua lex, vt aiunt, in fua quemq; religione faluari hominem cenfet, fi alioquin cafte iufteq; viuat: nifi Mahumetea traditione relicta, ad aliam tranfierit. Dicunt & in tua lege fcriptum effe (eft enim tibi ipfi fæpe contraria) nulli falutem patere, nifi in ea. Nos contra ſentimus; & certi ſumus, viam vitæ ſoli Chriſtiano, ſi bene agat, apertam effe. Aut enim Veritas noſtra in Euangelio: Qui crediderit; & baptizatus fuerit, ſaluabitur: qui non crediderit, condemnabitur. Tu ergo ſi futurum credis ſeculum; ſi viſi fieri ſaluus; ſi animæ tuæ bene conſultum cupis: & fidem Romanæ Eccleſiæ (extra quam non eſt ſalus) & baptiſmum recipias oportet. His duabus clauibus, fide & baptiſmo, aperiuntur Paradifi portæ: illis tamen, qui appoſite ad fidem viuunt, nihil proderunt. Nam fides ſine operibus mortua eſt: Euangelio præbendæ ſunt aures; & Chriſti doctrina

sequenda, quæ nullum fallit. Diceret, nolle tu regi nostram præponere; aut Mahometem relinquere Prophetam magnum. Rogauimus ab initio, vt benigne audires; itidem nunc petimus: & nunc maxime attentis auribus, & pia mente opus est, & iudicio recto; quando ad radicem arboris infructuosæ ad mouemus securim. Audi seriem rerum: nosce historiam fidei: præbe aures viro: cui perraro est in altis ædibus locus. Calisthenem Philosophum crudelibus modis laceratum in custodiam rapuit Alexander: qui vera loquens diuinum cultum homini denegauit: & Clitum Philippi laudes commemorantem lancea transfodit. Timent homines exempla: & videntes melius adulatoribus succedere, quam recta monentibus, ad nugæ se conuertunt, & quæ placeant, loquuntur. Antigonus aliquando vnus ex successoribus Alexandri, qui regnauit in Asia, inter venandum, mutata veste, relictis comitibus errabundus apud agrestes homines in vili tugurio pernoctauit incognitus: & combibens, cum his de seipso, tanquam de altero, percunctatus astantes; omnia quæ fecerat mala, ab eis audiuit. Mane quæsitus atque iuuentus; cum vestem illatam & regium ornatum vidisset: *Date (inquit) purpuram.* Quam vt primum indit: *verum (ait) de mentis hac nocte vnquam audiui.* Et Augustus, mortuo Varo, idcirco seipsum supra modum dolere aiebat: quia non esset, à quo verum audiret. Ad pauperes Philosophos relegata est inquisitio veri: qui propterea sapientiz amatores vocantur: quia veritati seruiunt, & nolunt decipi. Turpe est cuique homini errare, maxime Regi: qui si per se ipsum non satis intelligit, prope habet magistros, quos interroget: tantum placeat audire, nec pudeat discere, quod ignorat. Triasunt hominum genera, teste Hesiodo: *Primi & optimi sunt, qui per sese omnia noscunt: his proximi, qui recta momentibus auscultant: tertij prorsus damnandi, qui neq; ipsi vident, neq; videntibus credunt.* Sed nulla in re periculosius erratur, quam in his, quæ pertinent ad fidem: neque vtilius inuenitur verum. Recte ad Antipatrum de Alexandro scribit Aristoteles; monens, ne pro tot exercitibus, victorijsque, & subiugatione orbis terrarum, glorietur: sed cogitet, quod si quid de Deo recte cognoscat, non minori gloria dignus sit, quam ipse pro tantis rebus gestis, tantaq; potentia. Et in Ethicis idem sapientem esse dicit amicissimum Deo. Sapiens autem nemo existimandus est, qui à recta fide est alienus. In his vero, quæ sunt fidei, neq; tuus Legifer satis intellexit: neq; tu in hanc vsque diem satis didicisti. An vero recta monentem audire & sequi velis, futurus dies ostendet. Si vero hæc, quæ ad te scribimus, audieris; signum erit ad discendum parati: si feceris, quæ monemus, eris procul dubio sapiens. Nemo hominum sapientiam contemnit, nemo odit: nemo est, qui nolit esse sapiens.

Verum primus sapientiz gradus est, nolle errare, & verum quam libentissime audire: maxime in his rebus, vnde homini est salus: sicut est religio.

religio, quæ ordinatur æternam vitam. Audi ergo verum circa religionem. Si non scribimus verum, argue scribentes, & despicce, tãquam stultos. Sed noli falsum dicere, nisi cognoveris falsum esse. Et narrabimus brevissime ab initio mundi, vsque ad obitum Salvatoris Christi nostri, legis arcana: deinde aliqua de tua lege dicemus, eaque conferemus ad invicem: & quãtũ interfit, ostendemus: conabimur, quantum ex alto dabitur, lucem tibi ostendere, per quam possis ad eam lucem pervenire, quæ illuminat omnem hominem venientem in hunc mundum. Cum creasset Deus in principio cælum & terram, & maria, & lucem, & Solem, & Lunam, & alia sidera, & plantas, & herbas, & volucres, & pisces, & quadrupedum genus interminabile (vt scribitur Sapientia 6. 2.) ac reptilia, & alia animantia: postremo Adam creavit, sufflavit in eum spiraculum vitæ, & posuit eum in Paradiso deliciarum: & fecit adiutorium simile sibi Euam, ex costa eius ductam: & data licentia, qua possent cæterarum plantationum degustare fructus; vt abstinerent à plantario prudentiæ, imperavit: & ambos, cum prævaricati essent, ex Paradiso deiecit: atque in eis humanum genus morte damnavit: iussitque laboriosam vitam & ærumnis plenam agere. Ab his propagata creatura rationalis, cum rursus animo rebelli divinam maiestatem contemneret, & in vitia quæque prolaberetur, aquarum diluvio deleta est: Noë cum coniuge & sex alijs animalibus in arca salvatus est: & ab his omnes homines, qui modo sunt, & post diluvium fuerunt, originem ducunt.

Tres filij Noë, Sem, Cham, & Iaphet, redeuntibus aquis in locum suum, humanam gentem reparaverunt: adeo vt traditum sit, priusquam Noë moreretur, quatuor millia hominum ex suis & filiorum lumbis exivisse: ex quibus etiam iniqui emerserunt, Nimrod filius Cham, & qui cum eo in contumeliam Domini turrim Babel ædificare cœperunt. In ea divisum est labium univærsæ terræ, & confusione impeditum opus. Secuta est peccatum pessimum Pentapolitana submersio, & Abraam & Loth inventi religiosi: in semine Abraham benedictæ sunt gentes, & circumcisionis pactum cum eo percussum est. Fuit enim iustus, & placuit Deo in Operibus suis, cum filium Isaac divino imperio immolare non detrectasset. Neque Isaac Patris viam deseruit: cui natus est Iacob, qui alio nomine dictus est Israel: & huic duodecim filij fuerunt, à quibus duodecim tribus emanarunt. Is cognito, quod Ioseph, quæ putabat extinctum, magnus & potens esset in Ægypto, cum reliquis filijs ad eum migravit. Multiplicatum est illic Iudæorum semen: & in gentem magnam cum crevissent Israëlitz, surrexissetque rex alius, qui Ioseph & opera eius ignoraret: gravissimis laboribus oppressi sunt, & contumelijs innumerabilibus affecti: & miserante Deo, per manus Moïsi & Aron servitutem effugerant: & siccis vestigijs rubro mari

Kk 3 traiecto

traiecto, per annos quadraginta cibo cælesti vitam in deserto egerunt: et circa montem Sinai divinam legem in tabulis lapideis acceperunt. Acquisita est terra promissionis, sed non tota in manu Moïsis. Post obitum eius mirabilia fuerunt opera Iosue, & aliorum Iudicum: inter quos etiam Prophetæ claurunt, viri excellentissimi. Successerunt deinde Reges & alij Prophetæ in populo Dei: & nō sine cælesti munimine conservata est gens Hebræa: & Prophetæ quidem interpretati legem, salubria tradidere præcepta, virtutem extollentes, & vitia effulminantes: & multa per illos scripta sunt divinitus revelata, quæ de futuris notitiam præbuere. Non tamen pauca perpessi sunt adversa Iudæi, cum legem Domini contemnerent, & in traditionibus patrum non permanerēt. Ceperunt eos Chaldæi, & in servitutem redegerunt: & nūc Syri nunc Arabes, nunc Egyptij in eos arma verterunt. Multæ fuerunt eorum tribulationes, multæ calamitates ac miserix: sed de omnibus liberavit eos Dominus, cū ad Deum calamaverunt, & tota mente ad eū redierunt: quia cor contritū & humiliatum non despiciit divina maiestas. Hæc, ut arbitramur, cōmunia tibi nobisq; sunt: & in Alcorano Mahometico magna ex parte continentur. Verax igitur & tuo & nostro iudicio lex Iudæorū: verax Moïses, & David, & Salomon, & Isaias, & Ieremias, & Ezechiel, & Daniel, & veraces omnes Prophetæ Domini: vera Iudæorum fides, qui ante Christum in lege permanserunt: mendaces omnes gentes, quæ coluerunt idola. Notus ante Christū solus in Iudæa Deus: nihil hac vsq; contendimus. Cōcedis hæc, nisi fallimur, omnia: in his, quæ sequuntur, discordia erit: sed nos in luce ambulamus, neq; offendimus ad lapidem pedes nostros: & ne de cætero tu quoq; offendas, magnopere cupimus: & ultro, ne decipiaris, lumen offerimus. Tu creatura Dei es, & ovis eius: sed errabunda extra caulas in alienis pascuis, procul ab ovili Dominico lethiferū capis cibum, & pestifera aleris herba. Nos boni pastoris exemplo, qui relictis non aginta novem ovibus in deserto, vnam quæ aberraverat secuti sumus: teq; quærimus, & in viam salutis optamus reducere: Dolemus te virū excellentē nobilitate, moribus illustrē, gestarum rerum gloria clarum, imperio magno præditum, & pluribus naturæ dotibus eminentē, nō incedere in vijs Domini, non nosse mandata eius, nō esse in lege sua. Compatimur tibi, & tuorum subditorum infelicitatē deploramus, qui tecum pereunt: nec te credimus libenter errare cuius naturā bonam esse confidimus: ignorantia veri te retinet: tui te parentes, & seiplos, per ignorantiam decepere: cum progenitoribus laboris: sed timenda est Scriptura, quæ ait, *ignorans ignorabitur*. Quod si cæteris in rebus præcipuam curam, exactam diligentiam, summum studium adhibeas, ne quis fallat te: circa religionem potissime curandum est, ne fallaris: in quanto cautiorem te esse oportet, quanto in ea cum maiori periculo delinquitur. Cæterarum rerum ignorantia hæc, quæ sunt temporalia in hoc seculo, adi-

Io; adimere potest: religionis error alterius vitæ bona, id est, animæ felicitatē deperdit. Quod ne tibi accidat, si nobis aures & fidē pręstiteris, facile ad iumento erimus. Audisti ea, quę de veteri testamento diximus: nūc de nouo agendum est: in quo plurimum discordamus. Audi, quę subiungitur: sic. a. tuz legis tenebras odio habebis, vt speramus, & nostrę legis lucem amabis. Duo in veteri testamento vaticinia reperiuntur: quorum alterum est: *Non auferetur sceptrum de Iuda, neq; dux de femore eius, donec veniat qui mittendus est, sius* (vt Chaldaei dicunt) *Messias*. Alterum est, quod ait: *Cum venerit sanctus sanctorum, cessabis vnctio vestra*. His vaticinijs prędictum est, in aduentu Christi Iudęos & regnum amissuros esse, & sacerdotium: sicut & factum est. Regnum, quod Iudęorum fuerat, Idumzi acceperunt. Regnante nāq; primo Herode, Antipatris filio, genere Idumæo & alienigena, Christus ex Maria virgine natus est, Dei filius, verus Deus & verus homo: qui sacerdotium Iudęorū ad Christianos transtulit: Petro sibi successore delecto, in quem Pontificis Maximī potestatē transfudit: neq; vltius apud Iudęos pastoralis oviū cura permāsit, dicente Domino ad Petrum: *Pasco oves meas*. Pastor ipse bonus, & Pontifex magnus, Christus: pastores deinceps & pontifices Christianos, nō Iudęos esse cōstituit: quāvis Petrus & alij plures ex Iudęis, nō amplius Iudęi, suū summū pontificiū acceperunt. Quo facto, & lex ipsa translata est, dicente Apostolo: *Quia translato sacerdotio, necesse est vt legi etiā translatio fiat*. Deus igitur qui multifarie multisq; modis olim patribus in Prophetis locut⁹ fuerat, novissime per filiū suū, quē constituit hęredē vniversorū, per quē fecit & secula, allocutus homines; legē edidit, & nova dedit pręcepta: quib⁹ servatis vitā mererētur æternā. In tempore igitur, quod in altissimo individue Trinitatis consilio ab æterno fuerat definitum: regnante apud Hebręos Herode, imperante apud Romanos Augusto, quiescente mundo, & adventum Domini mirabili & inaudita prioribus seculis pæce honorante, missus est Gabriel Angelus de cælo, qui Marię felicem conceptionem & sacratissimum partum annuntiaret. Sed ante pręcursor natus est Ioannes: qui penitentiam prędicaret, & viam Domino prępararet. Concepit virgo de Spiritu sancto, vt prędixerat Angelus, & servata dignitate virginitatis, filium simul & Dominum peperit. Natus est Christus Salvator IIX. Cal. Ianuarias: & in ipsis Calendis circumcissus est, & iuxta vocem angelicam IESVS appellatus: quia salutem attulit humano generi. Plurima de infantia Salvatoris scripta sunt: nec dubium est, quin omnis eius ætas signis & miraculis plena fuerit. Sed Ecclesię nostrę gravitas & acere iudicium ea tantum recipit, quę certa sunt: apocrypha prętermittit. Duodecimus Salvatoris annus memoriam habet: quia templum ingressus, cum Legis Doctoribus disputavit: & aliqua ex parte splendorem suę divinitatis ostendit. Sed circa tricesimum annum fulgor ille plenius emicuit.

Tunc



Tunc enim baptizatus est à Ioanne: & Ioannem ipse baptizavit: & paterna vox audita est: *Hic est filius meus dilectus, in quo mihi complacui.* Convertit aquam in vinum: & innumerabilibus coruscavit miraculis. Elegit sibi discipulos, quos vocamus Apostolos: et circumiens regiones, & mentes hominum & corpora sanavit & egrotantium: & faciens ipse, quæ docebat, toto triennio prædicavit Evangelium, per Iudæam & vicinas provincias beatissima vox eius intonuit. Quæ vita hominum esse deberet, ostendit excellentissime: & præcepta tum vetera innovavit: tum nova, prioribus multum utiliora, instituit: abdita & obscura quæ erant in veteri lege, multa revelavit: & obscuros Prophetarum aperuit sensus: & quæ de se prædicta fuerant, palam exposuit: mysterium sanctæ Trinitatis ostendit, & unitatem in trinitate monstravit, docens tum Patrem, tum Filium, tum Spiritum sanctum divinis honoribus prosequendum, & hos tres unum esse Deum. Prædixit non modo mortem suam, verum etiam genus mortis: & quod tertia die resurgeret, & quod ascensurus in cælum, rediturus esset in fine seculi iudicare vivos & mortuos. Cōprehensus est, sicut ipse voluit, & tradit' Pilato præfidi, qui eum neci daret: testes in eum citati sunt: nec est inventa mortis causa: quia peccatum non fecit: nec repertus est dolus in ore eius. Maximum crimen obiecerunt, quia filium Dei se fecit, & regem dixit: & propter veritatem occisus est, crucifixus, atque sepultus: & iuxta verbum suum resurrexit à mortuis: & quadraginta diebus cum discipulis commoratus, cum eos confirmasset & corroborasset, atque in orbem ire iussisset, Evangelium disseminaturos: tandem videntibus illis elevatus est, & nubes suscepit eum ab oculis eorum, ascendit ad cælum, & sedet ad dexteram Dei patris, inde venturus iudicare vivos & mortuos: & redditurus unicuique secundum opera sua. Interea Spiritus sanctus ab eo missus, omnia suggerit Ecclesiæ quæ necessaria sunt ad vitam æternam. Hæc nos Christiani firmiter credimus: hæc est fides nostra, quam cunctis gentibus prædicamus, & impartiri omnibus cupimus: hæc ab Apostolis & eorum successoribus per fideles manus immutilata & incorrupta ad nos usque delata sunt. Hæc vos Turcæ & Saraceni magna ex parte negatis. Etli enim Christum ex virgine natum, & sanctum virum, & Dei flatum, & prophetam magnum, & mirabilium operum effectorem, & adhuc viventem confitemini: Deum tamen, & Dei filium esse inficiamini: nec sibi, nec sancto Spiritui divinitatem conceditis: & trinitatem personarum in divinis respuitis: & Christi mortem deridetis: quem translatum, & alium sibi similem loco suo interfectum arbitramini: nec eius adventum in extremo iudicio expectatis: & alia non pauca Christianæ legis rejicitis: & plurima creditis, quæ apud nostros risu digna videntur, quæ non dimitemus intacta. At quæ nos credimus, non solum ex nova lege, sed ex veteri invitamur. Vos Mahometi,

& Alco-

& Alcorano eius fidem tantummodo adhibetis: & hominem mortuum sine conteste, sine ratione, sine miraculis sequimini: nos vivo credimus (vivit enim nostro testimonio Christus) nos Deo præstamus aures: & signis, & rationibus, & facris ducimur testimonijs. Quod si nos audies: monstrabimus breviter nostræ legis splendidam lucem: & tuz obscuræ caliginem detegemus. Sed opus est pijs & attentis auribus, quando fidei sublimitas attingitur, & magni Dei panduntur arcana. Sæpe iocis & inanibus fabulis te præsentem adhibuisti, & leniores audisti narrationes: non est, cur hæc gravia contemnas, aut ea nosse recuses, ex quibus tua pendet salus. Non est anima nobilis, cui non insit veritatis amor: non est homo, qui nolit salvus fieri. Audi ergo, qui generosus es: audi, quæ te salvare possunt. Quid est inter Christianos Turcasque controversiæ, in quo simul contendimus? quæ dissidij causa? Sane non alius discordiæ fomes est, nisi quia circa divinitatem non eadē sapimus; de Patre, de Filio, & Spiritu sancto contendimus: hoc est præcipuum dissidium: quo sublato, facite omnia componētur: Attingemus hæc, & quæ sit inter nos de divinitate dissensio, latius exponemus. Nos in Deo tres dicimus personas esse, Patrem & Filium & Spiritum sanctum: vos vnam tantum, quam nec Patrem, nec Filium, nec Spiritum sanctum dicitis, sed Deum tantummodo appellatis: & hunc vnicum esse dicitis creatorē cæli & terræ, & omnium quæ in eis sunt. Nulla est de vnitæte contētio, non latet nos verba Moyſi, dicentis in exordio legis: *Audi Israel, Dominus Deus tuus vnus est.* Et rursus in lege scriptum est: *Ego sum Dominus Deus tuus, qui te eduxi de terra Aegypti: non erunt tibi dī alij præter me.* Et rursus: *Ego sum, qui sum: & si quaſierint nomen meū, vade & dic eis: Qui est, misit me ad vos.* Et in cantico Exodi dicitur: *Dominus Omnipotens nomen eius.* Quæ testimonia vnum esse Deum, & vnum Dominum, manifeste declarant, & vnā potestatem, & vnam naturam. Nā Deus naturæ, Dominus potestatis est nomē. Fatemur idem, quod vos, de vnitæte divinitatis: hic amicitia est atque cōcordia: vobis vnus Deus est, & nobis vnus: dicitis principium omnium rerum esse Deū, nos idem affirmamus. In quo igitur dissentimus? Multa sunt, quæ de Deo aliter Christiani dicunt, aliter Saraceni seu Turcæ. Vos Deū corporeum dicitis nos incorporeū: vos sortuita esse, quæ hic in terra geruntur, arbitramini, nec curare de his Deū, nos gubernare eum, qui creavit omnia, non dubitamus: vos Deū patrem in divinitate negatis, nos Patrē & Filium cognoscimus: vos Spiritum sanctum ex divina maiestate reiicitis, nos ponimus & vnamur. Mittamus alia: hæc aggrediamur, in quibus plus ponderis est. Nos Christum Dei filium dicimus, vos negatis. Cur negatis? Sane quia nec vxorem habet Deus, ex qua filium procreare posset. Quod si vxorei fuerit, filiosq; genuerit: mundus, qui vnus imperio regitur, in plures divisus dominos diu stare non posset. In vnitæte concordia est, quæ servet imperia: in pluritate discordia, quæ maxima regna subvertit.

LI Sed

Sed quis tam rudis, tam vācōrs, tam demens Christianus est, qui generare Deum ex connubio & permixtione sēminē arbitretur? Non sumus ad hoc hebetes Christiani, vt tantum nefas admittamus. Saracenis suaderi hoc possit: qui Deo & corpus, & caput, & manus, & cetera membra concedunt. Nos Deum spiritum esse asserimus, incorporeum, immortalem, æternum, & incomprehensibilem: qui dum seipsum intelligit, in mente sua Verbum concipit, quod nos Filium Dei esse dicimus: nec aliud est in Deo seipsum nosse atq; intelligere, quam Deum esse. Nihil est. n. in Deo, nisi Deus. Deum autem cuius est Verbum, nominamus Patrem: & processum ipsius Verbi, generationem Filij dicimus. Nec veritas hæc de Verbo Dei apud Christianos tantum illuxit; gentiles Philosophi ante Christi adventum eadē, quæ nos asserimus, nonnulli affirmaverunt. Siquidem Platonicī Philosophi in suis libris apertissime dixerunt: quod *In principio erat verbum, & verbum erat apud Deū, & Deus erat verbum: hoc erat in principio apud Deum. Omnia per ipsum facta sunt: & sine ipso factum est nihil.* Et reliqua ferme omnia cōprobant de verbo Dei, quæ Ioannes in Evangelio suo tradit, vsq; ad incarnationem verbi, quam ignoraverunt: quia nondum natus erat Christus: & alta legis mysteria abscondiderat Deus a sapientibus huius sæculi, quæ revelavit parvulis. Quod igitur Platonicī verbum Dei nominant, & Deum esse dicunt: nos filium vocamus ex Deo genitum, & Deum esse fateamur: nec ruinam mundi ex filij generatione timemus, quando vnus duntaxat filius est. Et pater & filius vnū sunt, vna potestas, vna voluntas, vna maiestas: nec verbum conceptum ab intellectu concipiēte discordat. Obscura hæc verba videbuntur: at si voles, præsto erunt, qui lumen afferant, & apertissima omnia reddant. Et tu Solē hunc corporeum cernis, qui noctē abiens, & diem efficit rediens: hic à seipso lucis producit radios: hæc productio, generatio quædam est in Sole: & radij solis, filij solis non inconvenienter vocantur. Quæ similitudo quantumvis multifarie est inepta: (nā Solis plures sæpe vidimus radios: Deo vnicus tantū est filius) in eo tamen convenit, quia vna est & Solis & radiorum substantia, & vna est Patris & Filij divinitas atq; essentia: quamvis comparatio corporalium rerum nulla satis cum divinis quadrari potest. Sed accipe testimonia: & qui ratione non capis, cede auctoritati. Vetus testamentum & Iudæis & Christianis, & Saracenis cōmune est. Eructavit (inquit David ex persona Dei) cor meum verbum bonum: hoc est, quod Dei filium dicimus, & vni genitū patris æterni, non ex carnali coniugio aut humano cōplexu, sed ex corde Dei, id est, intellectu productū asserimus. Et rursus: *Filius meus es tu, ego hodie genui te.* Hodie dicit: quia Deo nec heri præterijt, nec cras imminet: sed hodie semp adest, cui præsentia sunt omnia. Iterū, Ante Luciferū (inquit) genui te: vt intelligas, quia nō loquitur de Salomone David, sed Deus pater de filio Deo: quia ante luciferum nemo fuit. Et in libro proverbiorū legimus.

Sapientia

Sapientiam Dei, quæ Dei filius est, dicentem. *Non dū erant abyssi, & ego iam concepta erā: ante montes & colles ego paraueram.* Nūquā .n. pater sine filio fuit, nec sine patre filius. Et hoc est, quod in Evangelio inquit Ioannes: *In principio erat verbum, & verbum erat apud Deū, & Deū erat verbum.* Quæ mysteria profunda & alta cū non intelligeret Arrius, nec Mahumetes cōprehenderet: negare maluerunt veritatē Dei, quā suam ignorantiam cōfiteri: & suas ineptias imprudenter ingerere, quā aliorum sapientiā humiliter discere. Stulta hæc & dānosa pertinacia est. Deo .n. & Prophetis eius oportet credere: & si quid est cuius rationem non capimus, debemus cū Paulo dicere: *O altitudo divinarum scientiæ & sapientiæ Dei! quā incomprehensibilia sunt iudicia eius, & investigabiles viæ eius!* Fatentur Iuriscōsulti, non omnium quæ à maioribus instituta sunt rationē reddi posse: & tamen legi parendum esse, quia non sine causā comdita fuerit: quanto minus arcana Dei licet cognoscere? Plurimæ sunt occultæ causæ, ad quas nulla potuit curiositas hominū pervenire: quia sicut oculi nō vident ad Solē, ita & noster intellectus ad ea quæ sunt divinitatis. Non est ergo mirandum, si neq; generationem filij, neq; Spiritus sancti processionem neq; trinitatē in divinitate intellexit carnaliter homo, vel Arrius vel Mahometus: sed illud in eis damnable ac detestabile fuit, quod Sacra Scripturæ divinisq; testimonijs non acquieverunt. Nā quid opus est argumentis vbi Deus ipse loquitur? De Pythagoricis traditum est, quod in disputando soliti erant dicere, *Ipse ait.* Ipse autē erat Pythagoras, tanquā eius auctoritati nō liceret adversari: quāto min⁹ Deo, qui verax est: & omnis homo mēdax. Sed negabis hæc esse Dei, quæ afferimus, testimonia. De his posterius dicemus. Nunc de Spiritu sancto agendū est: cui tua lex divinos honores abrogat. Nō est huiusmodi erroris Mahumetes inventor: Arrij, & Nestorij, & Macedonij hæc olim dementia fuit: quos sacra patrū concilia damnaverunt: sed eorum virus apud Ægyptios & Arabes aliquandiu latuit: & postremo, auctore Mahumete & magistro eius Sergio, late diffusum est. Ne movearis, dum vera loquimur. Cave, ne sequaris cæcos: discē, Spiritum sanctum esse Deum, & tertiam in Trinitate fore personam. Diximus paulo ante, Deum patrem dum se cognoscit, Verbum concipere, & filium gignere. Nunc quod sequitur, adiicimus, cognitioni annexam esse appetitivam quandam operationem, cuius principium voluntas est: inter operationes vero, quas voluntas producit, præcipua est amare. Adhibe hic aures, & mentem erige. In Deo perfectam & absolutam fateri cognitionem oportet, & amorem pari modo: cuius processus per appetitivam operationem exprimitur: sicut & verbi generatio per intellectivam: & alia est operatio, qua intelligit, alia qua appetit. Intellectiva ex his completur, quæ sunt quodāmodo in ipso intelligēte, nā sicut sensibilia in sensu, ita intelligibilia in intellectu dicimus esse. Appetitiva autem complementum accipit secundum quendam ordinē vel

motum ad eas res, quæ obijciuntur appetitui, & occultum quoddâ principium sui motus habet. Ea verò quæ principio feruntur arcano, spiritus nomen acceperunt, nam & ventos spiritus esse dicimus: & in scripturis, procellarum spiritus appellantur: quia non apparet afflationis spiritus initium. Respirationem autè & arteriarum motum ab intrinseco & occulto principio manantem, vocamus spiritum: atque hoc modo congruenti quadam similitudine, quantum divina humanis verbis indicari possunt, diuin' ipse amor à patre filioque procedens, Spiritus dictus est. In nobis duplici ex causa procedit amor: aliquando ex corporea & materiali natura: & is plerumque immundus est, & mœni moxius: aliquando ex ipsa proprietate spiritualis naturæ, cum bona intelligibilia & rationi convenientia adamamus: & hic purus est amor, & laudabilis, & animæ salutaris. In Deo corporalis amor seu materialis, locum nō habet: sed ille tantum reperitur, qui simplex est, & niti dissimilis, & purissimus, quem Spiritum Sanctum appellamus. Nec nos intellectuali & sancto amore quicquā prosequimur, nisi quod intellectu cōcipimus. Conceptio autem (vt diximus) quæ fit ab intellectu, verbū est: atque ita necesse est amorem ex verbo exoriri. Amat. n. Deus, quod de seipso intelligit, id est, verbum, quod concipit intelligendo. Verbū autè Dei dicimus Filium Dei: qui & ipse Patrem novit & amat: atque ita fit, vt amor ipse, cui Sanctus Spiritus est nomen, ex patre Filioque procedat, sitque cum patre & Filio pariter Deus. Nam sicut divinum intelligere essentia divinitatis est, ita & amare. Et sicut Deus se semper intelligit: ita & se semper amat: & omnia amat, suam bonitatem dum amat. Rursusque sicut Dei filius, qui est verbum Dei in natura divina subsistens, patri coæternus, perfectus, & vnus Deus est: ita & Spiritus sanct' Deus est Patri & Filio coequalis, & coæternus. Et sicut omne quod subsistit in natura intelligibili, apud nos persona dicitur, apud Græcos *ὑποστάσις*, ita consequens est, vt tres personas in divinitate ponamus: quia tres sunt subsistentes, nimirum Pater, & Verbū, & Spiritus sanctus: neque has personas dicimus esse per essentia diversas, sed per solas relationes distinctas, quæ ex processione verbi & amoris proveniunt. Atque in hunc modum Christiana religio divinitus illustrata, distinctas tres personas confitetur in divinis, non tres deos, sicut Mahumetes falso opinatus est: sed Patrem, & Filium & Spiritum Sanctum, vnum esse ab æterno Deū asserimus: nec tamen ipsum patrem qui Filius est, nec Filium, qui Pater est, nec Spiritum sanctum, qui Pater est aut Filius. Vna est. n. Patris & Filij & Spiritus sancti essentia: in qua non est aliud Pater, aliud Filius, aliud Spiritus sanctus: quamvis in personis alium Patrem, alium Filium, alium Spiritū sanctum, divina docente auctoritate, dicamus. Nec similitudo in his, quæ creata sunt, summæ deest Trinitati. *Invisibilia Dei* (sicut Apostolus ait) *per ea, quæ facta sunt*, intellecta conspiciuntur. Sempiterna quippe virtus eius ac divinitas relucet in anima nostra, quæ divinæ Trinitatis est imago.

Est

Est enim anima nostra substantia quædā incorporea, & ratione prædita, & actus quidam siue forma organici corporis: quæ dum corpus mouet & regit, sui meminit, se intelligit, & se diligit: quibus in rebus quædam apparet trinitas, memoriæ, intelligentiæ, & amoris. Tria hæc ad seipsa referuntur: quia non est amor sine memoria: nec memoria sine notitia: nam quis meminit aut amat, quod nescit? Inseparabilia sunt hæc à semetipsis: & tamen quodlibet eorum, & simul omnia vna essentia sunt, & vna vita in anima vna. Differunt tamen: quia memoria non est intelligentia vel voluntas; nec intelligentia voluntas siue amor. Quod si hæc diligenter inspicias: inuenies summæ illius Trinitatis atque vnitatis vestigium, & imaginem quandam quamuis imparem. Quicumque enim sempiternam & incommutabilem naturam, per memoriam reminiscitur; intuetur per intelligentiam; amplectitur per dilectionem: Profecto reperit in se ipso summæ Trinitatis imaginem, non tamen omnino similem, sed qualemcunque; ita vt in similitudine magna inueniatur dissimilitudo. Etsi enim homo meminit, intelligit, & diligit: non tamen memoria est, nec intelligentia, nec dilectio: sed sunt hæc in eo & in vna substantia; non sicut accidentia in subiectis, quæ possunt abesse; sed substantialiter existunt in anima: & vnus homo est, qui habet hæc tria, non ipse est hæc tria. In simplici vero natura, quæ Deus est, quamuis vnus sit Deus, tres tamen personæ sunt, vt dictum est: & ipse Deus est hæc tres personæ. Sed illud satis ad rem nostram est: quia tria hæc aliquo modo vnum sunt. Reperitur & sub alijs nominibus, & alio modo in nostra natura illius summæ & ineffabilis Trinitatis imago. Nam mens, & notitia eius, & amor, tria quædam sunt. Mens enim nouit se, & amat se; nec amare se potest, nisi etiam nouerit se. Duo quædam sunt, mens & notitia eius: duo etiam sunt, mens & amor eius: Cum se nouit mens, & se amat, manet trinitas; scilicet mens, amor, & notitia: & hæc tria, quamuis distincta inuicem sint, vnum tantum esse dicuntur: quia in anima substantialiter existunt: & est ipsa mens quasi parens, & notitia eius quasi proles eius. Mens enim cum se cognoscit, notitiam sui gignit: & est sola parens suæ notitiæ. Tertius est amor, qui de ipsa mente & notitia procedit: dum mens cognoscit se, diligit se: non enim posset se diligere, nisi cognosceret se: amat enim placitam prolem notitiam suam. Et ita amor quidam complexus est parentis & proles: nec minor est proles parente, cum tantam se nouerit mens, quanta est: nec minor est amor parente & prole, id est, mente & notitia. Considerat hæc rationalis homo: & videns tria in vna essentia concurrere, extendit se ad contemplationem creatoris: & intelligit vnitatem in trinitate, & trinitatem in vnitatem: & vnum Deum colit, vnam essentiam, & vnum principium: sicut & Patriarchæ, & Prophetæ, atque Apostoli traderunt. Sed audiamus iam tandem ipsos: & diuinæ legis auctoritatem & te-

Rimonia in medium afferemus: sine quibus vana est omnis argumentatio. Deum patrem omnes sacre literę confitentur: & Dei nomen ac paternitatem ad omnia refert: & si Filium dicimus, non possumus Patrem negare. De Filio adducta sunt testimonia legis: Ergo & Pater ostensus est: sicut & Salvator ait: Philippe, qui videt me, videt & patrem meum. Nunc de Spiritu sancto, quod cepimus, prosequendum est. In Genesi legimus: Quia Spiritus Domini ferebatur super aquas. Quis tunc Dominus, nisi Deus, fuit? & cuius Spiritus, nisi Dei? & quomodo Dei Spiritus, nisi Deus? Deus est, quicquid Dei est: nec aliquid illi immixtum est. Incompositus est, simplex est, & purus Deus. In Iobo scriptum est: Spiritus Domini fecit me: & spiraculum omnipotentis Dei vivificavit me. Dei sunt hæc opera, non hominis. Quis fecit hominem, nisi Deus? aut quis vivificavit hominem, nisi Deus? Est igitur Spiritus Domini. Propter quod dictum est in Psalmis: Spiritus Domini replevit orbem terrarum: & hoc, quod continet omnia, scientiam habet vocis. Quis hic Spiritus, nisi Deus? quis impleat orbem, nisi Deus, cui cælum est sedes, & terra scabellum pedibus eius? Et apud Poetas Deum ire per omnes terras, tractusque maris, cælumque profundum, traditum est. Et rursus: Estne Dei sedes, nisi tellus, ponens & aer, & cælum, & virtus? Propter quod recte ait David: Quo ibo à Spiritu tuo? ostendens non esse locum, in quo possit fugere spiritum Domini, qui est ubique. Esse autem ubique, implere & continere mundum, soli Deo tributum est. Deus igitur sanctus Spiritus est, qui hæc peragit, & futura prænoscit, & prædicat: sicut scriptum est: Responsum accepit Simeon à Spiritu sancto, quia non moretur, nisi videret Christum Domini. Non est cur Deum negemus, qui Dei efficit opera. Non igitur solus pater Deus est, neque solus Filius: sed Spiritus sanctus cum Patre simul & Filio Deus est: Quia non adversatur rationi trinitas personarum in unitate divinitatis, quemadmodum superius ostensum est. Sed iam trinitatem ipsam ex sacris Codicibus demonstremus: & Moysen ante omnes audiamus: cuius hæc sunt verba in capite libri, quem Genesin nostri vocant. In principio creavit Deus cælum & terram: terra autem erat inanis & vacua: & Spiritus Domini ferebatur super aquas. Tria commemorat: Deum, principium, & spiritum. Ideo in Deo Patrem intelligimus: in principio Filium: in spiritu Domini, Spiritum sanctum. Et accipitur hoc in loco principium pro Filio: sicut in Psalmis de suo filio dicit Deus: Tecum principium in die virtutis tuę, in splendoribus sanctorum: ex utero ante Luciferum genuit te. Atque ita in exordio nascentis mundi, trinitas ipsa in divinis personis addueitur. Hic si placeret, inseri posset de Elohim, secundum Hieronymum ad Marcellum. Tentans Diabolus primos parentes, interposito serpente; & suadens, ut edant de ligno prohibito: Eritis (inquit) sicut dii, scientes bonum & malum.

Quod

Quod perinde accipiendum est, ac si diceret, Eritis sicut diuina personæ, quibus ignotum est nihil. Et cum eijceretur Adam de paradiso, inquit Dominus: Ecce Adam factus est sicut vnus ex nobis. quibus nobis? Patri scilicet, & Filio, & Spiritu sancto. Sed manifestius eadem trinitas ostenditur, cum dicitur: Faciamus hominem ad imaginem & similitudinem nostram. Cum ait, Faciamus & Nostram; plures personas inducit: cum dicit, Imaginem; unitatem diuinitatis ostendit. Nec solitarius est, cum dicit, Faciamus: neque aliena à se loquitur, qui Nostram ait. Duo sunt pluralia verba, Faciamus & Nostram: vt videatur Pater eum Filio & Spiritu sancto miscere sermonem: quod non solum vocis, sed intellectu expressius est. Dixerat, Creauit Deus calum & terram: Deus & Creauit, singularia sunt: quia vnus est Deus, & vna diuinitatis essentia. Subiungitur, Faciamus & Nostram: vt pluralitas in personis intelligatur. Idem & Psalmista canit regius, dum ait Verbo Domini cæli firmati sunt: & spiritu oris eius omnis virtus eorum. Quid manifestius dici potuit? In conditione calorum tres personæ concurrunt, Dominus, Verbum, & Spiritus: Dominus, Patrem exprimit: in Verbo filium accepimus: Spiritus is est, quem sanctum vocamus. Et rursus Propheta, vt trinitatem personarum in diuinitate cognoscas, te Deum prouocat in benedictione: Benedicat nos (inquit) Deus, Deus nostra benedicat nos Deus: & metuant eum vniuersi fines terræ. Trina Dei confessio, trinitatem exprimit personarum: & cum subditur, Metuant eum vniuersi fines terræ: unitas aperitur diuinitatis. In Psalmo quoque XLIV. multum expresse trinitatem innuit, cum dicit Filio: Sedes tua Deus in seculum seculi: & postea subdit, Propterea vnixiste Deus Deus tuus, id est, Pater & Spiritus sanctus: & cum sequitur, Præ participibus tuis; mysterium quoque incarnationis aperit: de quo suo loco prosequemur. Et Isaias in visione sua clamantes introducit Seraphim; Sanctus, Sanctus, Sanctus Dominus Deus Sabaoth: Ter sanctus ad tres personas refertur: & semel Dominus, & semel Deus dicitur: quia vnus est dominus, & vnus est Deus. Et rursus idem vates ex persona Christi loquitur, & dicit: Dominus meus misit me, & spiritus eius. Dominus meus, inquit; id est, pater meus: misit me, scilicet filium: & spiritus eius, qui est sanctus Spiritus. Quis hic non intelligat trinitatem? Non latuit Prophetas hoc mysterium. Possent & alia plura huiusmodi testimonia ex veteri testamento afferri, quæ Trinitatem plane ostendunt: planius tamen locutus est in Euangelio Dominus: qui cum in orbem mitteret discipulos: Euntes (inquit) docete omnes gentes, & baptizate eos in nomine Patris, & Filij, & Spiritus sancti.

Tres nominauit personas: In nomine, dixit; non, in nominibus: vt essentia unitatem in personarum trinitate monstraret. Et Iohannes Euangelista, qui de pectore Domini veritatem hausit, in Epistola sua



sua inquit: Tres sunt, qui testimonium dant in cælo, Pater, Verbum, & Spiritus sanctus; & hi tres vnum sunt. Et Apostolus Paulus: Misit (inquit) spiritum filij sui in corda nostra. Et alibi: Spiritus eius, qui suscitauit Iesum, habitat in nobis. Et iterum: Ex ipso, inquit, & per ipsum, & in ipso sunt omnia: ipsi gloria, Ex ipso, dicit, propter Patrem: per ipsum, propter Filium: in ipso, propter Spiritum sanctum. Non dicit, ex ipsis, aut per ipsos, siue in ipsis: nec ipsis, sed ipsi gloria; vt trinitatem simul & vnitatem cognosceremus. Atque his testimonijs & auctoritatibus illuminata est de super Christiana religio. Summa enim fiducia confitetur & prædicat, vnum Deum esse: qui est causa causarum; principium & finis omnium rerum: & omnis auctor creaturæ, & summum bonum; & nihilo minus tres personas in Deo recognoscit, & trinitatem in vnitatem veneratur: cui qui aduersatur, salutis expertem se reddet; & ambulat in tenebris: & veritas non est in eo. Tu vero si sapias, de tenebris emerges: & candida luce perfusus, sacratissimam trinitatem & cognoscendo coles, & colendo cognosces: nec aduersaberis sacrosancto Euangelio, in quo legitur, Verbum caro factum est. Negat tuus Legifer incarnationem verbi. Nam cur (inquit) factus est Deus homo, & in ligno crucis passus; qui alio modo genus humanum redimere poterat? Negat tua lex Christi necem, & alium suo loco interfectum existimat: nec Deum incarnatum cognoscit, neque crucifixum, aut mortuum. Nos vtrumque prædicamus: quia factus est Deus homo, & passus est: & propter salutem hominis hæc facta esse testamur. Air enim de se ipso Dominus: Venit filius hominis saluare quod perierat. Constabat primi parentis errato, omnes homines culpa teneri: clausa erat paradisi porta: nec mortalibus patebat in cælum aditus. Decebat summam Dei bonitatem, hominem, qui ceciderat, reparare; nec miserum esse perpetuo finire, qui ad beatitudinem perfruendam creatus fuerat. Sed obstabat iustitia Dei, quæ pro peccato satisfactionem exigebat. Dignus erat infinita pœna, qui maiestatem offenderat infinitam: nec homo tanti erat, vt infinitam posset redimere culpam. Stabat hinc diuina iustitia, vltionem petens: illinc diuina bonitas, miserandum esse contendens. Audienda fuit vtraque vox: quia vniuersæ viæ Domini misericordia & veritas. Quare etsi poterat Deus aliter humanæ imbecillitati consulere (est enim omnipotens) hic tamen conuenientissimus fuit modus, quem elegit; vt assumpta humana natura, ipse pœnas solueret. Factus est Deus homo, vt homo fieret Deus: veritas de terra orta est, & iustitia de cælo prospexit. Coniuncta est humanitas diuinitati, vt acciperet de plenitudine bonitatis, quod suæ defectum suppleret infirmitatis. Fuit hic modus saluandi humani generis diuinæ bonitati conueniens. Satisfactum est iustitiæ simul & misericordiæ: satisfactum est amori & odio. Placuit hoc diuinæ potentie, quæ omnem defectum nostrum sua virtute supe-

supe-

superat, placuit & sapientiæ, quæ nihil frustra, nihil non decenter ac conuenientissime facit. Et licet necessitate absoluta, quæ necessarium dicimus, sine quo aliud esse non potest, incarnatio verbi necessaria non fuit: eo tamen modo, quo necessarium accipitur id, quo conuenientius & congruentius peruenitur ad finem, dicere non pudet, ad reparationem hominis incarnationem filij Dei necessariam fuisse. Ego sum Deus, ego sum Dominus: & non est alius absque me saluator: ex persona Christi inquit Isaias: quia non poterat homo saluare seipsum, cui necessarium fuit, vt homo fieret Deus; & Deus homo saluaret hominem. Propter quod pulcerrime, & ad propositum aptissime scribit ex nostris professoribus vnus in hunc modum de mysterio diuinæ incarnationis: Suscipitur à maiestate humilitas, à virtute infirmitas, ab æternitate mortalitas, & ad deponendum conditionis naturæ debitum, natura inuiolabilis est vnita passibili: Deusque verus & homo verus in vnitatem reperitur: vt quod nostris remedijs congruebat, vnus atque idem hominum Dei que mediator, & mori ex vno, & resurgere posset ex altero. Nisi enim esset verus Deus, non afferret remedium: nisi esset verus homo, non præberet exemplum. Intelligis, quam conuenienter filius Dei carnem assumeret vt Deus; & mortem obierit vt homo. Sed quæris testimonia antiquæ legis? non negabimus: præsto sunt. Ecce (inquit Isaias) virgo concipiet & pariet filium: & vocabitur nomen eius Emanuel: quod interpretatur, nobiscum Deus. Quomodo nobiscum Deus est? nisi quia verbum caro factum est, & habitauit in nobis. Et iterum eiusdem Prophetæ verba sunt: Puer natus est nobis, & filius datus est nobis: cuius imperium super humerum eius: & vocabitur nomen eius admirabilis, consiliarius, Deus fortis, pater futuri seculi, princeps pacis. An non hic mysterium incarnationis plane ostenditur? & quæ tunc futura erant, tanquam præterita manifestantur? Puer (inquit) natus est nobis: quia natus est in humana paruitate: & datus est filius, quemadmodum Ioannes ait: quia sic Deus dilexit mundum, vt filium suum daret vnigenitum. Datus est Christus ex diuinitate: natus ex humanitate: natus ex virgine. Cuius imperium super humerum eius: quod est imperium Christi, nisi lignum crucis? in quo pependit; mundum vicit; aereas potestates debellauit: & subacto triumphatoque Diabolo, regnum suum potenter intrauit. Oportuit enim Christum pati, & sic intrare in gloriam suam: vt inquit ipse in Euangelio Lucæ. Imperium igitur super humerum eius fuit: quia crucem suam suis gestauit humeris: quamuis eo fatigato Simon Cyrenæus angariatus sit eam tollere. Dicitur admirabilis, propter signa & prodigia quæ fecit: lumen cæcis, auditum surdis, claudis ambulationem, debilibus fortitudinem, & mortuis vitam restituens. Consiliarius appellatur, propter Euangelicæ consilia, quæ adiecit antiquæ legi. Deus asseritur: ne putares purum hominem natum: nam Deus

M m

humana

humanae naturae coniunctus est; Fortis, quia spoliavit infernum; & portas aereas confregit, & vestes ferreos dissipauit. Pater futuri seculi; quia caelum aperuit electis, & regnum homini praeparauit aeternum post hanc vitam in caelesti Ierusalem. Princeps pacis; quia nato Christo clausum est apud Romanos templum Iouis, & mira pax exorta est: & Gloria in excelsis Deo, cantauerunt Angeli, & in terra pax, hominibus bonae voluntatis. Ostendit alio loco idem Isaias incarnationem Verbi, dicens: Dominus iudex noster, Dominus legislifer noster, Dominus rex noster: ipse veniet & saluabit nos. Quod perinde accipiendum est, ac si dicat, Carnem accipiet, ac mortem subibit. Et rursus: Vere tu es Deus absconditus, Deus Israel saluator. Absconditus, inquit; quia in carne latuit: Saluator Israel; quia sua morte nostram mortem redemit. Et ne putes, temporalem esse salutem; saluationis genus addidit: Israel saluatus est in Domino: id est, in virtute Domini. Et subdit, salute aeterna: quam consecuti sunt omnes, qui ex Israel Christo crediderunt. Apertissimum testimonium est Isaiæ: sed audi Ieremiam: cuius sunt hæc verba: Ecce dies venient, dixit Dominus; & suscitabo germen iustum ex semine Dauid: & regnabit rex, & sapiens erit, & faciet iudicium: & in diebus illis saluabitur Iuda, & Israel habitabit confidenter: & hoc est nomen, quod vocabunt eum, Deus iustus. Considera verba, & attende mysteria. Suscitabo (inquit) germen iustum, id est, Christum sanctum & iustum ex semine Dauid secundum carnem: quia ex prosapia regia & de sanguine Dauid, Maria mater Domini nata est. Ex regnabit rex: quomodo regnabit? Sane quemadmodum ipse apud Matthæum in Euangelio dicit: Data est mihi omnis potestas in caelo & in terra: quod est regem esse. Et sapiens erit: sapientia reata scilicet quæ hominis est, & increata quæ Dei est, & quæ ante secula. Et faciet iudicium, discretionis scilicet & discussionis: nunc quidem discretionis, dum eligit ex mortalibus quos vult, & alios suo arbitrio dimittit: & in fine seculi discussionis, quando reddet unicuique secundum opera sua. In diebus illis saluabitur Iuda, id est, quicumque crediderint & baptizati fuerint, salui erunt.

Et habitabit Israel confidenter; in statu Ecclesiae triumphantis. Et hoc est nomen, quod vocabunt eum, Deus iustus: vt scias, quia Christus ex semine Dauid natus est, non solum homo, sed etiam Deus est: nec alteri quam Christo hæc verba conuenire possunt. Accedat & alius Propheta, Baruch nomine: quid ille ait? Hic est (inquit) Deus noster: & non æstimabitur alius aduersus eum: hic adinuenit omnem viam disciplinæ, & tradidit illam Iacob puero suo, & Israel dilecto suo. Post hæc in terris visus est, & cum hominibus conuersatus est. Docent hæc omnia incarnationem Verbi: & hominem factum Dei filium manifestant. Nunc de morte audi: & eos contemnit, qui Christum volunt esse translatum, & nondum mortuum: sed incredibili de-

men-

mentia circa diem supremum iudicij cum omnibus angelis interficiendum putant. O nefandam audaciam, & stultitiam alias inauditam! dimittimus angelos, quorum substantia incorporea est & immortalis: Christum interfectum negant, & aiunt interficiendum. At David ex persona Christi: Quæ (inquit) non rapui, tunc exolvebam: quia non peccavit, & pœnas dedit; pro alieno delicto mortem subiit. Quod manifestius Isaias ostendit, dicens: Vere languores nostros ipse tulit; & dolores nostros ipse portavit: ipse vulneratus est propter iniquitates nostras: attritus est propter scelera nostra: discipulina pacis nostræ super eum; & liuore eius sanati sumus. Omnes enim nos quasi oves errauimus: & vnusquisq; in via sua declinauit: & Deus posuit super eum iniquitatem, id est, pœnam pro iniquitatibus expiandis omnium nostrarum. Et subditur: Oblatus est, quia ipse voluit; & nõ aperuit os suum. Ea paulo post: Tradidit in mortem animam suam, & cum sceleratis deputatus est: ipse multorum peccata tulit, & pro transgressoribus rogauit. Si vidisset Propheta passionem Christi: vix potuisset apertius loqui. Nec Ieremias tacuit tormenta Domini: qui eum ex ligno crucis ita loquentem inducit: O vos omnes, qui transitis viam, attendite, & videte, si est dolor similis sicut dolor meus. Et ipse Saluator de se ait: Ecce ascendimus Ierosolyman: & filius hominis tradetur principibus sacerdotum & scribis: & condemnabunt eum morte, & tradent eum gentibus ad illudendum, & flagellandum, & crucifigendum: & tertia die resurget. Et iterum a Iohanne: Sicut Moyses exaltauit serpentem in deserto: ita exaltari oportet filium hominis: vt omnis, qui credit in eum, non pereat; sed habeat vitam æternam. Et ne de morte dubites, scribit Euangelista: Cum accepisset Iesum acetum, dixit: Consummatum est: & inclinato capite, emisit spiritum. Prophete Christum moriturum, & à mortuis resurrecturum prædixerunt. Euangelistæ & obijisse in cruce, & sepultum resurrexisse tertia die affirmant. Certares est: nihil ambiguitatis habet: veritati omnia consonant. Resurrexit Dominus: ascendit ad cælum: & venturus est iterum, vt faciat iudicium in fine seculi. Tua lex hæc non recipit: quia non sapit de Christo, quæ sapere oportet. Cuius alterum aduentum non solum Euangelium, sed antiqui etiam vates ostendunt: sicut paulo ante de Ieremia diximus. Contestis eius est Daniel, dicens: Ecce in nubibus cæli quasi filius hominis veniebat: & vsq; ad antiquum dierum peruenit. Et sequitur: Et dedit ei potestatem, & honorem, & regnum: & omnes populi, tribus, & linguæ seruiunt ei. Quib. in verbis viri doctiores iudicium Christi facile inveniunt in fine mundi. Et ipse Christus de seipso loquitur: Dico vobis, q̃ vos, qui secuti estis me, in regeneratione, cum sederit filius hominis in sede maiestatis suæ, sedebitis & vos iudicantes 12. trib. Israel. Et in Actis Apost. legim⁹: Constitutū esse Christum à Deo patre viuorū & mortuorum iudicem. Hæc nos de Deo sentimus: hæc & firmiter credimus: hæc salubriter prædicamus: æternā vitam

promittentes omnibus, qui Christo credunt: & in Trinitatis nomine baptizati, opera faciunt Euangelio digna. Quæris, quæ sit ista vita æterna: quid agat illie homo; qua voluptate lætetur: & quam beatitudinem assequatur? Respondemus cum Euangelio Ioannis: Hæc est vita æterna, vt cognoscant te verum Deum, & quem misisti Iesum Christum. Summa tibi felicitas erit, videre Deum in sua natura, & eius perfrui bonitate. Gaudio nostræ mentis hinc satiabimur, hinc implebimur: hinc summa felicitas erit, hære Deo, & Deum cognoscere. Videmus enim nunc speculum (vt ait Apostolus) tunc à facie ad faciem, & in iubilo, teste Iobo, In facie Domini videbimus lumen & satiabimur, cum apparuerit gloria eius: & erimus sibi similes, vt ait Ioannes. Nec oculus vidit, inquit Isaias, nec auris audiuit, nec in cor hominis ascendit, quæ promisit Dominus diligentibus se. Et Apostolus; Non esse condignas passionibus huius seculi dicit ad futuram gloriam, quæ reuelabitur in nobis. Tua lex in alia vita flumina lactis & mellis & vini promittit, & cibaria delicata, vxores multas, & concubinas, & virginum coitus, & angelorum in turpibus obsequijs, ministeria, & quicquid caro deposcit. Bouis hæc paradysus, & asini potius, quam hominis est. Nam quis mortalis est, hominis habens faciem, qui per omnem vitam suam corpori seruiat? quis non aliquando in mentis secessum abit? quis non pascit intellectum aliquando, & à sensibus recedit speculando? An non est honoris & gloriæ voluptas multo iucundior & diuturnior, quam eibus ipse vel potus? Bibit sapiens atq; edit, vt viuat: tua lex ideo vitam homini appetendam exhibet, vt edat & bibat. Sicut in hoc seculo carneus fuit Legisfer tuus: ita & in futuro carni studendum putauit: neq; curauit satiare mentem, cui omne studium fuit implere ventrem: atq; in ea re summum bonum esse putauit; quod neq; gentiles Philosophi, præter paucos, admisissent: inter quos summa fuit de summo bono dissensio. Alij in doloris priuatione felicitatem posuerunt, vt Didonius: alij in honestate voluptati coniuncta, vt Calipho & Sinomachus: alij in scientia, vt Herilus: alij in sola virtute atq; honestate, vt Zeno & Stoici: alij in bonis animi, & corporis, & fortunæ, vt Aristoteles & Peripatetici: soli Aristippus & Epicurus, & eorum schola, summum bonum in voluptate locauerunt: atq; his tua lex conformis est, qui sex omnium philosophorum & foetidum cœnum fuere. Nec tamen illi in eo errore fuerunt, vt hanc felicitatem in altero seculo expectarent, quib; futura vitæ spes nulla fuit, mortalem animam existimantibus. Nostri Philosophi summum bonum nec in terra, nec in sensu, sed in cælo & in Deo quærendum censent: & eo satiandam mentem existimant. Et natura instituit nos, vt cælum aspicientes, cò votis omnibus aspiremus: sicut est illud Poeticum;

*Os homini sublime dedit: cælumq; tueri  
Instit, & erectos ad sidera tollere vultus.*

*Quia*

Quis nescit finem his præstare, quæ sunt ad finem? Omnia hæc corporea oblectamenta eo reperta sunt: ut spes hominis conservari, & in suum finem, qui est Deus, per hæc adduci posset. Quis aut ederet, aut biberet, aut procreandis liberis operam daret, nisi esset in his aliqua delectatio? At hæc non est finis hominis, qui ad Deum factus est: & nisi ad Deum veniat, nunquam quiescit nec per carnales delectationes ad Deum ipsum pervenitur: sed quanto his magis immerfus est homo, tanto est ab ipso DEO remotior: qui aliquando eo beator existit, quo angelicæ divinæque naturæ magis ac magis adhæret: nec curat carnalia desideria, qui bonis fruitur spiritualibus.

Sicut ignis & aqua simul esse non possunt: sic delicie spirituales carnalibus non cohzrent: trahunt illæ ad se humanam naturam, & totam in se rapiunt, neque sentire sinunt, quæ caro appetit. Gustato spiritu, desipit omnis caro, ut inquit vnus ex nostris. Tua lex in Paradiso voluptates admittit, quas nec Solon nec Lycurgus permisit in terra. Quot sceditates de cibo & potu & alijs voluptatibus oriuntur: quas in Paradiso nefas fuerit nominare? Aut enim gignerentur sine fine homines, & implerent omnia nunquam morituri: aut frustra esset permixtio maris & feminae sine fructu, quæ etiam in hoc mundo damnatur. Dicis, quid ergo feminis opus est, si non est coitus? Dicimus & nos, Quid opus est coitu, si non est generatio? propter voluptatem, dicēs. At hæc fæda voluptas est, & indigna, quæ Paradisum non ingreditur. Nam quomodo illic permixta erit hæc turpitudine, quæ hic tanquam obscæna prohibetur? & tantum propter sobolem, aut evitandi maioris mali causa permittitur? Hippocrates divinæ vir scientiæ, venereum coitum partem esse quandam morbi teterrimi existimabat, quem nostri comitalem dicebant.

Quis igitur habens aliquid humani pudoris (ut verbis cuiusdam gentilis utamur) voluptatibus istis duabus coeundi atque comedendi, quæ homini cum sue atque cum asino communes sunt, gratuletur? Non sunt hæc, quæ pia mens in cælo requirat. Dicis iterum: Igitur non erit plena felicitas in Paradiso, si aliquod defuerit oblectamenti genus? Ergo ut existimas, cum varijs rebus oblectentur homines, saltatione, venatione, piscatione, ludo, lucro, cantu, cibo, potu, venere, & alijs quampluribus, eadem omnia in Paradiso tuo requires: & cum Virgilio dicēs:

*Qua gratia curram  
Armorumque fuit, vivis qua cura, nitentes  
Pasce equos, eadem sequitur tellure repostos.*

Vana hæc Philosophia est: quam nulla ynquam civitas bene instruit

*Mm 3      recepit.*

recepit. Nos (vt diximus) mentis gaudia & spirituales delicias quærimus. Beatitudo nostra, quam expectamus in altera vita, est ipsa Dei visio: qua nihil optabilius inveniri potest. Videbit enim beatus animus & quæ sunt in cælo, & quæ sub cælo. Quid erit, quod eius aspectû fugiat, qui videbit videntem omnia? Quæ nunc videntur obscura de Deo, de Trinitate, de incarnatione Verbi, de processione sancti Spiritus, de sacramentis ecclesiæ, de cæteris arcanis; tunc aperta erunt & manifesta: nullum decris oblectamentum: nihil requireret vltra plenus animus. Nam quid pleno opus est? nihil illi deest, qui nihil cupit. Desideria nostra implebit optimus ac maximus Deus: in quo omnia bona insunt: nec vllum cupiditatibus nostris relinquet locum. Erit Deus omnia in omnibus: qui sine fine videbitur, sine fine amabitur, sine defatigatione laudabitur.

Quæ lingua dicere, vel quis intellectus capere sufficit, illius supernæ civitatis quanta sint gaudia? Angelorum choris interesse; cum beatissimis spiritibus gloriæ conditoris assistere, præsentem Dei vultum cernere: incircumscriptum lumen videre: nullo mortis metu affici, incorruptionis perpetuo munere lætari. Neque illic beatitudo humani corporis in epulis erit, aut in vino, aut in coitu. Ex redundantia beatitudinis animæ glorificabitur corpus ipsum, & similitudinem eius induet. Fulgebit tanquam Sol in conspectu Dei: tenebritati eius nulla resistet materia: levitas & agilitas infinita spacia in ictu oculi permeabit: nihil erit, quo amplius lædi possit: inviolabile erit & impassibile, more animæ: & ita totus homo exultabit, & dicet cum Propheta: Cor meum & caro mea exultaverunt in Deum vivum. Nec frustra erit differentia sexuum, aut artus reliqui superfluent. Resurgent viri & fæminæ integris membris: & non solum in specie, sed in ipso individuo humanæ naturæ perfectio redintegrabitur: nec tamen animales operationes aderunt: nec commixtio maris & fæminæ: quia cessabit causa, propter quam fuerat introducta.

Erit enim completa multitudo hominum à Deo præfinita: nec vllus erit carnalis appetitus: nec pulsabit tentatio inimici: non patebit insidiæ locus: cum perventum fuerit ad triumphum, pax ibi inconcussa, & quies, & summa concordia vigebit. Vides inter tuam & nostram beatitudinem quantum interest. Nostra felicitas nobiliori hominis parti, id est, animæ respondet; tua viliori, id est, corpori: nostra mentalis est, tua carnalis: nostra fulgens & nitida, tua obscura & fætida: nostra cum angelis & ipso Deo communis est, tua cum suis & alijs pecoribus: nostram docti omnes Philosophi laudant, tuam vituperant; nostra cælo digna est, tua etiam in terra reprehenditur.

Sed

Sed dices, In sacris etiam codicibus convivium reperiri, quæ futura videntur in cælesti Ierusalem, ciboque plena. Inquit enim Isaias : Faciet Dominus exercituum omnibus populis in monte hoc convivium pinguium. Et in Sapiencia legimus : Miscuit vinum, & posuit mensam. Et iterum : Venite & comedite panem meum, & bibite vinum quod miscui vobis.

Et in Ecclesiastico : Cibavit illum Deus pane vitæ & intellectus : & aqua sapientiæ potavit illum. Et Dominus apud Lucam : Ego (inquit) dispono vobis, sicut disposuit mihi pater meus, ut edatis & bibatis super mensam meam in regno meo. Omnia hæc & his similia spiritualia habent intelligentiam : quia de mensa ista sapientiæ, non corporalis vel cibi vel potus assumitur, sed mentalis, qui suavissimus est ac mundissimus : & hic est, quem nos expectamus in futuro seculo. Tanto est igitur nostra dignior, quam tua, felicitas : quanto nobilior & divinæ beatitudinî propinquior. Sed attingamus nonnullas alias tuæ legis ineptias : quæ tum sacris literis adversantur, tum Philosophicas rationes excludunt. Dixit Legisfertus, quod tetigit eum Deus manu sua inter humeros, & usque ad medullam dorsi eius penetravit frigus. Quod perinde est, ac si corporeum esse Deum affirmet : quia tactus non est, nisi per corpus. Nos incorporeum dicimus Deum. Ait enim Ieremias ex ore Dei : Cælum & terram ego implebo : quod non posset fieri, si corporeus esset. Et propterea dicit in Psalmis David : Spiritus Domini replevit orbem terrarum. Spiritus (inquit) Domini, non corpus Domini. Et Ioannes in Evangelio, Spiritus est Deus. Philosophi Deum purum actum esse dicunt, principium omnium rerum, naturæ omnino simplicis & æternæ. Quod si corporeus esset compositus ex elementis aut alia materia : & posterior suis partibus, neque simplex, neque purus, neque origo omnium rerum : creaturas haberet seipso excellentiores, angelos scilicet (nobiliora sunt enim spiritualia, quam corporea) quod est opinari absurdum, ne dicamus asserere. Nec simul stare potest, ut causa causarum sit Deus (sicut Philosophi volunt & recte volunt) & compositus inveniatur. Esset enim ab alio compositus : & illum nos potius diceremus Deum, qui composuisset. Non est igitur corporeus : quia compositus non est.

Nec movemur, quia in sacris literis & caput, & manus, & pedes, & oculi, & digiti, & cor, & vterus, & huiusmodi attribuantur Deo. Utitur enim Spiritus sanctus, qui loquitur in scripturis, vocabulis quæ sunt in usu, per similitudinem quandam. Sicut dicit Ezechiel ex persona Dei : Ego visionem multiplicavi eis : & in manibus Prophetarum assimilatus sum eis. Est enim naturale homini per sensibilia ad intelligibilia pervenire : & omnis nostra cognitio à sensu capit exordium.

Atque



Atque idcirco spiritualia nobis in sacris Codicibus sub metaphora corporalium exhibentur: atque ita fit, ut etiam rudes aliquid capiant, qui alioquin essent divinæ sapientiæ minus idonei auditores. Dixit præterea tuus Mahometes, omnium peccatorum causam esse Deum: & exclamans, his utitur verbis: O Deus, quibus vis bonam, quibus vis malam viam præbes. Nos mortale peccatum, aversionem quandam esse dicimus ab ultimo fine: nec possibile censemus, Deum, qui ultimus finis est, voluntatem cuiuspiam à se avertere: esset enim sibi ipsi contrarius. Et si Deus omnia diligit, quæcunque facit (ut est illud Sapientiæ: Diligis omnia quæ sunt, & nihil odisti eorum quæ fecisti) quomodo consentaneum est, ut peccati causa sit ipse Deus? Sic enim ait in Psalmis David: Odisti omnes, qui operantur iniquitatem. Et in Ecclesiastico legimus: Omne excrementum erroris odit Deus. Contraria sunt amor & odium. Audi ulterius intolerabilem legis tuæ errorem: Si nobis (inquit) incumbunt: incubuerunt & cæteris: sunt enim isti dies casus atque fortunæ. Negat divinam providentiam curare mortalia. Nos de divina sapientia dicimus, quod attingit à fine usque ad finem fortiter, & disponit omnia suaviter: nec summæ Dei bonitati convenit ea negligere, quæ creavit. Propter quod inquit apud Mattheum Dominus: Omnes capilli capitis vestri numerati sunt. Addit Mahumetes, angelos creatos ex flamma ignis, & peccare, & mortuos esse.

Nos cum Propheta dicimus, quod Deus fecit angelos suos spiritus, & creavit eos ex nihilo. Et Philosophos nobiscum sentientes habemus: qui omnes angelos, quos vocant intelligentias, incorporeos esse dixerunt: nec peccatum in angelis reperiri posse censemus, qui Deum in essentia videntem omnia vident: & omnia intelligunt ad suam perfectionem necessaria: nec est in eis ignorantia, peccati mater: nec subiectam corruptioni naturam angelicam arbitramur, in qua non est materia, quæ separari possit à forma: sed ipsa forma per se subsistit incorruptibilis & immortalis. Origenis præclari & excellentis ingenij viri, sicut multa extant præclarissima opera, ita & nonnulli errores perniciosissimi reperiuntur: inter quos vnus ille est, quia dæmones per Dei misericordiam liberandos esse aliquando à pœnis auerit.

Hunc secutus est Mahumetes, qui salvandos per Alcoranum malos angelos affirmat. Nos cum Isaia de omnibus damnatis, sive hominibus sive angelis, vnā sententiam habemus: quod vermis eorum non morietur, & ignis eorum non extinguetur. Et Salvator in Evangelio damnatis in ultimo iudicio ignem æternum repromittit, Diabolo & Angelis eius præparatum. Quid? quod tuus legifer animam humanam portionem esse asserit animæ Dei? Sic nonnulli Philosophi palam tradiderunt, & Mani-

chæi

ethi secuti sunt. Non humanam animam ad imaginem & similitudinem DEI factam dicimus, sicut scriptum est in Genesi: Faciamus hominem ad imaginem & similitudinem nostram: quod de anima dictum est, non de corpore. Quod si anima hominis portio esset DEI, esset ytique DEVS: nec esset homo non Deus, quod stultissimum est: cum manifestum sit labi hominis animam à bonitate in malitiam, à veritate in errorem, à gaudio in tristitiam, à spe in desperationem: quod est à DEI substantia penitus alienum.

Nec illud verum est, quod in vestra lege traditur, animas hominum ex materia productas esse omnes. Afferunt enim Philosophi, ab extrinseco esse homini intellectū, & quod innatus sit spiritus vitæ iussu Dei. Et Theologi rationales animas omnes ex nihilo creatas dicunt. Et Adam cum facta vidisset feminam. Hoc os (inquit) ex ossibus meis, & caro de carne mea: non dixit, anima de anima. Et Propheta in Psalmis canit: Qui finxit singulatim corda eorum. Ponitur enim eor pro anima: quia sedes eius in eo est. Et Deus sibi animarum productionem reservavit propter earum dignitatem: qui per Isaiam ait: Omnem statum ego feci. Quod intelligitur de statu spirituali, qualis est rationalis anima. Præterimus, quod cælū ex fumo factū dicitis: quod si verum esset, corruptioni subiaceret: præterea quod Solem & Lunam æqualis ab initio virtutis & hominis tuus Propheta testatur: nos dicimus, cælum ex nihilo creatum, & duo luminaria magna fecisse Deum ab initio: luminare maius, ut præesset diei, & luminare minus, ut præesset nocti.

Ad illud transimus, quod in vestra lege dulcissimum & saluberrimum esse putatis, vxores multas ducere. Quod si DEO placuisset: creato homini ab initio non vnā tantum sociam præbuisset, sed plurimas: nec dixit DEVS, Relinquet homo patrem & matrem, & adhærebit vxoribus suis; sed, vxori suæ, dixit. Nec animicitia inter virum & vxorem vera esse potest, vbi non est æqualitas, cum vir pluribus misceatur; mulier vero vni tantum adhæreat, cuius est in alias plures distractus amor. Nec propterea numerus hominum augetur, quia plures vni nubant feminæ: nam totidem viri privati coniugio sine prole decedunt, & præsertim cum mulieres numero pauciores existant. Iniqua insuper res videtur, & naturali aduersa libertati, vnius vrbs civium alios multiplici matrimonio vti, alios in solitudine degere. Nec propterea ea laudanda consuetudo, quod in veteri lege plerosque sanctos viros pluribus vxoribus fuisse coniunctos legimus: quia non id ex lege aut ex voluptate fecerunt: sed divina quadam dispensatione, & ad sobolem procreandam, quæ cresceret in cultu Dei. Tacemus de divortio, quod permittitur apud vos contra legem Evangelicam; & de adulterio & fornicatione, & alijs sceleribus: quæ

Nn licet

licet antiqua lex detestatur, & nova prorsus abominetur, apud vos tamen concessa videntur. Non est, quod omnia tuæ legis errata percurramus: quando neque nobis scribendi, neque tibi legendi satis est onij: & tu ipse pro tuo ingenio multa intelligis adeo stulta esse, ut nulla possent ratione defendi. Tota de Deo questio est: huc omnia referuntur: totum in hoc consistit, ut CHRISTVM IESVM Deum esse credamus: quo concessio, necesse est eius legi obedire, & eius verbis credere, qui verax est, & mentiri non potest. In eius lege Trinitatem, de qua supra diximus, in unitate divinitatis comperimus, & incarnationem verbi, & processionem Spiritus sancti, & reliqua omnia, quæ retulimus usque ad extremum iudicium. Quod autem Christus Deus sit, iam supra ostensum est ex veteri lege atque prophetis: licet etiam ex tua lege demonstrare, quæ Prophetam & sanctum virum fuisse Christum asserit. Si Propheta & sanctus, ergo verax: si verax, & Deus. Nam Deum se ipse testatus est dicens: Ego & pater vnum sumus: Et qui videt me videt & patrem: Et, si creditis in Deum, & in me credite: & alia multa huiusmodi, per quæ divinitas Christi colligitur, & æqua cum Patre & Spiritu sancto maiestas.

Bene est igitur, ut legem nostram amplectaris, quæ verax est & salutaris à Deo data: & tuam relinquant, in qua non est veritas neque salus: homo illam tulit, peccatis & ignorantia plenus. Intellexisti, quanta adducimus ex veteri lege testimonia, quibus Deus ostenditur & homo Christus Iesus, & pro nostra salute supplicio crucis affectus. Audivisti sacras sancti Evangelij attestationses, & ipsius Christi voces, quem tua lex sanctum habet. Quis igitur obstat baptismo? quis prohibet aquam? quid moraris? Ingredere iam tandem salutis iter cum præcellentibus viris & magnis Imperatoribus: ad æternam salutem sub Christo pervenies. Diximus de Constantino Seniore, & Philippo: qui Rempub. tenentes, in Christum credidere. Post Constantinum creati Cæsares idem iter secuti sunt, & in fide nostra obierunt: excepto Iuliano Apostata, qui ex monacho Cæsar factus, transivir ad idola, quæ vitam laxiorem promittebant. Sed ille in bello Parthico pœnas dedit, & sagitta confossus in incertum missa, coactus est cadens dicere: Vicisti Galilæe. sic enim per contumeliam vocabat Christum. Fuerunt & aliqui schismatici & hæretici: qui etsi Christiani censebantur nomine: non tamen recta inceserunt via. Imperatores Christiani nullo errore polluti inventi sunt Iovinianus, Gratianus, Iustinianus, a Iustinus, duo Theodosij, Arcadius, Honorius, Carolus Magnus, Ludovicus, & plures Franci & Teutonici, tres Othones, Henrici aliquot, & nō pauci sub alijs nominibus. Præterimus alios Reges famæ claros, qui vel in Gallia, vel in Hispania, vel in Anglia, vel in alijs provincijs, Christianis sacris initiati fuerunt: & Domino mortui, ad vitam creduntur migravisse beatam. Cum  
his

his non est cur te pudeat Christi iugum subire, & sub eo regnare, per quem reges regnant, & legum conditores iusta decernunt. Multos inuenies reges, qui te colentem Christum honorabunt. Etsi enim aliquando horrebant reges Christi nomen: & propter idola Christianos persequebantur: postea tamen propter Christum idola deleverunt. Honesti hæc societas est, cum qua te vocamus in viam salutis, veritatis & pacis: illa nihil dignitatis habet, cum qua te tua lex in deum rapit. Nam præter Othonianorum familiam, de qua natus es, & illustres progenitores tuos, quis est qui magnopere laudare inter Saracenos queat? Colebatur Saladinus quidam, & aliqui pauci nomen habent, qui res memoria dignas gessere. At Christianorum excellentissima nomina omnes historias impleverunt. Noti sunt in Syria, & in Ægypto, & in Asia, Godefridus, Balduinus, Bohamundus, Tancredus, Conradus, Philippus, & alij admodum multi, qui ab extremis Galliarum & Germaniæ finibus, cum ingentibus copijs Hierosolymam petiere: iterque sibi per medios hostes ferro parauere. Hos tibi comites damus: cum his te Christo iungere cupimus: honestiores hi socij sunt, quam Ægypti effeminati, aut imbelles Arabes. Tua origo, sicut accepimus, Scythica est: inter Scythas multos fuisse viros in armis claros memoriz traditur: qui vestigalem Asiam pluribus seculis tenuerunt, & Ægyptios vltra paludes eiecerunt. Non sunt comparandi aut Ægyptij aut Arabes Scythico generi: non est forti & igna vox hæc societas. Mirandum est, tantum potuisse suis festinationibus Arabes, vt audaces & præstites Scythas in suam societatem adduxerint. Quid dicimus societatem? non est hæc societas: seruitus est, quando eorum legi subiectus es: quæ vti nam lex esset, & non deceptio ac præstigiæ. Conformior tibi eum Christianis societas erit. Fortibus viris faciliè admittuntur fortes: virtus virtuti placet. Pulcra & stabilia sunt inter æquales consortia: si eadem religio est, idemque cultus Dei. Age igitur, accipe Christianos socios: accipe fidem & baptismum; qui te hic in terris faciet magnum, quoad vixeris, & post obitum in cælo beatum reddet. Audisti promissa Evangelica: & quomodo cuncta, quæ diximus, veteris legis auctoritate probantur. Sed times, ne te decipiamus: recordaris tui Legislatoris: qui asserit, legem & Prophetas à Iudæis, Evangelium à Christianis esse corruptum: tantumque de veritate vel novi testamenti vel veteris remansisse, quantum Alcorano continetur. Exploratum id forsitan arbitraris: verum esse, atque idcirco testimonijs nostris non adhibes fidem: nec baptizari audes, aut in Christum credere. Vtinam tam bonus fuisset tuus Legifer, quam callidus; tam verax, quam versutus, tam iustus, quam iniquus: tota est artificiosa & fraudulenta lex eius. Nam qui diuinum sibi abesse auxilium non ignorabat, ad humanas confugit astutias: cupiebat legem edere, quæ sibi nomen daret: famamque etiam per flagitia exoptabat, vt Herostratus ille, qui Dianæ Ephesiæ templum incendit.

Et animadvertens, antiquam & novam legem, quamvis honesta esset, duram tamen vulgo videri, & servatu difficilem: suam ipse edidit, quæ voluptatem humano generi amicam permetteret. Sic enim facile fieri posse existimavit: ut innumerabiles populi in suas traditiones concederent. Nā gentiles quamvis laxiori lege tenerentur, quam Christiani; continentiam tamen, & modestiam, & frugalitatem commendabant: & Philosophis auscultabant virtutis amatoribus: neque sinebant suos cives corrumpi vitijs, aut voluptate marcescere. Crevit igitur secta Saracenorum, licentia virorum. Placuit uxores ducere, quot vellent: easdemque dimittere, cum displicere cœpissent: habere concubinas complures, & in omne libidinis genus posse provolvī: indulgere ventri, cuncta quæ vellet, & ori, præter vinum, & vniuersis immergi voluptatib<sup>9</sup>. Et si enim aliqua ieiunia in lege tuā præcipiuntur: id etiam ad irritandam voluptatem factum est. Nam Saraceni diem ieiunantes, nocte, quam longa est, epulantur & bibunt. Nec aliam ob causam vini usus interdictus est: nisi quia noceret in ardenti terra, qualis est Arabia: & maior est in frigidis voluptas poculis. Hoc vnum ergo in Mahumeto intentum fuit, ut legem propagaret suam: ea præcipiens, quæ grata essent auditoribus, & maxime plebibus, quæ iumentis similes existunt: nec sefellit eum opinio in hac parte. Placuit nova lex, & brevi tempore ita culta fuit: ut in multis populis, gentibus, & linguis reciperetur: cuius fundamenta in voluptate iacta fuerunt. Verum sicut agricola non imprudens, postquam vineam plantavit, fossam circumducit & sepem, ne destruat<sup>9</sup> à feris: ita & Mahumetes suam legem conservare ac munire statuit. Animadvertit homo sagax, duobus modis suum dogma convelli posse atque confundi, auctoritate scilicet & ratione: atque adversus hæc duo quæ poterant inveniri remedia, non neglexit. Auctoritati opposuit, quod paulo antere tulimus, antiquam scilicet & novam legem depravatam esse; nec quicquam veri restare, nisi quod Alcoranus haberet. Rationi arma obiecit, iubens ne quispiam de sua lege disputaret, neve rationem quæreret: in eum, qui contra niteretur, ferro vindicandum esse: atque huiusmodi vallo suam legem callidus veterator communivit. Sed non est hic adamantinus murus, neque ferreus, neque ex vivo lapide: fragili materia est, creta & luto munita domus: facile oppugnabitur: neque resistit telis nostris: facile ruunt ædificia in arena fundata. Aggrediamur hæc telis tuæ legis munimenta. Corruptionem in primis sacrarum literarum obijcitis. Hoc ei probandum fuerat, qui factum asserit: nobis satis erat negare factum. Libet tecum aliter agere: & apertam tuæ legis latoris calumniam ostendere.

Lex Iudaica, quam Moses & Propheta tradiderunt antequam Mahumetes nasceretur, pluribus seculis scripta fuit: & multis in locis propugnata, & in

& in alienas translata linguas: nec fuit vnus interpres, sed plurimi: rogante Ptolemæo Philadelpho, septuaginta Presbyteri legem interpretati sunt, & consona dixerunt. Aquila etiam, & Theodotion, & Symmachus, & alij vetus testamentum traduxerunt. Facta est antiqua lex, & Græca, & Latina multis ætatibus antequam tua promulgaretur. Impletæ sunt omnes bibliothecæ Mosaica & aliarum Prophetarum traditione, Alexandriæ, Romæ, Athenis, Carthaginæ, Syracusis, Tolerti, Lugduni, & in omnibus locis, quæ insignia essent: siue apud Græcos, siue apud Latinos, vetus testamentum ex Hebraica veritate traductum & habebatur, & publice legebatur. Quis ille Iudæus tam potens fuit, qui corrumpere legem vbique gentium potuit? Nondum natus erat Christus, cum LXX. Interpretum editio facta est: quo tempore nulla erat causa corrupendæ legis; cum nulla esset cum Christianis, nondum natis, de lege contentio: nec propter alios oportebat legi aliquid detrahere, qui legem non acceperant: nec propter se, qui talem acceperant, & laudabant; si quæ corruptio interuenit, in ea potuit interuenire, quæ apud Hebræos remansit; non in ea, quæ inter Latinos & Græcos diuulgata est, & per infinitas diffusa provincias: quanquam nec Iudaica corrupta est, quæ vsque in hunc diem cum Græca & Latina translatione concordat, difficilis ac pene impossibilis fuisset corruptio in tot manibus. Mahumeti leue fuit vnum Codicem corrumpere, & illum tanquam verum his tradere, qui sibi ab initio crediderunt.

Quod si multi sunt hodie apud vos Codices vnius continentiz: non tamen idcirco veritas in eis est: ab vno enim, qui falsus erat, emanantes, omnes falsitatem continent: quia non defluunt ex amaro fonte dulces riuuli. Querimus ex te, magne Princeps; si te iudice duo rationum codices afferantur; quorum alter ex altero transcriptus existat; & in eo, de quo facta est transcriptio, Sempronius mille debere talenta scriptus est; in exemplari, duo millia: cui potius fidem dabis? an non exemplo magis, quam exemplato? Hebræi parentes antiquæ legis existunt; & apud eos exempla legis habentur, apud alios exemplaria.

Rursus ex te querimus, quatuor inueniuntur rationum libri apud quatuor negotiatores, Scipionem, Caium, Titium, & Sempronium. In eo, quem Sempronius producit, creditor ipse Lucij in centum talentis scriptus inuenitur, in alijs debitor; cui credes? quid respondebis? an non tres libros vni præferes? Certe non dubitabis præferre. Si ita iudicas, soluta quæstio est. Quatuor libri habent vetus testamentum: vnus est Hebræorum; alter Gentilium, tertius Christianorum, vltimus Saracenorum, qui à cæteris discrepat: mendax enim est: nam reliqui conformes inueniuntur. Nam & Græci qui gentiles erant, ante Christi aduentum; & Latini ante Mahumetem, vetus testamentum non alio modo habuerunt, quàm nos hodie habemus. Hoc

N a . 3 . fortasse

fortasse inficiari possis: quia non reperiuntur hodie gentiles, qui bibliothecas habeant veteres. Sed interroga Iudæos: inuenies vera esse, quæ dicimus. Et adhuc extat Iosephus Hebræus; qui translationem antiquæ legis in manu Ptolemæi, quem nominauimus, emanarunt; quæ vsq; in hunc diem perseverant, & Hebræicæ veritati concordant. Stulta est igitur Mahumetis fictio, & turpis inuentio: nec quicquam habet verisimile: nec tam confusione, quam irrisione digna est. Quod diximus de veteri Testamento, idem licet de Nouo intueris: quod nec ab vno scriptum est; nec in vna lingua; nec in vno loco; nec in vno tempore: & tamen vna sententia est, & vnica concordia. Quod Græci habent; hoc Latini; hoc Hebræi; hoc Syri & Armenij; hoc omnes barbari Christum colentes: quamuis hæretici aliqui ad tuendos errores suos corrumpere nonnullos codices ausi fuerunt. Quid ages? quid dicēs? cui fidem adhibebis? an soli Saraceno? an Latino? an Græco? an Hebræico? Multo antiquior est Christiana lex, quam Saracenicæ: Misit Christus adhuc in terra existens, discipulos suos in orbem: vt prædicarent Euangelium omni creaturæ. Audita est in omni terra Euangelij tuba, sicut scriptum est: In omnem terram exiuit sonus eorum, & in fines orbis terræ verba eorum. Vulgata est recepta lex per totum Romanum Imperium, priusquam tuus Legifer prodiret in lucem: & idem Euangelium, quod nunc habemus, omnes gentes susceperunt: nec fuit maioribus nostris aut facultas corrumpendi rem adeo vulgatam; aut necessitas, cum non esset Mahumetes, cum quo de fide contenderent. Corruptio ei necessaria fuit, qui nouam legem edere voluit, veteri & nouæ contrariam. Nec dubium faciet iustus iudex, quin Christiano maior fides adhibenda sit de Christi lege, quam Saraceno: ipse enim conseruator est suæ legis, & manet in traditione patrum: Saracenus ab ea recessit: & inuentiones sequitur nouas, quas sui maiores ignorauerunt. Euangelia apud nos quatuor recepta sunt: quæ summa diligentia, vrgenti studio, & acri discussione sancti patres in generalibus concilijs non prius amplexi sunt; quam esse verissima, multis modis recognouerunt.

Non est igitur, quod tuus Legifer de corruptione sacrarum literarum possit obijcere. De ciuitate Domini, quæ est Ecclesia, inquit in Psalmis David: Fundauit eam Deus in æternum. Non esset fundata in æternum Ecclesia; si fundamentum eius, quod est Euangelium, violari aut corrumpi potuisset: nec verum fuisset, quod ait Propheta Baruch, loquens de lege Dei, Lex quæ est in æternum: nec illud stare, quod dicitur; In æternum permanet verbum tuum, & in seculum seculi veritas tua: nec Isaias vera fuisset de Christo locutus, dicens; Super solium David & super regnum eius sedebit, vt confirmet & corroboret illud in iudicio & iustitia vsque in sempiternum. Nos Gabrieli angelo credimus, qui de Christo Mariæ virgini sic ait: Dabit illi

illi Dominus Deus sedem Dauid patris eius, & regnabit in domo Iacob in æternum. Quomodo regnat Christus in domo Dauid; nisi per fidem? quomodo per fidem, nisi per Euangelium in æternum? Mendax lingua, fallacalumniæ. Ego vobiscum sum (inquit Dominus) vsque ad consummationem seculi. Et Osee Propheta: verba ad Ecclesiam conferuntur: Sponsa esto mihi in fide vsque in sempiternum. Et ad Petrum vicarium suum inquit Saluator: Tu es Petrus, & super hanc petram ædificabo Ecclesiam meam: & portæ inferni non præualebunt aduersus eam. Et iterum: Rogavi pro te Petre, vt non deficiat fides tua. Præualuissent portæ inferni, & defecisset fides Petri; si falsum esset Euangelium, quod sequimur. Sed manet fides magni Pastoris in Ecclesia Romana: quæ nunquam inuenta est errasse, neque errabit in æternum. Magistra est enim, & mater omnium fidelium, & disciplina veritatis.

Caue Mahumetes, caue magne Princeps; ne sequaris errorem Porphyrij Siculi, qui tuz legi consona dicit. Is ex Christianismo ad idola transiens, ait se deos consuluisse, quid de Christo sentirent: & illos respondisse, bonum virum fuisse Christum: sed peccasse discipulos eius, qui diuinitatem ei attribuerant, quam sibi ipsi nunquam arrogasset. Hoc deorum testimonium est, hoc est, idolorum; quæ tu dæmonia esse non dubites. An non intelligis fraudem? an non vides tui Legiferi & dæmonum esse vnum argumentum, vnâ conclusionem, vnâ fallaciam: & Christo Diabolum inuidere, eiusque gloriæ & maiestati detrahere? cuius consilio atque suasu tua lex edita est, Euangelicæ atque Mosaicæ contraria. Dices pari modo, Christianam legem Mosaicæ aduersari: namque iussit Moyses plurima, quæ Christus vetat: cæ permittens, quæ ille vetuit. Nescis antiquæ legis arcana: quæ diu grauida fuit, nouam in vtero gerens: & cum statutum diuino consilio tempus venit, eam peperit. Vidit Ieremias per spiritum legem hanc nouam, cum ait: Ecce dies veniunt, dicit Dominus, & feriam domui Israel & domui Iuda fœdus nouum; non secundum pactum, quod pepigi cum patribus eorum. Sed hoc erit pactum, quod feriam cum domo Israel: Post dies illos, dicit Dominus, dabo legem meam in visceribus eorum: & in cordibus eorum scribam eam: & ero eis in Deum. Nouum fœdus, inquit: quia baptisimus circumcissioni successit: & legem, inquit, scribam in corde eorum: quia vetus lex in tabulis lapideis scripta fuit; noua per caritatem in corde hominum radicata. Et ero eis in Deum: quia nouæ legis auctor & promulgator Christus, Deus & homo est. Antiqua per Moysen innotuit, tantum hominem: & adueniente perfecto, euacuatum est imperfectum: nec amplius in præputio nobiscum Deus, sed in corde pascitur, dicente Apostolo: Si circumdamini, nihil prodest vobis. Nec vltius cæremoniarum legis habent locum. Venit, n. ille, de quo loquitur in Deuteronomio Moyses Propheta: De gente



gente tua suscitabit tibi Deus; ipsum sicut me audies. Et subditur: Ponam verba mea in ore eius: loqueturq; ad eos omnia verba, quæ præcepero illi. De Christo hæc Prophetia est: qui locutus est ex ore Dei: quod verum erat os suum. In cuius aduentu legalia & ceremoniæ defutura erant: sicut apud Matthæum scriptum est: Lex & Prophetæ usque ad Ioannem. Sacramenta enim, quæ veteres & Prophetæ observabant, adnuntiatiua erant venturi Christi: quæ in eius aduentu completa cessauerunt: & alia instituta sunt, virtute maiora, veritate meliora, actu faciliora, numero pauciora. Et sicut sacerdotium mutatum est, sub cuius administratione lex erat ita & legem mutari oportuit. Non est igitur aduersa veteri nova lex, quæ in eius ventre conclusa erat: & adueniente Christo, & Euangelij luce clarescente, patefacta; circumcissioni & alijs ceremonijs antiquitus observatis (sicut præfinitum erat) finem imposuit. Est autem Christiana lex tanto dignior, quam Iudaica: quanto nobilior est oraculum Dei, quam hominis. Cognoscis iam, nisi fallimur, veritatem & maiestatem nostræ legis: nec utilitatem ignoras: incipisq; de tua diffidere: & ardes desiderio disputandi: vellesq; latius cuncta discutere: sed obstat Legifer tuus, & inquirere verum prohibet, & interminatur; & clamat: Non est mea lex, quæ disputationi subijcienda sit: caue, ne quid loquaris: arma sunt in manu mea: dum mihi credis, multum imperij adeptus es. Qui non audiunt meam vocem, gladio conterendi sunt: ensis meæ legis dignitatem tuetur. In Arabia ortus eius fuit, ex paruo principio: quantum creuerit, vides. Ægyptum adieci meæ legi, & Syriam, & Mesopotamiam, & Libyam, & Indiam, & Mauritaniam, & partem Hispaniæ, & diuitem Asiam, & doctam Græciam, & sortem Thraciam, & nobilem Macedoniam: sunt & aliæ quam plurimæ regiones sub imperio meæ legis: quæ armis non verbis quæsitæ sunt. Muliebres est, verba verbis refellere: viri ferro decertant. Si non fuisset vera mea lex: non dedissent superi Imperio nostro, nec non dominationi nostræ tantos successus atq; prosperitates. Amat nos Deus: & legis odorem sentiens gratulatur: & sternit iter victorijs nostris. Scis quam feliciter sæpe in hostes pugnavisti; & modo in Ponto, & sæpe in Græcia. En fili, quid cogitas, quid moliris, tot triumphis sub mea lege illustratus? Christum persequeris; cuius cultores strauisti coties, & ad intercessionem usq; cæcidisti. Caue, ne meam linquens legem, relinquaris à Deo.

Credimus his te verbis non parum commoueri, & aliquem inesse in tua mente timorem. Sed audi, quam inanis est timor. Omnis qui malum facit (inquit in Euangelio Veritas) odit lucem. Fures domos noctu perfodiunt; & in obscuro adulteri latitant: non adhibent testes, qui peccant: nolunt deprehendi mendaces. Cum his sentit tuus Legifer: veretur, ne disputando suæ legis vanitates innotescant: vereor, ne pudenda sua detegantur. Prohibet disceptari verbis: armis defendi suam legem iubet: nec alium iudi-

Iudicem, quam ferrum, deposcit: multumque gloriatur de suæ legis incremento. Diximus cur creuerit; plebes voluptas allexit: neque inficiamur multas tuæ gentis victorias partas, & ingentia confecta bella: & tu ipse in præliis clarus euasisti: vidisti hostes non paucos, & triumphasti sæpe: fuisti tamen etiam aliquando victus: parua Christianorum manus tuas ingentes copias, ut ante diximus, apud confluentes Sauum & Danubium paucis ante annis deleuit. Non milites veterani, non duces in bellis ante probati; non viri nobiles armis potentes & equis: sed pauci cruce signati, ex agris collecti, inermes & nudi, fide tamen armati, ferro fulgentes & auro, tuos fuderunt exercitus. Quod si victoria veritatem legis ostendit: hoc vno prælio satis admonebare, in quo multi fugerunt paucos. Tuæ victoriæ nihil miraculi habent: ad quas nunquam sine grandi tuorum prærogatiua ventum est. Sed quid agimus? non his argumentationibus stat recta fides; Vici, fudi hostes, imperium teneo. Si sic licet arguere: vera fuit sub Alexandro Magno, tot victorijs illustrato, & sub eius successoribus religio: qui & in Græcia, & in Asia, & in Syria, & in Ægypto, & in Libya, & in Perside, & in Scythia, & in Indis regnauere; Imperio per arma quæsito: vera etiam Romanorum fides vsque ad prætorem Constantinum: qui orbem sibi ferro subiecerunt, & omnes domuere, quas adiere gentes. Scimus tamen & Alexandrum, & eius hæredes, & Romanos, & qui sub eis erant, Iudæis exceptis, idola coluisse: Alij Iouem; alij Martem; alij Mercurium; alij Solem & Lunam, & alia sidera: Multi etiam, ut Ægyptij, animalia bruta colebant. Quis nescit (inquit *vaux* ex Poetis.) Voluisti Bithynice, qualia demens Ægyptus portenta colat? Crocodilon adorat; &, quod stultius fuit, & allium, & porros, & expe inter nomina posuerunt. Præclaræ tamen Ægyptiorum victoriæ memorantur: sicut de Osiride proditum est, quod victu peragrauit orbem. Ergo & deos Ægyptiorum recipiemus, & veram eorum religionem fatebimur, quia vicerunt? Non sic ratio suadet: neq; sic Iudæi sensere; qui victi ab Assyrijs, & ab Antiocho, & à Romanis, & in seruitutem ducti; non tamen victorum leges de dijs acciperunt: sed victi & angariati, & mille modis oppressi, in sua lege manserunt. Nec nos Christiani, cum prælio superamur, aut alijs calamitatibus affligimur, legem nostram aut relinquimus aut accusamus: sed arbitramur pium Deum nos tanquam filios propter peccata, quæ committimus, verberare: quia non paremus Euangelio, non seruamus legem nostram: neq; manemus in traditione sanctorum patrum: sed victi fragilitate aberramus, & labimur ut homines: Ipse vero lapsos erigit, & plagis multis nostras iniquitates emendat: Cognoscimus errata nostra: & considerantes quæ fecimus, minorem esse poenam, quam delictum, non ignoramus. Si cadimus in bello, si amittimus regnum, si iugo seruitutis opprimimur: dicimus cum Davide Propheta: Deum esse in cælo, qui reuelat mysteria, mutat

tempora, & transfert regna: vt vniuersi cognoscant, quod dominatur in excelsis in regno hominum: & cui voluerit, dabit illud. Nouimus Deum & Iudæos & Christianos posse, cum velit, & voluisse aliquando alterius sæcæ hominibus subijcere, propter offensas populi, qui eum ad iracundiam prouocat: sed conuersi ad Deum, non desperamus misericordiam consequi. Quamuis enim irascitur Deus (inquit Propheta) non tamen obliuiscitur misereri. Pius est & benignus: nec deserit clamantes ad se. Absit autē, vt propter victoriam, meliorem esse credamus religionem victorum. Sic. n. fatendum esset, omnes, qui vicerunt Hebræos, melius de Deo sensisse, quam ipsi victi; quod neq; tu diceres. neq; tuus Legifer; qui defensionē suæ traditionis in armis collocat, & omne genus ratiocinationis effugit, maximū iniquitatis indicium. Non sic beatus Petrus: qui donatus à Christo Domino celestis regni clauibus, & pastor constitutus gregis Christiani; paratum se ait rationem omnib. reddere de ea, quæ erat in fide: nec aliter suos auditores eduxit. Et beatus Laurentius martyr: Mea vox (inquit) obscurū non habet: sed omnia in luce clarescunt. Et in Euangelio nō probat Dn. eum, qui lucernā accēdit, & sub modio ponit: sed super candelabrū eam esse vult, vt luceat omnib. qui sunt in domo: & prædicari verba sua super tecta iubet: & de se ipso dixit: Ego palam locutus sum in mundo. Deceptores & Pseudoprophetæ in angulis prædicant, & volunt occulta esse quæ dicunt, aut iuramenta taciturnitatis exigunt; sicut Romæ olim accidit in his, qui bacchanalia celebrabant. In occulto. n. Deo suo sacrificantes, nullum flagitium libidinis omittebant. Quod si alia non essent aduersus tuam legē iudicia, hoc vnum sufficere potuit: quia prohibuit eius lator in disputationē venire. Sciebat nō equa esse, neq; vera, quæ traderat: videbat veterem & nouā legem contra festare: intuebatur Philosophorū acutissimas rationes sibi aduersas esse: nec sperauit in cœtu hominū, aut in scholis virorum excellentium sua diliramenta posse defendi. Animaduertit homo sagax & ingeniosus in malo, gētiles, qui Deos colebant, damnatos esse, & iam propemodū exterminatos: nec Iudæis locum esse, quorum lex trāslata esset cum sacerdotio ad Christianos. Cumq; statuisset nouam legem, idemq; sibi nomē daret: sperauit, quod modo evenit, iratum Deum Christianis, qui suæ legis mandata transgrediebantur, aduersus transgressores victoriā concessurum: atq; idcirco suæ legis defensionē in armis collocauit: quam alioquin hominib. gratā propter licentiā voluptatum non ambigebat. Diaboli hoc fuit inuētum: antiquus hanc viā suæ nequitie serpens excogitauit: qui cum vidisset sese procul eijci; & Christiana religione augeſcente, idola deteri: nec amplius eorum multitudinē locum esse; sed vnum tantum Deum adorari cum Patre & Spiritu S. Iesum Christum: Heraclio imperante, Mahumetis spiritum excitauit: eumq; sibi ministrum elegit; hominē ritu prius Idololatram; fortuna pauperē; mente superbum

buminatione Arabem: qui consilio vsus quorundam Iudzorum & Christianorū peruersorum; inter quos fuit Sergius; spiritu ambitionis inflatus: legem terciā edidit. ex veteri & noua conflatam, multis ineptijs extrinsecus adiectis. Legem diximus; quia ipse legē vocat: nos blasphemiam rectius appellamus. Rugasti frontem; auertisti oculos; horruiisti; turbatus es; subiratus es, dum hæc dicimus: at si veritatis amicus es, audienda est veritas: neq; tuus Legisfer, si tibi amicus est, veritatem interdicet: quæ tanto magis amica est, quanto salubrior homini, ac ipsa natura conuenientior. Audi verū, & disce, quomodo sit appellanda lex. Legem dicunt esse Philosophi, quod ratione præcipitur: & sunt, qui nil aliud legem affirmant, quam rectam rationem, à diuino numine ductam. Quicquid igitur rationi aduersum est, legis nomine caret. At tuus Legisfer ratiocinari de sua lege prohibet, & solum arma illi suffragari vult. Non est igitur dicenda lex, nisi ex illis, quarum conditores apud Isaiam Dominus maledicit. Docet nos David cognoscere legem Domini, dum ea, quæ propria sunt, exponit. Attende, & videbis, an Mahumetea lex de cælo sit, & à numine tracta diuino, an aliunde. Lex Domini (inquit Propheta) immaculata, conuertens animas, testimonium Domini fidele, sapientiam præstans paruulis. Immaculata est lex Domini: quia mala quæque excludit: neque libidinem, neque turpitudinem vllam admittit. Sic apud eundem Prophetam: Eloquia Domini casta dicuntur: & apud Iobum legitur: Non inuenietis in ore meo iniquitatem: nec in faucibus meis stultitia personabit. Et Apostolus: Lex sancta (inquit) & mandatum sanctum, & iustum, & bonum. At quomodo Mahumetea lex immaculata; quæ stupra & adulteria, & omnes libidinum maculas ac sceditates admittit? Diceas, quia ieiunia quædam præcepit, & orationes, & eleemosynas. Non damnamus: hoc absit, vt ea mala dicamus: inuentorem eorum Mahumetem esse negamus: absque Mahumete sciebamur hæc esse bona. Ieiunauit Elias: ieiunauit Christus: orate, & frangere esurienti panem suum, & egenos & vagos in domum ducere, multo antiquius est, quam tuæ legis inuentum. Multi nos legislatores ad opera pietatis inuitarunt; verum adulterari, fornicari, seruire veniri, & in cœno voluptatum iacere, solus tuus Legisfer inter bona collocat: solus Mahumetes est, qui turpia docet, & flagitia præcipit: quamuis hæc tunc more vt facilius decipiat, bona simul & mala commiscet. At lex, quæ Domini dicitur (vt inquit Propheta) animas conuertit. Quo conuertit? Ad Deum: conuertit ad suum creatorem; ad summum bonum; ad vltimum finem. At lex Mahumetea non conuertit ad Deum: sed auertit ab eo. Dicite enim Dominus Deus: Estote sancti, quia ego sanctus sum. Mahumetes vero: Vxores (inquit) ducite & concubinas, quot placet: nam ego quadraginta virorum in meis lumbis vires habeo, & vxoribus atque ancillis permisceor plurimis.

Quid de testimonio fidei? Cum data est Moſi lex Domini in monte Sinai, fulgura & coruſcationes apparuerunt & ſigna de celo: quæ teſtimonium legi præbuerunt. Lex Chriſti miraculis admodum multis confirmata eſt, dicente ipſo: Si opera non feciſſem in eis, quæ nemo alius fecit: peccatū (ſcilicet infidelitatis) non haberent. Et propterea de veteri, quæ conuenit ad ſuum creatorē, ad ſummū bonū, & noua lege inquit Dauid: Teſtimonia tua credibilia facta ſunt nimis. Et in Euangelio Marci circa finem legimus: Illi profeſſi, prædicauerunt vbiq; Domino cooperante, & ſermonem confir-  
mante ſequentibus ſignis. At Mahumetis legem quæ ſigna, quæ miracula probant? Audiamus eum: Non ſum miſſus (inquit) niſi in virtute gladij: & qui non ſuſceperit meam prophetiam, occidatur; aut reddat tributum, præcium pro infidelitate ſua. Quid eſt hoc? nunquid manifeſte negat ſe miraculorum virtute carere, & ficta falſq; eſſe omnia ſigna demonſtrat, quæ tux legis Doctores in populis prædicant? Non habet igitur tua lex teſtimoniū, niſi in armis: ſed id nō eſt fidee, vt ante docuimus. Ad vltimū trāſeamus: & quo modo ſapientiā præſtet paruulis, id eſt populis, tua lex, animaduertamus. Sapia-  
entia (vt antiqui tradiderūt) diuinarū & humanarū rerū ſcientiā continet: eſtq; admodū ſapida & dulcis, dum amorē diuinitatis mentib. noſtris inſtil-  
lat: ppter quod inquit Pſalmographus: Quam dulcia faucib. eloquia tua ſu-  
per meſ ori meo! Tua lex neq; de Deo ſapit, neq; de celeſtib. neq; terrena ſa-  
tis intelligit: quæ putat ſuperis curæ nō eſſe. Magna olim & florida in Alexā-  
dria Philoſophorum ſchola fuit: & multi per Syriam & Aſiam viri doctiſſimi  
claruerunt: quorū nomina ad nos vſq; perueniunt. At poſtquā lex Maha-  
metæa curſum habuit: pauciſſimi nominantur, qui naturæ arcana perſcruta-  
ti, excellentes euaserint: quia non præſtat paruulis ſapientiā tuus Propheta,  
aut tua lex: cuius fundamentū voluptas eſt, & tux gla-  
dius. Inter nos vero liberaliū artiū ſtudia admodum florēt: legitur publice Philoſophia: auditur  
in ſcholis Theologia: nullū doctrinæ genus prætermittitur: gymnaſia litera-  
rū in plurib. Italix ciuitatib. clariffima reperiuntur: nec trans Alpes in Hiſpa-  
nia, in Gallia, in Germania, in Britannia, collegia deſunt virorū excellen-  
tiū, qui ſapientiā præſtant paruulis. Eſt. n. ingens Chriſtianorū cura, vt indo-  
cti erudiantur: & veritatē intelligant in noſtra lege; quæ nunquā mentita eſt,  
diuinitus comprehenſa. At Legiſer tu⁹ non modo mentitur: ſed leuiter; ſed  
indoct⁹; ſed imprudenter; ſed inſipide mentitur; ſibi ipſi ſæpe cōtrarius eſt:  
quæ admodū ſux legis inſpector plane intelliget: innumerabiles ſunt eius  
ineptiæ, & aniles fabulæ, & pueriles nugæ: de quib. libet hoc loco pauca refer-  
re, quæ de cæteris iudiciū præbeant. Exponens Mahumetes capitulū Alcora-  
ni, quod dicitur ſiliorum Iſrael; in hanc ſententiā loquitur: *Su lum ei, qui ſer-  
uum ſuum ab oratorio* (quod eſt Helcarata, ipſa eſt domus Meſche) *vſq; in orato-  
rium* (anctæ domus Ieruſalem nocte vna tranſtulit: circa quam benediximus Deum.

O vos homines audite & intelligite! cum abij à vobis, venit ad me Gabriel sero post Psalmodiam vespertinam, qua vltima est, & ait: O Mahumetes, iubet Deus, vt se ades. Cui respondi, Et vbi eum adeam? Et ait Gabriel, Vbi ipse est. Et iumentum illico adducit, magnitudinē inter asinum & mulum, Elberahil vocant, humana vocū capacem. Et vna non amplius hora iter egi annorum quinquaginta millium. Et ait Gabriel: Ascende animal, & ito ad sanctam domum. Ascendere volentem fugiebat iumentum: & iussu est stare, quia Mahumetes ascensurus esset. Nunquid accessitum est? inquit. Et respondente Gabriele, accessitum esse: Non finam, addidit: nisi pro me Deum rogaret. Obtuli preces Deo meo pro iumento: quod me infidente suavi ingressu inceffit: ponens ungulam pedis anterioris in horizonte sui visus: & minori spacio, quam ictus impletur oculi, ad sanctam domum perveni. Comes aderat Gabriel: qui duxit me ad domum sanctam in Ierusalem, & vicinam rupem, dixitque, Descende: quoniam ex rupe ad calum ascendes. Et colligato ituc iumenta, portavit me humeris suis in calum. Et cum applicuissimus ad calum mundi, & ad portam eius: pulsavit Gabriel: & quaesitum est, Quis esset? & respondit Gabriel, Ego sum: & iterum querenti, Quis tecum adest? respondit, Mahumetes: & subdidit ianitor: Nunquid vocatus? & ait Gabriel, Vocatus. Et aperta est porta: & vidi angelos: & his genua flectens, oravi pro eis. Et accepit me rursus Gabriel, & vexit ad secundum calum: & fuit distantia inter calum & calum, quantum est iter quingentorum annorum. Et sicut in primo calo, ita in hoc calo pulsatum extitit: & rursus pari solennitate ad septimum vsque calum processit, aquam calorum distantiam ponens.

Et ait, in septimo calo vidisse se angelorum populum: & longitudinem angelī cuiusque instar mundi fuisse, & aliquorum mille vicibus extensorem: & inter eos vnum invenisse, cui septiescentena mille millia essent capita, & in quolibet capite totidem ora, & in quolibet ore lingua totidem, qua septingenu mille millibus idiomatibus laudabant Deum. Et rursus alterum angelum ostendisse, qui fletet: & quaesivisse causam fletus: & cum ille dixisset, culpas esse: oravi pro eo. Et tum commendabat me Gabriel alij angelo, & ille alij: donec fui in conspectu Dei, & tribunali eius adhasi: tetigitque me manus sua Deus inter humeros: & frigiditas manus pervenit vsque ad medullas dorsi mei.

His nugis atque deliramentis implet Mahumetes aures populi. Sed audiamus alteram fabulam in libro, cui titulus est, De doctrina Mahumetis. Duo angeli nominantur Arathes & Marathes: quos ille asserit iussu Dei in terram descendisse; vt genus humanum regerent atque instruerent, tribus mandatis acceptis. Primum ne quousquam occiderent: alterum, ne quid iniuste decernerent: tertium, ne vinum biberent. Cum aliquandiu rexissent: & iam ex toto orbe ad eos iudicia devolverētur: mulier quædam decenti forma, & omnium pulcherrima, adversus maritum suum causam habens, iudicium ab eis petijt: atque vt faventes haberet iudices, vt apud se prandium habeant, multis precibus invitat. Non abnuunt angeli: para-

tur splendidum convivium: epulas & pocula mulier ipsa ministrat: apponuntur fercula multiplicitate, & cum his vinum. Quod cum angeli recusaret: instante sepius muliere, & multas obijciente blanditiis, tandem biberunt: & inebriati vino, in hospitam incaluerunt, eiusque concubitum postularunt. Spondet mulier ea conditione, ut alter eorum ei ascensum in cælum ostenderet, alter descensum: Placet conditio. Illa, ita ut didicit, mox ascendit in cælum relictis atque irrisus angelis: quam Deus recognitam inter sidera collocavit, cui Lucifer est nomen. Angeli ad iudiciū evocati, catenis ferreis in puteo profundissimo religati sunt, usque in diem iudicii permansuri: cū elegissent in hac potius vita, quam in altera, perire. Hæc est sapientia Mahumetis, quam docet parvulos: hæc eius Theologia: hæc doctrina divinitus revelata. Mira hominis audacia: ne dicamus stultitiam seu dementiam. Quot sunt in his fabulis deridenda somnia? Non obiurgamus iumentum verba, quando & sacræ literæ asinam locutam produnt, & gentiles bovem. Sed quid est, quod una hora iter quinquaginta millium annorum peragitur? Metire hæc & diligenter cogita, an corpori nondum glorificato id possit accidere. Quo ivit? ubi fuit? quid circumivit? Non adhuc cælum ascenderat, quibus in locis tantum spacij peragravit? nec iumentum eum tulit, quis tulit eum? unde venit? quomodo venit? nihil horum dixit. Quid peccaverat iumentum, ut precibus egeret, cui non est lex alia, nisi naturæ, & illi paret? quid ostiarius in cælo collocatus, rogamine Mahumetis egebat? an non satis felix erat? Fortassis altius cupiebat ascendere: tanquam non sit illic perfecta hominum beatitudo, & regnet adhuc ambitio. Distantiam cælorum ostendit: & sphaerarum quanta sit crassitudo demonstrat: quingentorum annorum iter ex cælo in cælum ponit, & parere omnium spissitudinem: quid hoc? quis credat gentilium fabulis? simile somnium est. Ajunt illi Dionysiodorum quendam Geometricæ scientiæ nobile in patria senectâ diem obiisse: propinquos funus ei duxisse, ad quos pertinebat hæreditas: hos consecutis diebus cū iusta peragerent, invenisse in sepulcro eius Epistolam, Dionysiodori nomine ad suos peros scriptam; quæ diceret eum à sepulcro ad infimam pervenisse terrâ esseque illuc usque quadraginta millia stadiorum. Nec defuerunt geometricæ (ut Plinius ait) qui interpretarentur, significare epistolam à medio terrarum orbe missam, quo deorsum à summo longissimum esset spacium, & ibidem pilæ medium: ex quo consecuta computatio est: quæ circuitum terræ, id est, totius pilæ ambitum ducenta quinquaginta quinque millia stadiorum pronuntiavit. Sed harmonica ratio, quæ cogit rerum naturam sibi ipsam congruere (eodem Plinio test.) addit huic mensuræ stadiorum septem millia. Eratosthenes huiusmodi rerum solertissimus indagator, universum terræ ambitum ducentorum quinquaginta duorum millium stadiorum: Hipparchus stadiorum paulo minus viginu quinque millia adiecit: reperiuntur & aliorum sententiæ

Sententia admodum dissona: neq; in hanc vsq; diem mortali cuiplam satis  
 exploratam credimus terræ mēsuram: cuius neq; Septentrionem neq; me-  
 ridiē versus cogniti fines sunt. At tunc Legifer maiora concepit animo: quā  
 tanquam cælum ascenderit, quingentorum annorum itinere distare cælum  
 à cælo prodidit: quoniam tanta esset crassitudo sphærarum. Hoc idem asse-  
 rit Rabbi Moyses Hebræus genere Philosophus, qui apud Egyptios claruit.  
 At Philosophi, quos nostri probant, non ita sentiunt: nec Ptolomæus Ale-  
 xādrinus, astronorum facile princeps, de crassitudine Lunaris sphære cū  
 tua lege concordat: in qua iter annorū sexaginta novem, & aliquorum mē-  
 sum ac dierū posuit: millibus passuū viginti quinq; seu stadijs ducētis pro  
 qualibet die computatis. Alij vero Astronomi, qui hæc diligenter indaga-  
 verunt, sphæram solis plus quam sexcentis vicibus superare Lunā tradide-  
 runt: rursusq; Martis sphæram, quamvis sole altior est, & longe maiorem  
 habet ambitum, spissitudinem tamen multis vicibus superari. Improbū hu-  
 manæ mentis ausum: verum ita subtili argumentatione comprehensum, ut  
 pudeat aliquos non credere: plurimi hæc incerta respuunt. Tuo legislatori  
 fortasse credendum fuerit: non quia illuc angelo bono deferente conscen-  
 derit: sed quia cum perverso ceciderit. Quid si hac de causa fidē expedit, cre-  
 dimus: alioquin cum scriptura sacra dicimus: Cælum sursum, & terrā deor-  
 sum, & cor Regis inscrutabile est. Sed alia percurramus: Angelos mundo se  
 maiores vidisse affirmat eisdemq; corporeos. Si mūdo maiores angeli sunt:  
 necessarium est, aliquā eorum partē extra mundum esse. At Philosophi mū-  
 di circumflexu omnia contineri dicunt, neq; quicquam exterius esse. Tunc  
 Legifer quādo aliquid solito pl' adbibit, sopori deditus, quicq; somniavit  
 p vero retulit: quo errore & angelos corporeos, & peccare, & egere venia, &  
 se rogasse p eis dixit. Simili somnolentia tactū se super humeros affirmavit  
 manu Dei, cui' gelu vsq; ad dorsi medullas penetravit: quæ omnia superius  
 cōfutata sunt. Quis illud patienter audiat, quod angeli Dei vino inebriati,  
 specie mulieris decepti, concubitu eius appetierint: quæ iter in cælum  
 edocta, ad conspectum magni Dei pervenit, & honorifice accepta, inter a-  
 stralocum obtinuerit: angeli pænas dederunt: atq; idcirco vinum homini  
 interdictum, quod tanti mali causa fuerit? Commemorat hæc tuus Legifer:  
 & tanquam expensu Dei recepta, hominibus inculcat. Vide, quam gravi-  
 ter, quam vere, quam perite loquitur! Poëtarum figmenta, quæ pueris le-  
 guntur, inter arcana legis inserit. Pueri nostri non sine risu audiunt, cum  
 rapta in cælum fæminæ referuntur, & in altra cōmutatæ, quæ Maior & Mi-  
 nor Vrsæ vocantur, Pigri circum sarraca Boëtæ Lucantes. Credimus, pro tua  
 sapientia te iam parvi facere, atque contemnere tuæ legis figmenta. Sed mi-  
 raris vehementer, quod in dies aliqui relicto dogmate Christiano ad rum  
 migrant: & afferentes unquam legem nostram, amplexi tuam, circum-  
 ciduntur,



ciduntur, & tuis Initiantur sacris: & qui Trinitatem prædicabant, nunc de-  
testantur: & qui Christum crucifixum colebant & laudabant, nunc deri-  
dent. Sunt qui hoc agunt, non dubitamus: sed quinam homines? Sane  
aut libidinis servi, aut ambitionis, & quibus nullus erat locus in nostra le-  
ge, spreti à nobis, & eiectionis tanquam vilia & inutilia mancipia ad te transi-  
erunt: nec tamen illos inextinguibilis conscientie vermis rodere cessat.  
Quod si posses eorum introspicere corda: intelligeres procul dubio, eos  
aut vitæ futuræ spem nullam habere, aut admodum esse anxios: quia fon-  
tem aquæ viæ reliquerunt Christum Iesum: & nesciunt, quo pacto rede-  
ant, maius suum peccatum existimantes, quam Dei misericordiam. Sed  
quid miraris, si ad opes consequendas, ad voluptates exhauriendas, non-  
nulli tuæ legi sese subijciunt? Non est hoc novum, nec dignum admirati-  
one. Idem quoque & Saraceni faciunt, qui sæpe ad nos migrant. Illud est  
mirabilius, illud stupendum, illud magnopere celebrandum: quod tot mil-  
lia Philosophorum Christiano insignita nomine sub tuo imperio degunt,  
gravia tributa pendunt, nunc liberis privantur: nunc coniugibus oppri-  
muntur; dulcissima servitute lacerantur: vexantur mille modis: nec tamen  
Christianæ legi renunciant. Quod si tuam acciperent: nullius ferrent  
impetum: mitius ferrent imperium: fierent liberi: honores & opes spera-  
re possent.

Sed malunt tolerare servitutis iugum, & in squalore ac miseria vi-  
vere, quam Christum negare. Hoc stupendum est & divinum opus, &  
quod te præcipue movere debet: non quod pauci à nostra lege aberrant,  
sed quod tam multi in ea perseverant: & quod tanta sit vel in adversis con-  
stantia, miraculum est. Facit hoc bonitas legis, & securitas æternæ vitæ:  
quam nemo sapiens præsentis postposuit. Quid tu hic dicas? quid contra  
hiscere aut mutire poteris? Vera est Christiana lex, ex vtero recepta Mo-  
saicæ, ex prophetis, ex divinis oraculis: Deus auctor eius est: filius Dei eam  
tradidit: ex ore Dei manifestata est: pura est, & nitida, & immaculata, & san-  
cta, perfecta ex omni parte: nullam habet rugam, nusquam deficit: nus-  
quam claudicat: in ea qui quærit, invenit: qui petit, accipit: & pulsanti a-  
perietur: Ipsa est fons clementiæ: iustitiæ culmen: pietatis specu-  
lum: mansuetudinis & misericordiæ plena: pro ea martyres innumerabiles  
sunt occisi: senes, invenes, pueri, matronæ, virgines, viduæ, innuptæ puel-  
læ, crudelia carnificum non ex pavore tormenta: scientes, beatos esse mor-  
tuos, qui moriuntur in Domino. Præterimus signa & prodigia, quæ cer-  
titudinem Christianæ legis ostendant. Quis viros commemorare queat  
ex Christiano genere: divini & humani iuris excellentissimos professores,  
vere mundi lumina, scientiæ fontes, qui usque ad mortem in fide Christi  
perseverantes, præclare volumina ediderunt, quæ tanquam sidera quædam  
doctrinæ

doctrinæ humanas mentes illustrant. Et quænam vlllo in loco, lex est, quæ alterum habeat Augustinum, alterum Hieronymum, alterum Ambrosium, alterum Gregorium? Et (ne Græcos prætereamus) quæ religio virum vnquam habuit, qui Origeni comparari possit, quamvis hic in plerisque locis erravit? Quis Ioanni Chrysostomo æquabitur? Quis magno Basilio? Quis Cyrillo? Quis Eusebio? Quis Gregorio Nazianzeno? Nō sufficeret dies, si numerare pergitur illustres nostræ legis doctores, siue vivos, siue mortuos: quamvis non sint mortui: sed nunc maxime viuunt, & tãquam stellæ in firmamento lucent, qui fidem sacratissimæ Trinitatis elucidarunt. Quod dicemus de religiosis domibus, in quibus angelica ducitur vita, & pro peccatoribus assidue effunduntur preces Domino: nec vnquam cessant divinæ laudes ac Psalmodiæ. Benedictus Nursiensis apud nos multorum monachorum doctor & pater extitit: apud Græcos magnus Basilius. Secuti sunt Bernardus abbas Clarævallis, & Bruno, qui Carthusiam instituit. Quotidie sanctorum virorum apud nos augetur numerus: ædificantur nova monasteria: & sancta renovantur instituta. Quod fructus edidit Seraphicus Franciscus, eximius paupertatis amator, in Vmbria (quæ pars est Italiæ) natus? quod cum discipuli secuti sunt? quot sub eius regula viri sanctissimi floruerunt? Antonius Pataviacensis, miraculis clarus: Bernardinus Senensis in Aquila, quem nostra ætas quasi alterum Paulum prædicantem audit. Nicolai Lyranæ extant opera, quæ omnes admirantur: Dominicus in extremis Hispaniæ natus oris, quasi altus vesper emicuit, qui novum quandam sanctum & nitidum vivendi morem suis auditoribus tradidit, & Prædicatorum instituta regula vniversum illustravit orbem. Multi ex discipulis etus clarissimi evaserunt: sed præcipua est Magni Alberti fama: qui nulum doctrinæ genus ignorasse creditus est: nec minor eo Thomas Aquinas fuit in literis, etsi maior extitit in sanctitate. Claruit & meo seculo sub eadem regula Vincētius Hispanus, quem noster antecessor inter sanctos Christi confessores retulit: & in ordine divi Augustini Nicolaus Tholentinus, paulo ante inter cælestia reclusus sanctorum agmina. Nova indices prole reflorescit nostra religio: quod si non de sunt peccatores, divinam provocantes maiestatem: non de sunt etiam conciliatores viri sancti Deo accepti, & virgines immaculatæ, precibus assiduis divinam iram avertentes. Nec timeamus ruinam, tantis adiuti patrocinijs.

Tu ergo, Princeps nobilis, qui non es rationis incapax, neque ingenij obtusi, collige quæ diximus, & conserva in mente tua: & consule tibi, & tuæ genti: & noli esse incredulus, sed fidelis: relinque tenebras, & lucem sequere. Intelligis, quo pede claudicat tua lex, & quantis scateat erroribus, & quam procul à veritate recedit, & quod non est in ea salus, & novæ, & antiquæ legis inimica. Intelligis, quam solida est Evangelica doctrina, quam ve-

pp ra: quam

ra: quam sancta, quam munda & immaculata: & quod ea tantum iter in cælum ostendit, & non alia. Intelligis, si verba uostra memoria tenes, quod Trinitas in vnitate, & vnititas in trinitate colenda est: neque altera contradicit alteri. Intelligis, quonam modo Pater sibi Filium æqualem genuit, & quomodo à Patre & Filio sanctus procedit Spiritus, qui est caritas & amor, & simul colendus est, & Deus est: & quod Filius pro nostra salu-  
 Incarnatus est, mortem tulit, & spoliato inferno, tertia die resurgens: quadraginta diebus cum discipulis suis conversatus: ascendit in cælum, sedetque ad dexteram patris: venturus in fine seculi, iudicare vivos & mortuos. Quo facto, mali perpetuo pœnam ignis subibunt: boni æternam beatitudinem consequentur: non in carnalibus desiderijs, aut impudici-  
 tijs: non in cubilibus: sed in dulcedine mentis, & in caritate Christi, quæ superat omnem sensum.

Ante omnia vero monstratum est, non posse te assequi inter Christianos gloriam & potentatum, quem videris optare, maxime apud Europæos & Occidentales populos, dum tua in secta perseveraris. Quod si velis Christianis initiari sacris: magnam tibi spem fecimus & potentiam, & gloriam. Memento igitur verborum nostrorum, & accipe fidele consilium: sume baptismum Christi, & lavacrum Spiritus sancti: amplectere sacro-  
 sanctum Evangelium & illi te totum committe. Sic tuam animam lucrificies: sic Turcarum populo bene consules: sic tuæ cogitationes adimpleri poterunt: sic tuum nomen in secula celebrabitur: sic te omnis Græcia, omnis Italia, omnis Europa demirabitur: sic Latinæ te literæ, sic Græcæ, sic Hebraicæ, sic Arabicæ, sic omnes barbaræ celebrabunt: sic nulla ætas de tuis laudibus conticescet: sic pacis auctor & fundator quietis appellaberis: sic te Turcæ animarum suarum reparatorem, & Christiani suæ vitæ conservatorem vocabunt: Syrij, Egypti, Libyci, Arabes. & quæcunque sunt aliæ gentes extra CHRISTI caulas, aut his auditis, tuam viam sequentur; aut tuis & Christianis armis parvo negotio domabuntur: & si noluerint in nostra lege te socium habere, experientur dominum in sua: nos te iuvabimus, & omnium eorum, assistente divina gratia, legitimum Principem constituemus. Hæc sunt, quæ tibi cum baptismo præmia promittuntur: his te bonis divina pietas procul dubio cumulabit obsequen-  
 tem Evangelio. Quod si respueris consilia nostra: peribit tanquam fumus gloria tua: & tu more hominum reversus in cinerem, totus morieris, Christus regnabit in æternum: cui est  
 honor & gloria in seculorum secula.

Amen.

EXPEDITIO

# EXPEDITIO ASIATICA AD VERSVS TVRCAS ET SARACENOS IMP.

Friderici I. Cæsaris Augusti, ex Suevia oriundi.

Eiusdem Epistola ad Luipaldum ducem Austriæ.

Sibyllæ Reginæ Hierosolymorum Epistola, ad Imperat.  
Frid. I.

Theodovaldæ Episcopi Bathauen. Epistola ad Austriacum  
Ducem Luipaldum.

*Tageno Decanus Bathaven. qui huic expeditioni interfuit, scripsit: Ioannes  
Aventinus Richobergomi invenit, & publicandam curavit.*



Nno Christi M CL XXXIX. Fridericus Imperator, Ratisbonam intrauit, ibi cum XVII. episcopis & omnibus principibus maximè concilium celebravit, totam quadragesimam & pascha ibi mansit. Post paschæ dies transactos, quod evenerat 5. Id. Apr. ex Ratisbona movit: navali itinere Bathaviam descendit, cum eo filius eius Fridericus dux Alemanniz, Bertholdus dux Meranie ex Bavaria de castro Andechs natus, Hermannus marchio Badensis, Episcopi, Herbipolensis, Monasteriensis, Dietpoldus Bathavenensis, Osseburgensis, Missenenensis, cum multis regni comitibus, cum magna multitudine populi, per Vngariam & Græciam iter suum direxerunt. In prima die rogationū, hoc est, in Idib. Maij Episcopus Bathaven. Dietpoldus cum quibusdam fratribus suis canonicis, huic viæ ac labori Imperatoris strenuè se coniunxit. Eodem anno misit Dominus Episcopus iam dictus literas de Græcia, quarum exemplum hoc est.

Dietpoldus Dei gratia Bathaven. Ecclesiæ humilis minister, dilecto amico suo Luipaldo Illustri duci Austriæ salutem & syncerum amorem. Sicut jucunda & dulcia cordis nostri vobis desideramus communicare, sic ea quæ minus prosperè exercitui nostro successerunt, industriæ vestræ duximus significanda. Scire itaque velitis, quod 4. Cal. Iunij Bulgariam intravimus, maximas à Bulgaris sustinuimus adversitates, multos ex nostris iaculis sauciarunt, nos quoscunq; ex illis depræhendimus, laqueo suspendimus. 10. Cal. August. venimus ad civitatem Nisscam, ibi magnus Comes Serviz cum magno apparatu obviam nobis venit, quem Dominus Imper. honestè excepit, & multa cum eo pertractans honesta ei donaria dedit, sicut & ipse magna ab eo recepit, similiter omnes principes à prædicto comite vino, medone, & animalibus multum honorati fuerunt. Tertio Cale.

Pp 2 Aug.

Aug. inde transivimus ad primam clausuram, maximam ibi rerum iacturam sustinimus. Quidā honestus miles de Hals ibi occisus fuit, maior pars exercitus in illis partibus ægrotare cepit, quidā tertiana, alij quartana, quidam dissenteria laboraverunt. Prid. non. August. ad secundam clausuram venimus, quæ lapidibus, lignis, loci natura multum munita fuit, ibi magnam prædonum & latronum turbam collectam offendimus, sicut Dux Brundusij, qui nos fraudulenter præcesserat, ordinavit, illi societatem Ducis Sueviæ, qui primam tenebat aciem, multum molestaverunt. Deinde aciem nostram & Ducis Meraniæ, quæ media fuit, invadentes quosdam vulneraverunt, rebus eorum ex magna parte sublati. Circa horam vero vespertinam nos cum Duce Meraniæ extremos societatis custodientes, vix cū 12. loricis processimus, sed subito duo filij comitis eiusdē provincie cum 100. socijs nos viriliter & audacter invaserunt, nobiscum diu iaculis & gladijs pugnaverunt, & nos DEO auxiliante ipsos in fugam vertimus, ita ut plus quam 40. vulnerati in abditis latitarent, & nos ex eis 24. ad caudas equorum ligatos ad castra nostra traximus, & eos ibidē pedibus suspēdimus. 7. Apud Straliten 3. Id. Aug. nullū fere hominē invenimus; Præcepto Ducis Brundusij hominēs illius provincie montana conscenderant, & victualia secum detulerant, ibi exercitus noster propter penuriam vini valde cœpit debilitari. XVII. Cal. Sept. ad tertiam clausuram devenimus, quæ ita munita fuit, ut difficilem nobis minaretur transitum, nihil adversitatis iniunctum nobis est, exploratores Ducis Sueviæ plus quam 500. armatos Græcos ibi viderant, Græci visis Imperatoris nostri militibus & Ducis Suevorum filij ipsius, continuo in fugam versi sunt, in illo loco debilitas exercitus ex nimia abundantia panis, vini, novorum fructuum, optime recreata fuit, ibi societas Domini Imperatoris nobis iuncta fuit. Apud Circuicem quidam comes Ungariæ nomine Lectophorus, qui in legatione Domini Imperatoris Constantinopolim præcesserat, cum legato regis Græcorum, ad nos reversus est. 12. Cal. Sept. rex Græcorū superbe & arroganter, angelū Dei & originē nostræ fidei, & Romanū Imperatorē se nominans, Domino nostro Imperatori gratiam suam mandavit, dicens relatione regum Franciæ & Angliæ, & Ducis Brundusij se accepisse, quod noster Dominus ea intentione Græciam intrasset, ut extirpatis & extinctis Græcis, regnum illud in potestatem filij sui Ducis Sueviæ transfunderet.

Præterea dixit Græcorum rex amicitiam, quam inter Dominum Imperatorem & magnum Comitem conflata audierit, sibi valde gravem & suspectam esse: addidit deinde, si Fridericus Imperator noster obfides pro voluntate Græci, de exercitu mitteret, transitum per brachium sine sinum sancti Georgij daturum, sicut iuratum fuit, & forum concessurū, ultimā

vlumò Græci postulabant medietatem terræ Saraccenorum, quam noster exercitus caperet. Iſtis auditis Dominus Imperator & Princeps tamen commoti erant, tamen pro tempore & loco blande & ſapienter reſponderunt dicentes:

Quando nuncios ſuos rehaberent, qui rebus ſpoliati eo tempore ad inſultationem & deriſionem nunciorum Saladini turpiter & inhumane tractati ſqualoribus carcerum mancipati Conſtantinopoli cruciantur, ſe ſecundum honorem Dei & imperij ad voluntatem Græcæ regis benignos poſſe inveniri. 9. Inde procedimus, & 8. Cal. Sept. ad civitatem Philopopolim venimus, vacuâ hominibus, ſed plenam vino & frumento, alijsque divitijs. Eadem tempeſtate 4. Cal. Sept. frater regis Græcorum cum magno exercitu ad ſex miliaria à nobis conſedit. Ad hunc noſtri quadam die minus provide accedentes, tamen in fugam Græcos verterunt, ita vt in poſterum his regionibus & locis nunquâ amplius Græci apparerent.

Poſtea rex Græcorum & frater eius cum exercitu ſemper nobis inſeſti nos circumvenire tentabant, diu nos detinuerunt, tamen per gratiam Dei multo labore, multoque ingenio, nuncios noſtros ſeminudos recipimus, & tunc primum rex Græcus, nobis tranſitum hyemali tempore promiſit, ſi obſides, ei daremus, vt pax terræ obſervaretur, & alia, ſicut apud Nurnberg iuratum fuerat. Dominus Imperator videns hæc omnia fraudulenter fieri, nequaquam acquieſcere voluit, eo quod nuncij ſui valde inhumane & inh oneste tractati fuerant, & nulla ratione ſe & exercitum ſanctæ peregrinationis, iniquis Græcorum iuramentis committere voluit, & ſicut prius humiliter, vt reciperet nuncios ſuos, locutus fuit, ita receptis nuncijs imperiali more dixit, Si rex Græcorum filium ſuum & fratrem ſuum, & avunculum ſuum, in quo conſilium ſuum & totius Græciæ pendet, & cancellarium & Marſcicum, & dapiferum ſuum, nobis obſides dabit, vt cum pace & ſecuritate, & bono foro per terram & brachium atque mare ſancti Georgij tranſitum præbere velit. Ipſe viciffim, quosunque de exercitu noſtro elegerit, iurare faciam, nos nulla mala intentione nec regni ambitione Græciam adiſſe. Quid ad hoc rex Græcorum reſponſurus ſit, adhuc ignoramus.

Quantum vero gaudium ea die qua nuncios noſtros recepimus, apud nos fuerit, vobis vix explicare poſſumus, plus quam 3000. electiſſimorum militum cum lanceis & ſcutis, equos in gyrum vertentes crebro, ſex pene miliaria noſtris nuncijs occurrerunt, ita vt Cancellarius Græcorum, & alij Græcorum optimates multum terrerentur, timebant ſibi inſidias paratas fuiſſe.

Quod cum audisset dux Sueviæ & alij proceres, statim depositis sentis, Græcos benignè exceperunt, dicebant, talem esse consuetudinem Teutonicorum, & factum fuisse ad lætitiā & honorem excipiendorum & gloriā Græcorum. Deinde nuncijs Græcorum in hospitij collocatis, nuncij nostri ad Imperatorem vsque, magno tripudio deducuntur, quibusdam cantantibus, Advenistis desiderabiles, & etiam quibusdam clamantibus *Hutte ist herre din tach*, Dominus vero Imperator de domo sua exiens, in amplexus Episcopi & Comitis irruit, cū multis lachrymis eos suscepit, dicens: Gratias ago Deo, quia filij mei mortui fuerunt & revixerunt, perierant & inventi sunt. Sequenti verò die Episcopus lachrymabiliter ærumnas captivitatis suæ Principibus exposuit, ita quod & ipsi lachrymas commoverentur. Nuncij vero Græcorum legationem suam peregerunt, & Dominus Imperator, sicut supra dictum est, breviter eis respondit, se nihil aliud velle, quàm supradictos obsides. Quamobrem Græci valdè perturbati & pavesciti fuerunt.

Quia autem rex Græcorum in literis, quas ter Domino Imperatori misit, nomen huius tacuit, nec ipsum Imperatorem vocavit, in præsentia Græcorum & nostrorum principum, Fridericus Imperiali fretus habitu & lingua dixit, Non possumus satis mirari, & indignum valdè gerimus, quod frater noster, nomen nostrum, quod multis regibus & principibus & provincijs notum est, (quod Fridericus est) in literis suis ponere non consuevit. Antecessor verò ipsius piæ recordationis Emanuel & quando inimici eramus, nomen nostrum expresse posuit in literis suis, nec in aliquo dignitatibus nostræ maiestatis derogavit, quod & nos vicissim erga eundem fecimus. Siquidem Carolus victoria felix præcessor noster divæ memorię, Monarchiam urbis Romę obtinuit, & plusquàm 500. annis sine interruptione, ad tempora nostra vsque derivata est, & nos auctore Deo & principū libera electione, celsitudine facti Romani imperij, iam fermè 38. annis potestativè gloriamur.

In vrbe enim Roma, quæ domina & caput orbis dicitur, coronam & imperium totius Christianitatis, de altari Beati Petri Apostolorum Principis accepimus, ab Hadriano Papa successore Petri solenniter vncti oleo exultationis præ participibus nostris sumus, & nomen nostrum celebre & gloriosum in ea habetur.

Hæc idcirco diximus, si forsitan Dominus vester nomen & dignitatem nostram ignorat. Nos de cætero (vt sciatis) literas eius non recipiemus, nisi solennitas nominis & maiestatis nostræ expresse in eis contineatur.

Nos enim eum suo nomine appellavimus, & appellamus: Dominus vester sanctum se appellat, mirabilis est sanctitas, quæ sanctos viros, honestos, religiosos, benignè vt pote fideles nuncios in oscula pacis exceptos,

in

In quorum ore non est inventum mendacium, nec iniquitas, subito confuevit incarcerare, & fame ac nuditate vsque ad mortem macerare. Longe faciatà nobis Deus talem sanctitatem. Istis auditis Græci recesserunt. Quid plura? tota Macedonia & Thracia vsque ad muros Constantinopolis nobis subiecta est, & ad voluntatem nostram servit, vrbes & castella in manu nostra sunt, nec est qui audeat audito nostro nomine mutire, Blachi nobiscum sunt; Armeni fideles nostri sunt, Dominus noster Imperator apud Philippopolim intendit hyemare, dux Sueuiz Verez, Exercitus in tres locos se recepit, Græci hæreticos nos appellant, clerici & monachi dictis & factis maxime nos persequuntur, bonis omnibus abundamus, commilitones nostri omnes adhuc sani & incolumes sunt. Tertio Cal. Oct. in maximo fetore fuerunt peregrini nostri, propter innumerabilia cadavera apud Philippopolim.

Nonis Novembrib. Dominus Imperator recessit à Philippopoli, & iuit Hadrianopolim qui apud Philippopolim remanserunt, in maxima abundantia rerum venalium esse cæperunt. Exercitus itaque Friderici plenus integer & salubris clementia Dei evasit perfidiam Græcorum, qui promissa non servarunt, velut speratum & promissum fuerat. Quod sanctas Imperator & princeps videntes, Nicopolim, Argonopolim, cæteras metropolitanas vrbes, fugatis civibus potenter ingressi sunt, debellatis quoque quibusdam castris, præcipue Demotege, quod fuit egregium castrum circumamaritima, innumerabiles civitates debellarunt, quousque coactus Græcus rex, 800. obsides dedit, Hadrianopoli Imperator Fridericus hyemavit, ynde has literas in Germaniam misit: Fridericus Dei gratia, Rom. Imp. & semper Augustus, dilecto consanguineo Luipoldo Duci Austriæ, gratiam suam & omne bonum. Significandum duximus D. T. quod frater noster Constantinopolitanus, iure nudatus fraterno, vniversa quæ à Cancellario suo apud Nurenberg. præsentibus imperij principib. de securo transitu, nostro foro atque concambio. noscuntur iurata, prima fronte infregit, insuper & legatos nostros, Monasterienssem Episcopum, Comitem Rupertum, Marquardum Camerarium nostrum, cum vniverso ipsorum comitatu, (quos viuificæ crucis pro pacifico transitu nostro & pace cõfirmãda destinaueramus) captivavit, atque ignominiose in carcerem detrusit. Tandem autem post multas legationes, in hyemis asperitatem, transitum nostrum dolose producens, prædictos legatos nostros, quasi rebus bene gestis in festo Simonis & Iudæ, nostræ remisit Excellentię, iterato forū bonū, & concambium consuetum, atque navium abundantiam nobis pollicens. Verum quid vstus timeturi: Verbis & iuramentis. Græcorum de cætero nullam possumus adhibere fidem, sed hyemalem declinantes inclementiam, Philippopoli atque Hadrianopoli tendimus hyemare; oportuno tempore.



tempore versus Constantinopolim transitori. Itaque quamvis copioso gaudeamus exercitu; in orationibus tamen ad divinum est recurrendum presidium. Eapropter tuam rogantes commonemus Dilectionem, quatenus orationibus pie devotionis studio nos unâ cum crucis exercitu velis commendare Deo. Ad hæc T. prudentiam rogamus, ut literas, quas Papæ dirigimus, ad ipsum tua industria & labore perveniant, quia per te competentius, quam per alium id poterit ordinari.

*Sibylla Regina Hierusalem hanc Epistolam Friderico Imper. mittit.*

Domino suo Venerabili atque Illustrissimo Friderico, Dei gratia Rom. Imp. victoriosissimo, atque sanctæ crucis triumphatori antecessissimo Sibylla Regina quondam Hierosolymitana, sua humilima, propter nomen Dei magnum humiliata, Parcere subiectis & debellare superbos. Ego humilima ancilla vestra ( ut præfata sum ) totius urbis dolorem, & sanctorum Christianorum opprobrium, C. V. maximæ Excellentie significare compellor. Imperator enim Constantinopolitanus, Ecclesiæ Dei persecutor, adversus nomen Domini nostri Iesu Christi, cum Saladino seductore, & sancti nominis extinctore coniurationem iniit. Hoc siquidem notum facio, quod sine lachrymis dicere nequeo; Saladinus hostis Christi præfatus Imperatori Græco, & sancti nominis persecutori, ad pravam concordiam & reconciliationem faciendam, multa munera terrenis valde placentia præmisit, ad necem & destructionem Christianorum nomen Dei exaltare volentium, 6000. mediorum farinæ intoxicatæ, adiunxit vas maximum vini, plenum toxico, ad malum efficacissimo, quod venenum cum ipse probare intendisset de mali efficacia, vocavit hominem, qui pixide aperta solo odore interfectus est. Aliud quoque cum catenis Domino meo dicere compellor: Quia præfatus Imperator, ad malorum cumulum & aggregationem destructionis Christianorum, nec triticum, nec alia necessaria ad victum Hierosolymorum, de terra sua transportari permittit. Vnde quoque triticum, quod ab ipso & alijs circumveniri potest, in civitate Constantinopolitana intercluditur. Tandem velut in fine lachrymosæ Epistolæ hoc vobis fideliter dico, quod huic latiori præsentium fidelissimo meo credere debetis, Ipse enim quæ proprijs oculis vidit, & auribus audivit, testatur. Inde est, quod M. V. rogo humiliato capite, usque ad Ogram & flexis genibus: ut nuncijs Imperatoris Græci (sicut caput mundi estis & murus pro domo Israel,) nunquam credatus. *Hincque Epistola Sibyllæ.*

Anno Christi. MCXC pars illa exercitus nostri quæ hyemaverat apud Philippopolim, secuta est Dominum Imp. Hadrianopolim versus, 18. Cal. Febr. convenit Constantiam ea die, quæ cantabatur, Circumdederunt me gemitus mortis, hoc est, 12. Cal. Febr. venit ad Imperatorem Hadrianopolim, 8. Id. Febr.

XVI. Cal.

XVI. Cal. Martij venit nuncius Imperatoris Græcorum, ferens finalem & præcisam pacis compositionem cum Domino nostro Imperatore. Tertiodecimo Cal. Mar. venerunt nuncij Soldani Turcorum & filij eius ad Dominum Imperatorem, apud Hadrianopolim morantem, bonam portantes legationem.

Sexto Cal. Mar. habuerunt peregrini nostri ventum intolerabilem & frigus asperissimum apud Hadrianopolim, inde tunc missi nuncij, qui explorarent securitatem transitus ad finem maris Sancti Georgij, Hellespontum antiqui vocant.

Terto Cal. Mar. venerunt Imperatori obsides Græcorum, quos postularat Fridericus Imperator.

Cal. Mar. dux Sueviæ exiit Hadrianopoli cum suo agmine, sequenti die Dominus Imp. cum suo exercitu. 4. Non. Mar. transierunt Rima flumen cum magno labore, & eo die cantabatur, Letare Hierusalem. 8. Id. Mar. audita sunt tonitrua horribilia, & imbres insolitos ruentes, fecerunt viam laboriosam hominibus & equis. 15. Cal. Apr. in die Palmarum fuimus in fletu & tristitia magna, quia equi penuria pabuli laborabant, in cæna Domini obijt Ainbicus de Haganaue, sepukus apud Abrusiam, inde venimus Callipolim ad traiectum freti. Græcus Imp. gratis navigium coactus misit, naves 1000. & 500. Galeas 27. misit. Septem diebus traducti sumus, per brachium Diui Georgij omnes incolumes vna cum Imperatore nostro, ne vnus quidem perijt. Inde legati Soldani Turcorum regis Iconium reversi. X. Cal. Apr. in Parasceue transfretavit finem dux Sueviæ primus cum suo agmine. VII. Cal. Apr. transiit Dominus Dietpoldus Episcopus Bathauensis & dux Meraniæ cum societate sua, & primas partes Romanæ intraverunt. V. Cal. Apr. quod erat quarta feria transiit Dominus Imp. post transitum omnium peregrinorum.

IV. Cal. Apr. relictis bigis & quadrigis iter cum sagmis adgressi sumus, & per duos dies valde laboriosam & penuriosam viam habuimus. Tertia die intrauimus vallem quandam, vbi homines vino & cibarijs, & equi gramine optime reficiebantur.

IV. non. Apr. transiuimus Digam fluvium, sequenti die Aneloniam fluvium cum magno labore, & rerum iactura, lutosam & vallosam viam habuimus. VII. Id. Apr. intravimus stratam, quæ venit de Constantinopoli, & Tragonium & Iconium tendit, tunc transituri per quædam deserta Romanæ præparavimus equis & hominibus necessaria ad septem dies. V. Id. Apr. intravimus vallem Ascaratanam, ibi exercitus ex maxime parte capit murmurare propter forum. XVIII. Cal. Maij. venimus ad castellum Coloniora, quod vacuum invenimus, inde Thyatyræ venimus, cuius fit mentio in Apocalypsi. XI. Cal. Maij, venimus Philadelphiam, inde quendam mon-

tem transivimus maximo labore. Equi ex maxima parte defecerant, & omnia nobis necessaria, præter panem, nobis consumpta erant. Inde minorem Tripolim venimus, inde Hierapolim, vbi passus sanctus Philippus Apostolus, venimus: Ipsa erat deserta à Turcis ob metum nostrum, ibi flumen, quod Meander minor vocabatur, traiecimus, & Turcorum ditionem intravimus qui omni humanitate & hilari vultu nos exceperunt, forum pro posse nostro exercitui administrarunt. Tunc accessimus ad campos Laodiceæ, quæ sita est in pedecuiusdam montis altissimi, ultra quem Ephesus est, bonum hic forum habuimus. Dicebatur rex Francorum Ludovicus ibi devictus fuisse à Turcis, & Dominus Otho Frisingensis Episcopus in expeditione Conradi Regis. Inde intrauimus desertissima loca Turciz, descendentes iuxta lacum salinarum in terra horrorem & saluginis: ibidem invenimus greges ouium, caprarum, agnorum, & hædorum, bouum, equorum, camelorum, asinorum, circiter 5000. Quæ omnia fuerunt agrestium Turcorum, qui in adventu nostro exterriti, relictis tentorijs & filitris, montana profugia ascenderant. Sed quia arbitrabamur Turcos nobis pacificos & amicos esse, nihil eorum quæ nobis desiderabilia & necessaria erant, attigimus. Nocte illa in capitelaci, nec gramen nec herbas, nec frondes invenimus. Sequenti mane invenerunt nos mille mala seculis inaudita. Nam Soldanus rex regionis illius misit non paucas copias contra nos. Turci equites & pedites sine intermissione quotidie nobis insidiando, more canum circulatando, iaculis & incurstationibus nos vexarunt fatigaruntque.

Cal. Maij, remisit Dominus indignationem, quæ peccatis nostris exigentibus valde super nos incanduerat, volens respirare populum suum. Dum enim prædicti Turci castra nostra quæ exieramus, mane intrarent, ut colligerent, quæ populus noster cum propter lassitudinē ferre nō poterat, dereliquerat, Imp. noster de industria fumum fieri præcepit, & Turci sicut obsecrati subito a nostris occupantur, 300. Turcorum occisi sunt, reliqui verò se in montanis continentes Susopolim vsque per valde laboriosam viam insecuti sunt.

VI. Non. Maij iterum persecutores crucis 300. fere à nostri interfecti sunt, & nos omnes in maximo rerum defectu fuimus.

V. Non. Maij, plus quam 30000. Turcorum in quadam arctissima clausura convenerant, per quam nos transitureamus. Vbi rex Græcorum Emanuel cum maximo exercitu à Turcis superatus fuerat, eodem modo nos delere volebant Turci, sed infatuavit Deus consilium Achitophel, quia Imp. noster spiritu Dei præmonitus, iussit exercitum transire per quandam altissimum montē, vbi plus quam mille equi perierunt. In mente habete omnes diem illum, in quo altum & laboriosum istum montem transivimus, in descensu montis, spaciosam terram, & maximam copiam gregum.

gum invenimus, sequenti die Turci circumvallarunt nos, & die ac nocte sagittis & incursionibus acriter infestauerunt.

Quarto Non. Maij, validissima fames cepit esse in exercitu, & nuncij Soldani recesserunt fraudulenter à nobis captiuato Gotefrido, tunc liquido cognovimus, quod gurú Soldani & amicitia sit versum nobis in scoriâ, & quod ipse & Turci & Græci in hoc conspirarint, ut fraudulenter nos, quoniâ vi non poterant, interimerent, sed de his omnibus eripuit nos Deus Omnipotens.

Non. Maij, Turci existimantes, nostros omnes inedia extabuisse, hora vespertina, castra nostra, fundis, iaculis, lanceis potenter invaserunt, sed exercitus viuis facta crucis incursitationibus. Turcorum viriliter occurrit, ita ut duo nostratum fugarent X. millia hostium, auctoribus duce Sueviz & duce Meraniz ex Bavaria, de castro Andechs. Sex fere millia Turcorum interfecta sunt, & nisi nox & montana Turcos salvassent, omnes Turci gladiis nostris periissent. VI. Id. Maij, audierunt nostri tubam Soldani & vexillum eius viderunt, sicut referebat Turcus captivus, qui nos ducebat. V. Id. Maij, omnis fortitudo Turcorum occurrit, montes & valles impleuerunt. Nostri timorem & fugam simulant, Turci illecti magnis clamoribus impetum in nos faciunt. Nostri subito se regyrantes, 200. occiderunt Turcos, & in monte circa civitatē Sirmâ plus quàm 50. III. Id. Maij, quæ erat Pentecoste, quies à Deo nobis data est. Sequenti die, id est Prid. Id. Maij, & feria secunda pentecostes, filij Soldani collectis trecentis millibus equitum, acies instruxerunt ut nobiscum dimicarent. Imperator noster primam aciem ordinat, & viriliter occurrit, Turcos in fugam vertit. Cuidam etiam religioso laico apparuit angelus hasta prosternens Turcos, in descensu itaque montis, unde primam aciem Turcorum fugerant nostri, acies Imperatoris plus quàm decem millia militum electissimorum Turcorum stravit, & alium montem (quem dicti filij Soldani cum copiosa multitudine Turcorum & regibus buccina occupaverant) Imp. lente ascendit, continuo Turci illi terga dant, & quia de nocta victoria, Deo hymnum non cantavimus, dignas solvimus pœnas. Nam post nimium laborem & calorem, & occasum solis, exercitus in deserto arenoso divisus, & pulverulosa nebula fuit, & sicut oves palantes inimicis circumgyrantibus hinc inde erravit, tandem signa exercitus repperit, & castra, absque gramine & aqua metati sunt, fama & labore viz nimium defatigati sumus, vsq; Iconium venimus, sequenti mane, hoc est, Idib. Maij, sicut præmortui itinerantes, aquam in prælucrib. locis invenimus, & in illis equi aliquantulum refocillati sunt, ibi magnus Melach Satrapa Soldani, misso legato, dixit si Imp. noster & exercitus darét 300. cetenarios auri & terram Armeniorum, velint Turci transitum concedere, & post tres dies forum exhibere. Imp. noster, ut solet, mansuete respondit, Non est imperij nostri & Christianorum & militie viuis facta crucis, via auro & argento emere, auxilio itaq;

Q 2 Domini

Domini nostri Iesu Christi cuius nos milites sumus, iter ferro est aperendum: Nuncius Turcorum igitur recedens dixit, si hac nocte non revertar, certi sitis, quod cras ante horam tertiam, Turci cum omnibus copijs vobiscum pugnabunt. Sed quia exercitus noster & equi confecti inedia & fame erant, cepimus valde tristari & mœsti esse. Deus tamen adiutor in tempore, qui mavult parcere, quam flagellare, inspiravit in corda Episcoporum & ipsi populum excitarunt, & hortati sunt ad implorandum Deum, & S. Georgium, qui cum sancto victore visus est aliquoties cum agminibus angelorum nos comitari & adiuvere. Laudibus igitur, hymnis, ieiunijs, multis suspirijs & lachrymis opera divinam imploravimus. Imperator itaque licet clam annebatur de castris crastinæ diei, quæ habere proposuit in ferali horto & viridario Soldani, dixit amicis suis: Si cras Deo iuvante prospere tentoria figere poterimus, maximum erit argumentum tranquillitatis futuræ.

Mane facta 16. Cal. Iun. audita sacra missa communione accepta, pedetentum, ita ut infirmi sustinere possent, processimus. Turci innumera- biles in modum lunæ corniculatæ nos circumdederunt, & clamoribus & incursitationibus non tamen multum nobis nocuerunt, ita simul absque detrimento ad castrorum locum perventum est, ex Turcis 30. occubuerunt. Ingressi itaque hortum regium, ubi castra locavimus, invenimus ibi abundantiam aquæ & graminis, nocte illa tonitrua & imbres insoliti nos vexarunt. Mane facta Imp. duas acies ordinat. Primam committit filio suo duci Sueviæ, secundam ipse gubernat, in medio sacerdotes, milites inermes, vulgusque cum sarcinis & impedimentis procedere iussit, edicitque ne quisquam de præda aliquid contingat, donec hostes strati, & Iconium civitas capta & subdita sit. Dum itaq; in procinctu sumus, legati Soldani & filij eius ad sunt, pacem petentes. Imperator respondit, si legatum meum, quem captivum detinetis, mihi reddideritis, & prudentes miseritis viros, qui id negotium componere sciant, pacem vobis, dominoque vestro dabo. Nuncij Turcorum his dictis ab Imperatore discedunt. Imperator post discessum nuntiorum, cum intelligeret omnia fraude agi & differri, iubet filium procedere, qui ut iussus à patre ad portam civitatis Iconiensis accedit, ibi occurrit Go- tefridus de captivitate liberatus, dixitque, Benedicite vos Domino, procedite confidenter, tradidit Dominus civitatem & terram hanc in manus vestras. Soldanus igitur cum 600000. dubium an fraude obuiam venit exercitui, visa prima acie, terga cum suis vertit, in castrum quod supereminet civitati, fugit, quo etiam confugerunt pene omnes cives, divites & pauperes, cum preciosa supellectile, auri, argenti, vestium, annonæ, equos, asinos, armenta, locis munitis includunt.

Dux itaque Sueviæ, usque ad portam castrum munitissimi persecutus fugien-

tes Turcos, civitatem enim Turcis velut vna acie intravit, omnes quos reperit, ferro occidit, pueros & mulieres. Interim acies Imperatoris, quæ extra portas civitatis adhuc longe fuit, hoc ignorabat, ipsa circumdata innumeris Turcorum copijs, & tanto impetu lassata, mortem imminentem expectabat. Episcopi & sacerdotes plurimi, stolis colla circumdederunt, quasi iam morituri, pari voto cupientes sanguinem pro Christo fundere, ita & milites parati fuerunt, pro Christo mori. In medio erat Imper. invictissimus, qui lachrymis suffusus dixit, si exercitus integer esset Antiochiæ, maxime meo periculo hoc vellem. Et cum hoc dixisset, cunctis lachrymantibus subiunxit, sed quid moramur? quid tristes sumus? Christus vincit, Christus regnat, Christus imperat: Hæc est merces militum Domini, taliter pervenitur ad regnum. Venite commilitones mei, qui regnum cælorum comparare sanguine vestro existis de terra vestra. Hæc dicens, licet multo esset defatigatus labore, animi tamen nobilitate maior Machabæo. Ipse primus in gyrum verso equo, cæteris audacter subsequenter irrui in hostes, nec mora, hostes terga vertunt, ne vnus quidem manum contra levat, decem ferè millia Turci amiserunt & nisi debilitas militum nostrorum obstitisset, castrum ea nocte fuisset expugnatum. Milites enim nostri per 40. dies incredibili & inaudita laborabant inedia & fame. Post victoriam Imp. cum exercitu civitatem ingreditur, magnificè à filio & socijs excipitur, ibi de præda fames nostra extincta est, inventæ sunt foveæ cum tritico & ordeo, aurum & argentum plus quam 1000000 marcarum, inventa in domo magni Meloch, thesaurus maximus, qui à Soldano cum filia illi dos datus erat.

Sequenti die 14. Cal. lun. gratias egimus Deo, Missa (Charitas Dei diffusa) & Epistola, in qua Iconij mentio fit, lecta est. Soldanus & filius eius & Almurati, licet castrum fortissimum retinerent, mittunt supplices legatos, pacem petunt, misericordiam implorant, ne malum pro malo reddatur orant, se omnem honorem exhibituros, & multam quam Imp. vellet, passuros se offerunt, ad mitigandum Imperatoris animum. At quia Imperatori non erat animus inducias dare, communicato consilio cum Principibus ita respondet: Soldanus Dominus vester iuxta amicitiam diu cum imperio nostro habitam, Legatos suos ad nos misit, & ad terram suam invitavit, securum iter & comeatum nobis pollicitus. Præterea alij nuncij, & filij sui nos Adrianopoli adierunt, longè plura prioribus offerentes, qui etiam nobiscum terram istam ingressi, viderunt nobis pro securitate viæ arcus tela, gladios, lanceas, omne genus armorum, crebras incursitationes, insolitos clamores exhiberi, pro bono foro magnus Meloch cum omnibus copijs, hostili animo, sicut aper nos circumdedit, & exarsit in nos, sicut ignis in spinis, & tamen in nomine Domini nostri Iesu Christi Romanus Imperator

rator aduocatus peculiaris terræ Palestinæ, hostes penetravit securus, & fugata multitudo hostium tradidit Deus ciuitatem. Sed quia Romanus Imperator, (cui semper adesse debent misericordia & veritas) nouit magis parcere quam ferire, pacem Dominis vestris damus, dummodo detis obsides ad arbitrium nostrum, & iter securum & comiectum per terram vestram. Talibus auditis nuncij, cum magno gaudio Soldano & filiis eius hæretulerunt. & breui postulata perfecerunt Turci, dati obsides decem Almurati, & alij decem magni Barones, quos nobiscum filios, senes, nobiles Antiochiam captiuos duximus.

X. Cal. Iunij, exercitu exijt Iconium, iuxta regium hortum, vbi prius castra locata sunt, ibi forum & caro ad sufficientiam erant, ibi inter equos & mulos plus quam 6000. exceptis asinis, vendita, exercitus satis refectus, carne, butyro, caseo.

VII. Cal. Iun. inde mouim<sup>9</sup> per spaciosissima & plana loca ad 40. fontes venimus. Sequenti die venim<sup>9</sup> ad quandā magnā & potabilē aquā, ibi agrestes Turci non penitus cessabant nostros persequi. Imperator obsidibus ait, si Turci vestri non cessabunt nos psequi, forūq; ex cōdicto non exhibebitur, capitalem subibitis pœnam. Pōst parū mali intulerunt nobis. Inde venimus ad magnam villam, vbi vineta multa fuerunt, & parum aquæ. Laborioso deinde itinere ad aliam villam Pyrgos nomine venimus, vbi bonum forum habuimus, quieuius vna die. Postera luce 3. Cal. Iun. venimus in ciuitatem Larandam, quæ diuidit Ciliciam, id est, Armeniam à Lycaonia, Iconium enim caput est Lycaoniæ. Nemo referre potest famem, sitim, perfidias, fraudes, insultationem, clamores, die nocteq; sine intermissione, quæ pertulit hilari animo Imp. & exercitus pro Christo. Dum igitur noster exercitus castra mouisset à Laranda, vbi vires aliquantulum receperat, ad quandam villam Armentorum venimus, vbi in campis cruces fixas vidimus, ingens gaudium oritur, Diu enim nihil quod ad decorem religionis Christianæ pertineret, videramus aut audiueramus, progressi inde montana ascendimus, vix solis obicibus peruia, maximo labore transiuimus, ibi regionem Turcorum reliquimus, obsides constanter ex cōdicto postulabant dimitti domum, sed frustra, arctiore inde custodia à nobis obseruati sunt. Dum itaq; summitatem asperrimi montis, cum supremo labore attigissemus, occurrit Imperatori princeps Sibilæ, vir potens & honoratus, cum omni deuotione Imp. excepit, & forum pro posse exhibuit. Est autem Sibilæ castrum munitissimum, & Marchia Christianorum, à crebris Turcorum insultibus per ipsum præfatum Principem defensatur, descendendo de monte castrametati sumus, iuxta quandam magnam aquam & inuadosam, vbi equi nostri gramine refecti sunt, deinde recepti in quodam campo, vbi plurimum graminis erat, duos dies quieuius, ibi inedia laboratum est, quidam equos vt prius, comedebant, principes & pro-

ceres tenues mentas per abrupta montium quasitas, habuerunt. Descendentes igitur iuxta prædictam aquam Selephica nomine, iuxta lapideum pontem castrametati sumus, Occurrerunt ibi nobis honorabiles nuncij Domini Leonis de montanis (quæ Armenia dicitur) 7. Id. Iun. & more gentis inclinati, præcipiendi, ordinandi, de populo, de terra, omnem potestatem Imp. offerunt. Imp. sex viros prudentes apud se retinuit, & consilio ipsorum vsus de itinere, audiuit ab eis valde difficilem & asperam viam restare. Pijsimus Imp. condolens vt pater peregrinis suis celeri iussit hoc, ne radio viz & penuria rerum opprimerentur tristitia, si tantos sibi imminere audirent labores. Indies enim læta, iucunda, boni fori exuberantia, nobis promittebantur, in contrarium tamen omnia cesserunt. Sequenti die 7. Id. Iun. maximo labore ad hospitium venimus, & exercitus propter incredibilem viz difficultatem, non seruata constitutione progressionum, nec expectatis principum & societatum vexillis, sine ordine ruit, vnusquisq; pro posse suo alius aliū anteire tentabat. Nocte illa maior pars exercitus, quædam altissimum montem in littore, præfatæ aquæ protensum transiit. obscuritas noctis impediuit, quod multum præruptæ semitæ pericula videri non poterant, quæ in die iter nostrum sequentes multum terruerant: hi in maximis angustiis fuerunt, ad lacrymasq; coacti sunt. Deferebantur Episcopi in lecticis obægritudines, & in angustiis semitarum prior equus, interdum posterior, domini & famuli miserabilem minabatur ruinam. Scutiferi dominos suos debiles per montem, illum portabant. In descensu montis herbarum reperta abundantia, prandium sumimus, aliquandiu quieui-  
mus. Imp. & qui cum illo erant, iuxta consilium incolarum vitarunt periculum montis, in aurora, in litore fluminis supradicti, non minori labore quam illi, qui per iuga montium descenderunt, Nam quidam Episcopi, principes, & potentes relictis equis in quibusdam locis, vbi aqua à dextris, præcipitium montis à sinistris, periculum exitiale minabantur, manibus & pedibus sicut quadrupedes reptabant, læto tamen animo amore Christi. Exercitus qui noctu præcesserat ea die, id est, 4. Id. Iun. in campis Seleuciz castrametatus est. Magna lætitia in campis Seleuciz conuenimus, iam enim omnia pericula euaseramus, sed gaudium nostrum in luctum maximum versum est. Nam 4. Id. Iun. qui erat tunc dies solis, circa vespæram, Seleuciz, subito Imp. obiit. Exercitus tristitia dissipatus est, maior pars exercitus ducem Sueuiz, filium Imperatoris, & alios principes, post luctum secuta est, milites sacramento adacti in verba filij Imperatoris iurarunt.

XVIII. Cal. Iul. Curcam venimus, ibi quidam naues ascenderunt, mareq; intrarunt. XIII. Cal. Iul. ad portam S. Simeonis venimus. XI. Cal. Iul. exercitus incolumis cum omni integritate Antiochiam intrauit, vbi ossa Imperatoris primū humata sunt à filio in tēplo ante arā SPetri. Antiochiz calamitas oppressit exercitum, subito cadebant, nec erat qui sepeliret,



Dietpoldus Bathavenſis Episcopus 3. Non. Novembris obiit, apud Accaron ſepultus eſt, ſex antea Canonici eius mortui, Burchardus liber de Chame Archipreſbyter, Vlricus præpoſitus de Ardachar, & Archipreſbyter, Marquardus præpoſitus de S. Andrea, Rudigerus de Ahaim, Chunradus Prior inter eos & major, Tangeno Decanus Bathavenſis, qui ſingula diligenter hæc ſcripſit & annotavit à prima egreſſione à Bathavia, quæ facta eſt 17. Kalendas Iunij, uſq; dum exercitus venit Antiochiam ſequenti anno 11. Kal. Iulij, & in Germaniam miſit, ipſe obiit apud Tripolim, ibiq; ſepultus eſt. Dietpoldus qui & Theodovalda ille Episcopus Bathavenſis Suevus fuit, à Berga oriundus, pater eius Theodovalda, mater Giſala ab Andechyſio Boiariz oriunda, Filia Bertholdi. Fratres eius Hildeticus Bergenſis regulus, Manegoldus Abbas Tigurinus, & Chremſminſter & itidem Episcopus Batauenſis, Otto Episcopus Fruſinienſis, Henricus Episcopus Viridoburgienſis.

FINIS.







52

13e

